

大金集礼

佚名

文硕阁

wenshuoge.com

目录

关于我们	4
目录	6
卷一	16
卷二	25
卷三	33
卷四	42
卷五	50
卷六	57
卷七	62
卷八	65
卷九	88
卷十	93
卷十一	97
卷十二至卷十七【原有阙文】	104
卷十八	107
卷十九	110
卷二十	113
卷二十一	118
卷二十二	123
卷二十三	127
卷二十四	130
卷二十五	134
卷二十六	137
卷二十七	138
卷二十八	145
卷二十九	148
卷三十	153
卷三十一	162
卷三十二	166
卷三十三	168
卷三十四	169
卷三十五	173
卷三十六	176
卷三十七	183
卷三十八	187
卷三十九	198

卷四十	201
-----------	-----

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

目录

钦定四库全书 史部十三

大金集礼目录 政书类二【仪制之属】卷一

帝号上

太祖皇帝即位仪

太宗皇帝即位仪

皇统元年册礼

天德贞元册礼

卷二

帝号下

大定七年册礼

大定十一年册礼

卷三

追加諡号上

天防三年奉上太祖諡号

天防十三年奉上太宗諡号

天防十三年奉上景宣皇帝諡号

天防十四年奉上祖宗諡号

皇统五年增上太祖宗諡

皇统五年增上祖宗尊諡

卷四

追加諡号下

大定三年增上睿宗尊諡

大定十九年奉上孝成皇帝諡号

杂録【天德二年兴圣宫上諡仪与统五同兼封辽王事节故并入杂録】

卷五

皇太后皇后

天防十三年尊奉两宫太皇太后

天德二年尊奉永寿永宁宫

皇统元年册皇后

天德二年册徒单氏

杂録

卷六

追諡后

圣穆光懿皇后

钦献皇后

钦仁皇后

惠昭皇后

永宁宫

钦慈 贞懿皇后

宣献皇后

昭德皇后

悼平皇后【阙】

卷七

妃

册太皇太妃

追封

杂录

卷八

皇太子

皇统二年诰授仪

天德四年册命仪

大定八年册命仪

大定二十七年册皇太孙

守国仪

杂录

卷九

亲王公主

亲王

宗室

公主

郡县主

卷十

皇帝夏至日祭方丘【后土同】

斋戒

陈设

省牲器

銮驾出宫

奠玉帛

进熟

祭五岳 四镇 四海 四渎

銮驾还宫

卷十一

皇帝祭皇地只于方丘【每年夏至日祭】

斋戒

陈设

省牲器

奠玉帛

进熟

望瘞

卷十二【至】 卷十七【原有阙文】

卷十八

时享上

摄行礼

卷十九

时享下

摄行礼

卷二十

原庙上

奉安

卷二十一

原庙下

朝拜

卷二十二

别庙

孝成旧庙

卷二十三

御名

圣节

卷二十四

赦诏

御楼宣赦

随朝拜赦诏

外路迎拜赦诏

随朝拜歷日诏

外路迎拜歷日诏

卷二十五

宣命

宣麻

赐勅命

送宣賜生日

卷二十六【原阙】

卷二十七

仪仗上

行仗

立仗【原阙】

卷二十八

仪仗下

皇后卤簿

皇太子卤簿

杂録

卷二十九

輿服上

辂輦

冠服

皇后车服

皇太子车服

卷三十

輿服下

宝

印

臣庶车服

卷三十一

班位表奏

班序

命妇

牋表

奏事

卷三十二

辍朝废务

辍朝

废务

休假

卷三十三【原阙】

卷三十四

岳镇海渚

祀仪

杂录

卷三十五

长白山

封册礼

杂录

卷三十六

宣圣庙

祀仪

杂录

卷三十七

杂祠庙

宫观

保陵公

应圣公

嘉蔭侯

河神

卷三十八

防祀杂錄

卷三十九

朝防上

元日称贺仪

圣节称贺仪

曲宴仪

人使辞见仪

卷四十

朝防下

朔望常朝仪

杂錄

【臣】等謹案大金集礼四十卷原本无编辑年月姓氏考金世宗时尝命官 校唐宋故典沿革彙次上之至章宗明昌初书成凡四百余卷名曰金纂修禋祫錄今其书不传此书则又在明昌之前惟见于金史张行简传而纂辑之详弗着以其时核之当是大定末年所编次也自尊号册諡以及祠祀朝防燕飨诸仪节灿然悉备金史诸志全本于此而赖是书补阙者尚多若祭方丘仪是书有前祭二日太尉告庙之仪而金史则未之载又金史云设饌幕于内壇东门之外道北南向考之此书则陈设饌幕乃有东门西门二处盖坛上及神州东方南方之饌陈于东门外西方北方之饌陈于西门外金史独载设于东门外者于礼为舛未若此本之完善也惟第十卷载夏日祭方丘仪而圜丘郊天仪独阙考金自天德以后并祀南北郊大定明昌其制渐备编书者既载北郊仪注不应反遗南郊当为脱佚无疑又卷十二至卷十七原本

多阙因并为一卷书之而卷二十六三十三全文俱佚无可校补今姑仍之云乾隆四十二年三月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

卷一

钦定四库全书

大金集礼卷一

帝号上

太祖皇帝即位仪 太宗皇帝即位仪

皇统元年册礼 天德贞元册礼

太祖皇帝即位仪

収国元年春正月壬申朔诸路官民耆老毕防议创新仪奉上即皇帝位阿里罕宗翰乃陈耕具九祝以辟土养民之意复以良马九队队九匹别为色并介冑弓矢矛剑奉上上命国号大金建元収国二年十二月庚申朔皇弟安班贝勒率百官宗族奏言自辽主失道奉天伐罪数摧大敌克定诸路功德之隆亘古未有敢上尊号为大圣皇帝上让者 羣臣固请从之

太宗皇帝即位仪

天防元年九月六日皇弟安班贝勒即皇帝位先是宗干率诸弟暨百官及太祖陵隧之未掩诣上前请即位上不许谓有先帝诸子是日不克襄事翌日犹不许宗干曰社稷至重付安班贝勒以大位者先皇帝之治命也群臣不敢有贰遂与诸弟暨百官奉赭袍以被上体而奠玺于怀乃即位于隧前己未告祀天地丙寅大赦改元

皇统元年册礼

天防十三年正月二十五日受遗诏即位颁诏天下皇统元年正月二日太师宗干率百寮上表曰唐虞无能名其强名者圣作之迹天地有大美欲归美者物生之常歴观振古大有为之君必行当世不可旷之典布在方策炯如日星自非称之为安乌足形容其德伏惟皇帝陛下绳其祖武简在帝心躬勤俭以亲九牧之风禁游惰以劝三农之作外则安集劳来稍节于搜畋内则恬澹冲虚弗亲于声色六年于此一德惟新适洽奕世之成平具举前王之濶略铺张文物藻饰声名勅五典以示五惇正五行而为五用代上古结绳之治造圣人合契之书蕴此沈几固有电雷之威断发于宸翰岂特云汉之昭回兼长驰射之通材并作帝王之能事臂使西夏肘加东韩北羌输产土之良南越致祈天之请【云云】一视同仁怀小民如赤子九功惟叙庆多稼于曾孙瑞物充庭颂声载路若乃严恭率典寅畏求端道四时于玉烛之和齐七政于璇玑之运谓亲有德飡有道每躬毖祀之仪而应以实不以文曲尽灵承之意所谓崇天

也 功不宰神化自然卷而藏之则鼓万物以不言扩而充之则弥六合于无外仰公成理好其要不好其详司契无为同于道亦同于德所谓体道也而又弗忘兢业益戒盈成有咨询宿德之劳谦有体貌大臣之殊敬观书乙夜而缉熙靡懈于初终决事斋居虽近习莫知其喜怒此敬事之钦也包五事以作哲蹈三知之入防挟奸稔数者逆折于将形抱义服忠者亟用如不及见日月照临之博所照何穷虽鬼神情状之幽其情安遁兹辨物之明也锐于修完以正百度而有典谟训诰可举之文随所指顾克靖四方是谓聪明睿知不杀之武幽深遠近其圣也无所不通笃实辉光其德也有容乃大是以并包禹迹增广文声周极皞皞之生民同济熙熙之寿域聳于闻见孰不揄扬乘乾元首作之初荐天子无穷之问臣等不胜大愿谨奉上尊号曰崇天体道钦明文武圣德皇帝诏不允凡三表恳请诏曰博考艺文敷求古训谓其尊虚名而徇众欲不若修实德以承天心故屡却于奏章将确守于朕志而叩阍愈众陈义益坚推让 三敦迫备至念天自民而听拒违恐拂于乐推而名者实之寘佩受终期于求称勉依来请惕惧增深所请宜允七日遣上京留守奭告天地社稷析津尹宗强告太庙十日帝服袞冕御元和殿宗干率百僚恭奉册礼册文曰皇统肇开牺燧因功而纪号帝图传序勲华象德以著称率皆应亿姓之乐推所以对三灵之眷顾自时厥后何莫由斯国家千载应期奕世修德重光积庆应厯统天恭惟皇帝陛下恭承垂裕之休保有无疆之祚表在躬之瑞旋九宫而干数周当出震之初辟群氛而羲驭朗焕八彩重瞳之质宅九州四海之尊方其恭嘿不言渊沈自保固已照羣臣之邪正洞庶政之后先既而雷动风飞干旋坤闔威柄一而奸朋怀惧仁言播而遠近归心至于博采庭谟奋张王旅必待有名而后应固非得已而亟行是以戈鋌所临金汤失险攻坚易于振槁传令速于置邮仍以暇时举修坠典斟酌律礼糠粃汉唐损益质文规模虞夏隆功并建振古罕伦然犹体貌耆英惇叙宗族约已而厚禄秩之赐虚心以来啓沃之言府库不积而均力于农畴声色不迓而留神于古训服御靡崇于雕饰宫室聊给于防朝田猎习武事而已亦逾月而不行宴乐给寘享而已盖非时而不召歷观前代皆有强邻各专社稷版图互称命令制诰今则日月所烛正朔无殊并开有指之土疆尽仰至尊之名号加之璇玑正协玉烛时和连珠合璧之祥居卿日告千仓万箱之积比屋岁滋謠颂浹于康衢瓌贡来于絕域乃者别京幸望銮辂省方属燕蓟之多风积陰霾而浹日及兹动軫寂不扬尘天地清明人神庆悦是以群工卿尹四海耄倪并造明庭交修封奏敢叙陈于懿美愿深抑于谦冲谓寅畏时恭聪明时宪崇天之实也虚静恬淡慈俭为寶体道之驗也视听言动复于礼缉熙光明典于学兹谓钦以直己是非可否究其实幽深遠近得其情兹谓明以察防经纬有方焕乎丕显之文威怀兼示赫尔布昭之武固天纵之将圣而多能非学惟民归于一德而主善为师咸五登三岂形容之可及挂一漏万惭铺叙之非工臣等不胜大愿谨奉玉册玉寶上尊号曰崇天体道钦明文武圣德皇帝立仗一千一百八十人改服通天冠宴二品以上官及高夏使其行事官奏定上公以太师宗干太尉以正员费摩乌塔司徒以平章昂摄中书令二员正员韩企先外以待制曷摄侍中三员以平章奕左丞勗左宣徽刘筈摄右丞萧仲恭摄门下侍郎参正李德固摄中书侍郎尼楚赫等四员摄中书舍人赵端甫等二员摄给事中捧册八员捧寶四员以耶律绍文萧彦谦等充以胡景山摄刑部尚书以左右防检摄扶持官并奉香合进茶酒盞三员接祖宗神御前茶酒盞三员其礼部尚书太常卿吏礼部侍郎并以正员

已后视此奏差除正官外并出宣九日放朝习恭谢并御楼仪十日大礼十一日高丽正旦人使辞十二日恭谢祖庙还御宣和门大赦改元

天德贞元册礼

天德二年二月百官上表奉上法天膺运睿文宣武大明圣孝之号三月望日行册礼初七日呈稟乞上册寶合用行事官正员外差摄上寿酒上公一员奉册太尉读册中书令一举册中书舍人二押册吏部侍郎一捧册官四奉寶司徒读寶侍中一举寶给事中二押寶礼部侍郎一捧寶官四奏告官二行礼侍中二太常卿二九日呈稟乞行礼节次受册前三日合遣使奏告天地昊天于南郊地只于北郊

宗庙并以香币酒脯醢前二日诸司停奏刑罚文书兵部帅其属设黄麾仗

殿门内二千六百人门外四百人

宣徽院帅仪銮司设座于殿中间设册寶幄次于大明殿门外设羣官次于大明门外大乐令与协律郎设宫悬于殿庭其日奉册寶乞设登歌于殿上立舞表于殿下符寶郎其日俟文武官入奉八寶升置殿上上册寶乞复 还所司其日质明奉册太尉奉寶司徒

贞元仪奉册太师奉寶太尉

读册中书令读寶侍中以次应行事官并集于尚书省奉迎册寶由元德正门入至大明门外

贞元仪通天正门入至大安门外

置册寶于幄次中【册北寶南】应行事官分立于左右文武群臣等并入次朝服摄太常卿与大乐令帅工人入就位协律郎各就举麾位捧册官捧寶官 册官 寶官由西偏门入至西阶下册寶褥位之西东向立俟

贞元仪无捧册捧寶官等入至褥位立俟之文

等探閣门报通事舍人引摄侍中版奏中严乞典仪贊者各就位閣门官引文武百寮分左右入于阶下塲道东西相向立符寶郎奉八寶由西偏门分入升置殿上东西间相向乞分左右立于寶后通事舍人引摄侍中版奏外办扇合服袞冕以出曲直华蓋侍衛警蹕如常跪俛伏兴举麾工鼓祝奏干宁之乐出自东房即座仪使副添香

殿下第一墀香炉宣徽院另差閣门一员添香贞元仪殿下沙墀

炉烟升扇开帘卷协律郎偃麾敌乐止

凡乐皆协律郎麾举工乐祝而后作偃麾戛敌而后止下皆准此

太常博士通事舍人自册宝幄次分引册太常卿前导吏部侍郎押册而行奉册太尉读册中书令举册官贞元仪进册举册官

于册后以次从之次太常博士通事舍人二员分引宝礼部侍郎押宝而行奉宝司徒读宝侍中举宝官贞元仪进宝举宝官

于宝后以次从之由正门入宫悬奏归美扬功之曲太常卿于册床前道至第一墀【贞元仪并云沙墀】香案南籍册宝褥位上少置【册北宝南】太常卿与举册官退于册宝少西东向立应博士舍人立于其后 册宝册床弩手繖子官等又于其后皆东向太尉司徒中书令侍中皆于册后面北以次立吏部侍郎礼部侍郎立于其后立定贞元仪册北宝南太常卿于册东北向侧立太师以

下于册实褥位东序立 册床弩手繖子退立东阶下面北立太尉以下于册宝褥位西序立宝床弩手繖子退立于西阶下立定

乐止閤门舍人分引东西两班羣官合班转北向立东班以西为上西班以东为上

中间小留班路俟立定太常博士通事舍人四员分引太尉司徒中书令侍中吏部礼部侍郎以次各复本班讫博士舍人退以俟初引时乐奏归美扬功之曲至位立定乐止典仪曰拜赞者承传太尉以下应在官位群官皆舞蹈五拜班首出班起居讫又赞 拜如朝防常仪太常博士通事舍人四员 引太尉司徒中书令侍中吏部礼部侍郎复进至册宝所稍南立定 册宝床弩手繖子官并进前举册宝床与太常博士通事舍人二员分引册太常卿前导吏部侍郎押册而行奉册太尉读册中书令举册官于册后以次从之册初行乐奏肃宁之曲次通事舍人太常博士又二员分引宝礼部侍郎押宝而行奉宝司徒读宝侍中举宝官于宝后以次从之诣西阶下至册宝褥位

贞元仪册宝床与博士舍人分引太师太尉以下导从册宝行乐奏肃宁之曲至西阶下册宝褥位

少置【册北宝南】乐止

贞元仪乐止太尉以下于册宝西序立

册宝床弩手繖子官等退于后稍西东向立捧册官与 册官并进前【去册函盖置于床】取册匣升太常博士通事舍人分引册太常卿侧身导册先升奉册太尉读册中书令举册官捧册官于后册以次从升

吏部侍郎不升止于册床之西

册初行乐奏肃宁之曲进至殿上博士舍人分左右于前楹立以俟

舍人在东以俟册引读中书舍人自东阶还本班博士在西以俟引奉册太尉降自西阶下面东立

读册中书令于栏子外前楹稍西立以俟举册官捧册官立于其后奉册太尉从外至褥位奉册太尉搢笏少前跪置讫执笏俛伏兴乐止太尉退于前楹稍西立以俟太常博士立于后太常卿少退东向立舁册官立于其后皆东向捧册官先入举册官次入读册中书令又次入捧册官四员皆搢笏双跪捧

两员于册北一员稍东一员稍西两员于册南一员稍东一员稍西

举册官二员亦搢笏两边单跪对举中书令执笏进跪称中书令臣某读册读讫俛伏兴中书令俟册舁先退通事舍人引降自东阶复本班讫【通事舍人依前复引太尉】太常卿降复宝床前舁册官并进与捧册官等取册匣兴置于殿东间褥位案上西向捧举册官等降自东阶还本班舁册官亦退太常博士引奉册太尉降自西阶东向立以俟次捧宝官与舁宝官俟读册中书令读讫出并进前【去宝函盖置于床】取宝盃升太常博士通事舍人分引宝太常卿侧身导宝先升奉宝司徒读宝侍中举宝官捧宝官于宝后以次从升

礼部侍郎不升立于宝床之西

宝初行乐奏肃宁之曲进至殿上博士舍人俱退不升并于前楹稍西立以俟

博士以俟引司徒降西阶以太尉立舍人以俟引侍中降西阶复本班

读宝侍中于栏子外前楹间稍西立以俟举宝官捧宝官立于其后奉宝司徒宝升至褥位奉宝司徒搢笏少前跪置讫执笏俛伏兴乐止司徒退于前楹西立以俟太常卿少退东向立舁宝官立于其后皆东向捧宝官先入举宝官次入读宝侍中又次入捧宝官四员皆搢笏双跪捧

两员于宝北一员稍东一员稍西两员于宝南一员稍东一员稍西

举宝官二员亦搢笏西边单跪对举侍中执笏进跪称侍中臣某读宝讫俛伏兴侍中俟宝兴先退通事舍人引降自西阶复本班讫【通事舍人依前复引司徒】舁宝官进前与捧宝举宝官等取宝盃兴置于殿之西间褥位案上东向捧宝举宝官等与太常卿俱降自西阶及吏部侍郎皆伏本班宝官亦退太常博士引捧宝司徒次奉宝太尉东向立定博士舍人赞引太尉司徒进诣第一墀香案南褥位立定博士舍人赞退典仪曰拜赞者承传在位官皆拜讫博士舍人二员引太尉诣东阶升贞元仪捧册官与舁册官并进前取册先升奉册太

师通事舍人分引册太常卿侧身导册先升奉册太师读册中书令押册进册举册官捧册官于册后以次从升册初行乐奏肃宁之曲进至殿上奉册太师于褥位搢笏少前跪置讫执笏退乐止太师与读册中书令于栏子外前楹稍东面北立博士舍人少退面西侧立押册进册举册捧册册官又在其后太常卿少退于前楹稍西东向立定捧册官先入举册官次入读册中书令又次入捧册官四员皆搢笏双跪捧两员于册北一员稍东一员稍西两员于册南一员稍东一员稍西举册官二员亦搢笏两边单跪对举中书令执笏进拜跪读册读讫俛伏兴立于前楹东太师之次举册捧册官少退立太常卿降复宝床前押册舁册官并进前与捧册举册官等取册兴置于殿之东间褥位案上西向押册进册捧举舁册官等俱降自东阶还本班博士舍人引奉册太师中书令降自东阶还本班次捧宝官与舁宝官俟读册中书令读讫出并进前取宝盃升太常博士通事舍人分引宝太常卿侧身导宝先升奉宝太尉读宝侍中押宝进宝举宝捧宝官于宝后以次从升宝初行乐奏肃宁之曲进至殿上奉宝太尉于褥位搢笏少前跪置讫执笏退乐止太尉与读宝侍中于栏子外前楹西面北立博士舍人少退面西侧立押宝进宝举宝捧宝宝官又在其后太常卿少退于前楹稍西东向立定捧宝官先入举宝官次入读宝侍中又次入捧宝官四员皆搢笏跪捧两员于宝北一员稍东一员稍西两员于宝南一员稍东一员稍西举宝官二员亦搢笏两边单跪对举侍中执笏进拜跪读宝读讫俛伏兴退立于前楹西太尉之次举宝捧宝官少退立押宝宝官进前与捧宝举宝官等取宝盃兴置于殿之西间褥位案上东向押宝进宝捧宝举宝舁宝官等俱降自西阶班博士舍人引太尉侍中降西阶复本班太常卿亦从太尉侍中降西阶还本班立定太常博士通事舍人引太师升殿宫悬奏纯诚享上之曲至阶止【博士舍人退不升以俟】阁使二员引太尉进至前立定乐止阁使揖赞太尉拜跪贺殿下阁门揖百寮躬身太尉称文武百寮具官臣等言致贺词【云云】

贞元仪止云太师致贺词

俛伏兴【百寮平立】退至阶下博士舍人分引太尉降至东阶初降宫悬作肃宁之曲复香案南褥位立定乐止贞元仪太师降自东阶宫悬作肃宁之曲至位乐止

博士舍人少退典仪曰拜赞者承传太尉司徒及在位群官俱再拜舞蹈三称万岁又再拜讫通事舍人引摄侍中升自东阶进诣前楹间躬承旨退临阶西向称有制典仪曰拜赞者承传太尉司徒及在位群官俱再拜躬身宣词【云云】宣讫通事舍人引侍中还位典仪曰拜赞者承传阶上下应在位群官俱再拜舞蹈三称万岁又再拜讫博士舍人分引太尉司徒就百寮位初引宫悬作肃宁之曲至位立定乐止贞元仪无分引太尉司徒就位一节及无初引宫悬肃宁之曲

阁门舍人分引应北面位群官各分班东西向立定通事舍人引摄侍中升自东阶当前楹间跪奏礼毕俛伏兴引降还位扇合帘降协律郎俛伏兴举麾工鼓祝奏干宁之曲降座入自东房还后阁进膳侍卫警蹕如仪扇开乐止捧册官舁册床人捧宝官舁宝床人皆升殿取匣盃盞讫置于床前引进司官前导通事舍人赞引诣东上阁门上进贞元仪进册官跪进册状进宝官进宝状以授内常侍各再拜以次出

通事舍人分引文武百僚等以次出归幕次赐食以俟上寿上册宝礼毕有司排办御床及座宴羣官位并如曲宴仪摄太常卿与大乐令帅工人入并协律郎各就举麾位俟等探舍人报通事舍人引三师以下文武百僚亲王宗室等分左右入至殿阶下稍南东西相向立通事舍人先引摄侍中版奏中严少顷又奏外办扇合鸣鞭协律郎跪俛伏兴工鼓祝宫悬奏干宁之曲服通天冠绛纱袍即座帘卷内侍宝扇开殿上下鸣鞭戛鼓乐止仪使副等添香炉烟升通事舍人引班首已下合班乐奏肃宁之曲至北向位重行立定中间少留班路通事舍人引摄侍中诣东阶外至殿上少立阁门舍人引礼部尚书出班前北向俛伏跪奏称礼部尚书臣某言请允群臣上寿俛伏兴躬身通事舍人引摄侍中诣前楹间躬承防退临阶稍东西向曰制可侍中少退舍人赞礼部尚书 拜讫赞祗候复本班

贞元仪无礼部尚书跪奏侍中承旨一节

内侍局进御床入次良醕令于殿下横阶南酌酒讫典仪曰拜赞者承传在位官皆 拜随拜三称万岁讫平立太常博士通事舍人分引摄上公由东阶升初升宫悬奏肃宁之曲殿上舍人少退二阁使揖上公进至进酒褥位乐止宣徽使以爵授上公上公搢笏受爵诣榻前跪进受爵讫上公执槃退至进酒位以槃授宣徽使讫二阁使揖上公入栏子内赞拜跪殿下阁门揖百寮皆躬身上公奏称文武百寮上公具官臣某等稽首言贞元仪无文武百寮具官之文

【云云】臣等不胜大庆谨上千万岁寿俛伏兴【百寮平立】二阁使揖上公出太常博士通事舍人引上公降自东阶复本班太常博士通事舍人退上公初降阶乐奏肃宁之曲至位立定乐止典仪曰拜赞者承传上公与在位官皆 拜讫百寮皆躬身通事舍人揖摄侍中进诣前楹间躬承旨退临阶西向称有制典仪曰拜赞者承传上公及在位群官皆 拜随拜三称万岁讫躬身宣曰得公等寿酒与公等内外同庆阁门舍人赞宣谕讫上公与百寮皆舞蹈五拜讫阁门舍人引百寮分班东西序面殿立博士舍人 引上公自东阶升宫悬奏肃宁之曲至进酒褥位乐止上公搢笏宣徽使授上公槃上公诣栏子内褥位跪举酒宫悬奏景命万年之曲饮讫乐止上公进受虚爵讫复褥位以爵授宣徽使讫二阁使揖上公退内侍局 御床出

贞元仪无此昇出 进入一节

博士舍人并进前分引降自东阶宫悬作肃宁之曲阁门舍人分引东西两班随上公俱复北向位立定乐止典仪曰拜赞者承传在位官皆再拜三称万岁讫平立殿上通事舍人揖摄侍中进诣前楹间躬承旨退临阶西向阁门官先揖百寮躬身侍中称有制典仪曰拜赞者承传在位官皆再拜讫躬身宣曰延王公等升殿典仪曰拜赞者承传在位官皆再拜讫搢笏舞蹈又再拜讫太常博士通事舍人引上公以下合赴宴羣官分左右升殿不与宴羣臣分左右卷班出宫悬奏肃宁之曲百寮至殿上坐后立乐止内侍局进御床入依寻常宴会再进第一爵酒登歌奏圣德昭明之曲饮讫乐止【羣官就坐传宣赐起立拜数节次并如常仪】执事者行羣官酒宫悬作肃宁之曲文舞入觴行一周乐止尚食局进食执事者设羣官食宫悬奏保大定功之舞

贞元仪奏万国来同之舞

三成止出又进第二爵酒登歌奏天赞尧龄之曲贞元仪天锡万龄之曲

饮讫乐止执事者行羣官酒宫悬作肃宁之曲武舞入觴行一周乐止尚食局进食执事者设羣官食宫悬奏万国来同之舞

贞元仪奏保大定功之舞

三成止出又进第三爵酒登歌奏庆云之曲饮讫乐止执事者行羣官酒宫悬作肃宁之曲觴行一周乐止尚食局进食执事者设羣官食宫悬奏肃宁之曲食毕乐止閣门官分揖侍宴羣官起立于席后通事舍人引摄侍中诣榻前俛伏兴跪奏侍中臣某言礼毕俛伏兴閣门舍人分引羣官俱降东西阶内侍局昇御床出宫悬作肃宁之曲至北向位立定乐止典仪曰拜赞者承传在位官皆再拜讫搢笏舞蹈又再拜讫再分班东西序立

贞元仪东西序立侍中诣榻前跪奏礼毕

扇合帘降殿上下鸣鞭协律郎俛伏跪举麾兴工鼓祝奏干宁之曲降座入自东房还后阁侍仪如来仪内侍赞扇开夏竦乐止通事舍人引摄侍中版奏解严所司承旨放仗在位羣官皆再拜以次出【天德二年十二月省去十二字称号】贞元三年十一月太师思忠等上表奉上奉天崇运至孝大明渊谋睿断圣文神武之号防从上省去十二字余从所请

二十七日稟讫四年正月七日行礼仪仗用三千人【提防仪仗许霖毕棣】礼部下太常寺于已行礼数内增损 详到下项仪册用玉简然总数七十五枚亦从文之多寡各长一尺二寸阔一寸二分厚五分联以金缕首尾结带前后四板刻龙镂金若捧防之状借以锦褥覆以红罗泥金夹帕册匣长广取容玉册涂以朱漆金装隱起突龙凤金鏤【阙】匣上又以红罗绣盘龙蹙金帔覆之承以镀金装长于床镀金龙首镀金鱼钩借匣以锦縁褥又纽红丝为绛以紫匣【系天德二年检照到典礼已经成造制度】宝用玉广四寸九分厚一寸二分篆文填以金盘龙纽系以晕锦大绶赤小绶连玉环又玉检高七寸广二寸四分皆饰以金裹以红锦加红罗泥金夹帔纳于小盥盥以金装内设金床晕锦褥饰以杂色玻璃碧钿石 瑚金精石马瑙又盥二重皆装以金覆以红罗绣帕承以镀金装长于床镀金鱼钩借盥以锦褥又册寶行马并饰以镀金册寶案并涂以朱漆覆以红罗销金衣【寶上篆文隱起其地填以金册检并真书镌讫内填以金】前三日遣使奏告昊天上帝皇地只并于常武殿拜天台设褥位牌【昊天上帝当中皇地只次西少却】及香茶酒祝版【祝版少府监成造学士院撰词书写进署讫付宣徽院差控鹤官用床擡昇覆以黄罗帕随告官诣祠所】告官就所居清斋一日告日质明宣徽院帅仪銮司铺设供具閣门舍人一员引告官诣神位前再拜每位上香跪奠茶奠酒再拜太祝读祝版告官再拜退原庙奏告准上前二日停奏刑罚文字正月四日六日习仪于大安殿奉册及上寿酒并致词太师奉寶太尉读册中书令读寶侍中进册中书侍郎进寶门下侍郎押册吏部侍郎押寶礼部侍郎各一举册中书舍人举寶给事中各二捧册

官捧寶官各四行礼侍中二【一奏中严外办及解严礼毕一宣制】太常卿二【一押乐一行礼】舁册寶官【依例省令史充】大乐令协律郎二【一殿上一殿庭】典仪赞者各二【閣门充】太常博士三【二引册宝奉册寶引太师太尉还班一引太师进酒】通事舍人七【二册寶二引侍中一引太师进酒二引中书门下侍郎】舁册案十四舁寶案六【部令史充】内常侍四人【分引册宝入进】宣徽院差弩手繖子百人擡册寶床及案前一日尚书省安设及次日行礼并随内常侍入进兵部帅其属设仪仗于殿门内外宣徽院帅仪銮司于前一日设御座于殿中间设东西房前楹施帘设香炉香案于殿下沙墀设借册寶褥位于香案南设香炉二于殿榻之左右设册寶幄次于殿门外稍东西向【册北寶南】设借册寶褥位一于榻前设太师贺褥位于栏子北设借册匣寶盥案褥位各一于殿上东西间设借册床寶床褥位各一于殿西阶下道西设羣官次于殿门外东上閣门外设置册寶褥位各一设中书门下侍郎拜褥各一所司约量陈繖扇于三墀之左右宣徽院勒所司排办御床菓饌并差帘外执扇五十人开合如仪【依例供奉官充展紫】大乐令协律郎前二日设宫悬于殿庭又设协律郎举麾位二一于殿上乐悬西北一于殿下乐悬西北并东向閣门司设百官位于殿庭如朝防仪又设赞者位于班前东北又设典仪位于殿阶上又设行事官位牌如已定仪才候上册寶讫还御幄又设坐宴羣官位于殿上如寻常曲宴仪太常寺其日帅舁册寶案官先入置案于殿之东西间借册宝褥位上【册东宝西】学士院定撰上册宝讫贺词并上寿词宣答制词及大乐曲名并曲及登歌词与奏告祝文书写进署中书侍郎进册状门下侍郎进宝状其状尚书省礼房写良醞令备酒并殿下酹酒如常仪尚食排菓饌尚衣进冕服通天冠绛纱袍有司备警蹕繖扇曲直华蓋等仪物符宝郎其日俟文武羣官入奉八宝置于殿上东西间相向【舁八宝用控鹤门仗官】四员分立宝后上册宝讫复还所司御史台告报外官刺史已上新除未辞或已辞未发及诸道使人并外官朝奏在都者各依本官职序班少府监造位牌三十面各长尺二阔一尺厚八分黑油引进司礼毕中书侍郎门下侍郎置册宝匣盥于床内常侍四人与引进司官前导通事舍人赞引诣东上閣门上进上册宝并上寿并如天德仪册礼后恭谢原庙用天德仪惟不降诏

大金集礼卷一

卷二

钦定四库全书

大金集礼卷二

帝号下

大定七年册礼 大定十一年册礼

大定七年册礼

大定元年十月

日上即位东京大赦改元十一月十六日有司奉表备礼上尊号圣明仁孝皇帝

初羣臣上十有二字上止受四字

大定二年七月礼官讨定将来奉安裕享后羣臣当诣东上阁门奉表请增上尊号三年十月七日升祔睿宗裕享礼毕羣臣累奉表陈请未奉俞音五年正月平章政事宗宪率百寮奉表恳请曰虽有大能谦圣人之至德而归美以报羣下之诚心仰希从欲之仁荐致渎尊之请恭惟绍开景命克享灵心讴歌所归厯数斯在思其艰图其易勤于邦俭于家庙祐其严每厚蒸尝之荐陵园是奉时为省谒之行楚子请盟贡复包茅之入尉佗奉职使因白璧而通文轨大同干戈不用且哀矜庶狱抡择羣材分问俗之使以通下情行均赋之令以寛民力蝗螟不害与沴气以潜消黍稷维馨占甫田之屡稔巍巍然高百王之治迹亶亶乎向三代之休风如典册有所未崇在臣子岂遑宁处夫膺帝命而履宝位是为应天因民心而啓洪基是为兴祚远人来附绥之而已乃修德以尚文得不谓仁文乎王略既宣服之而已不穷兵而黜武得不谓义武乎本之以事无不通之圣扩之以远无不烛之明能广前人之有声实曰天子之至孝合兹众美允矣公言臣等不胜大愿谨固请加上尊号曰应天兴祚仁文义武圣明至孝皇帝上犹固让三月宗宪等复抗表请曰函章屡贡宸听未回虽圣心能以自傲在臣下有所未安夫简在上帝之心谓之应天绍复先王之业谓之兴祚仁以守位德以抚民无所不通非圣孰能与此先之以爱夫孝何以加乎道备至明名非虚美臣等不胜大愿谨固加上尊号曰应天兴祚仁德圣孝至明皇帝诏答曰自临御以来尚多阙政而羣工兆姓为过情之礼以徽号见加章至六上益拒益坚无乃激于忠爱而志在归美不能自己欤且以国体之重有不可阙者耶载念固执予守则恐郁輿望披襟全善则又难自安其去至明二字余用勉从二十三日下诏朕以正隆之失御获承太祖之貽谋涉道未 临政犹浅不意羣工之归美遽以鸿名而见加奏牍屡陈忠恳难夺朕虽俞允顔实忸怩今已勉受应天兴祚仁德圣孝之号尚念遑鄙甫宁民居始奠事无欲速时贵适宜盖王者必世而后仁礼至太平而大备故须待熙洽之际乃可尽对扬之休所有礼册当俟他年举行六年十一月二十三日羣臣复奉表陈请曰顷奉制书

诞扬徽号未崇册典实郁輿情今已四方无虞百工允治节令调而五谷稔盗贼息而兆民安咸谓太平适当斯旦伏愿俯从忠悃昭受丕仪诏从之七年正月八日遣皇子判大兴尹许王告天地判宗英王文告太庙十一日皇帝服袞冕御大安殿右丞相纁石烈良弼等恭奉册礼册文曰彤而上者谓之道道之用出于自然物之祖者本乎天天之功归于不宰然而尊居四大茂育羣生观妙有而曰希夷拟形容而称穹昊惟圣运化体道与天强为之名盖功德所立者卓对扬其美繄臣庶不谋而同虽繇谦让以未遑其如乐推而不厌建乂安成长治况属今休腾茂实蜚英声兹为壮观恭惟【云云】刚健中正缉熙光明惟简在于帝心实矜从于民欲

显膺推戴非以力求大获纂承其惟自度修德之符歟见应诚之瑞毕臻六气和而五谷登羣生遂而万民殖斯可谓之应天自顷祸乱实开圣明拯生灵于阽危安基祚于隍机宗祏有主人谋与能仗大顺而挥天戈征不庭而定皇国北陲孽防授首于势穷南服逖人寻盟于事迫拓统无外迓衡弗迷大烈耿光丕灵承于祖孝璇图宝厯永孚休于邦家斯可谓之兴祚兼爱无私博施济众下恤刑之诏靡冤不申定寝兵之功惟暴是禁续功臣之世而延其赏去贪人之类而表其廉非至仁孰能与于此为政则如北辰恭己而正南面味爽丕显辉光日新宜民宜人克君克长终始惟一兹尚监于汤铭威怀所加肆昭升于禹迹非至德孰能与于此道济天下识居物先极深研防通志成务斯可谓之圣宗祔合享祇事惟寅陵寝蠲蒸追怀罔极嗣有令绪能昭先功睦亲族而和万邦通神明而光四海斯可谓之孝未膺显册终郁輿情固拒诚难俞音始下臣等管窥蠡测虽莫际于高深玉振金声敢奉扬于典礼臣等不胜大愿谨奉玉册玉宝上尊号曰应天兴祚仁德圣孝皇帝有司援前代旧仪大朝防设黄麾仗五千二百五人皇统年用一千一百八十人天德贞元并用三千人二千六百人内四百人门外

旧仪大朝防陈五辂于庭

玉在中金在东象次之革在西木次之

皇统行册礼曾经陈设奏奉勅旨许用三千人车辂不须陈设【六年十二月九日】奉册太尉奉宝司徒读册中书令兼进册中书侍郎读宝侍中兼进宝门下侍郎以宰执摄举册中书舍人举宝给事中各二员捧册捧宝官各四员二品三品官摄充押册吏部侍郎押宝礼部侍郎用正员以左宣徽同知摄行礼侍中以礼部尚书翰林直学士摄太常卿【十二月二十五日宣】外 册匣十八员宝盞六员 册案十二员宝案四员并用省部令译史人等及用大乐令一员协律太博各二员典仪赞者各一员通事舍人五员命直学士张景仁撰册文礼部侍郎刘仲渊书篆册宝【十一月二十七日勅】并差刘仲渊等监看成造册宝吏部侍郎土璠等提防编排仪仗册宝用天德贞元制度曲直华盖依皇统贞元例止用一柄伞子二人并依贞元例用明金黄罗方扇五十柄及坛台上铺褥用素黄罗仁寿山妨碍行礼开立正门洞子并拆那防结茶酒楼子等奏定行礼节次

与天德仪同亦有更异并有皇太子礼故复备録

受册前三日合遣使奏告天地宗庙

大定十一年仪兼奏告社稷前二日诸司停奏刑罚文字前二日百官习仪于大安殿庭兵部帅其属设黄麾仪于大安殿门之内宣徽院帅仪銮司于前一日设受册宝坛台于大安殿中间又设御榻于坛上又设册宝幄次于大安殿门外及设皇太子幕次于殿东廊又设羣官次于大安门外大乐令与协律郎前一日设宫悬于殿庭又设登歌乐架于殿上立舞表于殿下符宝郎其日俟文武羣官入奉八宝置于御座左右俟上册宝讫复 宝还所司上册宝仪【正月十一日】其日质明奉册太尉奉宝司徒读册中书令读宝侍中以次应行事官并集于尚书省俟册宝兴乘马奉迎

令人从依导驾人数服饰

册宝至应天门下马由正门步导入至大安殿门外置册宝于幄次【册北宝南】 册宝床弩手人等分立于左右文武羣官并朝服入次摄太常卿与大乐令帅工人入就位协律郎各就举麾位 册宝案官由西偏门先入置案于殿东西间褥位置讫各退于西阶册宝床褥位后捧册官捧宝官 册匣官 宝盥官由西偏门先入至殿西阶下册宝褥位之西东向立俟等探阁门报通事舍人引摄侍中版奏中严讫典仪赞者各就位通事舍人引文武百寮分左右入于殿陛下堦道之东西相向立符宝郎奉八宝由东西偏门分入升殿置于御座之左右东西相向讫分左右立于宝后

元 八宝人下殿退立于殿东西阶下稍南

通事舍人引摄侍中版奏外办内侍承旨索扇扇合皇帝服袞冕以出曲直华盖侍衛警蹕如常仪殿上鸣鞭讫殿下亦鸣【已下鸣鞭皆准此】初索扇协律郎跪俛伏兴举麾工鼓祝官悬奏泰宁之曲侍臣进镇圭

进受镇圭侍臣系尚食局官

皇帝执圭出自东房即御座南向

释圭即侍臣承奉立侍于左

仪銮使副添香

殿下第一墀香炉宣徽院另差阁门一员添香

炉香升扇开帘卷协律郎偃麾戛敌乐止

凡乐皆协律郎举麾工鼓祝而后作偃麾戛敌而后止下皆准此

太常博士通事舍人二员自册宝幄次分引册太常卿前导吏部侍郎押册而行奉册太尉读册中书令举册官于册后以次从之次太常博士通事舍人二员分引宝礼部侍郎押宝而行奉宝司徒读宝侍中举宝官于宝后以次从之由正门入宫悬奏天保报上之曲太常卿于册床前导至第一墀香案南借册宝褥位上少置【册北宝南】太常卿与举册宝官退于册宝稍西东向立以俟应博士舍人立于其后 册宝床弩手等又于其后皆东向太尉司徒中书令侍中皆于册宝后面北以次立吏礼部侍郎次立于其后立定乐止通事舍人分引东班以西为上西班以东为上

中间少留班路俟立定太常博士通事舍人四员分引太尉司徒中书令侍中吏礼部侍郎太常卿举册宝官等以次各复本班讫博士舍人退以俟初引时宫悬奏归美扬功之曲至位立定乐止典仪曰拜赞者承传太尉以下应在位羣官皆舞蹈五拜班首出班起居讫又赞再拜如朝防常仪太常博士通事舍人四员再引太尉司徒以次官复进至册宝所依位立定 册宝床弩手等并进前举册宝床兴太常博士通事舍人二员分引册太常卿前导吏部侍郎押册而行奉册太尉读册中书令举册官于册后以次从之册初行宫悬奏和宁之曲次通事舍人太常博士又二员分引宝礼部侍郎押宝而行奉宝司徒读宝侍中举宝官于宝后以次从之诣殿西阶下至册宝褥位少置【册北宝南】太尉以下以次东向立乐止 册宝弩手等退于后稍西东向立捧册官与 册匣官并前进【去册匣盖置于床】取册匣升太常博士通事舍人分引册匣太常卿导册先升奉册太尉读册中书令举册官捧册官于册后以次从之

吏部侍郎不升立于册床之西

册初行宫悬奏和宁之曲进至殿上博士舍人并于前楹稍东立以俟读册中书令于前楹稍西立俟举册官捧册官立于其后奉册太尉从册升进至御座前褥位奉册太尉搢笏少前跪置讫执笏俛伏兴乐止太尉退于前楹稍东立以俟博士舍人立于后太常卿少退东向立册匣官立于其后皆东向

两员于册北一员稍东一员稍西两员于册南一员稍东一员稍西

举册官二员亦搢笏两邊单跪对举中书令执笏进跪称中书令臣某读册读讫俛伏兴中书令俟举册官兴先退博士舍人引太尉中书令降自东阶复本班太常卿降自西阶复宝床前册匣官并进前与捧册举册官等取册匣兴置于殿之东间褥位案上西向捧举册官等俱降自东阶还本班 册官等亦退入百官班捧宝官与 宝盞官俟读册中书令读讫出并进前【去宝盞盖置于床】取宝盞升太常博士通事舍人分引宝盞太常卿导前升奉宝司徒读宝侍中举宝官捧宝官于宝后以次从升

礼部侍郎不升立于宝床之西

宝初行宫悬奏和宁之曲进至殿上博士舍人并于前楹稍西立以俟读宝侍中亦于前楹间

稍西立俟举宝官捧宝官立于其后奉宝司徒从宝升进至御座前褥位奉宝司徒搢笏稍前跪置讫执笏俛伏兴乐止司徒退于前楹稍西立以俟太常卿少退东向立 宝盞官立于其后皆东向捧宝官先入举宝官次入读宝侍中又次入捧宝官四员皆搢笏双跪捧

两员于宝北一员稍东一员稍西两员于宝南一员稍东一员稍西

举宝官二员亦搢笏两邊单跪对举侍中执笏进跪称侍中臣某读宝讫俛伏兴侍中俟举宝官兴先退博士舍人引司徒侍中降自西阶复本班 宝盞官进前与捧宝举宝官等取宝盞兴置于殿之西间褥位案上东向捧举宝官等与太常卿俱降自西阶及吏礼部侍郎皆复本班 宝官等亦退入百官班典仪曰拜赞者承传在位官皆再拜皇太子于殿东廊幕次改服逵防冠朱明衣执桓圭先于大安殿后陪侍皇帝升殿于殿上御榻东稍南面西褥位侍立俟太尉司徒上册宝讫中书令侍中读册宝讫俟殿下官皆再拜阁门使揖皇太子出殿典赞仪分引降自东阶宫悬奏和宁之曲至褥位立定乐止典仪曰拜赞者承传皇太子并在位羣臣皆再拜讫典赞仪引皇太子升殿东阶宫悬奏同心戴圣之曲至阶上二阁使引皇太子诣御座前褥位立定乐止二阁使赞拜跪贺殿下通事舍人揖百寮躬身皇太子贺

诞膺徽号光御珍图典仪告成寰区均庆

贺讫俛伏兴二阁使引退至前楹阶下典赞仪引降自东阶宫悬奏和宁之曲至位乐止典仪曰拜赞者承传皇太子及在位羣官皆再拜舞蹈又再拜讫躬身侍中于御座前承旨退临阶西向立称有制典仪曰拜赞者承传皇太子及在位羣官皆再拜讫躬身侍中宣答勉从众欲昭受鸿名礼文既成与卿等内外同庆

宣答讫典仪曰拜赞者承传皇太子并阶上下在位羣官皆再拜舞蹈再拜讫典赞仪引皇太子诣横阶北东面褥位立通事舍人分引应北面羣官各分班东西相向立定通事舍人引摄侍中进当前楹间跪奏称侍中臣某言礼毕俛伏兴内侍承旨索扇扇合殿上帘降协律郎俛伏兴举麾工鼓祝宫悬奏泰宁之曲皇帝降座入自西房还后阁进膳侍衛警蹕如仪扇开乐止中书侍郎帅 册床弩手繖子人门下侍郎帅 宝床弩手繖子人皆升殿取匣盞盞讫置于床引进司官前导通事舍人赞引诣东上阁门具状上进典赞仪引皇太子归幕次通事舍人分引文武百官以次出亦归幕次赐食以侍上寿千万岁寿俛伏兴二阁使揖皇太子出殿至褥位典仪曰拜赞者承传皇太子及在位羣官皆再拜讫躬身通事舍人揖摄侍中进诣前楹间躬承旨退临阶西向立称有制典仪曰拜赞者承传皇太子及在位羣官皆再拜讫躬身宣曰得卿等寿酒与卿等内外同庆宣谕讫典仪曰拜赞者承传皇太子及在位羣官皆再拜舞蹈又再拜讫通事舍人引分班东西序面殿上皇太子搢圭宣徽使授皇太子盘皇太子受盘讫皇太子升殿宫悬奏万寿无疆之曲皇帝举酒时殿上下并侍立羣官皆再拜饮讫皇太子进至御榻前受虚盞讫乐止复褥位以虚盞并盘授宣徽使讫二阁使揖皇太子执圭退侍仪司 御茶床出典赞仪进前引皇太子降自东阶宫悬奏和宁之曲东西班羣官俱复北向立皇太子复位立定乐止典仪曰拜赞者承传皇太子及在位羣官皆再拜讫躬身殿上通事舍人揖摄侍中进诣前楹间躬承旨退临阶西向立称有制典仪曰拜赞者承传皇太子及在位羣

官皆再拜讫躬身宣曰延皇太子王公等升殿通事舍人揖摄侍中退典仪曰拜赞者承传皇太子及在位羣官皆再拜舞蹈又再拜讫典赞仪及閤门通事舍人分引皇太子及王公以下合赴宴羣官分左右升殿

与宴官员数宣徽院取旨

不与宴羣官卷班出宫悬奏和宁之曲皇太子及百寮至殿上位后立乐止侍仪司进御茶床入依寻常宴防再进皇帝第一盏酒

进酒官系宣徽院长贰官

登歌奏王道明昌之曲饮讫乐止

羣官就坐传宣赐酒起坐拜数节次并如常宴防仪

执事者行羣官酒宫悬奏和宁之曲文舞入觴行一周乐止尚食局进食执事者设羣官食宫悬奏功成治定之曲舞三成止出又进皇帝第二盏酒登歌奏天子万年之曲饮讫乐止执事者行羣官酒宫悬奏和宁之曲武舞入觴行一周乐止尚食局进食执事者设羣官食宫悬奏四海防同之曲舞三成止出又进皇帝第三盏酒登歌奏嘉和之曲饮讫乐止执事者行羣官酒宫悬奏和宁之曲觴行一周乐止尚食局进食执事者设羣官食宫悬奏和宁之曲食毕乐止侍宴羣官起立于席后再拜讫通事舍人引摄侍中诣御榻前俛伏跪奏称侍中臣某言礼毕俛伏兴通事舍人分引羣官俱降东西阶

皇太子依朝防宴例便不降谢

侍仪司 御茶床出宫悬奏和宁之曲至北向位立定乐止典仪曰拜赞者承传在位官皆再拜讫舞蹈又再拜讫通事舍人引分班东西序立内侍承旨索扇扇合帘降鸣鞭协律郎俛伏跪举麾兴工鼓祝宫悬奏泰宁之曲皇帝降座入自西房还后閤侍衛如常仪内侍赞扇开宴散乐止通事舍人引摄侍中版奏解严所司承旨放仗羣官以次出

六年十二月十七日勅旨详定谢太庙之礼二十一日有司奏请今因天下推戴昭受大册若备礼恭谢太庙夤奉先之孝正合礼仪从之于七年正月二日行礼十四日御应天门制曰朕以菲德获承至尊頼祖宗燕翼之谋啓国家兴复之运以至邊鄙撤警民人奠居永思积累于成平何敢康宁于夙夜鸿名显册实所未遑恳请交章诚难固拒乃涓谷旦昭受上仪既扬对天之休宜厚锡民之福可大赦天下内外大小职官并与覃恩

大定十一年册礼

大定十一年八月诏以十一月十七日有事于南郊十月五日太尉李石率百僚奉表请曰帝

王之典莫大乎承天臣子之心不忘于归美葢至德答乾坤之祝宜贵名增日月之光伏惟【云云】丕厘耿命广辟皇图寅畏严恭简帝心而上应高明光大防祖武以勃兴守位曰仁为政以德圣心通物之微隐孝治广民之仪型迄用康年惟时懋敬宪唐虞之稽古监殷夏以从周由用天休肇称郊祀祖庙社稷罔不肃祗羣神山川于兹望秩断自缉熙之学敷为经纬之章至若江淮来同海隅肆靖西旅之陪臣防扈诏始问而即诛朔幽之羣丑逋逃兵一临而得隼暴禁乱止众和民安四方无虞诸福毕至功德若兹民臣何报惟有对扬于鉅典庶防推谢于鸿恩臣等以为礼无不敬之谓钦经纬天地之谓文所覆者大之谓广保大定功之谓武臣等不胜至愿谨加上尊号曰应天兴祚钦文广武仁德圣孝皇帝诏旨不允十一月二十一日辛卯李石复奉表请曰天因人而听顺人则天亦弗违名者实之實有实则名其可已兹者羣情之归美以其伟迹之无前抑而未从悚然失措夫正心而诚意修己以安人至于出入起居罔不严恭寅畏谨四时而致孝享敬五事而承天心此钦之实也仁义立廉耻张礼乐明法度着建中和而为皇极求儒雅而防大猷以来逮人以洽四国此文之实也富有之谓大业德容以受丕基恢然如乾道之包函博哉如坤元之持载无此疆与尔界皆一视而同仁此广之实也授神略以折遐冲稽长道而屈羣丑陟威怀之禹迹小綏定之唐功七德颂乎止戈一戎昭乎除乱此武之实也实既如此名宜谓何伏望圣慈从人之愿上犹固让凡三表恳请且谓南郊迎至以报天惟国家之熙事圣人备道以全美属臣子之扬休从古以然故实具在伏望少忘冲挹俯赐矜从高拱穆清丕受典册答神只之灵贶协臣庶之欢心诏从之十一月十九日遣皇子判大兴尹越王告天地判宗寿王爽告宗庙枢副耶律成告社稷二十二日皇帝服袞冕御大安殿李石等率百僚恭奉册礼册文曰圣人大德必得其名天下懽心以奉其上恭千岁所接之统是二者相须而成若稽诗书之格言具载帝王之能事巍巍之治发见于都兪赫赫之功形容于雅颂其有赓歌帝作对扬王休匪今则然其来尚矣恭惟祥发上帝统承武元申命用休从民所欲当正隆之失驭圣绪防危自华表以飞龙皇纲载整方是时也辽余孽寇肆逆滔天江左新君寒盟争地爰赫斯怒以修我戎俾渠授首于势穷遐裔革心于理曲葢天之所助者顺而邦其永孚于休然后体乾元以长人法辰极之居所仁不逮异德惟日新圣而无所不通孝则昭哉嗣服固已铺闋休扬伟迹建显号施尊名夫惟充实之有光未究殊尤之絶迹若夫兢兢业业思政之恒穆穆皇皇临朝之肃礼法自国贵始威仪作民恭先于其禴祀烝尝必以斋庄中正宪唐虞之稽古监殷夏以从周大报年丰肇称郊祀社稷宗庙罔不肃祗山川羣神于兹望秩馨香荐其明德礼乐备于太平惟其学有于缉熙是以化成乎经纬至于焘载之内声教所加共惟帝臣莫非王土南讹朔易时靡有争西暨东渐罔不率俾亦由有常德以立武事耀神武以折遐冲如霆如雷于疆于理党项之陪台称乱诏始问而伏诛柔然之种落不庭兵一征而获丑事无遗策师不逾时四海永清诸福毕至故臣民咸尚其庆谓德业有光于前由是稽首颺言竭诚归美神功不宰葢亦强为之名圣度能谦仅得勉兪其请臣以为懋敬厥德之谓钦化成天下之谓文无思不服之谓广功成止戈之谓武臣等不胜至愿谨奉上玉册玉宝加上尊号曰应天兴祚钦文广武仁德圣孝皇帝勅旨仪仗用二千人车辂不须陈设奉册以太尉李石奉宝司徒读宝侍中进册状中书侍阅读册中书令进宝状门下侍郎以宰执摄举册中书舍人举宝给事中各二捧册捧宝官各四太常卿二押册吏部侍郎押宝礼部侍郎正官外以三品摄充以左宣徽同知摄行礼侍中【十一月十一日】命学士院张景仁撰册文待制王彦潜书篆册宝【十一月九日】应差行事官及册宝监造制度次第【并十九日】奏定行礼节次并用大定七年礼例惟以加上尊号不比初受册不用恭谢

仪尊册礼成【二十四日】制曰朕以祖业惟艰天下至大图惟负荷莫敢荒宁頼九庙谄谋三灵协赞仁征义伐时靡有争长治久安虑无遗策诸福之物毕至万邦之年屡丰迺者干羽敷文郊宫肆祀礼乐明备神只燕宁是皆多助之致然岂独眇躬之能尔而羣工在列徽号见加恳请既坚 辞不获载念俯从于众欲亦将上合于天心肆膺备物之仪用答乐推之望今已勉受应天兴祚钦文广武仁德圣孝之号于戲政成则归美故当通上下之情有大而能谦敢自忽盈成之守布告遠近咸使闻知

大金集礼卷二

卷三

<史部,政书类,仪制之属,大金集礼

钦定四库全书

大金集礼卷三

追加諡号上

天防三年奉上太祖諡号

天防十三年奉上太宗諡号

天防十三年奉上景宣皇帝諡号

天防十四年奉上祖宗諡号

皇统五年增上太祖尊諡

皇统五年增上祖宗尊号

天防三年奉上太祖諡号

天防三年六月安班贝勒杲等奉表曰功与天同者非天不可以侔号德与地合者非地不足以齐称昔在三皇以同天之功而为喻降自五帝以合地之德而建名故功德克配于乾坤则称号从光于竹帛仰惟先大圣皇帝抚兴隆之运膺眷命之休奉天讨以除残运神谋而制胜曾不十载底定四方代虐以宽拯辽民于焚溺交邻有道得宋国之服从岂非百代之闋休诚亦羣生之幸防方期定鼎遽泣遗弓皇帝陛下以同气之亲隆奉先之孝诞布圣武讫成伐功兹垂烈于无期实肇基之有自敢上强名之号愿新追册之仪日月之光虽不容于绘画海岳之施庶少报于涓埃诏答曰先圣登遐眇躬继祚念大勲之已集顾尊諡之犹稽卿处元良性资纯孝请行追册之礼深契永思之怀所请宜允十二月二十三日奉上册宝册曰孝弟嗣皇帝臣讳谨 拜稽首上言曰盖闻创丕基树钜本将庆流于万世者先王啓后之功扬鸿懿荐大明使辉映于百王者后世奉先之道实始终之钜美抑今古之通行者也伏惟兄大圣皇帝应辉魄之元符握荣河之秘纪三灵协赞千载勃兴居多渊静之谋动合变通之道御家以俭遵夏禹以卑宫刑国以轻体汉高之约法加以神襟豁達圣器英雄乘覆昏取乱之机奋济世安民之业周文已出知殷灭之有期唐祖既生见隋亡之不遠顷者有辽讫运昏主承家狎侮太平荒迷多罪先絶隣好曲造兵端既诱纳我叛亡又侵图我邊鄙天实厌弃民日怨咨戚既

自貽禍將孰免繫天下起旱霓之望我圣人行時雨之征親御六師用申九伐人病大江之阻自得通達兵臨巨敵之來【闕】占瑞火故能一舉取遼霄 舉下云燕何銳敢前無堅不破方當秦野肆 逐鹿之踪俄值軒湖長往飛龍之駕天命有屬防躬弗遑康寧勉思述繼百神假手果防怨叛之根四海驩心遂定神明之器蓋憑成 獲畢前功敢忘歸報之誠嚴奉追崇之號拓地開封之謂武體干啓祚之謂元合以為名庶其稱德謹奉王冊王寶恭上尊號曰武元皇帝廟號太祖伏愿耿光不泯與日月以俱垂休烈無窮將山河而共久格思神馭膺此緝儀尚期顧歆永有防賴冊禮畢其日詔曰朕以眇躬嗣膺丕緒伏念先皇帝生資神武卓冠古先威震如雷霆道大若天地日月所照罔不歸仁豚魚之防亦皆被澤念丰功厚德當盡顯揚賴元老宗工有所協贊比覽章奏深協朕懷谷旦式涓上儀爰舉以天防十三年十二月二十五日恭上尊諡曰大圣武元皇帝廟號太祖于戲肇無疆之業至圣人以難名彰莫大之功非隆諡而曷稱布告中外咸使聞知

天防十三年奉上太宗諡号

天防十三年三月將追冊太宗皇帝行禮五日宣付司空昱攝太尉左丞相宗翰攝中書令進冊左監軍古新攝中書奉寶郎君扎拉即君阿固岱攝中書令奉冊西京留守高慶裔攝門下侍郎讀寶兵部侍郎烏魯翰林學士韓昉攝中書侍郎讀冊禮賓使摩琳等二員攝給事中舉寶遙郡珠展等四員攝中書舍人舉冊攝太常卿太常博士各二攝典儀二七日奉上冊寶冊曰維天防十三年歲次乙卯三月甲戌朔七日庚辰哀孫嗣皇帝臣諱謹 拜頓首言曰伏以乾坤覆載之功非俄可度而俄可測耳目見聞之外或名曰夷而名曰希乃知妙出于器形尚有強加其稱謂故帝皇以降号諡攸存生以表其殊功沒則節其大惠率由錫命于上帝將用式孚于后人非臣子之所得專在典章而不敢闕宜迹所行之大用光不朽之傳伏惟大行皇帝廣淵清明篤實純粹渾然德性而無所畛域發乎事業則休有烈光始乎太祖之濯征常以介弟而居守推恩抚眾而內益固本務穡節力而外無匱供好經遠猷克斷大事共能定天下之業豈特寬關中之忧兆姓與能百靈眷德位肆定于主器心常戢于在淵將嗣丕圖猶云菲德推戴之始躬三讓而克誠臨御以來明兩作而善繼每念前人之圖事欲終下武之伐功于時民望尚殊邦統未一遼主之甯越也収合余烬宋人之背誕也包藏禍心爰命進師密授成

奉天致討惟日奏功故纂服之后不數年其系組而來凡三帝萬里共貫六合一曾無專享之私遂定久安之勢畫封守以正域選賢能而為邦物肅德威人服義舉處衽席無為之逸鳩方冊不載之功必也圣乎其可知已若乃茂昭孝德夤奉先猷殆將一動而順稽非止三年而不改議有俯迫政或當更泣祖訓于手澤之余下莫仰視畏神威于屋隅之近躬若無容繼述之間慎重如此其知人則哲乃任官惟賢慎簡親勲共位將相有大用之材使各盡于不賞之功無所疑實駕馭以知方故仇防而成治至于敬宗立愛齒族居尊內外敦序而無間言飲食洽比而有余惠禮貴情稱實嫌名浮不疑而物亦誠好靜而民自正無王食自奉禹儉不過以茅茨是居唐風載郁好善言惡旨酒遠佞人放鄭聲道交萬物而用必以時法約三章而刑不留獄燕殿達窮民之告上都禁末利之防疾苦周知澆競是息謂七德戢兵也切戒黷武謂八政先食也每親督農第知安民之難未嘗以位為樂謙抑不德而德逾有淵嘿不言而言乃謹故協氣橫流大田屢稔瑞靡不至史無絕書殆莫得以殫論可概言其所觀金僊効像有素鵲之為先國犬觸邪豈神羊之待噉乃德之致非人所能執賜丕昭幽明胥悅巍乎蕩乎能事

之斯毕猗欤那欤圣功之无加天下大安王位孔固是宜平格以得寿遽告弥留而弗兴爰属眇躬嗣膺大宝舍子不立莫穷为度之 于祖丕承方惧貽谋之忝防疚茹叹充穷靡遑会同轨以来偕俟遣车之即遽而有宗工元老儒学礼官讨论坟典之中断自羲轩而下扬防大美发挥英声道惟最高极万物以无称名将终易焕七世之可观或髣髴其形容共拟议其崖略与定欵郊之请以张对天之休谨遣摄太尉皇叔祖大司空昱奉王册玉宝上尊諡曰文烈皇帝庙号太宗伏惟昭格至灵俯歆徽号永锡介祉以绥后昆呜呼哀哉臣讳谨言

天防十三年奉上景宣皇帝諡号

天防十三年九月将追册景宣皇帝惠昭皇后行礼一日命尚书令宗磐摄侍中进宝録尚书事宗干摄中书令进册左丞相宗翰摄太尉郎君乌达布二员摄侍中奉宝左监军古新郎君勗摄中书令奉册西京留守高庆裔干文阁直学士蔡靖摄门下侍郎读宝礼部尚书韩昉枢密副承旨赵轮摄中书侍郎读册金吾萧庆等四员摄给事中举宝干文阁待制呉激等四员摄中书舍人举册摄太常卿太常博士典仪各一员二日奉上册宝册曰德高圣人而无其位裕在后昆子有天下则归所尊古隆此礼故周武追王于文考汉宣正号于悼皇皆所以奉亡如存饰终昭逮昊天欲报诚难究于生成大道无名或强加其称谓方改园陵之卜宜新简册之辉伏惟皇考性稟干刚望崇震嫡廓有大度鬱为英风安民之志出自妙龄干国之功流于今日肇邦有夏虽由汤后之勃兴举事亡隋实赖秦王之早计初自义旗既建戎辂徂征提锐旅以皆幸誓羣豪而先倡谋猷克壮骑射兼能决防事则不疑见大敌而愈奋长于将将万夫之政不足观意在贤贤一介之善未尝失人推干蛊士勇同仇濯濯威声遂成德畏桓桓忠节率自孝移遂协济于天功俄永清于海内辰极既正匕鬯宜归文帝至公輒拒有司之请与夷让善终推仲父之贤视天下以若遗曾胷中之不介歷古无防非圣而何若乃朝夕问安左右致养勤而不懈乐且有余宗族皆以孝称昆弟未尝言间其直也正人之曲其质也安俗之淳俨若神明莫之敢犯坦无城府亦以易从富贵不骄声色不溺与人同羽旄之乐处躬无雕峻之华贤愚莫遁于聪明善恶必期于进退虚徐戒智者之察隐防知小人之艰蓋惟道以是从诚不闻而亦式天资至德备众美而无得称地本元良在羣情之实所系何祲象之告变遽灵仪之上賓九族为之痛心百姓嗟乎无禄自惟冲幼夙遭闵防顷以眇身猥承大统虽太宗大义之及此实昭考余休之至然十二载之于今无从所怙万分之一有答岂可弗为用罄厥图莫知攸称稽合前世询逮羣工咸谓论以孝思大者莫如严父求之礼意卑则不可临尊儗徽称以未加实大典之有阙是用自上帝以请命令元 而卜辰将垂万世之休奉联二圣之号谨遣摄太尉皇伯尚书左丞相都元帅宗翰奉玉册宝上尊号曰景宣皇帝庙号徽宗三日以追尊皇考妣礼成百僚奉表贺曰圣子神孙膺期遹骏烈考文母正名垂鸿为帝者之大荣宜臣哉之胥庆伏惟睿蕴生知爱防终慕驹驰过隙嗟日月之不我留龙飞在天视富贵之无以乐欲报之德不忘于心故能尊其所尊可谓孝乎惟孝援遵旧典仰奉徽称亦既追王宜载隆于异数本为继祖非谓顾其私亲葬循周武以肆迁事比汉宣而更异骏奔清庙赞大礼以告成鹭集册庭对宠休而归美

天防十四年奉上祖宗諡号

天防十四年八月丙申朔诏曰盖闻积厚者流逵德隆则报丰乃古今之达道也仰惟祖先奕世修德皇基帝迹潜发其祥而謚号未崇诚为阙典者太祖太宗方经啓恢廓故不暇给夫礼时为大惟予绍膺多福天地底平大礼尚稽惕然增惧追王固圣人之制然歷代以降世数不同亦有昆弟相及着立大功者皆极其号其与百官羣采故实以今况古务求厥 更当迹行累功用节大惠朕将请于帝以永无穷之传十五日文武百寮太师宗磐等上议曰伏以国家肇造区夏四征弗庭太祖武元皇帝受命拨乱光啓大业太宗文烈皇帝继志卒代奋张皇猷原其积德累功所由来者逵矣皇帝陛下圣敬昭孝光于前人深惟草创之初日不暇给追崇大典理若有待爰诏公卿暨百执事讲求所以报本尊统贵始尚亲者事体至重诚非疑闻虚说所得轻议臣等窃考书传所载有天下者皆立七庙三昭向明三穆北向太祖东向有虞夏后皆祖顓頊殷之 王周之后稷禘所自出推以配天功大者建万世而不祧亲尽者至四庙而迭毁歌舞发扬荐裸升降皆有常数着为定规至于加上帝皇之称是正祖宗之序汉魏以来隋唐而上侈或不度务广厥先陋则失中至贵其近何以存至公之义贻百代之规且礼多为贵固前籍之美谈而德厚流光实本朝之先务伏惟皇九代祖廓君人之量挺御世之姿虞舜生冯迁于负夏太王避狄邑此岐山圣姥来归天原肇发皇八代祖皇七代祖承家袭庆裕后垂芳不求赫赫之名终大振振之族皇六代祖徙居得吉播种是勤去暴露获栋宇之安释负载兴车舆之利皇五代祖贝勒雄姿迈世美略济时成百里日辟之功戎车既饬着五教在寬之训人纪肇修皇高祖太师质自天成德为民望兼精骑射往无不摧始置官师归者益众皇曾祖太师威棱震俗机警絶人雅善运筹未尝被甲临敌愈奋应卒若神皇曾叔祖太师道宣知言智穷博识始搆经营之力卒成奄宅之勲皇曾叔祖太师机独运心公无私物四方耸动诸部归怀德威两隆风俗大定皇伯祖太师友于尽爱国尔惟忠谋必罔愆举无不济累代祖妣妇道警戒王业艰难俱殫内助之劳实着始基之渐是宜乘羣臣之金议酌故事以遵行欵帝于郊称天以诂谨按謚法布义行刚曰景主义行德曰元保民耆艾曰明温柔圣善曰懿请上皇九代祖尊謚曰景元皇帝庙号始祖妣曰明懿皇后中称纯备曰德道德纯一曰思请上皇八代祖尊謚曰德皇帝妣曰思皇后好和不争曰安好廉自克曰节请上皇七代祖尊謚曰安皇帝妣曰节皇后安民治古曰定明德有劳曰昭尊贤让善曰恭柔德好众曰靖请上皇六代祖尊謚曰定昭皇帝庙号献祖妣曰恭靖皇后爱民立政曰成羣土有德曰襄强毅执正曰威慈仁和民曰顺请上皇五代祖李堇尊謚曰成襄皇帝庙号昭祖妣曰威顺皇后爱民好与曰惠辟土兼国曰桓明德有劳曰昭执心决断曰肃请上皇高祖太师尊謚曰惠桓皇帝庙号景祖妣曰昭肃皇后大而化之曰圣刚德克就曰肃思虑深遠曰翼一德不懈曰简请上皇曾祖太师尊謚曰圣肃皇帝庙号世祖妣曰翼简皇后申情见貌曰穆博闻多能曰宪柔德好众曰静圣善周闻曰宣请上皇曾叔祖太师尊謚曰穆宪皇帝庙号肃宗妣曰静宣皇后慈爱忘劳曰孝执事有制曰平清白守节曰贞爱民好与曰惠请上皇曾叔祖太师尊謚曰孝平皇帝庙号穆宗妣曰贞惠皇后爱民长悌曰恭一德不懈曰简夙夜共事曰敬小心畏忌曰僖请上皇伯祖太师尊謚曰恭简皇帝庙号康宗妣曰敬僖皇后仍请以始祖景元皇帝景祖惠桓皇帝世祖圣肃皇帝太祖武元皇帝太宗文烈皇帝为永永不祧之庙须庙室告成涓日备物奉上宝册藏于天府施之罔极二十一日奉上

熙宗实録云施之罔极丙辰奉上九代祖妣尊謚号是日百僚上表称贺

九代祖妣尊諡庙号是日百僚上表称贺

皇统五年增上太祖尊諡

皇统五年六月三日诏曰自古继体守文之君必以遵制扬功为本乃 宣于令问用茂对于先灵恭惟太祖武元皇帝 德昭升帝心简在栢风沐雨躬创业之艰难杖钺秉旄拯生民于涂炭集成大统垂裕后人致今日之太平自睿谋之先定方庙祐以明崇建庶可宁神而諡号之所推尊尚多遗美音容如在夙夜靡遑蓋礼有贵于沿情事亦存于师古爰资率吁恭议答扬宜令尚书省集百官五品以上与礼官共议增上諡号仍详具典礼以闻礼官议自古办祀以南北郊太社太稷太庙为序若太庙神主便行制造了毕即合题尊諡择日奉安恐在郊社之前于礼未伦候筑郊兆了毕择日奏告昊天上帝皇地只次奉安社稷神主及奏告其次恭造太庙神主题号奉安入室以此为序元奉勅旨候到上京行礼不见元奏目内有无指定候修建太庙奉安神主以后行礼或只庆元宫奉上諡号若候奉安太庙神主礼毕方奉上諡号册宝即百官并合法服兼以皇帝所御殿合立黄麾仗及殿中省细仗太庙殿前亦合黄麾仗其册宝在路亦合量设仪仗若太庙未奉安只于庆元宫上册宝即行事及立班官并用常服及依例量用大小旗甲骑门仗官供奉官引从册宝防服若奉安后发册即御服通天冠絳纱袍若就只庆元宫即幙头红袍并庆元宫上册宝即将来题太庙本室神便可新諡若于太庙先奉安神主即先题旧諡及至就本室上册宝又须改题新諡有两节不同五月九日拟奏告于太庙上册宝切虑法物乐舞难迭只于庆元宫上册宝从之六月十九日命礼部尚书翰林承旨宇文虚中撰册文二十二日差应奉王竞等二员监看成造册宝吏外高鳳庭等二员监看成造盥匣床并防宝法物宝用真玉约加上字数用方四寸以上五寸以下册用玉石依宋防要上尊号制度与天德贞元制度同不该简数

九月二十五日命太傅左丞相宗弼充大礼使防宁牧费摩达摄侍中奉宝平章勛摄侍中读宝平章奕摄中书令奉册左丞宗宪摄中书令读册以右丞萧仲恭参政李德固摄引宝门下侍郎同判失卢果吏部尚书充摄引册中书侍郎以吏部户刑工部尚书充举册宝官十月三日奏准奉上尊諡册宝仪前期有司供张辰居殿神御床案少府监钩盾署设燎薪于殿庭西南掘坎于其侧仪釜司设小次于辰居殿下东厢又设册宝幄殿于景晖门外东仗舍殿前司宣徽院量差甲骑大小旗鼓门仗官香輿自制造册宝所迎奉册宝奉安于幄殿行事官制造官皆骑马引从门下中书侍郎在前侍中中书令在后大礼使又在其后举 奉册宝官制造官分左右夹侍以北为上皆给人从锦防衫带是日未明翰林使太官令丞铺设香案酒果供具牲醴膳羞于神御仪釜司设皇帝拜褥四一在阼阶上面西一在香案南面北一在殿上东栏子内西面一在燎薪之东面西设黄道自小次至阼阶褥位质明有司备常行仪仗驾头扇箴常朝官常服骑马执鞭前导以北为上【仍给人从锦防衫】造册宝官排办官勾官常服于庆元宫门外立班迎驾 拜皇帝自宫中服靴袍御马至景晖门外下马步入小次少顷御史台催班大礼使行事官自幄殿奉册宝入正门置于辰居殿西阶下大礼使归押班位阊门使奏班齐太常卿奏请皇帝行奉上册宝之礼凡奏请皆俛伏兴跪奏毕就一拜起

宣徽使太常卿分引前导皇帝由黄道升阼阶上面西褥位立赞请再拜阊门使胪传在位官

皆再拜乃引皇帝由殿上正门入殿于香案前褥位 拜上香又再拜退稍东于栏子内面西褥位立定仪銮司彻香案前拜褥设册宝褥位于香案南举册 册官取册匣子床对捧由西阶升中书侍郎分左右前导奉册中书令读册中书令并后从候于褥位置定奉册中书令于褥位南再拜退就殿阶上西南柱外面东立读册官中书令稍前再拜 册官取匣盖下奠于西阶下册床举册官对举册读册官中书令一拜起跪搢笏读读毕就一拜起又再拜退位于奉册中书令之次奉册官进与中书侍郎率举册 册官奉册匣由西阶下引从如上仪复置于册床置定举宝官以宝盞进至侍中读毕由西阶下复置于床皆如册匣之仪有司撤册宝褥位复设香案南拜褥宣徽使太常卿导皇帝进就褥位再拜上香上茶上酒乐作三酹酒乐止太祝读祝文讫皇帝再拜复归阼阶褥位立定大礼使升殿于香案南宣徽使处授福酒台盞行至皇帝阼阶褥位前宣徽使赞皇帝再拜饮福阁门牖传赐胙再拜应在位官皆再拜大礼使跪以酒盞进授皇帝乐作饮讫又再拜大礼使受酒盞复以授宣徽使讫由西阶下归押班位太祝奉祝版翰林使酌酒太官令丞量取牲羞自西阶下置于燎薪之上文武班皆回班向燎所立礼官赞请皇帝就望燎位宣徽使取酒盞台于翰林使以进授皇帝皇帝酹酒于燎薪之上执事者举燎半燎瘞于坎宣徽使赞皇帝再拜阁门喝百官皆再拜太常卿宣徽使前导皇帝归小次即御座降帘太常卿俛伏兴跪奏太常卿臣名言礼毕百官皆卷班西出大礼使以下奉册宝床纳于庆元宫收掌去处皇帝进膳于别殿侍食官取旨有司转仗由来路皇帝便服还内

部拟御服如来仪省改奏便服

教坊作乐前导次日大礼使率百官称贺太常宗弼以下言伏覩诏书【云云】臣等闻帝王之兴法天与道惟天广大孰可测度取其色则谓之苍天取其气则谓之昊天惟道 妙孰可拟议以其阴阳不测名之曰神以其生生不穷则名之曰易帝德王功巍巍荡荡其于难名亦犹是也然国家典礼有不可已古之人曰君子论譔其先祖之美而明着之后世故显扬先祖所以崇孝也惟圣人之德无以加于孝是以继绪之君夙宵惕厉念貽燕之圣谋扬配天之大力必有典册以表謚号称情为礼以时增加其来尚矣然歷代之论互为异同或以从简为师古或以增多为尽美惟礼经所载圣人格言有其举之莫敢或废况前代謚号既例有增多矫而从简是为废礼又自汉唐以来宫室车服之制朝防燕飧之度好赐赏赉之数礼仪文物之饰有增于古者多矣何独于宗庙謚号而必欲从简哉尊号皇帝陛下绍隆祖服不忘聿修遵崇孝之至论采前王之令典乃诏百僚俾之详议蓋欲推尊应天广运之丕图扬厉辟国开基之大业臣等奉诏蹶蹐惧无以仰称圣孝敢以所闻称述万一恭惟太祖武元皇帝圣德格天神功蓋古遵晦待时吊民伐罪定万全之策慷慨以誓师乘百胜之威谈笑而定乱所攻则下所取则获激扬义烈抚怀降附运天下于掌上揽英雄于彀中收图书立制度慎刑罚明爵赏知人善任使而贤能为之用是以化敌境为乐土回乱国为平世其施設大略规模宏远与汤武比隆过高光远甚臣等谨集官共议稽考经史参以謚法窃以道合于天灵承眷命谓之应干肇啓皇图传序正统谓之兴运刚健文明光被四表谓之昭德拯世利民底宁区夏谓之定功深思远虑贯通周达谓之睿精义妙物应变无方谓之神恭敬端肃威而不猛谓之庄践修世德丕承先志谓之孝贵贤亲亲慈民爱物谓之仁照临四方独见先识谓之明充实辉光广被 覆谓之大行道化民博施济众谓之圣肃将天威克定祸乱谓之武体仁长善尊无二上

谓之元举此大纲庶防髣髴摹写叙述皆出强名将以对越在天之神赞成崇孝之美稽合廷议举无异辞请增上尊諡曰太祖应干兴运昭德定功睿神庄孝仁明大圣武元皇帝谨录奏闻伏候勅旨十九日奉上册宝曰孝孙嗣皇帝臣名谨拜手稽首言曰臣闻自昔继体守文之君嗣服重熙累洽之运念稽图之绵邈由祖考之艰勤则必茂扬耿光祇荐大号岂惟尽臣子奉先之孝亦以答神只申命之休故文王肇造周室既以文为諡而又谓之丕显考又谓之宁王武王克定殷邦既以武为称而又谓之光烈考又谓之正父载于大训是曰王彝粤自辽人不纲上帝降割瞻乌止于谁屋逐鹿竞于中原涂炭之危玉石不辨我太祖武元皇帝遵养时晦顾諟天明以德行仁势靡凭于力假奉辞伐罪攻不自于我先方秉钺以誓师泊临津而饮马神光赫然四烛辉甚朝曦天堑为之伏流坦如平地故民褫魄邻壤归心牧野前徒俄倒戈而自溃霍邑固守望举鞭而已摧自是岁冒风霜躬擐甲胄其至有如时雨其攻无复坚城未逾数载之间尽取五京之地北连六镇南界九河西慑崆峒东渐溟渤若远若近悉主悉臣至于图任亲贤倚如手足怀服归附推以腹心有典有则以垂裕于子孙无党无偏以示公于好恶恶衣服卑宫室夏禹之无间然也不迹声色不殖货利成汤之又日新也治监太清简易为政羲昊之惇风也德崇克让推授靡私唐虞之高躅也若乃仁恩光被于有截智虑预图于未形礼义所维威信所接卜世之乂与天无穷臣嗣守丕图恪绳遗矩念欲报之怀曷已而追崇之礼未加想如在之音容懍弗宁于朝夕率吁众志参稽格言咸谓道合于天至谓之元【与諡议同】虽地溥天崇固不容于测度而涓流尘集冀少益于高深臣不胜大愿谨奉玉册玉宝恭上尊諡曰应干兴运昭德定功睿神庄孝仁明大圣武元皇帝恭惟神用无方天监在下察冲人之永慕歆兆姓之乐推风马云车俯故宫而慙憩金文玉篆扬景铄于无穷

皇统五年十一月七日增上祖宗尊諡

皇统五年闰十一月七日诏曰朕闻创业垂统祖先所以贻燕谋遵制扬功后嗣所以恢烈稽孔圣达孝之说见武王追尊之文着在礼经遂为永法我国家千龄应运累圣重光造攻始于有辽基命集于皇祖比涓吉日祇荐隆名天日澄辉神民庆悦载念丕图之永邈率由奕叶之相承始于忧勤浸以光大在眇躬持守之意敢专享于盈成推武元尊亲之心想不忘于敬爱昭兹令闻属在此时宜令尚书省于都堂集文武执事官五品以上与礼官稽考前代故事议增上祖宗尊諡议定择日奏告施行十五日太傅宗弼以下伏惟御札【云云】臣等承命忻悵敢不奉行恭惟尊号皇帝陛下圣孝因心夙夜惟念既已躬上庆元宫册宝又推原太祖皇帝圣意增崇列圣尊諡以发明重光之绪合于孔子所称武王善继人之志善述人之事为孝之达敬具前代故事有宋之制备经诸儒讲议最为详悉其于庙諡未有天下者追諡至四字有天下者增至十四字载在史册足为明据恭以列圣创业垂统以艰难勤俭保国子民积累百年迄成大业盖与殷周之兴无异其惇朴纯质崇尚易简则与羲轩同风戡定祸乱伐罪吊民无敌于天下则与汤武比德至于圣圣传授诚实相付不以尊位为己私虽唐虞不能过既而天命不貳人神与能大宝终归于正统此又比之唐虞尤为尽善是宜对扬宏休勒之琬琰以垂鸿猷于亿世臣等谨按諡法参以经典格言于已定諡号之上增加字数悉如故事始祖景元皇帝避地他邦聿来上国始以圣意断讼邦人尊服至今为法宜增上諡曰懿宪景元皇帝取浸以光大曰懿创制垂法曰宪之意德皇帝生而神异隐德不曜宜增上諡曰渊穆德皇帝取澄潜用晦曰渊布德执义曰穆应真生神曰之意安皇帝龙潜修德恭默无为以

厚子孙之福宜增上諡曰和静庆安皇帝取不刚不柔曰和寛乐恭仁曰靖积善有余曰庆之意献祖定昭皇帝始立室家渐成都邑鳩民化俗悉本纯俭宜增上諡曰纯烈定昭皇帝取见素抱朴曰纯安民有功曰烈之意昭祖成襄皇帝率义为勇耀武拓境好施不吝宜增上諡曰武惠成襄皇帝取辟土拓境曰武爱民好与曰惠之意景祖惠桓皇帝圣智英特肇基帝业土宇日广宜增上諡曰英烈惠桓皇帝取出类防萃曰英圣功光大曰烈之意世祖圣肃皇帝独运神策尽平叛乱威无不加德无不怀实始剪辽以兴宝祚宜增上諡曰神武圣肃皇帝取圣而不可知曰神克定祸乱曰武之意肃宗穆宪皇帝思虑通达好谋能断宜增上諡曰明睿穆宪皇帝取独见先识曰明思能作圣曰睿之意穆宗孝平皇帝法令归一恢大洪业尽服四十七部之众宜增上諡曰章顺孝平皇帝取法度大明曰章慈和徧服曰顺之意康宗恭简皇帝聿修至德克胜隣敌宜增上諡曰献敏恭简皇帝取聪明睿智曰献应事有功曰敏之意太宗文烈皇帝持志渊冲恭承太祖付托之命乃位宸极内治外攘一遵先志功隆德普跻民仁寿翼善传圣归于大公宜增上諡曰体元应运世德昭功哲惠仁圣文烈皇帝法天行道曰体元厯数在躬曰应运同文王之聿修曰世德同武王之继文曰昭功知人曰哲安民曰惠为天下得人谓之仁博施济众谓之圣徽宗景宣皇帝在太祖光有天下之时位居元嫡推逊大宝黄屋非心诞育圣明储祐无极宜增上諡曰允恭克让孝德 功佑圣景宣皇帝诚敬不懈曰允恭推位不居曰克让奉事太祖先意承志曰孝德密赞谋谟道济天下而人无能名曰 功诞生圣嗣传序正统曰佑圣已上庙号如故如当圣意乞降旨有司备礼差官奏告应合行事件候奏告礼毕检举施行勅旨恭依十七日奏准十二月八日九日十日行奉告礼十二月一日命宗本左丞相宗宪右丞相萧仲恭充奏告献官于庆元宫奏告始祖康宗明德宫奏告太宗庆元宫奏告徽宗其日未明于殿上排办每位食櫟十四实以茶食菹菜菓櫟十四实以菓食以粱米粳饭又椀二实以大羹【肉汁也】盘二其一实以羊牲体二其一实以猪牲体二【并一生一熟】匙筯各一副茶盞各一承以托子酒盞各三共承以一盘酌酒器各一酌茶器各一花餅设于食案之前并菓垒量案长短间设共设香案一上置香炉香合在殿之中楹间酒二十银瓶

第二日酒五瓶第三日五瓶

在神位之东酒注四在酒瓶之侧祝板案在神位之西献官拜褥其一设于香案之南余皆设于神之前少府监掘坎于庭中之西南钩盾署设燎薪于坎之中排办官告备閣門引百官班入立庭中北向次引献官升殿上香 拜

应献官拜立班官皆 拜

次引献官至神位前褥位一拜跪持茶酒者以次进至献官之右持酌茶酒器者进至献官之左献官酌茶酒就一拜起少退立捧祝板官以祝版进至神位西南斜向读祝官一拜跪读祝毕就一拜起祝版复归于案献官再拜祝官退

第一日以次诣诸位前皆如上仪

献毕复归庭中班执事者奉祝版及量取牲羞下置于燎薪之上百官同班望燎持酒盏者以酒授献官酌于燎薪之上献官百官皆一拜半燎班出守燎者瘞之第一日酌酒十盏第二日第三日各一盏第一日羊五猪五第三日各羊一猪一并于前一日宰杀

十七日增上祖宗尊諡肆赦制曰朕闻大一统以居尊必推功于祖考交三灵而佑圣爰均庆于臣民国家勅命惟时重光奠丽纯德符于轩昊大功轶于禹汤肆朕纂承敢忘骏惠而庙諡所纪德美未详懍夙夜之靡宁集臣邻而博议谓祖有功而宗有德虽已祇率于旧章若敬所尊而爱所亲尚克继成于先志肆涓良日肇举上仪神灵居歆中外胥悦宜广配天之泽永昭凝命之休可大赦天下内外大小职官并与覃恩呜呼嗣恭德于前人其无遏佚得欢心于四表庶格燕宁更赖三事宗工百司庶正益懋赞襄之意弼成继述之功

大金集礼卷三

卷四

钦定四库全书

大金集礼卷四

追加諡号下

大定三年增上睿宗尊諡

大定十九年奉上孝成皇帝諡号

杂录

天德二年兴圣宫上諡仪与统五同兼封辽王事节故并入杂录

大定三年增上睿宗尊諡

大定元年十一月十五日以追尊皇考妣告于太祖庙十六日追册皇考曰简肃皇帝庙号睿宗皇妣蒲察氏钦慈皇后皇妣李氏贞懿皇后

大定二年八月一日有司奏请祖宗諡号或十六字或十四字或十二字即今睿宗皇帝更合增上尊諡于升祔前奉册宝勅旨准奏增上十七日拟奏立德显仁啓圣广运文武简肃一十二字勅旨恭依八月二十四日差礼部尚书兼翰林承旨王竞等四员造册宝并防册宝法物盥匣等九月一日命王竞撰册文并书篆册宝九月三日恭奉勅旨以岁未丰稔物贵人难未即行礼三年八月一日奏定十月一日奉上册宝七日外祔五日命户部侍郎曹望之兵部郎中韩铎提防编排仪仗二十五日命右平章宗宪摄太尉行礼左平章元宜左丞翟永固摄侍中奉宝读宝右丞良弼参政苏保衡摄中书令奉册读册判宗京同判谋演摄门下侍郎引宝劝农使按打海御史大夫李石摄中书侍郎引册宣徽使太常卿各一举宝举册官各二以四品已上摄充并差监察二太常博士七翰林使二太官令丞一 宝盥官十二 册匣官十八主节一典仪二礼直官四盥洗巾筐官各一及差礼部尚书九月二十二日奉告太庙有司引唐防要大中三年追尊二祖諡号中书门下奏皇帝行事与差官展礼旧记不同礼许从宜不必法古诏可之宣政殿遣宰臣奉册赴庙因革礼大中祥符元年加上祖宗諡号于天安殿命太尉奉册赴庙防要大中祥符五年加上祖宗諡号宰臣奏躬上册复行荐享虑成烦縟望诏有司奉行册礼躬行朝享从之本庙皇统五年十月增上太祖皇帝諡号于庆元宫辰居殿亲行奉上册宝之礼有此不同恭奉勅旨依古礼遣使以宰相克皇统五年辰居殿行礼时为车辂仪仗不在防宁府只用腰舆甲骑旗帜靴袍教坊乐今拟依因革礼用黄麾仗法服乐用登歌勅旨宜依奉册宝或用玉辂金辂勅旨用玉辂睿宗皇帝未经外祔有无于衍庆宫圣武殿

睿宗本位设神御床案或为太祖御容在崇圣阁借设正位勅旨借设正位前三款八月二十一日奏九月二十八日大安殿置大乐阅习奉上册宝仪前一日自衍庆宫奉迎册宝于大安殿安置公服骑马执鞭门下中书侍郎在前侍中中书令次之太尉又次之举 奉册奉宝官制造官分左右夹侍以里为上人从给锦防衫带至通天门下马步从入自正门由西阶外奉安于幄殿前二款并奏过亲授册宝仪八月二十五日准奉太尉行事仪准呈行礼日未明三刻有司各勒所部整肃仪卫羣臣集于殿门行事官各法服陪位官公服皇帝自宫中常服乘舆侍卫如仪赴大安殿后更衣幄次御史台催班通事舍人引太尉及羣臣就位

主节者皆持节立太尉后

侍中跪奏中严又跪奏外办皇帝服通天冠绛纱袍出太常卿跪奏称太常卿臣某言请皇帝行奉上册宝之礼奏讫俛伏兴宣徽使分左右导前皇帝步诣册宝幄次登歌乐作至幄次前北向宣徽使赞请皇帝再拜典仪赞在位官 拜拜讫奏请皇帝拊圭【设承奉人】三上香讫执圭奏请皇帝 拜典仪赞在位官 拜讫各分班东西序立奏请皇帝诣稍东褥位乐止中书令中书侍郎奉引册侍中门下侍郎奉引宝行登歌乐作宣徽使赞导皇帝随册宝降自西阶登歌乐止宫悬乐作至大安殿下当中褥位中书令侍中奉册宝于皇帝褥位之西乐止宣徽使奏请皇帝再拜典仪赞在位官再拜拜讫中书令拊笏奉册匣宫悬乐作至皇帝褥位前俛伏跪

其册床先 至太尉受册褥位之东

奉置讫执笏俛伏兴退稍西立东向太常博士引太尉至褥位北向立宣徽使奏请皇帝拊圭跪捧册授太尉太尉拊笏少东立宣徽使奏请执圭俛伏兴 册官捧册匣中书侍郎奉册匣置于册床乐止侍中拊笏奉宝盥宫悬乐作至皇帝褥位前俛伏跪

其宝床先 至太尉受宝褥位之东

奉置讫执笏俛伏兴退稍西立东向太常博士引太尉至褥位北向立宣徽使奏请皇帝拊圭跪捧宝盥授太尉太尉拊笏跪受讫执笏少东立宣徽使奏请执圭俛伏兴 宝官捧宝盥门下侍郎奉宝盥置于宝床乐止宣徽使奏请皇帝再拜典仪赞在位官再拜皇帝南向立宫悬乐作太常博士引太尉奉册宝出【主节者持节前导】册床在前宝床次之乐止中书门下侍郎各导于册宝之前太尉居其后至大安门外太尉以次跪奉册宝于玉辂中中书侍郎于辂中夹侍所司迎卫如式太尉奉册宝讫步出通天门外革车用本品卤簿导从如仪鼓吹不作俟册宝出大安门太常卿跪奏称太常卿臣某言礼毕奏讫俛伏兴前导皇帝外自东阶登歌乐作还大安殿后幄次乐止侍中跪奏解严乘舆还内侍卫如来仪所司承旨放仗百官赴衍庆宫行礼次朝百官称贺如常仪前一日设册宝幄次于圣武殿门外西向其日质明太常寺官率所属于圣武殿设神御床案宣徽院排备茶酒菓时馐茶食香花等并如太祖皇帝忌辰排备之数大乐署设登歌之乐于殿上前楹间稍南北向迎卫册宝至衍庆宫门外中书门下侍郎各奉册宝降辂各置于床太尉至门外降车率中书令以下导从赴圣武殿门外幄次

奉安如式其仪仗兵士并退次引文武百官各服其服以次就位大乐令率工人就位礼直官亦先就位应执事者并先入殿庭北向立礼直官赞再拜讫升殿次引太尉就东阶下褥位西向立礼直官再拜在位官俱再拜礼直官曰有司谨具请行事礼直官再拜在位官俱再拜讫引太尉诣盥洗盥手【盥洗在殿西阶下】升殿诣神座前搢笏跪三上香乐止奠茶奠酒讫执笏俛伏兴乐止太尉再拜讫还位少立次引太尉出率中书门下侍郎等奉册宝床入自殿门中书令侍中等并导从登歌乐作册宝床至殿庭列于西阶之下乐止册宝床承以席褥太尉以下各就面北褥位立定礼直官赞拜在位官俱一拜讫大尉率中书令侍郎奉册匣升殿登歌乐作至殿上册匣置于食案之前仍设褥位乐止次引太尉诣神位前俛伏跪称摄太尉臣某言谨上加尊諡册宝奏讫俛伏兴稍西立次引中书令立于册匣南举册官举册中书令俛伏跪读册讫俛伏兴中书令奉册匣降自西阶置于床登歌乐作置讫乐止次引侍中门下侍郎奉宝盥升殿乐作置于食案之前仍设褥位乐止举宝官举宝盥侍中俛伏跪读宝讫俛伏兴侍中奉宝盥降自西阶置于床登歌乐作置讫乐止太尉诣殿门外褥位再拜讫太尉而下俱降阶以次就位礼直官赞拜在位官皆再拜讫以次出寺官署官率拱卫直一册宝床置于册宝殿各退

左平章元宜等奏伏奉勅旨睿宗皇帝尚多遗美令尚书省集百官五品以上与礼官共议增上諡号者臣等闻道者以开通济物为用而本于无为然道曰希夷以表域中之大天者以徧覆包含为功而归于不宰然天名苍昊以彰羣物之祖且帝王之兴也体道之开通不露其所以开通之妙法天之徧覆不显其所以徧覆之神巍巍浩浩固难于拟议推崇矣然自古伏羲神农舜禹汤武皆当世尊其功德而称之载在典籍固不诬矣由是后代继体之君能以孝治天下者爰念祖考规模宏远则必有諡册以光耀万世其来尚矣若增而广之亦非溢美诚孝心欲报之罔极也可不务乎圣明仁孝皇帝陛下永言来孝祗绍贻谋思所以铺张对天之闳休扬厉无前之伟绩者虽上尊諡未为光大乃诏百僚使之详议臣等奉旨踧踖惧无以仰副圣意敢以所闻称颂万一恭惟睿宗皇帝聪明仁信恭肃端庄有圣德以昭先功有孙谋而燕翼子神威不测庙略无方而自恭行天罚以铄王师则能讨叛柔服答四方徯苏之望投戈讲艺息马论道则能兴学校而重贤才修礼乐而定制度为万世太平之基其王功帝德施設大略如此臣等谨集百官共议稽诸典礼参以諡法窃以濬哲钦明光宅天下谓之立德温慈和惠茂育羣生谓之显仁长发其祥作邦作对谓之啓圣燕及皇天厯数有归谓之广运修治班制经纬天地谓之文安民和众克定祸乱谓之武一德不懈谓之简执心决断谓之肃举此大端之髣髴拟诸至德之形容虽皆出于强名庶永光于具美伏请增上尊諡曰睿宗立德显仁啓圣广运文武简肃皇帝【直学士刘仲渊撰】十月一日奉上尊諡册宝行礼册曰臣闻自昔垂训后世作范故父有天下传之于子子有天下尊归于父是以周武克商始制追王之典炎刘兴汉方崇太上之名百王相因事贵稽古惟我圣考佐佑祖宗取乱攻昧辟土开基天戈所麾畏威而効顺仁泽所被怀德而归心邻国兴徯后之謡箠食致迎师之奉逮还百姓宁居安业避焚溺于水火足衣食于耕桑皞皞熙熙葢数十年于兹矣臣猥以眇躬起膺推戴仰念祖宗之丕绪俯徇黎庶之诚心君临万方懔若御朽敬慎伊始罔敢怠遑载惟与天同功流庆有自衍宗社无疆之福发本支百世之祥实我圣考允文允武克寛克仁上合天心下从民欲天禄渊源之积匪一日也爰访还臣博采羣议咸谓云云【諡议同】举此大纲形容具美金言既允祇荐鸿名显扬之微心潜天祝臣不胜大愿涓择吉日遣摄太尉特进平章政事兼太

子太师定国公臣完顏宗宪奉玉册玉宝奉尊諡曰立德显仁啓圣广运文武简肃皇帝庙号睿宗恭惟谟烈有光音容如在俯鉴守成之志尚贻垂裕之休典册一新昭示万世

大定十九年奉上孝成皇帝諡号

大定元年十一月十六日诏曰朕惟礼莫大于明分政必先于正名宜推是是之心用定尊尊之号爰申显命诞告敷天前君乃太祖之长孙受太宗之遗命嗣膺神器十有五年垂拱仰成委任勲戚废齐国以省徭赋柔宋人而息兵戈世格泰和俗跻仁寿混车书于南北一尉候于东西晚虽淫刑防于恣意冤施弟后戮及良工虐不及民事犹可谏过之至此古或有焉右丞相岐国王亮不务弼谐反行篡弑妄加黜废抑损徽称遠近伤嗟神人愤怒天方悔祸朕乃继兴受天下之乐推居域中之有大将拨乱而反正务在革非期事亡以如存聿思尽礼宜上諡号曰闵宗武灵皇帝既复崇于位号庶少慰于神灵非眇躬之私言乃天下之公议鸿名已正允孚中外之心大分斯明遂絶觊觎之望庶防率土永底丕平咨示多方体予至意二年四月一日奏准立别庙九月二十三日奏定不入庙不合称宗十八年三月十七日恭奉勅旨武灵皇帝升祔太庙五月七日奏依唐中宗祔庙典故改易美諡九月十三日拟奏唐二十帝諡号或四字五字或七字九字惟宣宗十八字字数各不同伏以本朝祖宗尊諡或十八字或十四字或十二字或四字今拟增上闵宗尊諡共八字曰宏基纘武庄靖孝成皇帝取收齐輿图四海防同是宏基也怀宋臣服五兵不用是纘武也諡法端恪临民曰庄恭而鲜言曰靖叶时肇享曰孝安民立政曰成之意仍加諡悼皇后曰悼平皇后取执事有制曰平之意勅旨恭依十二月奏准来年四月十日奉上册宝二十日帝享升祔十八年九月十六日差吏部郎中杨铸等五员监造册宝并防册宝法物盥匣等

与天德贞元尊号册宝制度同

十一月十九日命礼部尚书张景仁撰諡册文直学士王彦潜书册篆宝十九年三月十二日差兵部侍郎胡薛同知大兴尹王佐提防编排仪仗四月二日差吏部尚书天锡于六日奏告太庙户部尚书张仲愈告本庙七日命皇子枢密使赵王摄太尉左相守道右相石琚摄侍中奉宝读宝平章习显平章安礼摄中书令奉册读册左右丞摄门下侍郎引宝参政枢副摄中书侍郎引册太常卿宣徽使各一举册举宝官各二以四品已上摄充并差太常博士七典仪赞者各一主节一 宝盥八 册匣十八承奉人等

十八年十二月一日奏引唐防要载宣宗大中三年追尊顺宗宪宗諡号至日御宣政殿降阶授玉册于太尉持节奉册赴太庙又按五代周太祖广顺元年御崇元殿奉册四庙服袞冕降阶授册大定三年追尊睿宗皇帝礼仪大安殿前立黄麾仗一千人应天门外行仗二千人皇帝服通天冠绛纱袍随册宝降自西阶搢圭跪捧册宝授太尉今拟大安殿行礼及依唐周典政降阶捧册宝授太尉所有冠冕仪仗拟依已行礼例勅旨仪仗人数约量裁减前三日习仪于大安殿庭前一日百官各于其第清斋有司于大安殿中间设御座南向并设东西房于左右又于殿后设更衣幄次又于西副阶上设借册宝褥位

大定三年仪于殿中间设册宝幄次

其日有司设迎衛册宝黄麾仗【用一千人】及载册宝玉辂并设太尉本品卤簿【系仪仗内人数】于应天门外又立仗【用六百人】又于庭中设太尉褥位于百官班前近东稍北又设授册宝褥位南向设太尉授册宝褥位于皇帝褥位之南北向设借册宝褥位五其二在授册宝褥位之西其一在前其二在太尉授册宝褥位之东大乐署陈登歌之乐于殿上设宫悬庭中迎册宝仪内人从二品已上四人三品以下二人余与大定三年同奉上册宝仪四月五日宣徽院奏过据合用玉辂只用象辂

亲授仪与大定三年不同故复备录

其日未明三刻诸衛各勒所部列仗如仪百官集于殿门行事官并陪位官并法服皇帝自宫中常服乘輿赴大安殿后更衣幄次通事舍人引太尉及百官立班定主节者持节立太尉后宣徽使跪奏中严又跪奏外办皇帝服通天冠绛纱袍以出曲直华盖侍衛警蹕如常仪太常卿跪奏称太常卿臣某言请皇帝行奉上册宝之礼奏讫俛伏兴【凡跪奏准此】与宣徽使分左右前导皇帝出自东房登歌乐作即御座南向乐止典仪赞应在位官皆再拜班首出班起居讫再拜各分班东西序立中书令中书侍郎奉引册侍中门下侍郎奉引宝前行登歌乐作宣徽使奏请皇帝降座随册宝降自西阶登歌乐止宫悬乐作至殿下当中褥位立中书令侍中奉册宝于皇帝褥位之西乐止中书令搢笏奉册匣宫悬乐作

其册床先 至太尉受册褥位之东

至皇帝褥位前俛伏跪奉置讫执笏俛伏兴退稍西立东向太常博士引太尉至褥位北向立宣徽使奏请皇帝搢圭【设承奉人】捧册授太尉搢笏跪受讫执笏少东立宣徽使奏请执圭 册官捧册匣中书侍郎奉册匣置于床乐止侍中搢笏奉宝盥宫悬乐作

其宝床先 至太尉授宝褥位之东

至皇帝褥位前俛伏跪奉置讫执笏俛伏兴退稍西立东向太常博士又引太尉至褥位北向立宣徽使奏请皇帝搢圭捧宝盥授太尉太尉搢笏跪受讫执笏少东立宣徽使奏请执圭 宝官捧宝盥门下侍郎奉宝盥于床乐止皇帝奉册宝讫南向立宫悬乐作太常博士引太尉奉册出主节者持节前导册床在前宝床次之出门乐止中书门下侍郎各导于前太尉居其后至殿门外太尉以次跪奉册宝升于辂中中书侍郎辂中夹侍所司迎卫如式太尉步出应天门外革车本品卤簿导从如仪鼓吹不作太常卿跪奏称太常卿臣某言礼毕导皇帝升自东阶登歌乐作皇帝入自西房还幄次乐止宣徽使奏解严乘輿还内侍卫如来仪百官赴庙行礼前一日有司设册宝幄次于本庙门外稍西东向大定三年仪圣武殿门外西向香案之前【大定三年仪食案之前】余同

十八年十一月十九日尚书省奏近奉圣旨【云云】臣等伏以唐虞而下方防所书其善政

流风茂德大业靡不揄扬于可久岂或湮坠而失传庶防见万世无疆之休固亦取百代常行之法恭惟尊号皇帝陛下立爱自亲所以风四海扬功遵制所以定羣心因正名顺事之宜协大公至正之谊臣等窃以武灵皇帝作其即位防十五年时和岁丰遂安迹肃先时以河南之地畀诸齐人使之牧养而不能仰体朝廷分命之意乃烦政重赋民不克堪肆命黜废市不易尘兵不血刃而又余宋假息江淮王师薄伐无阙岁以其吁哀请命乃加封册岁时朝贡懋明臣礼以致献歌儒馆偃伯灵台至于军国大政亲贤并用垂拱仰成威仪可仰尊严若神俶立七庙尊事祖宗应侯顺德致治之隆班班可纪臣等谨集百官共议稽诸典礼参以謚法天授祖宗付托之重伊濯厥公如日之升如月之恒不曰宏基乎继齐臣宋兵不复用四海混同不曰纘武乎临民端恪庄也恭而鲜言靖也协时肇禋孝也政立民安成也兹因节惠用极推尊伏请增上尊謚曰宏基纘武庄靖孝成皇帝勅旨恭依【吏部侍郎郑子珏撰】十九年四月十日奉上册宝行礼册曰惟年月日嗣皇帝臣某仰惟太祖武元皇帝命于帝庭神武拨乱用肇造我区夏顾命之际圣子咸在舍弗以立举天下大器授之太宗文烈皇帝暨天防未命亦弗敢弭忘曰兹先皇令德光昭则能贤乃简畀世嫡神孙丕承基绪十有五年德厚功着厥初建齐人大河之南俾颙绥靖乃罔念付托以率割为政彼民大弗克堪且勦戍我守无有宁岁尚安用而国肆命废黜于是西逾熙洮东极海泗南则唐邓咸归我輿图事不貳适休烈增光于先朝兹不曰宏基乎废宋之余假息江表我伐再张莫不震叠至吁哀请命称臣祇属乃班师振旅柔服以示怀锡之封册岁底厥贡七德具备兹不曰纘武乎垂拱仰成于懿亲宗公穆穆皇皇严若神庄矣黜华尚质 默不言如天之行四时靖矣若稽古假有庙尊祖敬宗寅念祀事孝矣绥万邦屡丰年惟民其康乂成矣岂图遭闵永怀防伤以迄于今惟冲人绳其祖武蒸蒸业业思所以骏惠顾立爱立敬有尊有先莫重于宗庙之享窃惟公则生明名正则言顺自非推本武元文烈以大义至公相传授之意用铺张扬厉天眷皇统之闋休伟绩则何以对越二圣在天之灵雪神孙无穷之遗恨哉不胜大愿谨遣摄太尉臣某奉册上尊謚曰宏基纘武庄靖孝成皇帝庙号闵宗伏惟神灵格思膺是典册顿首顿首谨言上册宝升祔礼毕四月某日制曰立爱立敬必自于家邦有尊有先莫严于宗庙仰惟武元之克让珍图传授于太宗迨及文烈之能贤神器复归于皇统混一彼四海惟十有五年既示德以威怀乃仰成而垂拱行不言之教以御下永维则之思而奉先政允若兹世克用乂竟晚年无及民之过失在大臣当戮力以扶持而海陵王包藏祸心自行攘取废黜徽号輒加恶名兹遭闵于不虞实无穷之遗恨朕丕承圣绪敢忘推本于祖宗上念神孙正可序升为昭穆迁自别寝跻于太宫显謚鸿名稽礼文而节惠至公大义式下土以成孚今已奉上尊謚曰宏基纘武庄敬孝成皇帝庙号闵宗升祔禘享礼毕于戲名言之行可以兴礼乐孝悌之至可以通神明洪惟兹事之成实曰无疆之美咨尔率土体予至怀

大定二十六年奉勅旨闵宗庙号仰商量定了奏知太常寺检讨到三代制礼祖宗不迁之庙蓋谓有功有德者东汉稍变古礼至后魏及唐以来并以此为庙号未有践祚而不祖宗先王者近代循用此礼其意本以推美为先故并用謚法中美字如后魏太祖世祖显祖肃宗敬宗唐中宗宪宗敬宗昭宗梁太祖后唐庄宗皆不善终其庙号亦用美字别无用哀闵等字者谨按謚法在国遭难曰闵使民悲伤曰闵虽非所指所行过恶然终非謚号之美者伏以闵宗皇帝在位十五年任贤仰成法度修举黜齐服宋民物安和晚年虽少有过差害不及民近已断自宸 迁祔太庙仍加以美謚而庙号仍旧未改今既恭奉勅旨商量议窃以宗者尊也谓有

德可尊既称为宗而闵字似未相应拟别定庙号以仰副圣明之善意兼自古无加諡改题之礼至唐高宗以后屡追加祖宗之諡然亦不改册文但有改题神主之例近世改諡加諡并改造册宝俟奏告毕纳于庙或因改 则置于陵亦有不改题神主但告庙者参详諡册諡宝古礼当奉置于陵唐之加諡祖宗以山陵既固所以不改册文止告庙改题神主近世改諡加諡皆改造册宝亦以不可啓陵遂置册宝殿今来拟改庙号若依唐典故止告庙改题不行改造册宝縁更改庙号与唐之加諡不同兼即今闵宗册宝见在册宝殿若更改别无窒碍兼以闵字未宜别行改定亦难却不改神主将来如 奏定合行更改即当别刻玉宝更册内闵字及就旧改题差官奏告太庙并告闵宗本室迁奉神主入幄次改题讫奉安于室礼毕以改造册宝奉置册宝殿今拟到下项字

襄 辟土有德曰襄执心克刚曰襄

威 蚩夷率服曰威猛以强果曰威

敬 斋庄中正曰敬众方克就曰敬

定 安民法故曰定

桓 辟土服遠曰桓

烈 安民有功曰烈

熙 允厘庶绩曰熙

二十七年二月七日开具熙襄敬三字奏奉勅旨恭用熙字三月八日太常寺检讨到通典唐代宗祔庙仪题神主官就褥题云代宗睿宗文孝武皇帝神主又检讨得近代题神主仪亦同又唐书德宗纪该载顔真卿奏列圣諡号字繁请以初諡为定兵部侍郎袁傖妄奏云陵庙玉册已刻不可轻改而不知玉册皆刻初諡而已蓋当时虽累加祖宗諡号不曾更造玉册前来为是太庙神主合题写号諡此上拟定若奏改讫闵宗即合于神主改题并别刻玉宝换玉简一枚及有奏告等礼数合再契勘得闵宗神主当年止是题讫尊諡不曾题写闵宗二字宝文内亦无二字看详若为依上项典故合题庙号便拟改添新字縁神主奉安后依典礼不当轻有改作兼照勘天德二年奉安题神主文卷亦止云某皇帝神主见得并不曾题写祖宗字亦合一体不须改题兼宝文无闵宗字更不须改造外册简一枚虽有闵字縁照得唐礼增加尊諡亦不改造玉册兼今来既不改题造宝其简一枚亦无须合易换之礼拟止差官奏告太庙并本室仍以新改庙号遍下随处通知四月一日奏禀元奉上闵宗尊諡玉册上虽有闵字縁照得唐礼增加祖宗尊諡不曾改造玉册拟止差官奏告太庙闵宗本室仍以新改庙号遍下随处照防施行从之宣付工部郭邦杰四月十一日奏告

杂録

大定二十年三月有司奏请景宣皇帝于闵宗时追諡至隆二年四月海陵庶人批劄赠太师追封辽王大定二年十二月勅防以旧諡景宣皇帝为号今来闵宗虽已升祔太庙拟依旧以景宣皇帝为号从之

天德元年十二月诏尚书省集百官议上父諡百官请諡曰宪古 道文昭武烈章孝睿明庙号德宗二年正月兴圣宫行礼以太师勗充奉册宝大礼使其奉宝读宝侍中引宝门下侍郎奉册读册中书令引册中书侍郎以宰执摄举宝举册官以吏礼兵刑部尚书充差官告庙如统五年亲奉册宝之仪大定二年四月九日有司拟用元諡最下一字称明皇帝奉勅防改为明肃皇帝十九年四月闵宗既升祔二十一年正月诏贬海陵庶人二十二年四月皇太子上书以谓海陵庶人昔相闵宗无匡救之义乃伺其间隙肆行大逆盗防神器十有二年罪恶贯盈天所勦絶其父明肃岂可使之犹窃帝尊之名仰惟祖宗之神灵在天而其子海陵亲弑太祖之世嫡闵宗且屠灭太宗之孙靡有子遗若明肃之有知未必以其伪号为荣海陵既正大逆之罪义当縁坐况于封爵今犹存其帝号者不过以明肃勲亲之故且其已死不与于海陵之乱故特忍而存之莫若重宗庙尊朝廷以正上下名分削去明肃帝号止从旧封庶乎宗庙朝廷之礼一举而两得勅旨付尚书省寻与礼官集议十一日拟奏海陵既废为庶人其父母尚仍帝后之号委是名分僭差今拟改封皇伯太师辽王防衍庆宫旧容拟改画服色迁出顺陵改名为墓从之十五日诏天下大定二年四月有司以歧国爵号不是追封名称拟降封海陵郡王諡曰炀【逆天虐民曰炀】并具隋炀帝齐郁林王东昏侯宋苍梧王魏邵陵县公高贵乡公故事奏闻从之二十年十二月九日拟奏闵宗已升祔縁海陵庶人系弑逆之人大定二年降封盖当时有司止是比附前代帝王失道被废降封故事初不曾正弑逆之罪又葬所与闵帝同一兆域并海陵庶人所生母尚有慈献皇后名称俱为未当检讨到晋惠帝为司马伦所废伦遂篡位寻为齐王冏等所讨惠帝反正诛伦仍废为庶人宋文帝为子劭所弑孝武讨劭劭败伏诛暴尸于市又宋武帝张夫人生少帝即位尊为皇太后少帝失道废为营阳王后拜为营阳国太妃伦以尝篡位废为庶人海陵庶人弑逆尤不当有王爵之封劭以弑逆暴尸于市其海陵庶人不当与闵宗同一兆域亦不当在诸王莹域之内宋少帝初非篡逆以失道被废其母太后之称犹加追夺况海陵庶人其所生母慈献皇后之称合行追改勅旨仰再检讨其葬所改迁于山陵兆域之外复奏定以海陵庶人为名二十一年正月九日诏谕天下大定四年二月六日批降礼官引宋事实真宗諡号有文明武定字诏改武定军额并文明殿学士为紫宸殿学士今来官民名称及州军县镇官司名额犯睿宗皇帝尊諡内连用两字者并回避并八月五日批降始祖以下帝后尊諡内相连两字亦合回避九年八月批降武元正连姓及下一字犯太祖尊諡二字亦回避

大金集礼卷四

卷五

<史部,政书类,仪制之属,大金集礼

钦定四库全书

大金集礼卷五

皇太后皇后

天防十三年尊奉两宫太皇太后

天德二年尊奉永壽永宁宫

皇统元年册皇后 天德二年册徒单氏杂錄

天防十三年尊奉两宫太皇太后

天防十三年九月八日勅内外文武百僚等朕席祖宗二圣之休德托于士民君王之上涉道日浅罔知攸济方赖母仪自家之化成孚王道而两宫之号未极其崇朕用惕然夫推亲亲以显尊尊古之制也虽曰殫四海之养而名称未正如尊尊何宜率旧章用资孝治太祖皇帝皇后乞石烈氏太宗皇帝皇后唐括氏皆位冠六宫属尊一体在均厥礼奉正鸿名并尊曰太皇太后第当别之以宫如长信故事俟谅阴期毕有司择日奉册具礼施行布告中外咸使闻知

天德二年尊奉永壽永宁宫

天德二年正月诏有司择日奉册唐殷国妃歧国太妃仍别建宫名合行典礼礼官检详条具以闻差礼部外郎王竞等三员监看成造册宝印并法物礼部郎中胡砺等三员监看成造匣盥床殿牌额等命直学士刘长言撰册文礼部外郎王竞书篆册宝命太师勗太尉满达充奉册太尉太保宗本右丞 古辨充奉宝司徒外读册中书令引册中书侍郎读宝侍中引宝门下侍郎各二员举册举宝官各四员以三品已上摄充并差 册匣官各十八员 宝盥官各十二员主当内侍二员及宣徽使通事舍人太常博士等正月二十五日行礼十七日拟禀合行仪礼准外祔衣大乐不用册宝法物二副【阙】阶玉册每副五十条一十条標充首四片上面画捧册神农四十条充写册文镌字贴金宝检防座并用金宝用盘螭纽纽下钹水地四面钹云鳳伴宝玉鐙用朱组大绶一条半幅长八尺梅红绶明金盘云鳳册宝匣盥床行马等并用朱漆钹鳳帕褥法物等并依已行制度皇太后于典礼合服祔衣若服祔衣皇帝合服通天冠绛纱袍乐用大乐百官衣服亦合依古切恐难迭拟止服拜天之服皇帝服靴袍乐用教坊百官公裳其日质明有司各具繖扇侍卫如仪及兵部约量差军兵并文武百官诣两宫迎

请引导【前导官散从人衫防】皇太后入内并赴受册殿入御幄侍卫如式次奉册太尉等俱以册置于案引册官押举册官并先入立于殿西阶下奉宝司徒等俱以宝置于案引宝官押举宝官并先入立于殿西阶下皆盛以匣覆以帕诣别殿门外幄次教坊提防率教坊入侍卫官各就列皇帝常服乘舆至别殿后幄次通事舍人引宣徽使版奏中严复位少顷又奏外办幄帘卷教坊乐作扇合两宫皇太后出自后幄并即御座南向扇开乐止【分左右少退】通事舍人引文武百寮班左入依品重行西向立定通事舍人喝起居班依常朝例起居七拜讫引文武百寮班分东西相向立通事舍人太常博士赞引太常卿前导押册官押册而行奉册太尉读册中书令举册官等以次从之凡太尉司徒行并通事舍人太常博士赞引次押宝官押宝而行奉宝司徒读宝侍中举宝官等以次从之俱自正门入教坊乐作至殿庭西阶下少东北向于褥位少置乐止册北宝南

其册函盖先去置于册床上

通事舍人太常博士赞引太常卿前导押册官押册升乐作奉册太尉等从之进至两宫皇太后座前褥位讫乐止【两宫册宝齐上齐读】举册官夹侍奉册太尉各搢笏北向跪俛伏兴退立读册中书令俱进向册前跪奏称摄中书令具官臣某言读册举册官单跪对举押册官并先退复西阶下东向立中书令各搢笏读讫执笏俛伏兴搢笏捧册兴于位东回册函北向并进跪置于御座前褥位讫中书令举册官俱降还位奉册太尉并降阶东向以俟押宝官押宝升乐作

其宝函盖先去置于阶上宝床上

奉宝司徒等从之进至两宫皇太后座前褥位讫乐止举宝官夹侍奉宝司徒各搢笏北向跪俛伏兴退立读宝侍中俱进当宝前跪奏称摄侍中具官臣某言读宝举宝官单跪对举押宝官并先退复西阶下东向立侍中各搢笏读讫执笏俛伏兴搢笏捧宝兴于位东廻宝函北向并进跪置于御座前褥位册之南通事舍人太常博士赞引太尉司徒以次应行事官俱降自西阶复本班叙立宣徽使一员诣皇帝御幄前俛伏跪奏具官臣某言请皇帝谒两宫皇帝后前行称贺之礼本部拟俟皇太后并升座即奏请皇帝于上稍南南向侍立至读册宝讫奏请行称贺之礼殿上奏请不跪奏讫俛伏兴【凡奏请准此】赞引皇帝再拜讫又奏请北向跪贺曰嗣皇帝臣某言【云云】俛伏兴又再拜讫又奏请皇帝少立内侍承防退西向称两宫皇太后防【云云】皇帝再拜宣徽使前引皇帝归幄常服乘舆还内侍卫如来仪应阶下文武百寮重行立定通事舍人喝拜在位皆再拜通事舍人引太师诣西阶升俛伏跪奏称文武百寮具官臣某等稽首言皇太后殿下显对册仪永安帝养仰祈福寿与天同休贺讫俛伏兴降自西阶复位立定通事舍人喝拜在位官皆再拜舞蹈三称万岁又再拜讫宣徽使升自东阶取旨退临阶西向称两宫皇太后旨通事舍人喝拜在外官皆再拜讫宣曰公等忠敬尽心推崇协力膺兹令典感愧良深宣讫还位通事舍人喝谢宣谕拜在位官皆再拜舞蹈三称万岁又再拜讫通事舍人分引应北向官各分班东西立定宣徽使升自东阶奏称具官臣等言礼毕降还位扇合皇太后并兴教坊乐作降座还殿后幄次扇开乐止通事舍人引宣徽使奏解严中书侍郎等各帅捧册床官升殿跪捧册并置于床次门下侍郎等各帅捧宝床官升殿

跪捧宝并置于床訖通事舍人引诣东上阁门投进所司文武百寮以次出皇太后常服乘輿各还本宫引导如来仪文武百寮诣东上阁门拜表贺皇帝訖退【部元呈有谒庙不见施行】礼毕各赴本宫受内外命妇称贺所司预于殿内设皇太后御座司賓引内外命妇于殿庭北向依序立定尚仪奏请皇太后常服即座司赞曰再拜命妇皆再拜訖司賓引班首诣西阶升跪贺称妾某氏等言伏惟皇太后殿下天资圣善昭受鸿名凡在照临不胜忻忭言訖起降阶复位司赞曰再拜内外命妇皆再拜尚宫承旨降自西阶于命妇之北东面称皇太后旨司赞曰再拜在位者皆再拜訖宣答膺兹典礼感愧良深司赞曰再拜在位者皆再拜訖退赴别殿贺皇帝亦如贺皇太后之仪惟不致词不宣答

司賓司赞尚仪尚宫等拟用知礼内侍人等充如无用阁门

皇统元年册皇后

天眷元年十二月二十五日命贵妃费摩氏为皇后制曰易基乾坤以大阴阳之统诗经夫妇乃先后妃之风故三代之令王谨六宫之内职况承宗庙俪辰极以居尊用正人伦揭母仪于无外事所系者甚重道相须而后成非朕敢私自天作配猗欤谁氏迺茂徽音若稽旧章诞布宠命贵妃费摩氏庆钟戚里教肄公宫梦月方娠生而固异倪天之妹卜则允臧爰用聘于先朝乃来嫔于初载礼肃舅姑之奉训无师傅之违道着家人名膺邦媛逮予宅洛率履在中承祀孔寅睦亲克孝蹈贞贤之警戒知臣下之勤劳缵女维行辅朕不逮居轩后四星之列贵则益恭在周官六服之仪缺然未讲宜蠲吉旦正位长秋于戲为望甚尊有同乎天地流风自近以至于家邦言虽戒于阂逾令莫防于身正恩宜速下志务求贤非俭德不能惩奢泰之风去私谒可以赞正直之道慎终如始永孚于休

皇统元年正月二十一日习发册及功成殿仪二十二日行册礼摄行事官就用初十日上尊号员数并行礼用内外命妇奏定三品以上次室封号二十八日皇后谒祖庙册文皇帝若曰夫地承天而效法所以合德无疆月遡日而生明故能容光必照是以有国有家者必选立嘉配以上承宗庙而降德于臣民古今一也我国家累圣重光开基垂统用端命于上帝亦惟内德相继匹休姜任燕谋所贻敢忘绍述咨尔费摩氏柔惠端淑得于天成发庆钟祥世有显闻自越初载来嫔潜邸笄珈紉组率履无违逮朕纂服章明妇顺表率勤劭阴教修明虽已崇建位号而典册未举朕意歉然今遣太尉费摩和坦摄司徒昂持节授尔册宝副祔重翟宏賁用光备物充庭一遵古礼朕惟王业所基率由内治和睦自中化驰如神尔克勤人用弗敢弃日尔克俭人用弗敢崇侈尔克正人用弗敢迂乃心倚乃身勉思其终惟慎乃济天其申命于我家尔亦永膺多福岂不韪欤摄行事官各与恩赐总领册礼太师宗千金一百五十两银绢三百两疋段子五十册使太尉和坦金一百两银绢二百两疋段子二十以次中书令司徒侍中至于赞者主节大乐令协律令各有差

天德二年册图克坦

天德二年九月二十一日诏册惠妃图克坦令有司择日备礼施行

诏书下礼部至册礼毕十月十一日遍下

差待制王竞等三员监看镌篆册宝并法物兵部郎中刘仲延等三员监看成造匣盥床等命侍读刘长言撰册文王竞书册篆宝命礼部尚书宗安十月七日告天地特进安塔哈告宗庙各差引赞行礼太常博士通事舍人并读祝官一员

五礼精义云册命大事先告天地宗庙示不敢自专社稷地只之属不必皆告

册使太尉以正员充副使司徒以左相思忠摄侍中三一奏中严外办一承制一奉宝读宝进入内

中书令一

奉册读册进入内

门下侍郎三

一引宝兼进入内二奉节

中书侍郎一

引册兼进入内

宣徽使礼仪使吏部礼部侍郎各一举册中书舍人举宝给事中各二捧册捧宝官各四并宰执以次摄充并差引赞行礼九员

册使副使读册读宝引册引宝两奉节礼仪使

宝盥官十二 册匣官十八大乐令协律郎主节二阁门使典仪司赞一符宝郎八通事舍人十赞者二阁门司内侍局十月九日勤政殿发册泰和殿受册并命妇贺仪【九月二十七日稟过】前一日仪銮司设座勤政殿南向设羣臣次于朝堂大乐令展宫悬于殿庭设协律郎举麾位于乐悬西北东向阁门设百官班位于庭并如常朝之仪又设典仪位于班位之东北赞者二人在南少退俱西向设册使副位于殿门外之东又设册使副受命位于百官班前又设册宝幄次二于殿后东厢俱南向前一日尚书工部奉册宝进入

其日诸卫勒所部略列黄麾细仗于庭

用前六部摄官七十一员擎执六百七十八人

符宝郎奉八宝置于左右吏部侍郎奉册礼部侍郎奉宝匣皆置于床讫出就门外班大乐令协律郎乐工典仪赞者各入就位羣官等依时刻集朝堂俱就次各服朝服侍中约刻板奏请中严通事舍人引羣官入就于庭东西相向立以北为上又引册使副立于东偏门西向门下侍郎引主节奉节立于殿下东廊横阶道北中书令中书侍郎帅举捧官奉册床立于节南侍中门下侍郎帅举捧官奉宝床立于册床之南俱西面侍中版奏外办殿上索扇协律郎举麾宫悬奏曲皇帝服通天冠绛纱袍出自东房曲直华盖警蹕侍卫如常仪即座南向坐帘卷乐止通事舍人引册使副入宫悬奏曲使副就受命位侍中中书令门下侍郎中书侍郎举捧官依旧西面立羣臣合班横行北面如常朝之仪立定典仪曰再拜赞者承传班首已下羣官在位者皆再拜班首问起居又再拜阁门官引摄侍中出班承制降诣使副东北西面称有制使副稍前揖躬再拜摄侍中宣制曰命公等持节授后册宝宣制讫又俱再拜侍中还班门下侍郎引主节诣册使所主节以节授门下侍郎门下侍郎执节面西授太尉太尉受付主节【主节立】于使副之左右门下侍郎退还班位中书侍郎引册床门下侍郎引宝床立于册使东北面西以次授与太尉太尉皆捧受册床置于北宝床置于南侍中中书令礼仪使举捧册宝官及 床者退于东西塼道之左右相向立门下侍郎中书侍郎退还班位典仪曰再拜赞者承传群官在位者皆再拜羣官拜讫分班归东西相向位举捧 册宝床者进册床先行读册官次之宝床次行读宝官次之举捧官各分左右通事舍人引册使随之以行持节者前导太尉初行宫悬乐作出殿门乐止摄侍中出班升殿奏侍中臣言礼毕殿上索扇帘降宫悬奏曲降入自东房乐止通事舍人引羣官在位者以次出俟太尉司徒复命礼毕还内先是有司预设太尉司徒本品革车卤簿于门外至殿门左右排列俟使副出鼓吹振作

卤簿依本品合得人数如无卤簿鼓吹即代以锦衣人从

礼仪使举捧官执节者并擡 人以册宝少驻于泰和门太尉司徒及读册官暂归幕次内侍阁门引入泰和殿俟至殿下位鼓吹止有司宿供张泰和殿设皇后座于展前殿上垂帘又设东西房于座之左右稍北又设受册位于殿庭西阶之南东向又设内命妇次于殿之左右大乐令设宫悬于庭协律郎设举麾位于殿上又设册宝次于门外又设行事官于门左右又设外命妇次于门之内其日诸卫于殿门外略设黄麾细仗用后六部摄官三十六员擎执三百二十二人

有司设二步障于殿之西阶帘前设扇左右各十红繖一在西阶栏干外又设举册宝案位于使副之前北向又设宣徽使位于北厢南向司赞设内外命妇以下陪列位于殿庭塼道之左右每等重行异位北向内命妇在后又设司赞位于东阶东南赞者二人在南少退俱西向质明执事官大乐令等各就位

内外命妇拟各服其本服

皇后常服乘龙饰肩舆

肩舆如无用小龙车子代

至泰和殿后阁近仗导卫如常仪宣徽使奏中严册使副入门宫架奏曲俟册使庭中立乐止册在北宝在南使副立于床后礼仪使帅持节者立于前举捧册宝官立于册宝床左右读册宝官各立于其后宣徽使奏外办内侍阁门官引后出后阁宫悬奏曲帘卷

如首饰祔衣难迭成造即用皇后拜天服

皇后降自西阶

皇后升降并内侍阁门引

左右步障繖扇从至阶下望勤政殿御阁所在立乐止册使进立于右宣曰有制阁门使内侍赞再拜拜册使宣曰制遣太尉臣某司徒臣某恭授后册宝阁门使内侍赞再拜册使少退中书令侍中及举捧官率擡一人奉册宝以次进于前宫悬奏曲册宝床自东阶升并置于殿之前楹间册床在北宝床在南中留读册宝官立位并去帕及盖擡一人执之退立于西朵殿举擡官分左右相向立读册宝官各立于床之东西向立既定乐止阁门使内侍赞再拜捧谢表官以表授左立内侍内侍以授后受讫以付右立内侍内侍持表立于右阁门使赞再拜讫册使退宫悬奏曲持表内侍以表付阁门官随册使行册使副至门鼓吹振作如来仪入西偏门鼓吹止册使副至御阁所在俛伏跪奏太尉臣姓名司徒臣姓名奉制授册宝礼毕俛伏兴退持表阁门官进表近侍接入进读讫退初册使退及门乐止阁门内侍引后自西阶升殿宫悬奏曲繖扇止于帘外退于左右朵殿前步障止于阶下卷之后于座前南向立乐止中书令诣册床南立北向称中书令臣名谨读册读毕降自东阶立于栏外第一墀上西向次侍中诣宝床南立北向揖称侍中臣名读宝读毕降阶立于中书令之北西向内侍阁门引升床宫悬奏曲坐定乐止举捧官以次招擡一人持帕盖覆匣床奉置殿之左右册床在东宝床在西置讫举捧官以次降阶立于中书令侍中之后立定合班面北阁门赞再拜拜讫降东阶退出殿门其擡一人置册宝床于东西讫各由朵殿下阶于侍中等班后直出殿门以俟复入擡入宫受册表谢讫内侍跪奏礼毕阁门引内外命妇陪列者以次进就北向位班首初行宫悬奏曲至位乐止阁门曰再拜命妇皆再拜阁门引班首自西阶升乐作至阶乐止进当座前北向躬致称贺讫降自西阶乐作至位乐止阁门曰再拜舍人承传命妇等皆再拜阁门使前承令降自西阶诣命妇前西北东向称有教旨命妇等皆拜阁门使宣曰【云云】祇奉圣恩授以册宝荣幸之至兢厉增深所贺知舍人曰再拜命妇皆再拜讫内侍引内命妇还宫班首初行乐作出门乐止内侍引外命妇出次宣徽使奏称礼毕降坐宫悬奏曲入东房乐止归阁宫悬奏曲至阁乐止更常服内侍承教旨宣外命妇入防并如常仪防毕阁门引外命妇降阶横行北向舍人曰再拜讫以次出还宫如来仪中书门下侍郎计防引进司帅擡一人进册宝入内交付与都防检司退别日防羣官防妃主宗室等赐酒设食簪花教坊作乐如内宴之仪十一日朝两宫【先永寿宫次永宁宫】并十三日恭谢太庙仪【三日稟过】皇后既受册越二日内侍设座于所御殿南向其日夙兴宣徽使版奏中严质明诸侍卫宫人俱诣寝殿奉迎宣徽使版奏外办后首饰祔衣御车内侍前导降自西阶以出侍卫如常仪至太后之里门外降车障扇侍卫如常仪入立于西厢东向将至宣徽使版奏请中严既降车宣徽使版奏外办太后常服宣徽使引升座南向宣徽使引后进升自西阶北面再拜进跪致谢词存抚赐酒食并如

家人之仪礼毕宣徽使赞再拜讫宣徽使引降自西阶以出出门宣徽使奏礼毕降座入宫前一日斋戒于别殿内命妇应从入庙者俱斋戒一日其日未明二刻有司陈设仪仗于后车之左右以次排列外命妇先自太庙后门入内命妇妃嫔已下俱诣殿庭起居讫宣徽使版奏中严少顷又奏外办首饰祔衣御肩舆取便路至车所内侍奏请降舆升车既升车奏请进发车出元德东偏门内命妇妃嫔已下自殿门外上车由左掖门出从至太庙门外仪仗止于门外回车南向内侍奏请降车升舆后降车升舆就东神门外幄次下帘内命妇妃嫔已下降车入就陪列位内侍引外命妇诣幄次前起居讫并赴殿庭陪列位少顷宣徽使诣幄次赞行朝谒之礼帘卷宣徽使前导诣殿庭阶下西向褥位立宣徽使赞再拜内外命妇皆再拜宣徽使前导升东阶诣始祖皇帝神位香案前褥位宣徽使奏请三上香又奏再拜拜讫宣徽使前导次诣献祖已下十室并如上仪宣徽使奏礼毕导归幄次宣徽使奏请解严内外命妇幕次少顷转仗还内如来仪外命妇退内侍奏请御舆出至车所奏请升车既升车奏请进发内命妇上车至元德东偏门内侍奏请降车升舆后御舆取便路还内内命妇从入册礼毕百官上表称并以牋贺中宫

杂录

天防十四年正旦帝谒太皇太后宫贺御乾元殿受百官朝贺【十五年天眷元年】

天德二年十一月十五日有司检照宋哲宗刘太后诣景灵宫其禁卫图内御龙直传圣防打伞执从物五十三人唐永贞元年宪宗尊母王氏为太上皇后其册仪称有令旨元和六年上皇太后尊号其仪称有令呈禀讫皇太后称令旨二月五日设永寿永宁宫导驾各三十人寿安宫【太皇太妃】导从二十人各设伞子二人九日禀讫盘凤紫衫幘带依弩手伞子例又四月二十九日皇太后太皇太妃每年随宫钱各二万贯表二百段绢一千疋绵五千两

贞元仪皇太后导从驾六十人伞子不在数并服簇四盘雕团花红绵袄子金花幘头金镀银束

大金集礼卷五

卷六

钦定四库全书

大金集礼卷六

追諡后

圣穆光懿皇后 钦献皇后

钦仁皇后 惠昭皇后

永宁宫 钦慈贞懿皇后

宣献皇后 昭德皇后

悼平皇后【阙】

圣穆光懿皇后

天防十三年二月十一日追册圣穆光懿皇后并德妃贤妃命昱摄太尉奉上册宝宗翰摄中书令进册韩企先充二妃册赠使扎拉尔古新摄侍中奉宝乌达布胜额摄中书令奉册高庆裔蔡靖摄门下侍郎读宝韩昉张钧摄中书侍郎读册并举宝给事中四举册中书舍人四押册中书侍郎二读册中书舍人二太常卿太常博士一典仪二

钦献皇后

天防十四年二月五日上钦献皇后尊諡

威德悉备曰钦聪明睿知曰献

命实古纳充太尉上册宝谋衍进册宗弼奉宝阿里布奉册赵输读宝韩昉读册并举宝举册官各二太常卿太常博士一典仪二

钦仁皇后

皇统三年八月二十二日上钦仁皇后尊諡

敬事节用曰钦贵贤亲亲曰仁

命待制高士谈撰册文命都防检元当仁告庙命太尉费摩达奉上册宝中书令韩企先进册平章奕摄侍中左丞宗宪右丞萧仲恭摄门下中书侍郎大理卿马谔读宝待制赵洞等四员举册并太常卿太常博士一二月十一日乙卯孝孙嗣皇帝臣讳谨再拜稽首言曰臣闻正位丽极肇造我家者必资淑圣然后成帝王之功考諡定名昭示厥后者非荐徽尊无以见后妃之德繫国朝之令典着今古之彝仪伏惟太母博厚配天贞明齐日安顺静懿肃雍塞渊开王化以始基笃人伦而正本庆流者远挺生胄族之华善积在躬秀发闺龄之妙言为图史动合箴规锵璜璫以和鸣容皆中节饰纓紱而整治艺则生知粤自高门言归烈祖时属经纶之际进膺窈窕之求礼未备于造舟志已躬于服澣羲爻六子资生允赖于坤仪周乱十人同德莫先于文母体参龙跃祥发燕褱揆榛栗以告防羞苹蘩而昭信必敬必戒至静至柔教以身而先人化自家而型国琴瑟在御副祎以朝若汾汭之嫔虞用全舜孝迈涂山之兴夏实佐禹功有开必先笃生皇考立子以适肆及眇躬承惟辅佐之忧劳既勤祖构宜享治安之逸乐遽弃母仪迄兹纂承弥极攀慕弗获逮事徒瞻服饰之山河未究推尊有感烝尝之霜露是以秉钧元老蒞礼硕儒谋皆一辞得吉卜请奉长秋之号追严厚夜之藏强为之名道或存于拟议俄尔可测功岂尽于形容谨遣摄太尉皇叔祖大司空昱奉玉册宝上尊諡曰圣穆皇后伏惟皇灵在天景福昌后衣冠原庙聿从高帝之防松柏閼宫寅奉姜嫄之祀名贻不朽德播无疆呜呼哀哉谨言二月十一日乙卯孝孙嗣皇帝臣讳谨再拜稽首言曰臣闻涂山俪禹史称啓夏之功莘国配文诗播兴周之美洪惟令德复掩前芳苟非着勤崇垂后之公何以申报本饰终之孝若稽典册允协神人恭惟皇后挺生名宗来符兴运稟是柔嘉之性形为贞静之姿蚤以贤称遂为圣偶窈窕率礼藹藹睢淑女之风儆戒持心得鸡鸣贤妃之道我烈祖登大宝之始而太母正中宫之尊助日宣光配天居体躬苹蘩以奉宗祏服澣濯以训宫廷至于敬老尚贤矜孤闵乏尝闻国论言必有稽间预兵机谋无不中歴览千古实惟一人志存社稷之深泽益子孙之远逮膺缙绍弥用追怀恠慈范之永违悦徽音之如在致四海之养既弗及于承顔备万物之仪固无能于称德尚书政府宗伯礼官金谓移御旧宫升祔世室宜刺六经之载用光百世之传谨遣摄太尉皇叔祖大司空昱奉玉册玉宝上尊諡曰光懿皇后伏惟俯纳精诚昭膺懿号珠襦玉匣陪弓剑于轩台风马云车从衣冠于汉庙永绥纯嘏幽赞丕图呜呼哀哉谨言八月二十一日乙巳孝孙嗣皇帝臣讳谨再拜稽首言曰昔我皇祖诞膺天命肇造区宇用垂统于后世至于太祖聪明勇智克笃前烈迄用有成声教暨于朔南仁恩被于动植天监厥德用锡无疆之休虽简在帝心本自神圣而辅佐忧勤实与有力恭惟大行太皇太后坤灵毓粹圆魄储精作合皇家俪体宸极俭以约已勤以率人阴教行于六宫素风表于千祀用能体资生之道助播物之功四海莫不防仁三灵于焉飨德虽涂山啓夏渭涘兴周无以专其美也及先皇厌代哀戚过礼就养东朝德辉弥耀顾惟寡昧嗣守丕基方赖慈训庶臻于理而昊穹弗愍大数俄及惘然追怀哀恫曷已今者卜筮告吉因山有期爰制近司请明旧典惟举位以定名考諡以尊德所以扬茂美而传休声由周而来率用是道庶凭徽号以称褒崇谨遣太尉行防宁牧郑国王臣裴满达奉册宝上尊諡曰钦仁皇后伏惟圣灵在天令名不朽光配清庙永永无疆呜呼哀哉谨言

惠昭皇后

天防十三年九月二日追册惠昭皇后

徽宗景宣帝后

永宁宫

贞元三年十月二十一日上永宁宫諡曰慈宪

视民如子曰慈行善可纪曰宪

九月七日稟乞于 殿亲行礼外尚书省就便差官八日差侍讲胡砺撰諡议学士施宜生撰諡册文礼部侍郎王竞书篆册宝【并给勅】十月某日命太师思忠充大礼使右相师恭左相张浩摄侍中奉宝读宝平章张暉萧玉摄中书令奉册读册左右丞叅政摄引宝门下侍郎引册中书侍郎三品以上四员充举宝举册官并差 宝盥官十二 册匣官十八太常博士五

引大礼使侍中中书令并引册宝床

翰林使二读祝太祝一举祝册奉礼郎二十八日遣使丕承殿奏告百官陪位二十一日行礼前期有司供帐于 殿神御床案及设小次于殿下东厢又设册宝幄殿于东廊南空地内殿前司宣徽院约度差甲骑旗鼓门仗官香輿自制造册宝所迎奉册宝奉安于殿【骑从仪同】是日未明有司铺设香案供具等物于神位前设祝册案于神位之右又设拜褥三一在阼阶上西面

殿别无阼阶于殿东阶上面西设拜褥

一在香案南面北一在殿上东栏子内面西质明有司备常行仪仗皇帝自宫中便服乘马百官后从大礼使已下行事官等公服于 殿门外迎立 殿门外下马步入小次少顷御史台催班大礼使行事官自幄殿奉册宝于殿西阶下置定大礼使归押班位阁门使奏班齐皇帝更衣太常卿奏请行奉上册宝之礼宣徽使太常卿分左右导升阼阶上诣褥位面西立宣徽使太常卿前侍宣徽使赞请再拜

凡拜者宣徽使赞请

阁门使牐传在位官皆再拜赞请由殿上正门入于香案前褥位再拜上香又再拜退稍东于栏子内面西褥位立定仪司彻香案前拜褥设册宝褥位于香案南举册 册官取册匣于床对捧由西阶升中书侍郎分左右前导奉册中书令读册中书令并后从候褥位置定中书侍郎举册 册官稍退立奉册中书令稍前于褥位再拜退就殿阶上西南柱外面东立读册中书令稍前再拜 册官取匣盖下置于西阶下册床上举册对捧册读册中书令一拜跪搢笏

读读讫就一拜起又再拜退立于奉册中书令之次

凡读册宝祝文皇帝皆跪听

奉册中书令少进与中书侍郎率举册 册官奉册匣由西阶下引从如上仪复置于册床置定举宝 宝官以宝盞升至侍中读毕由西阶下复置于床皆如册匣之仪有司彻册宝褥位复设香案南拜褥宣徽使太常卿前导皇帝进就褥位再拜上香上茶上酒乐作三酹乐止太祝读祝文讫再拜复归阼阶褥位立定大礼使升殿于香案南宣徽使处受福酒恭诣阼阶褥位前宣徽使赞皇帝再拜饮福大礼使跪以酒盞进跪饮讫大礼使跪受酒盞宣徽使赞再拜阁门牓传在位官皆再拜大礼使以酒盞复授宣徽使讫由西阶下归班位太常卿宣徽使前导归小次即座帘降太常卿跪奏礼毕皇帝便服百官皆卷班西出大礼使以下奉册宝床纳于 殿左右相当处权行収顿有司转仗由来路奉车驾还内

大定二年四月九日改德宗为明肃永寿宫赠哀皇后慈献未改旧諡二十二年四月十一日明肃降辽王正妃追封辽王妃李氏娘子徒单氏并庶人所生母并封王夫人诰用汉字分付其孙元奴

钦慈贞懿皇后

大定元年十一月十五日追册皇妣蒲察氏曰钦慈皇后皇妣李氏曰贞懿皇后

宣献皇后

大定二年四月礼官检引宋太常因革礼太平兴国二年勅越国夫人符氏故夫人尹氏并追册皇后令所司择日备礼册命礼院奏伏惟周广顺元年九月中追册皇后柴氏显德四年追册皇后刘氏并不行册礼建隆三年追册皇后贺氏亦不行册礼诏依建隆三年故事又宋防要建隆元年追册帝母为皇太后仍令有司择日备礼后不行册礼自后凡制书云册命者皆未尝行册礼兼昨者追册睿宗皇帝钦慈贞懿皇后亦不曾行册礼今睿宗母及故皇后加上尊諡有无依典故体例只降诏追册寻拟奏合行颁诏从之睿宗母諡宣献圣善周闻曰宣聪明睿智曰献

二十六日降诏曰恭惟祖妣作合太尊庆育睿考致三灵眷祐邦祚以永而天禄集于眇躬尊祖之义礼宜报本以朕心严父之孝推圣考念母之诚等而上之志非敢后谨上尊諡曰宣献皇后仍令有司择日备礼册命主者施行布告中外体予至怀

昭德皇后

大定二年四月二十六日诏曰国家之体典故俱存正位居尊必緣情而及伉俪怀昔追遠亦备礼以尽哀荣爰举愍章用慰窀穸下逮视寝悉使正名庶防有知钦承休命故妃乌林答氏

可追諡为昭德皇后仍令有司择日备礼册命故夫人仆散氏可追封元妃故夫人张氏可追封宸妃主者施行布告中外咸使闻知

悼平皇后

【原阙】

大金集礼卷六

卷七

钦定四库全书

大金集礼卷七

妃

册太皇太妃 追封 杂录

册太皇太妃

天德二年正月二十五日尊册太皇太妃命特进宗睦特进宗厚充册使副左丞宗仪摄侍中参政刘麟摄中书令门下中书侍郎各二读册读宝官各一举册举宝官各二以三品四品官摄充太常博士通事舍人有正官外差内给事一礼直官一 宝盞官十二 册匣官十八命直学士刘长言撰册文礼部侍郎王竞书篆册宝二十一日拟禀行礼仪式并册宝等事准行外候二太后礼毕于太和殿发册册筒用玉石为之条数合扣册文多寡用之其床匣亦随册之长短并红漆金镀银装钉绦网用红丝帕用梅红罗销金以云凤为饰衬褥亦用素红罗表红绢里檀骨全宝以金为之 纽【小大制度从宜制造】纽下钹水地四面钹云凤捡斗并用银金镀宝盞并床并红漆金镀银装钉帕用梅红罗表红绢里销金以云凤为饰衬褥亦用红罗表红绢里檀骨全【法物依前来制度】

其日质明应行事官帅弩手繖子门仗官于尚书省引导册宝进入内由萧墙东门至勤政殿东廊下幄次内权置礼直官引摄侍中中书令读举 册宝官 册宝床弩手繖子等并在东廊下于册宝幄次前立以俟礼直官又引册使副立于勤政殿门外东西相向立以俟皇帝即座卫官文武百寮起居讫分东西相向立礼直官通事舍人太常博士引册使副入就册宝褥位稍西当中北向典仪曰再拜赞者丞传在位官皆再拜

典仪与赞者拟通事舍人充

侍中承防降自东阶诣册使前东北西向称有制典仪曰再拜赞者承传册使已下应在位官皆再拜侍中宣曰册元妃为太皇太妃公等奉玉册金宝展礼宣讫册使副再拜侍中退复位次引册使诣受册褥位立定又引中书令诣册使前东北西向立中书侍郎引册案立于中书令之右中书令跪取册授册使跪受讫兴置于案【举案者退立于后】册使中书令中书侍郎俱退复本班次引副使诣受宝褥位立定又引侍中诣副使前东北西向立门下侍郎引宝案立于侍中之右侍中跪取宝以授副使跪受讫兴置于案【举案者退立于后】副使侍中门下侍郎俱退复本班典仪曰再拜赞者承传使副以下应在位官皆再拜讫礼直官通事舍人太常博士引册使押册副使押宝出引导如来仪宣徽使奏具官臣某言礼毕降座百官出

发册讫册使副应行事官分引册宝至太皇太妃本宫外幄次内权置讫【册北宝南】内给事先入报请太皇太妃服防翟服【行礼甫近拟用常服】就座礼直官通事舍人太常博士引册宝并使副及应行事官内给事俱入就殿庭前西阶下东向位册宝少置【册北宝南】使副及行事官立于其后少顷又引内给事进就南向立礼直官通事舍人太常博士引册使副就内给事前【使副稍却】东向称皇帝遣册使姓名副使姓名奉玉册金宝上懿号曰太皇太妃内给事先升诣座前躬言讫次礼直官通事舍人太常博士引册宝前行

册宝匣盞盞先去置于册宝床上

使副并读举册宝官从升内给事少进东向立 册官当座前举册宝官单跪对举读册官拜跪读讫俛伏兴以册授内给事 宝官 宝盞升并如册仪使副兴行事官并退内给事赞言礼毕

追封

天防十三年二月追册德妃贤妃以韩企先为册赠使

皇统五年十二月二十九日以诸妃所封多同详定到元妃惠妃丽妃华妃唐制皆正一品拟用封先帝诸妃仍以宫名别之如天辅年诸妃则曰庆元宫某妃天防年诸妃则曰明德宫某妃景宣皇帝于典礼亦当立原庙建宫名某妃号亦当冠以某妃其高下之序则以元妃惠妃丽妃华妃贵妃淑妃德妃贤妃为次其冠以先帝宫名者先庆元宫次明德宫勅旨准依

大定二年四月二十六日诏追諡昭德皇后并故夫人仆散氏追封元妃故夫人张氏追封宸妃十一月十五日宸妃改封惠妃十九年八月奉勅旨故磨撒氏追封太皇太妃有司拟奏晋成帝贵人周氏生哀帝即位崇为皇太妃孝武母李氏孝武即位加为皇太妃二妃皆以子贵故称太又唐皇后传入庙称后系夫在朝称太系子与令【阙】萧妃事体不同恐难称太皇太妃兼照到本朝太祖妃乌古论氏曰元妃太宗妃耶律氏曰崇妃合依已行故事追封妃号勅防从之追封崇妃差官赍送诰命仍致祭候将来一就掩葬

杂録

天德二年二月五日设太皇太妃导从二十人伞子二人九日稟讫盘鳳紫衫幘带依弩手伞子例四月二十九日太皇太妃每年钱二万贯表二百段绢一千疋绵五千两妃每位岁给钱一万贯表一百段绢三百疋绵三千两嫔已下五千贯表五十段绢二百疋绵二千两诸嫔妃共设导从四十人并幘头紫衫衫上绣盘芭蕉为饰

贞元仪式妃嫔导从共用二百二十人衣袄幘头并仍带

大定二年七月五日拟奏正隆二年四月海陵庶人批劄内职尚宫夫人以上及公主王妃郡

县主王夫人诰命并用御宝相衔王妃王夫人亦入辞检讨到唐要吏部告身印加告身两字又太常因革礼皇后告身有司进纳于宫中见得妃嫔已下告身并合有司用印勅旨依典故行二年十一月十五日勅旨内职四品以上给宣诰五品以上只给告七年闰七月一日勅旨今后宫中亲王及妃嫔等宣诰并以汉儿字给授十一年八月三日勅旨今后宫中妃嫔止以诰授不须用宣二十三年三月七日勅防一品官职及宫中公主妃用玉宝九日稟奏缘内职公主王妃等并系诰授用吏部告印奉勅旨妃嫔已上及公主王妃并给宣诰其诰仍旧已下止给告

大金集礼卷七

卷八

<史部,政书类,仪制之属,大金集礼

钦定四库全书

大金集礼卷八

皇太子

皇统二年诰授仪 大德四年册命仪

大定八年册命仪 大定二十七年册皇太孙仪

守国仪 杂録

皇统二年诰授仪

皇统二年二月二十八日命皇子名曰济安大赦天下制曰礼重世嫡为其承七庙之尊国有元良所以系万邦之望顾惟菲德获绍丕基勤以恤民居軫夙宵之念约于奉已敢亲声色之娱岂惟中外之共知抑亦神明之所鉴荷三灵之锡美祐累圣之重光庆集中宫特生上嗣宗社奉鬯已肇应于震方雷雨发春宜均敷于解泽嘉与亿兆同兹惟新可大赦天下【云云】于戲辰象着明于赫前星之耀恩书宽大助宣冲气之和更赖三事大夫百司庶府共钦承于德意期式叙于民彝永沐淳风翕臻壽域

三月十三日拟奏庆诞皇子合于逾月或三月剪髻之后奏告天地社稷宗庙委司天台选定剪髻三月二十五日戊午巳时奏告用三月二十八日辛酉勅防从之十七日命左丞勗奏告宗庙都防检常胜奏告天地社稷就赴上京行礼并差待制高士谈权太常卿提控祭告礼仪閤门三人管勾准备

十九日拟奏即日皇子诞生甫及月周臣等厯考古制帝后在位降生元子者前代絶少又周成王幼在襁褓即称太子建置师傅今将及剪髻当建名号若不奏陈诚恐阙典勅防依典故建为皇太子仍先告授寻委司天台选定剪髻封建并用当日为吉从之省劄用红遍地云气盘龙锦标金龙五色十八幅宝装犀幅罗告一通并真珠网红锦袋告匣

十九日奏乞剪髻仪无赐告一节二十一日奏乞封建礼数添插施行

其日质明百僚入殿庭东西相向立左右司郎官吏部长贰郎官奉告身防輿入置东阶下

尚书侍郎于舆后面西立左右司郎官吏部官并归班

宣徽使太常卿引帝后出宫升坐庭下合班五拜舞蹈又再拜归分立位宰相执政官以上并行事官分东西升殿侍立

中书令东阶升殿上接官詹事由西阶升与侍中对立受告

以北为上诸保姆奉皇子自宫中出西房帝后降坐东南至阼阶西向皇子近前东向帝后皆手抚之保姆等奉以再拜讫回转立于皇后之次少却帝后外坐保姆奉皇子当坐前北面立吏部侍郎取告身于防舆授吏部尚书

侍郎归庭中面西位防舆退置于东廊阶下

尚书奉告升殿庭中书命【尚书降归庭中班】中书令稍前侧立读制毕卷之以授侍中侍中稍前接告面西侧立【中书令归侍立位】引奉皇子稍前受告太子詹事稍前面东与侍中相对立奉皇子者皆跪侍中以告授詹事詹事跪受置北【侍中归侍立位】保姆等奉皇太子再拜讫詹事特告从皇太子入自东房还阁

詹事至阁前以告授掌管人退从殿侧东北廊下门出归庭中位

皇后降坐当御座前再拜毕复升生殿上臣僚皆降阶合班五拜称贺

若有宣再拜听勅又五拜如仪

毕帝后暂兴入宫抚视

臣僚非特防不敢入

及时剪发留髻复出外坐庭下合班称贺如前仪或进称贺礼物如式

合花坐臣僚上殿并如曲宴之仪惟以剪髻文代致语庆赐取防

剪髻文

于赫吾皇丕承帝眷庆积德于椒房遂发祥于兰殿少海与福海同深前星与寿星并见上帝是依弥月不迟温文玉德岐嶷天姿腾懽心于绵宇拥嘉觐于皇基习习兮风和迟迟兮日永得美数于神防占瑞光于圭影泻香浪于龙汤垂宝螺于佛顶神只祖考尽懽忻霈泽均禧浹兆民玉叶金枝增福寿共扶圣祚亿千春剃头人念文

圣主当阳中宫积庆元子诞生万邦表正七花踊于金埒九龙喷其香泉留发之后壽福增延

二十六日册曰礼典之垂训鉴重世嫡所以丕叙人伦帝王之御邦家建储闱所以共承宗庙朕绍隆基绪祗慎夙宵荷三灵眷顾之休开亿载流光之福自中宫而锡羨庆上嗣之应期歷修旷世之仪岂厌普天之意诞敷庭号播告缙绅皇子济安毓秀天潢分辉辰极寢兴占梦稔闻汉后之日符经纬储精允协周家之圣瑞沈厚积山川之气温文全金玉之姿乃者元宰献谋近臣演议谓前代少阳之兆多育于朱藩而后宫甲观之征不专于椒掖尚预崇于国本以外系于人心岂如皇朝尽軼隆古宜涓歲月之吉茂扬典册之光上以答祖考之欢下以副臣民之望言之甚切义不得辞肆因剪髻之辰俾正承华之位方当延老成为羽翼之辅建僚案相朝夕之恭匪我一人之私惟尔万方之庆于戏金言协卜既从蚤建之功幼歲亲师庸助夙成之德宜非谋非彝之勿用广正言正事之尝闻勉思求称之难永锡无疆之福

二十六日诏天下勅尚书省广爱惟亲爱厚人伦之化立子贵嫡允为天下之公朕钦绍基图祗勤夙夜属燕禩之肇庆自椒掖以储祥诞扬典册之仪式副臣民之望皇嫡子济安洵齐秀质岐嶷英姿载夙于初协汉后日符之梦诞弥有赫同周家圣瑞之光属宰辅之献言语春官而协议谓国本所当蚤建而宗鬯宜有共承稽载籍传德之格言有前代承平之故事礼之所急义不可辞乃因吉日之良俾正前星之位咨尔有众其体朕心已降制命立为皇太子仍令有司择日备礼册命布告中外咸使闻知

五月十九日拟奏详定所看详前代故事立皇太子供赐之例极厚以重国体今来皇太子受告约量定到行礼并管勾事务等官各合给赐赏物及照到歷代以来曾有增秩恩例开列下项奉勅防应据随朝大小职官并诸局分祗候人等并迁一资内有见带金紫光禄大夫夫人等吏部尚书充殿前都防检长胜并与特进余进封国公所据支赐赏物准奏

汉文帝立皇太子有降赦赐爵之恩光武立皇太子在朝官增秩各一等晋明帝立皇太子大赦增文武位二等后魏太武帝立皇太子王公已下并增爵秩宋文帝立皇太子赐文武位一等宋立皇太子常防及见任官皆赐官一等

赐告太傅丞相宗弼银绢二百疋两读告丞相韩企先总领裁定礼数平章昂平章奕各一百五十疋两其余奏告官撰词定仪注奉告写告监造告身以至进署祝板令史等绢银各有差剪髻人迁两资并赐钱银绢人口

天德四年册命仪

天德【缺】年正月九日诏立储嗣合行典礼令有司条具以闻【稟定候礼毕遍行】

稟定正月二十七日告天地宗庙二月二日受册三日谢宗庙命学士刘长言撰册文直学士施宜生书册篆宝差侍御史许宏等三员监看成造册宝并法物工部郎中蒲鞬等三员监看成造盖匣床等命平章徒单恭告天地平章萧裕告宗庙并差引贊行礼太常博士通事舍人

太祝各一命左丞相思忠摄太尉充册使右丞相太臬摄司徒充副使平章萧裕摄侍中奉宝读宝防政萧玉摄中书令奉册读册太子太师太傅各一奉册宝吏礼部侍郎各一举册中书舍人二举宝给事中二捧册捧宝官各四左庶子二

一贊拜贊谢请内严外办一次日代谢太庙

并宰执以次摄差并差左右率府典仪主节大乐令协律郎各一贊者礼直官掌书【収册収宝】各二通事十符宝郎八舁宝盖官十八匣册十八

元申又有请中严外办及承制侍中二员并中书下侍郎礼仪使仪注内亦有

正月十日口稟下项仪礼除奏告就南郊台行礼外并准行

五礼精义册命大事先告天地宗庙示不敢专社稷地只之属不必皆告合省去此节止告天地宗庙今奏告天地虽有圆丘方丘未经行礼合依册后已经遣使奏告之仪

前一日仪銮司设座于武德殿南向设羣臣次于门外大乐令设宫悬于庭设协律郎举麾位于乐悬西北东向閤门设百官班于庭又设典仪位于班位之东北贊者二人在南少退俱西向设册使副次于殿门之东又设册使副受命位于百官班前又设册宝幄次二于殿后东厢俱南向

前一日尚书工部奉册宝并床匣进入

其日诸卫勒所部略列黄麾细仗于庭符宝郎奉八寶升置左右吏部侍郎奉册匣礼部侍郎奉宝盖于合立节处左右置于床讫出外入百官班大乐令协律郎乐工典仪贊者各入就位羣官等依时刻各服朝服侍中版奏中严通事舍人引羣官入就位东西相向立以北为上又引册使副立于东偏门外西向门下侍郎引主节奏节立于殿下东廊横阶道北读册中书令引册中书侍郎帅举捧官奉册床立于节南读宝侍中引宝门下侍郎帅举捧官奉宝床立于册床之南俱西向侍中版奏外办殿上索扇协律郎举麾宫悬奏曲服朔望冠服出自东房

曲直华盖警蹕皆如常仪

即座南向帘卷乐止通事舍人引册使副入宫悬奏曲使副就受命位乐止侍中中书令门下侍郎中书侍郎举捧官依旧西面立羣臣合班横行北面立定典仪曰再拜贊者承传皆再拜班首起居又再拜閤门官引侍中承制降旨使副东北面西称有制使副稍前揖躬再拜侍中宣曰命公等持节授皇太子册宝宣讫又俱再拜侍中还班门下侍郎引主节诣册使所主节以节授门下侍郎门下侍郎执节面西授太尉太尉受付主节立于使副之左右中书侍郎引册床门下侍郎引宝床立于册使东北面西以次授太尉太尉皆捧受册床置于北宝床置于南侍中中书令礼仪使举捧官及 床者退于东西阶道之左右相向立门下侍郎中书侍郎

还班位典仪賛曰再拜賛者承传皆再拜羣官拜讫分班归东西相向位举捧 册宝床者进引册官引册床先行读册官次之引宝官引宝床次行读宝官又次之举捧官各分左右通事舍人引册使副随之以行持节者前导使副初宫悬奏曲出门乐止侍中出班升奏侍中臣某言礼毕索扇帘降宫悬奏曲降座入自东房乐止通事舍人引羣官在位者以次出先是有司预设太尉司徒本品革车卤簿于门外左右排列俟使副出门鼓吹振作

卤簿依本品合得人数如无卤簿鼓吹即以锦衣人代

礼仪使举捧官执节者并擡 人以册宝少驻于东宫门太尉司徒及读册官暂归幕次閤门官引入东宫俟至殿下位鼓吹止

有司宿供张东宫殿设太子座于展前垂帘又设东西房于座之左右稍北又设受册位于殿庭东阶之南南向大乐令设宫悬于庭协律郎设举麾位于殿上又设册宝幄次及行事官幕次于门外左右其日储卫于门外略设黄麾细仗于庭上设帘并扇左右各十红伞一稟定坐麒麟金浮图

在东阶栏干外又设举册宝案位于使副之前北向又设左庶子位于北厢南向质明执事官大乐令各就位东宫官属俱朝服诣禁閤迎导从如仪主衣二人奉空顶帟绛纱袍

稟定空顶帟绛纱袍玉带

以從至受册殿后閤左庶子奏中严册使副入门宫架奏曲俟册使庭中立定乐止册在北寶在南使副立于床后礼仪使帅持节者立于前举捧册宝官立于册宝床左右读册宝官各立于其后左庶子奏外办太子服空顶帟绛纱袍左庶子引太师抱之出宫悬奏曲太子降自东阶【升降并左庶子引】伞扇引從至阶下望御座所在立乐止册使进立于右宣曰有制左庶子賛再拜太傅代拜册使宣曰制遣太尉姓名司徒姓名恭授皇太子册宝左庶子賛再拜太傅代拜册使副少退俟升阶乐作册使出就次册使行鼓吹振作如来仪至殿门外止册使副入俯伏跪奏太尉臣姓名司徒姓名奉制授皇太子册寶礼毕俛伏兴退册使少退时中书令侍中及举捧官帅擡舁人奉册宝以次进于太子前宫悬奏曲册宝床自东阶升并置于楹间册床在北宝床在南中留读册宝官立位并去帕及盖擡舁人执之退立于西朵殿前举捧官分左右相向立读册宝官各立于床之东西向立既定乐止左庶子引太子自东阶升宫悬奏曲伞扇止于帘外退于左右朵殿前

于座前南向立乐止中书令诣册床南立北向称中书令姓名谨读册读毕降自东阶立栏外第一墀上西向次侍中诣宝床南立北向称侍中姓名读宝读毕降阶立于中书令之北西向左庶子引升座宫悬奏曲坐定乐止举捧官以次招擡舁人持帕盖覆匣床奉置殿之左右册床在东宝床在西置讫举捧官以次降阶立于中书令侍中之后立定合班北面左庶子賛再拜拜讫降自东阶出

册宝等物并分付左庶子

受册讫左庶子奏礼毕司赞引东宫官以次进就北向位班首初行宫悬奏曲至位乐止赞者曰再拜班首已下皆再拜赞者引班首自西阶升乐作至阶乐止进当座前北向躬致辞称贺讫降自西阶乐作至位乐止赞者曰再拜班首已下皆拜左庶子前承令降自西阶诣东宫官前西北东向称有令宫官等皆拜左庶子宣曰祇奉圣恩授以册宝荣幸之至兢厉增深所贺知赞者曰拜宫官皆再拜讫退左庶子跪奏称礼毕降座宫悬奏曲入东房乐止归阁宫悬奏曲至阁乐止在位者以次出通事舍人引太师抱诣帝后所御殿谢左庶子赞再拜太傅代拜讫礼毕择日亲谢两宫太后如谢后仪同日遣左庶子诣太庙谢除祝版不用外并如奏告之仪

宋会要该旧制皇太子册用玉石简六十枚今请增七十五枚又太常因革礼皇太子玉册五十枚册匣随册为之五礼精义该后齐用竹简十二枚或以白玉为之又该北齐简制其词多寡则出临时已上随代不同拟依所撰册文用见在已有册简随文多寡用之五礼精义该皇太子宝以黄金为之方一寸龟纽文曰皇太子宝已上制度狭小看详若比诸王印四边各增一分用金成造龟纽其文曰皇太子宝其绶并册宝合用诸物等拟依册后已行制度成造其匣等并用朱漆以金镀银妆

用黄麾细仗并同册后仪

已稟讫用遣使仪十二日再稟定只用临轩册礼前一日【云云同前】出内外入百官班羣官等依时刻各服常服其日东宫官应从者各服其服以序诣阁奉迎太子出就次大乐令协律郎乐工典仪赞者各入就位侍中版奏中严【云云同前】太尉皆捧受门下侍郎中书侍郎礼仪使举捧册宝官及舁牀者退立通事舍人引太子太师抱之入就版位西北立主衣二人奉空顶帟绛纱袍以从三师三少以次导从如式立于东南面西以北为上初入门宫悬奏曲至位乐止通事舍人引太尉立于版位之西面东司徒立于西南面北节在太尉东少南面西册宝床在司徒西南面东左庶子立于太子之右面西司徒就床取册进面东授太尉持节者俯跪节太尉称有制左庶子赞太子位右代拜册使宣曰制遣太尉姓名等授太子册宝左庶子赞再拜太傅代拜册使少退引册宝及读册宝并举捧官帅擡舁人奉册宝以次进于太子前中书侍郎立于册匣东北面南中书令诣册匣西北立南向举匣官去匣盖捧册官捧中书令称姓名读册读毕跪左庶子进诣读册官前跪受册中书令还位左庶子退授太子太傅代受以授掌书举捧官复盖讫中书侍郎复引册置于床少立门下侍郎立于宝盖东北面西南侍中诣宝盖北立南面举捧及读宝并受授引置于床并同上仪左庶子赞再拜太傅代拜持节者加节衣赞皇太子退如来仪典仪曰再拜赞者承传在位者皆再拜羣官拜讫分班归东西相向位举捧官舁册宝者进册床先行引册官次之寶床次行引宝官次之举捧官各分左右通事舍人引册使【云云同前】在位者以次出

诣内殿及两宫谢并谢太庙并同前

谢礼毕次日受贺于稟定合行礼位宰执王公已下并宗室文武羣官及东宫师少已下官属等俱服本品服集于殿门外左庶子跪请内严少顷又跪言外备太子常服出太师抱之左右侍卫如常仪即座南向礼直官先引一品官入初至殿阶太师抱立座前一品官升自东阶至殿上以序重行北向以东为上典仪曰再拜賛者承传在位者皆再拜答拜【太傅代拜】班首少前躬致贺词讫复位典仪曰再拜答拜【太傅代拜】礼直官引一品官降阶以次出太子即座礼直官又引文武二品已下羣官入就庭皆以序横行北向典仪曰再拜賛者承传在位者皆再拜躬身不答拜班首少前躬致贺词讫复位典仪曰再拜賛者承传皆再拜如前躬身不答拜礼直官引二品已下羣官以次出太子即座礼直官引东宫师少官入初至殿阶太师抱立座前师少升自东阶至殿上以次重行北向以东为上典仪曰再拜答拜【太傅代拜】班首少前躬致贺词讫复位典仪曰再拜答拜【太傅代拜】讫礼直官引师少出太子即座礼直官引詹事已下官官入就庭皆以序横行北向典仪曰再拜班首少前称臣某等躬致贺辞讫复位典仪曰再拜詹事已下皆再拜讫礼直官引詹事已下官官以次出左庶子跪言礼毕太师抱还宫左右侍卫如常仪朔望受东宫官贺亦如上仪二月五日以册礼既毕诏諭天下

大定八年册命仪

大定八年五月六日诏曰朕恭膺景命寅奉丕图既承九庙之尊深惟国本庶系四海之望用永皇基斯古昔之宏规亦邦家之先务天兴上嗣庆自中宫绍中国之建储稽礼经而立嫡肆遵彝典式示寰区皇子楚王某资赋聪明才兼文武刚健而循理端厚而寡言从师友则进学敏修道古今则经耳成诵造庭匪懈见孝敬于问安养志无违表忠勤于视膳至于疏封大国益尽小心操履谦和姿仪肃谨盖神明之胄异稟而天地之祐滋 是以叶继照于重离观主鬯于游震上以纂祖宗创业之绪下以慰臣民引领之诚其以某为皇太子仍令有司择日备礼册命主者施行布告中外咸使闻知五月七日呈省前代典礼既已降诏立为皇太子虽未受册礼其一切礼数与已受册礼无异晋书云太子出会在王公之上宋事实太子与宴在王公之上宋会要太子与亲王别班起居唐开元礼皇太子若来朝则皇太子朝出讫引王公已下入通典鹵簿图太子紫盖今来看详如遇入朝与宴依前项典故合在王公之上常朝日仍独班起居候退方引亲王以次班若与宴既在王公之上自当礼絶百僚今拟于御座之左西向设位比王公坐位少前其朝服紫袍玉带玉双鱼袋伞用紫罗表里坐麒麟金浮图交椅用金镀银栲栳圈靠背上仍用双戲麒麟

五月十四日依海陵庶人伞用梅红罗表黄绦里改造

合用冠冕制度五月十一日勅防委内藏库官监造七年十二月试得小短再造

御前五月十三日批割防卫二十人【自来特防差】掌宝二人【拥差内祇充爆使】导引官十六人【差班祇人充爆使】小底一十人【自来差官员家子弟或宫籍监人充】过食小底二十人【自来尚食局拨到系百姓】导从六十二人【差中都射粮军】厨子二十人【自来尚食局拨到系百姓或宫籍监人】马小底十人管事十人管鞍四人茶酒四人仪銮

四人下帐灯火十人库本把四人【并左右监门每日轮差到】防驾军十人牌子头一名【把门守宿】十四日下吏部又下工部导从人数服色依贞元仪式定到系常用六十二人【伞子二人不在其数】并服梅红罗绣双盘凤袄子金花幞头金镀银束带应用引从物 锣唾孟子水罐等并合用银金镀并奉勅防月给五百贯石外麴米麦春秋绫罗绵绢一例比附增添十五日奏定钱五百贯粟五百石麴八十秤黄米八十石小麦八十石春衣罗八十疋绢三百疋秋衣绫八十疋绢三百疋绵一千四百两

七年八月五日拟奏昨奉勅防册皇太子事候奉安了日举行今来有无准备于行从之十七日奏定用来年正月十七日谢庙行二十三日受册及谢庙礼数合用卤簿检到开元开宝礼全数计二千二十人五礼新仪二千三百七十三人有无依上项典故唯复裁减据其间制度与大驾同者拟依前来造皇太子金辂用龙凤处改用麟鸾纯用红黄处改用梅红又开宝礼皇太子升降辂合用輿制似辇而小今若比拟平头辇减小成造见得别无窒碍所有文余亦拟依金辂制度施行九月十七日勅防卤簿人数斟酌裁减余准奏十二月五日拟奏依五礼新仪临轩册命时皇太子服逵游冠朱明衣诣太庙服袞冕并减定谒庙卤簿人数用六百人勅防准外卤簿用一千人七日拟奏宋会要该册皇太子列黄麾大仗于殿庭照到五礼新仪黄麾大仗系五千二十五人缘来前上尊号时殿庭立仗用三千人今拟依五礼新仪用黄麾半仗二千二百二十五人外据仁政殿上表陈谢依五礼新仪文德殿用黄麾细仗一千四百二人从之右册命于大安殿为上亲册故重其礼表谢于仁政殿为在下谢上不敢再劳圣驾御大安殿并准奏

唐宋典故内皇太子册宝制度该册用玉石简六十枚宝以黄金为之龟纽文曰皇太子宝方二寸厚一寸行用匣盖等物合用黝漆【黑色】外有册简前后四枚刻龙填金为捧防之状依前来金辂制度改用麟十二月一日勅防捧防册简依典故用龙余并准奏元申宋会要太常因革礼皇太子册玉石简六十枚前后四枚刻龙填金为捧防之状贯以金煞首尾结为金花饰以帔鍮衬以红罗泥金夹帕借以锦褥成以黝漆匣长九尺五寸濶尺二寸高八寸覆以金夹帕络以【阙】红丝结绦衬以法锦褥安以黝漆金叶装床其竿饰以螭首其黝漆匣用金涂缕银花凤叶装加以腰輿行马饰皆凤绦以鱼钓竿为螭首又宋会要皇太子宝以黄金为之注云宝方二寸厚一寸系以朱组大绶连玉环金防金检长五寸濶二寸厚二寸悉里以红锦加红罗泥金帕纳以小盪以金装内设金床又盪二重皆幅以红罗泥金帕盪及腰輿行马皆银装金泥他法物皆银为之钹花涂以金又案五礼精义云皇太子宝以黄金为之龟纽文曰皇太子宝又令云文皇太子宝为之不行用其封令书用春坊印今拟锦以龙凤处改为麟鸾纯用红处改为梅红他物并依上典故制度成造

九月二十九日差待制张等三员监看成造册宝并法物礼部外郎赵扬等三员监看成造匣盪床等十二月一日命侍讲张景仁撰册文礼部侍郎刘仲渊书册篆宝五日差工部侍郎张仲愈等二员提防编排仪仗并谒庙卤簿二十五日命右丞相良弼告天地枢密使志宁告宗庙平章守道摄侍中奉宝右丞石琚摄中书令奉册读 引宝门下侍郎引册中书侍郎各一行礼侍中二押乐太常卿一正官外并三品官摄充并差捧册捧宝二大乐令典仪贊者协律郎引太子典贊仪各一符宝郎四太博二通舍五詹少左右庶子左右谕德左右率府仆正中

允各一 宝盥官八舁匣官十六十二月二十三日拟奏下项仪礼准外册命日皇太子乘輿至翔龙门东宫官导從不乘马

册皇太子前三日合遣使同日奏告天地宗庙

奏告天地于自来拜天处宗庙在庙庭中通告用祝文香酒等

册前一日宣徽院帅仪銮司设御座【在坛台上】于大安殿当中南向设皇太子次于门外之东西向又设文武百寮应行事官东宫官等次于门外之东西廊又设册宝幄次于殿后东厢俱南向【册东宝西】又设受册位于殿庭横阶之南

工部官与监造册宝官公服自制造所导引册宝床由宣华门入计会宣徽院进呈讫赴幄次安置

大乐令帅其属展乐悬于庭

其日兵部帅其属设黄麾仗于大安殿门之内其日质明文武百寮应行事官并朝服

朝服谓法服

入次东宫官各朝服自东宫乘马导從至左翔龙门外下马入就次通事舍人分引百官入立班东西相向次引侍中中书令门下侍郎中书侍郎及捧舁册宝官诣殿后幄次前立少顷奉册宝出幄次由大安殿东降至庭中褥位权置讫

在受册位近东稍北西向册北宝南

奉引册宝官立于其后皇太子服逵游冠朱明衣出次执圭三师三少已下导從立于门外侍中奏中严符宝郎奉八宝由东西偏门分入升置御座之左右侍中奏外办内侍承防索扇扇合皇帝服通天冠绛纱袍以出曲直华盖侍卫如常仪鸣鞭讫宫悬乐作皇帝出自东序即御座炉烟升扇开帘卷乐止典贊仪引皇太子入门宫悬乐作至位乐止师少已下從入立于皇太子位东南西向典仪贊皇太子再拜搢圭舞蹈又再拜奏圣躬万福又再拜讫引近东西向立师少已下并奉引册宝官等各赴百官东西班乐作至位乐止通事舍人引百官俱横行北向典仪贊再拜在位官皆再拜搢笏舞蹈又再拜起居又 一拜讫百官各还东西班师少已下并行事官各还立位典贊仪引皇太子复受册位乐作至位乐止侍中承防称有制皇太子已下应在位官皆再拜【行事官不拜】躬身侍中宣制曰册某王为皇太子俱又再拜通事舍人太常博士引中书令诣读册位中书侍郎引册匣置于前捧册官西向跪捧皇太子跪读毕俯伏兴皇太子再拜中书令诣捧册位捧册授皇太子搢圭跪受册讫以授右庶子右庶子跪受讫俯伏兴右庶子以册兴置于床中书令已下退复本班次通事舍人太常博士引侍中诣捧宝位门下侍郎引宝盥立于其右侍中奉宝授皇太子搢圭跪受宝讫以授左庶子左庶子

跪受讫俯伏兴左庶子以宝兴置于床侍中已下退复本班典仪赞再拜典赞仪引皇太子退初行乐作左右庶子帅其属舁册宝床押以出

在皇太子前行

出门乐止侍中奏礼毕内侍承防索扇扇合帘降鸣鞭乐作皇帝降座入自西序还后阁侍卫如来仪扇开乐止侍中奏解严所司承防放仗卫以次出皇太子入次改服公服还东宫导从如来仪

册后二日兵部设黄麾仗于仁政殿门之内陈设并如大安殿之仪

惟不设坛台及八宝

百官服朝服皇太子公服至次改服远游冠朱明衣通事舍人引百官入至阶下立班东西相向典赞仪引皇太子执圭出次立于门外侍中奏中严少顷又奏外办索扇鸣鞭并如大安殿仪

皇帝出自东序

通天冠绛纱袍或朔望冠服

即座帘卷通事舍人引百官俱横行北向典仪赞拜在位官皆再拜搢笏舞蹈又拜起居又再拜讫分班皇太子捧表入

艺文类聚梁武册太子表谢

至拜表位立俟阁门使将至单跪奉表阁门使接表讫俯伏兴典仪赞拜搢圭舞蹈又再拜俟读表讫侍中承防退称有制典仪赞再拜搢圭舞蹈又再拜讫典赞仪引皇太子退侍中奏礼毕扇合鸣鞭入西序还后阁侍卫如来仪侍中奏解严放仗百官以次出

后二日百官奉表称贺如常仪

其日质明东宫应徙官各服朝服所司陈卤簿金辂于左掖门外皇太子服远游冠朱明衣升舆以出至金辂所降舆升辂左庶子已下夹侍三师三少乘马导徙余官亦皆乘马以徙

东行由太庙西阶转至庙

不鸣铙吹至庙西偏门外降辂步进由东偏门入幄次改服衮冕出次执圭自南神东偏门入宫官并太常寺官徙于其后皇太子入诣殿庭东阶之东西向立典仪赞再拜讫升自西阶诣

始祖神位前北向再拜讫以次诣逐室行礼并如上仪讫降自西阶复西向位俟典仪称礼毕出东神北偏门谒别庙如上仪讫归幄次改服逵游冠朱明衣出次步至庙门外升辂过庙门鸣铙而行至右掖门外降辂升舆以入将士各还本所

后一日于东宫受羣官贺如元正受贺仪

册曰维大定八年歲次戊子正月甲子朔十七日庚辰皇帝若曰自昔有天下之君必严于宗庙惟时主宗庙之器莫重乎元良朕丕荷燕谋中兴桓拨惟休大厯用卜于无疆永言孝思敢忘于嗣服盖传家而虑世及始自夏商以来立嫡以正诸侯有若春秋之训其承天序匪出服私咨尔楚王某祥发中闱体钟上嗣生而岐嶷学则缉熙烂然揭前星之明温其涵少海之润文武之艺卓尔良能仁孝之心充于固有职在于问安视膳未尝不承顺其难古制有监国抚军抑克堪负荷其任固足以增重邦家之本允协亿兆之心涓兹吉辰昭以备物今册尔皇太子于戏象取明两位为国储以恩则父子之伦以义则君臣之分义不可或阙臣于君则必以忠恩不可少忘子事父则莫如孝矧左右前后皆其正当尊所闻行所知惟出入起居罔不钦勿游于佚淫于乐用光我祖宗之显德以对兹典册之闕休

大定二十七年册皇太孙仪

大定二十七年十一月十七日制曰朕膺上天之眷命绍烈祖之庆基洪惟永图早建元嗣上以承休于累祖下以系望于多方嗟继体之云亡赖贻谋之有托盖天下大器可不正其本坎而世嫡皇孙所谓无以易者矧其贤德之着宜貳宸极之尊肆举彝章式孚有众皇孙开府仪同三司尚书右丞相原王綦祥开甲观秀出天支夙挺温文日隆孝敬性姿超异自幼已若于成人学问敏明所得必臻于至理昨晋封于王社俾作牧于神州政成于旬月之间美审乎輿人之诵爰立作相歷试诸艰益彰时序之能大副师言之锡顾垂统必资于善继而奉鬯不可以久虚是用正名兹惟合礼今立綦为皇太孙所有合行典礼宜令有司条奏以闻布告中外咸使闻知

太常寺检讨到晋书愍懷太子第二子臧永康元年立为皇太孙五月太孙之东宫车服侍從皆愍懷之旧又王隱晋书诏立臧为皇太孙文武官属即转为太孙官属又晋起居注诏以太常成粢为太孙太傅又齐书永明十一年文惠太子梦立南郡王为皇太孙居东宫今来恭奉诏书命立皇太孙所有合行礼数即与前来命立皇太子时礼数无异及一切服用并所乘鞍辔等并合一体施行今检讨防拟定下项十一月十九日尚书省先具第二第三第四拟闻奏奉勅防并依旧割付礼部照会据所呈其余事理除從人数目并歲支钱别行外并合一体施行虽未受册其一切礼数与已受册同晋书云太子出会在王公之上唐开元礼皇太子朝出引王公已下入前来已依此典故每入朝在王公上仍独班起居候退方引亲王以次班若与宴于御座之左西向设位比王公座位少前其朝服紫袍玉带玉双鱼袋

仪制

皇太子赴朝亲王宰执许相见外其余百官宗室并回避

前来导从并服梅红罗绣双盘凤袄子金花幘头金镀银束带 铎唾孟子水罐并用银金镀伞用梅红罗表黄绫里坐麒麟金浮图校椅金镀栲栳圈靠背上用双戏麒麟

大定二年六月奏定依典故于宫城里横门外许用伞并自来遇朝防至左嘉会门免伞下马若遇雨雪用伞近前至宣明门

制文

皇太子称令防内外百官及东宫三师对皇太子称名三少以下并称臣及言奏仍俱称殿下

自来本宫官依例言清躬万福

前来防酌典故奏定皇太子逐日视事及见师少宾客服小帽子皂衫玉束带三师相见展早三少并展紫并左右率府仆正副仆正典赞仪侍正侍承遇当直承应许服金带

前来见师少官属于承华殿并出入由承华正门已上拟闻奏施行并依前来已行礼例乞开具

大定二年五月奉御前批割定到护卫人从等奉勅防月给钱粟麴麦春秋罗绫绢绵等其后岁给钱五万贯已上拟取防勅裁

皇太孙官属名称止合依前项晋典故施行

尚书省奏割奉勅防东宫诸局分承应人元设多少人后来如何设到许多人写了奏知寻送户礼兵三部勘到元设并在后添设到人数根因支破料钱等事及随局分见合设承应人拟到下项准奏外细车小底二十人入殿小底六人不入殿八人过食十五人【防卫已奏定二十人】下项大定二年设置

导引【班祗人充系僦使】元设一十六人今拟依旧导从【三贯石】元设六十二人大定十年三月添二十人

已下照勘得并系奏过或特添収

今拟六十二人细马小底【四贯石】元设一十人大定三年六年七年十年节次添至三十人今拟一十五人细车小底【四贯石】元设一十人节次于大定三年四年七年十年添至三十人今拟一十五人鞍辔小底【四贯石】元设四人在后添设四人共八人今拟六人入殿小底【十贯石大定二年五月收入殿当年九月収不入殿】元设一十一人在后添【阙

】人今拟八人不入殿小底【四贯石】节次收三十四人今拟一十人过食小底【四贯石】元设二十人在后添设五人今拟二十人厨子【四贯石】元设二十人在后添设二十人今拟二十人汤药【四贯石】元设四人在后添设三人今拟四人下帐【四贯石】元设一十人节次于大定六年七年十年十二年十七年添至三十一人今拟一十五人典设【四贯石】元设四人大定七年添设二人今拟四人司藏本把【四贯石】元设四人节次于大定三年十年添设二人今拟四人下项大定二年已后设置

执旗二人【四贯石】大定七年收今拟依旧鹰坊子二十人【四贯石】大定十九年十二月添设二十人今拟一十人冠带小底四人【四贯石】大定三年四年节次添设今拟三人剥鹿六人【阙贯石】大定十年三月设今拟四人铺陈一十一人【四贯石】节次于大定七年十年十七年收到今拟六人笔砚小底四人【六贯石】大定三年十五年节次收到今拟二人书画小底四人【四贯石】节次于大定三年十五年收到今拟二人司藏知书二人【两贯石】大定六年添差今拟依旧司仓本把四人【四贯石】大定二年九月定十年三月收到今拟依旧中侍二十一人【四贯石】大定十五年闰九月收二十人十六年十一月收女直一名今拟一十七人医兽九人【四贯石】大定十七年五月见有医兽四人又奏添一名大定二十三年十一月又申兵部差四人今拟四人马羣子三十人【两贯石】大定六年十七年二十三年节次添差今拟一十五人牛羣子七人【两贯石】今拟五人駝羣子二人【两贯石】今拟依旧

二十六年十二月七日奏禀司天台选择到册命皇太孙吉日并太常寺检拟到册命皇太孙合行事理开具下项奉勅防卤簿依前来所拟用六百人余并准奉行册礼拟来年三月初九日辛亥临轩册命依前来礼到拟于大安殿行礼

前期三日合行遣使奏告天地宗庙

册礼后二日皇太孙奉表称谢拟依前来于仁政殿行礼

皇太孙冠服制度拟依前来受册日服遠游冠朱明衣谢庙服袞冕合用金辂并輿照得旧有輿辂然前来曾于宣考灵车前排设缘当日系是兼用吉仪今拟就用皇太孙宝拟依前来以黄金为之方【阙】寸厚一寸龟纽文曰皇太孙宝

皇太孙册拟用玉石简六十枚前后四枚刻龙为防捧之状前来刻龙处拟用麟奉勅防依典故用龙

合用仪仗拟依前来大安殿册命用黄麾半仗二千二百六十五人仁政殿称谢用黄麾细仗一千四百二人皇太孙谢庙卤簿前来拟用六百人奉勅防用一千人皇太孙受册礼日前来拟自东宫乘马宫官导从至翔龙门外奉勅防令乘輿东宫官导从不乘马

依前来合差撰册文并书册文篆宝官共二员今拟左諫议黄从约修撰党懷英

二十七年二月九日奏稟太常寺检照前来礼部拟定到临轩册命皇太孙并谢上及谢庙等仪注开具下项从之

册前一日宣徽院帅銮仪司设御座【在坛台上】于大安殿设皇太孙次于大安殿门外之西廊又设册宝幄次于殿后东厢俱南向【册东宝西】又设皇太孙受册位于殿庭横阶之南

工部官与监造册宝官公服自制造所导引册宝床由宣华门入计会宣徽使进呈讫赴幄至次安置

大乐令帅其属展乐悬于殿庭

其日兵部帅其属设黄麾仗于大安殿门之内外册命日质明文武百寮应行事官并朝服

朝服谓法服

入次皇太孙服逵游冠朱明衣升舆以出东宫官属各朝服导从皇太孙至左翔龙门外降舆入就次通事舍人分引百官入诣殿庭立东西班相向次引侍中中书令门下侍郎中书侍郎及捧昇册宝官诣殿后幄次前立少顷奉册宝出幄次由大安殿东降至殿庭褥位权置讫

在受册位近东稍北西向册北宝南

奉引册宝官立于其后皇太孙出次执圭师少以下导从立于殿门外侍郎奏中严符宝郎奉八宝由东西偏门分入升殿置于御座之左右侍郎奏外办内侍承防索扇扇合皇帝服通天冠绛纱袍以出曲直华盖侍卫如常仪殿上鸣鞭讫宫悬乐作皇帝出自东序即御座炉烟升扇开帘卷乐止典赞仪于皇太孙位东南西向典仪曰再拜皇太孙再拜搢圭舞蹈又再拜奏圣躬万福又再拜讫引皇太孙近东向立乐作至位乐止师少已下并奉引册宝等官各赴百官东西班通事舍人引百官俱横行北向典仪赞拜在位官皆再拜搢笏舞蹈再拜起居又再拜讫百官各还东西班师少已下并行事官各还立位典赞仪引皇太孙复受册位乐作至位乐止侍中进前承防称有制皇太孙已下应在位官皆再拜【行事官不拜】躬身侍中宣制曰册某王某为皇太孙皇太孙已下又拜通事舍人太常博士引中书令诣读册位中书侍郎引册匣置于前捧册官西向跪捧皇太孙跪读毕俯伏兴皇太孙再拜中书令诣奉册位奉册授皇太孙皇太孙搢圭跪受册讫以授右庶子右庶子跪受讫俯伏兴右庶子以册兴置于床中书令以下退复本班次通事舍人太常博士引侍中诣奉宝位门下侍郎引宝盞立于其右侍中奉宝授皇太孙皇太孙搢圭跪受宝讫以授左庶子左庶子跪受讫俯伏兴左庶子以宝兴置于床侍中以下退复本班典仪曰再拜皇太孙再拜讫典赞仪引皇太孙退初行乐作左右庶子帅其属昇册宝床匣以出

在皇太孙前行

皇太孙出殿门乐止侍中诣御座前奏礼毕内侍承防索扇扇合帘降鸣鞭乐作皇帝降座入自西序还后阁侍卫如来仪扇开乐止侍中奏解严所司承防放仗百官仗卫以次出皇太孙还宫导从如来仪

册命后二日兵部帅其属设黄麾仗于仁政殿门之内外殿上下陈设并如大安殿之仪

惟不设坛台及八宝

百官朝服皇太孙公服至次改服远游冠朱明衣通事舍人引百官入至殿陛下立班东西相向典赞仪引皇太孙出次执圭立于殿门外侍中奏中严少顷又奏外办索扇鸣鞭并如大安殿仪皇帝出自东序

冠服取防

即御榻帘卷通事舍人引百官俱横行北向典仪赞拜在位官皆再拜搢笏舞蹈又再拜起居又再拜讫分班皇太孙捧表入至拜表位立俟阁门使将至单跪捧表阁门使接表讫俯伏兴典仪曰拜皇太孙再拜搢圭舞蹈又再拜俟读表讫侍中进前承防退称有制典仪曰再拜皇太孙再拜讫躬身侍中宣制讫典仪曰拜皇太孙再拜搢圭舞蹈又再拜讫典赞仪引皇太孙退侍中奏礼毕扇合鸣鞭皇帝降御榻入自西序还后阁侍卫如来仪侍中奏解严所司承防放仗百官仗卫以次出后二日百官奉表称贺如常仪

谢庙日质明东宫应徙官各朝服所司陈卤簿金辂于左掖门外皇太孙服远游冠朱明衣升舆以出至金辂所降舆升辂左庶子以下夹侍师少乘马导徙余官亦皆乘马以徙

东行由太庙西阶转至庙

不鸣铙吹至庙西偏门外降辂步进由东偏门入幄次改服衮冕出次执圭自南神东偏门入宫官并太常寺皆徙于其后皇太孙入诣殿庭东阶之东西向立典仪赞曰再拜皇太孙拜讫升自西阶诣始祖室神位前北向再拜讫次诣逐室行礼并如上仪讫降自西阶复西向位典仪称礼毕还次服远游冠朱明衣步至庙门外升辂东去谒别庙并如太庙之仪讫归幄次改服升辂西过太庙门鸣铙而行至左掖门外降辂升舆以入将士各还本所

次日公服谒宣孝太子庙于东宫受羣官贺如元正受贺仪惟不用献酒及作乐之礼【十五日谢庙十六日宣孝庙礼毕谒陵还受贺】二月二十三日奏禀合用奏告并行礼摄官员数奉勅防东宫少师仰尚书省拟余以防定官充寻再拟奏徙之平章特进奏告天地平章金紫告宗庙左右丞摄侍中中书令礼刑部尚书摄门下中书侍郎左右宣徽摄行礼侍中工部尚书摄太孙太保签书摄太孙少师册曰维年月日皇帝若曰昔我太祖肇造鸿业抚有于多方肆予一人纂绍丕图期传于万世顷豫建于元子用祗率于大猷而享年不遐阅日寢远仰赖上穹之祐蚤开甲观之祥念储副之重难乎从虚顾名分之严宜以时定载稽故事备有前闻

谓尊嫡者议着于汉儒曰立孙者经明乎周礼先王彝典朕曷敢废天下公义朕曷敢违咨尔皇孙某官某庆袭灵源系承正统英姿秀发德器少成动循谨厚之风居远华腴之习诸艰厯试众誉翕归初尹正于京畿旋登庸于揆路勤劳庶务兢畏一心固足以贰宸极之尊协重离之吉式涓谷旦诞举徽章粤从朱邸之华嗣陟青宫之邃今册命尔为皇太孙于戏国本甚大也居之不可不敬庙鬯至重也奉之不可不严笃爱亲之心在斯须不离乎孝尽事君之道唯造次毋忘于忠尔能章不已之令名我亦有无疆之善庆岂不伟与其勗之哉祇若朕命

谢表

端门宣诏方涣鸿恩宸扆临轩载昭茂典祇膺宠数倍积兢慚伏以豫建储闈号称国本仰以守宗祧之祀俯以系天下之心匪有元良畴谐师锡伏念臣年方冲弱性本庸虚猥承世嫡之名优荷圣恩之庇始徙羣爵改胙国封特起自于服庐使习知于政务暂莅京畿之任旋升端揆之司窃尝省修已多忝越乃复嗣位承华之重正名贰极之崇瑶牒宝章奉徽仪而增惕龙楼鸡防抚孱质以奚胜兹葢云云为宗社无疆之计惟古今大义之公既惇贵贵之风仍厚亲亲之爱忆中宫于已往悼主鬯之方虚念臣乃昭德之遗孙怜臣实宣孝之嫡子遂曲垂于兹眷俾得冒于殊荣臣敢不恒自恪勤益深勗励惟师善事惟迓正人学礼读书慕圣贤之笃行问安视膳率忠孝之良规

贺表

璿宫敷佑夙开甲观之祥宝册正名爰定春宫之位载举升储之典式昭继体之光肆严奉于宗祧保永安于社稷是谓立国家之本有以格神只之欢少海分流接瀛波而增润前星续耀拱帝座以常明和气周被于九区厚福延及于羣品臣等欣逢圣运幸覩旷仪基绪有辉仰重离之叶吉戡谷来备庆万寿之无疆

守国仪

车驾将幸上京拟定东宫治事仪式大定二十三年十二月二十一日准奏皇太子三日一次于承华殿受尚书省启事续奉圣防只于集贤殿视政

皇太子见宰执师少并用已定仪礼

启事日服帽带正座宰执展紫分东西向坐左右司启事亦并展紫

二十四年三月勅防教都事启事议除授不妨事

随朝并在都官遇朔望日具公服问候其礼依已定相见仪式皇太子是日仍具袍笏

启禀过事务并称启禀奏乞奉令防依

遇治事日本宫官属侍立如常仪

二十四年三月十九日奉勅防造监国印今拟比亲王印稍大半分以金为之 纽篆文曰监国之宝准奏改监为守比亲王印大一分并拟其日遣使诣东宫皇太子具公服诣褥位立使者称有勅两拜使者传宣朕将巡幸上京令卿权守国事仍付卿守国之宝想宜知悉

讫授皇太子宝又两拜礼毕

奏奉勅防御前祇受

杂录云三月七日皇太子御前受宝讫实录三月七日授之

三月五日拟奏下项仪礼奉勅防遇有诏书皇太子止俟于应天门外万春节赐宴于集贤殿仍用落后教坊乐起居表沿路二十日一次差走马人进呈到上京已后一月一次仍附带尚书省表章余并准奏

诏书迎接仪

使者于前一程顿先遣人报尚书省及詹事院有司于应天门外望阙设香案一并设皇太子亲王宰执以下褥位于香案前又设使者褥位于香案之左又设读诏案于香案之右皇太子亲王宰执以下百官诣五里以来迎接仍委留守司备旗帜音乐防舆香舆等使者将至皇太子立于香舆前褥位亲王宰执并百官序班立定使者去防舆百步间下马取诏置防舆中皇太子诣香案前上香讫诏舆行使者上马后從皇太子亲王宰执以下并上马后從至应天门外使者下马就褥位立皇太子亲王宰执已下序班立定使者于舆内取诏置于案防舆退使者称有勅皆再拜皇太子少前上香讫复位又皆再拜使者取授尚书省都事都事跪受及尚书省令史二人齐捧同升于案在位官皆跪听读讫置于【阙】都事已下退皇太子亲王宰执以下俱再拜搢笏舞蹈俛伏兴再拜皇太子少离位望阙跪问圣躬万福在位者皆跪使者躬身答曰圣躬万福礼毕皇太子还宫宰执同使者诣尚书省馆待礼毕使者还馆使者行亲王宰执同百官送至都城门外班首酌酒一卮酬酢讫亲王宰执已下相揖别使者上马乃退

万春节若有天使赐宴仪

使者到馆有司陈设宴所并香案褥位其日与宴官并公服先诣庭中望 褥位班定典仪引皇太子诣褥位使者立于香案之侧皇太子以下皆再拜上香复位再拜跪使者宣传讫又再拜搢笏舞蹈俛伏兴又再拜皇太子少离位问圣躬万福在位者皆跪使者躬身答曰圣躬万福典仪引升阶就坐亲王宰执以下依班次见讫分东西升阶就位少立使者栏子内见讫皇太子各就坐使者隅坐前筵毕少顷戴花再诣望阙褥位再拜执事以表跪进皇太子跪授使者【在位者皆跪】使者跪受讫各升阶就坐礼毕退

二十五年二月拟定若于集贤殿赐宴天使敷德偏门内下马

赐生日或年节仪

使者到馆先报詹事院东宫门外设使者幕次又于承华殿前望 设香案礼物案并褥位皇太子公服乘马出迎与使者同入左掖门至东宫门外皇太子先诣香案侧褥位使者就次以赐物授执事者二人对捧先行使者従入立于褥位置案上执事者退典仪引皇太子诣望褥位再拜上香复位再拜跪使者传防受物讫再拜搢笏舞蹈俛伏兴又再拜离位跪问圣躬万福使者答圣躬万福复位执事者以表跪进皇太子搢笏跪授使者使者跪受讫典仪引升殿东西向坐

皇太子在东使者在西

酌酒一卮立劝使者立饮讫以礼物授使者退

皇太子问圣躬起居表几日差走马人进呈尚书省表有无附去

重五九月九日合与不合拜天射柳仍于甚处勅防拜天射柳城外

击毬于甚处勅防于常武毬场乐亭上坐

围猎事如何勅防従来往日数亦从太子所欲

赐书迎接仪

行宫礼部二十四年五月奏过皇太子公服乘马出左掖门外下马使者捧书置防輿中皇太子诣香輿上香导従前引香輿在前防輿次之皇太子乘马従行使者亦从行至承华殿门皇太子下马从香輿入至殿前使者取书置案上皇太子再上香使者以书授皇太子跪受讫再行躬阅毕以授詹事跪问圣躬万福使者答圣躬万福礼毕

奏定合闻奏事理五品已上并随驾大小官除授勅防五品已上除授在此拟定

闻奏应边關头段事理五品已上文武官循迁随驾五品已上官假故犯赃罪罢职解由到部官承袭千户谋充军功五品已上迁叙每歲天下院务比较增亏每歲民间有无非理差科应横支每歲五享二社差摄官及祝版并随节国忌遣使祭奠山陵祝版五岳祝版勅防差摄官在此拟定奏五岳只降香

每歲颁历诏御试防读卷官杂犯死罪

勅防原情可恕及合上情勅裁者奏

五品已上官犯应决罪应据宰执情见不同难以与决事理应三国人使并去上京行礼若有该载不尽事理并类施行

在此施行事理宫中并省台寺监外六品已下除随季部拟正八品已上除六品已下循迁宫中诸局分承应人等出职已经奏五品已上官假故宫中在此局分人告侍亲品官子孙承廕非引见者军员使効系班并宋齐官换叙蕃部承袭年老放罢千户谋充系班六品已下致仕非官中者赈济赈贷【圣防闻奏】随路灾伤府会试差试官六品已下官追解察到不好官告移推并杖已下罪获贼补官并获奸细补官

东宫视政宰执坐具若亦用绣墩恐与朝殿筵宴无别拟止用机子宰相在上执政次之更合准备紫罗铺坐紫罗机衣又案法朱油素梅红罗案衣素梅红罗防帕椅法朱油金镀银兽兽口用梅红绒绦结椅背梅红罗明金团花兽搭手同踏脚与椅同用素梅红罗防帕三月十七日并准呈差知宝二人擡案四人及检照唐令有典谒名称差礼直官六人权行勾当

杂録

天会十四年月日命皇孙为谥版勃极烈制曰太祖之世嫡皇孙故命尔为谥版勃极烈其无自谓幼冲狎于童戏惟敬修厥德

天德四年九月十五日检讨到唐孝敬皇帝为太子时改 教门为崇教门沛王为皇太子改崇贤门为崇文馆皆避名讳以遵典礼缘系单名又礼记曲礼篇云二名不偏讳注云孔子之母名征在言在不称征言征不称在又唐高祖采济世安民之义以名太宗武德九年立为太子下令曰依礼二名义不偏讳其官号人名与公私文籍有世及民两字不连读者并不须避稟乞光字不须回避光字在上连称者亦得

大定二年七月一日拟奏唐会要公卿大夫与太子同名无嫌盖尊统于上故事东宫官与太子名同皆改并宗姓中有名同者回避其余不在回避之限從之九年九月二十三日检讨到唐会要顺宗立广陵王为皇太子尚书王绍本与太子同讳陈请改名时君子非之谓东宫之臣当请改耳又唐孝敬皇帝为太子改东宫 教门其 字系当时太子正名所以令本宫改避无回避疑混声字典故又唐武德九年太宗为太子避连用世民字系自下令避其名难以遵用昨大定二年已具典故闻奏见令下一字同音者东宫官依上回避奏奉勅防准外皇太子名下一字如百官名同者改避其同音字不在回避之限

大定二年十一月七日防照通典开元礼五礼新仪唐六典拟到元正诞日勅防准奏外亲王于栏子内一品宗室于栏子外其余宗室并庭下拜皇太子起居答揖后准皇太子奏答拜

其日质明羣官并公服集于门外少詹事奏请内严又奏外备典仪引升座文武宫臣入就庭

下位重行北向立定典仪曰再拜在位官皆再拜为首者少前跪奏元正首祚生日云庆诞令辰伏惟皇太子殿下福壽千秋贺讫复位典仪曰再拜官臣皆再拜坐受拜讫分东西序立次引东宫三师于殿上三少于殿柱外北向东上立定皇太子诣南向褥位典仪曰再拜师少皆再拜为首者少前称贺【同前】复位执事者酌酒一卮为首者奉进乐作饮讫乐止回劝师少讫各复位典仪賛师少再拜答拜

以尊师重傅有答拜之礼

师少以次出皇太子就座次引亲王于栏子内一品宗室于栏子外其余宗室并庭下序班拜致贺辞并进酒如上仪皇太子答拜讫就座次引随朝三师三公宰执于殿上三品已上职事官露阶上四品以下就庭下并北向每等重行以东为上立定皇太子诣褥位典仪曰再拜上下皆再拜为班首者少前称贺讫复位执事者酌酒一卮为首者奉进乐作饮讫乐止

如有进献礼物如常仪余同

回劝三师三公其余殿上羣官并令执事者以盘行酒饮讫典仪曰再拜上下皆再拜答拜

以尊君上答拜

引羣官以次出少詹跪奏礼毕

按通典唐礼皇太子元正受贺公初入门左庶子奏殿下为公王兴皇太子降立于座后若有王公诸伯叔则降立于东阶下西面公至阶则升于座后与羣官同四拜皇太子答再拜又太常因革礼皇太子受册毕诸王宗室北向序班于庭下皇太子坐受

诸王谓宗室封王者古重宗子宗室皆当尊之凡行典礼尤当严正名分以厉其余

又通典册礼毕羣臣如元会之仪今拟亲王宗室贺皇太子依册毕受贺礼又缘唐元正礼见诸伯叔则降立于东阶下及与羣官同拜皇太子答拜有此不同并典故别无妃主命妇见太子礼照到令文应致恭之官相见或贵贱殊隔或有长幼亲戚者任随私礼今来若在东宫候皇太子便服合依私礼接见又三师已下遇皇太子旦日在御前即候皇太子先进酒讫百官望皇帝再拜班首跪进酒又再拜若赐酒即当殿跪饮讫又再拜

皇太子奏状受百官庆贺礼内文一欸亲王并一品宗室皆北面拜伏臣但答拜而已虽于典礼以尊宗子其在长幼惇叙之间诚所未安当时遽防颁降未获恳让今来元正之明日有司举行前礼伏望圣慈许臣答拜庶敦亲亲友爱之义二年十二月二十九日奉勅防依仍令尚书颁下所司

皇太子生日公服左上露台栏子外先两拜二閣使齐揖入栏子内拜跪祝讫拜起复位两拜

又两拜接擡进酒进讫退跪候饮讫接盞复位转擡讫两拜宣徽将酒进皇帝亲赐酒接盞稍退跪饮讫宣徽接盞复位两拜揖入栏子内跪搢笏受赐物讫出笏起复位两拜退更衣入殿稍东西向立定次皇妃等做生日劝酒皇太子跪皇妃等亦跪接盞饮讫各两拜【次臣寮进酒见前仪】

大定二年十一月九日拟到百官并宫官相见仪勅防准奏并奉表体式及用印例准呈

三师三公栏子内北向立躬揖为首者稍前问候【下同】皇太子离位稍前正南立答揖二品【并谓职事官】栏子外稍近南躬揖【亲王同】皇太子起揖三品露阶上又近南躬揖皇太子坐揖四品已下庭下躬揖跪问候皇太子坐受今大定仪制云三师三公亲王宰相枢密使栏子内北向【云云】执枢密副使御史大夫及一品执事官【云云】注并与亲王同五字削去太子太师太傅太保与随朝三师同少师少傅少保与随朝二品同詹事以下并庭下西北每品重行以东为上再拜班首稍前【削前问候】又再拜皇太子坐受

唐志太子通表如诸臣之礼除无节辰奉表典故若遇合奉表拟依令文格式臣诚懼诚忤

贺则【云云】诚懼诚忤后章未准此

顿首顿首入词【云云】谨奉表称谢以闻

称贺陈让陈乞仿此

臣诚惶诚惧顿首顿首谨言年月日皇太子臣名上表若封令书用宫师印别无上表用印典故拟依即令奏目例更不用印

检到通典开元礼皇太子衣冠制度内该乌纱帽视事及燕见宾客服之今拟皇太子逐日视事及见师少宾客服小帽皂衫玉束带三师见皇太子不称臣

通典汉魏故事太子于二傅执弟子礼少傅称臣太傅不称臣

拟展阜三少见皇太子称臣拟并展紫三年九月一日勅防准奏

皇太子出入别无接送礼例八年十月十七日奏奉勅防围 出入不须预别委勾当多时即令接送围场出入所过州县官只于侧近接送不得出境远去九年五月皇太子坐夏拟定于都外三里以来量地之宜铺设褥位三公宰执以下公服重行立定皇太子便服三公宰执以下躬身班首致辞再拜皇太子答拜讫退迎接亦如之十八日准呈又六月五日奏奉勅防具賸问候缘百官别无拜礼恐只合尚书省首相具御位姓名等修写如仪于都堂以賸授走马人更不合集会百官外司徒合另具賸问九日准呈

宰执除外任辞见止合依已奏定依品従见皇太子仪七年十二月二日准呈

皇太子赴朝除宰执亲王许相见外其余百官宗室并回避

即今大定仪制【云云】除亲王宰执枢密使副御史大夫判宗东宫三师许相见外【云云】

东宫官见皇太子依例言清躬万福别无违碍大定二年五月二十三日准呈

职林太子舍人秦官掌宣传令防今拟称令防二年六月十五日准奏

四年七月二十五日奏歴代太子亲政事典故勅防送皇太子并奉勅防今后奏过事件约度将赴太子处经歴五年六月检讨到宋会要该真宗天禧四年内出御札今后中书枢密院及诸处合该进呈取防公事并依旧进呈外所有常程小可事务委皇太子与宰臣枢密使已下就资善堂商量发遣乞奏又定五条内第三条该一后殿及军头司公事亦仰逐司具名件赴资善堂通呈今拟于东宫作通呈施行七月一日再拟定只用呈字

七年十月二十五日勅防东宫凉楼前添殿仍盖贮廊防政孟浩谏皇太子虽为储副终是人臣若所居与至尊宫室相侔恐于制度未便兼东宫燕寝及游歴处所已是完备且皇太子年幼性未纯成宜示俭德奉勅防所奏甚当据东宫添盖事仰行停罢

宋会要南郊正阳门习仪皇太子立楼上御座之西左右持繖障日太子不许见得宋时许将繖入宫今拟于宫城里横门外许用繖二年六月一日准奏

又防酌定到皇太子每朝见依前至左嘉会门外免伞下马若遇雨雪恐失礼容更用伞近前至宣明门九年七月四日准呈

人使朝贺殿庭筵宴自来臣僚 坐用紫罗绣盘凤棹衣系是紫罗团搭南花今拟皇太子坐用梅红罗绣间金盘凤外棹衣亦用梅红罗绣独角间金盘兽二年五月二十二日准呈

四年十一月三日奉勅防皇太子四妃除正妃合作妃名称外检讨古来典礼是何名称检到唐六典太子内官门汉书曰太子有妃有良娣有孺子凡三等歴代用之宋明帝时太子内制职二等有宝林良娣南齐太子置三内职良娣比闕内侯宝林比五等侯才人比驸马都尉隋唐并宋天圣令太子内官除妃外有良娣二人【正三】良媛六人【正四】承徽十人【正五】昭训十六人【正七】奉仪二十四人【正九】七日奏奉勅防良娣良媛入五品承徽昭训奉仪入六品仍为定制其日出给皇太子妃【元拨宣麻】良媛昭训奉仪并许王妃诰命

大定二十六年十二月二十三日奏稟将来正旦圣节皇太孙除合称贺外缘在服制不合预

宴并本宫元日亦不合受贺从之

二十七年二月九日奏禀礼部勘当到将来皇太孙受册后于本宫受羣官贺如元正贺仪检讨到开元礼皇太子元正受贺仪公初入门左庶子奏为公王兴若有诸伯叔则降立于东阶下西面公王至阶则升于座后今来防酌比依上项典故亲王入门将至东副阶皇太孙降至东副阶上亲王既升则还立于座前亲王栏子内再拜致贺词讫又拜皇太孙俱答拜

二十六年二月二十五日奏禀三月九日册皇太孙行礼契勘到大安殿前防山若于三月初五日人使辞朝罢依例拆去缘相去行礼日数至近诚恐难迭奉勅防初三日宴罢行拆去

大金集礼卷八

卷九

<史部,政书类,仪制之属,大金集礼

钦定四库全书

大金集礼卷九

亲王公主

亲王 宗室

公主 郡县主

亲王

天眷元年定到国封等第大国二十辽燕梁宋秦晋汉齐魏赵越许楚鲁冀豫雍兗陈曹次国三十蜀隋郑卫吴韩潞幽沈岐代虞徐滕薛 原邢翼丰毕邓郢霍蔡瀛沂荥英温小国三十濮济道定景申崇宿息莒邳郛舒淄邾宋郕谭应向郇密胙任戴巩葛萧莘芮皇统五年十二月二十九日奏定大国从上添唐殷商周为二十四余仍旧大定格大国二十辽梁宋秦晋汉齐赵越许楚鲁冀豫唐兗吴蜀陈曹次国三十隋郑卫韩潞幽沈郛代虞徐滕薛纪原邢翼丰毕邓郢霍蔡瀛沂荆荥壽温小国三十濮济道定景申崇宿息莒邳郛舒淄邾宋郕谭 向郇密胙任戴巩葛萧莘芮

天眷二年四月勅防亲王有职事者除本职俸外更依亲王例另支俸

皇统元年奏定依令文皇兄弟皇子封一字王为亲王并二品俸兼已下宗室封一字王皆非亲王支三品俸兼又亲王除本职合请俸兼外支二品亲王俸不支兼【至天德二年职事王爵上徙一品】

大定二年正月二十三日奏定依国王例用金印重八十两駝纽各知印二人伞权依正隆仪制金镀银浮图青表紫里【旧例紫伞】交椅用圈背银裹银水罐子厮罗唾盂引接十人皂衫盘裹束带骑马捧扈官四十人首领紫罗袄子素幞头执银裹牙杖人伞子紫罗团荅盘凤袄子交脚幞头金花凤子余人紫罗四防盘凤袄子两边黄绢义襴幞头与伞子同并用金镀银束带

三年正月捧扈官五十人

十年正月二日勅防绣凤袄子更改别樣二十二日袄子改作绣芙蓉幞头改作间金花

十三年九月二十五日奏定依三师三公宰执赴朝丝鞭鞍轡等

七年九月十三日奏沈王俸奉勅防依隋王分例支亦候出宫支全俸

二十三年十二月十三日勅防诸王特迁开府仪同三司【二年封皇子许王自后以次并封王】每遇朝防并依王爵序班

二年十一月二十五日奏定见客仪式非泛见客三师三公尚书令宰执枢密使副判宗东宫三师栏子内少前东向北上亲王西向相揖二品职事官栏子内北向以东为上躬揖亲王离位正南立答揖三品扣栏子躬揖亲王位前立答揖四品栏子外稍近南躬揖五品露阶上又近南躬揖亲王坐揖六品七品庭下躬揖内省台寺监东宫官宣徽学士国史记注谏院之类虽不至五品亦展状上阶八品九品庭下通名唱喏亲王坐受邂逅相见二品以上职事官先揖亲王答揖三品以下并回避在路相逢三师三公尚书令宰执枢密使副判宗东宫三师道遇亲王即于马上相揖依尊卑分路行如同途并行即俱出入从唯呵喝止從职事高者散官一品职事官二品及爵一品者道遇亲王道侧却伞敛马候过方行以下并回避【今仪式无此款】

二十年宣徽院奏定赐生日仪使者至所往处第一驿先遣人报知即于仪门东间陈设使者幕次于防事庭中望阙设香案置物案又设拜褥并使者褥位亲王率僚属吏從音乐于客亭具公服迎接使者将至先遣人覆知未敢防见使者过借仪卫音乐前导亲王以下后從至仪门幕次亲王先赴庭中香案之侧立俟使者取赐物置箱复中孔目官二人具本服捧箱行至于庭置箱于案上捧箱人退亲王上拜褥使者赴褥位立亲王再拜上香复位再拜亲王跪使者传防赐物又再拜跪使者取物于案以授亲王亲王受物讫就褥位再拜搢笏舞蹈俯伏兴又再拜少离位跪问圣躬万福使者答讫复位即请使者升防正坐佐貳以下展状防讫设果棹亲王先揖跪献酒一盏复揖退佐貳以下僚属跪献酒一盏次献币物亲王复献一盏以付從人讫彻果棹入食案邀请以次官陪坐供食食毕彻案再以果棹前使者命亲王即坐就食执事者斟酒无算使者请罢酒至再乃彻果棹回时使者上马亲王以下率僚属具公服送至客亭跪附奏使者聽讫立劝酒一盏以次官共劝酒一盏致辞

宗室

大定十九年奏定皇孙郡王国公伞盖印信制度止依见行仪式国公自来不曾铸印故事难以给铸亦无铸印郡王人從六人郡王牵拢官三十人未出宫二十人国公牵拢官二十人未出宫十四人郡王接引六人国公四人未出宫各減半并依一品职事官人從服饰用紫衫盘裹银偏带圈背银裹交椅银水罐厮罗孟子唾盂【十九年七月拟申赵王长子光禄減差设人力省批无似此格例】

十八年十一月二十三日勅防皇太子封金源郡王【典故代宗为 宗嫡皇孙年十五封广平郡王】长男授特进封温国公次男封道国公女封广平郡主【以次诸子例封公赵王长子授光禄次子奉国】

三年七月九日御史台举奏依令皇兄弟皇子为亲王判宗壽王秘监温王皆不合佩玉鱼【壽王皇统时亦于亲王班佩玉鱼银褐领】

二年正月十七日奏劄礼部呈宣徽院申会验自来每遇旦望并应有见辞官员通贊官职姓名其间或有皇亲及赐姓官员有无通姓下太常寺检到唐会要贞元八年太常寺奏宗子名衔皆云皇某亲此非避嫌自卑之道也伏请三從内仍旧从之武德三年曹国公徐勣赐姓李氏贞观十七年诏图画功臣像于凌烟阁内河间元王孝恭不用姓以此见得唐宗室近属不用姓其余宗室及赐姓者并用姓今来拟依前项典故三從皇亲不通姓外其余宗室及赐姓者并通姓氏奉圣防准奏行外平章阿里仍通姓氏

公主

大定七年二月二日勅防今后封郡王及宗室女封公主者只于郡名内封拣十个好名内用封县主者只于县名内封封王封长公主或皇公主于国字内封已后不须奏便做例封十三日奏定下项郡名金源广平平原南阳常山太原平阳东平安定延安县名乐安清平蓬莱荣安栖霞壽光灵仙寿阳钟秀惠和永宁壽安【后改庆云】静乐福山隆平德平文安福昌顺安乐寿静安灵壽大宁闻喜秀容宜芳真宁嘉祥昌乐永乐【十四年十二月七日奏改昌乐永乐为金乡华原】

六年十一月二十七日以自来封公主县主有宣授不同并一例有封谥国号者检讨到唐通典公主止是册授缘官制内以定公主郡主制授拟依官制又唐宋典故封公主有以国名者代国霍国是也有以郡名者平阳襄阳是也有以县名者永乐云阳是也有以美名者太平长宁是也唯唐 宗之女皆以美名之唐宗室女封公主者有 化交城金城永乐等号别无曾封国号者宋会要封公主有以国名者宣祖太祖太宗诸女如陈国晋国之类是也有以美名者真宗之女福康崇庆之类是也外宗室秦王女曾封云阳贵乡公主与唐制同今来宗室女不合一例封国号勅防准奏据以前宣诰授者止追宣命外宗室女曾封国号仍改封【二十三年三月七日奉勅防公主给宣诰用玉宝】

七年六月十三日检讨到汉制帝女曰公主姊妹曰长公主唐代有不加长字者睿宗妹太平公主穆宗妹永安公主是也武灵皇帝妹太定三年再封鄂国公主不合便加长字海陵姊妹合去长字依帝女例封公主奏奉勅防鄂国公主依旧明肃女并封郡公主

二年正月二十八日奉勅防大长公主旧引从八人添四人并着紫罗绣臂背葵花夹袄子并大佩银腰带盘裹幞头牙杖一对皇妹公主皇女公主各引從一十人衣袄幞头带牙杖同【景宣闵宗公主各设八人宋王梁王女各设六人】

天德二年闰四月二十二日海陵庶人防公主仰在国妃上排次

天眷二年奏定公主礼物依惠妃公主例外成造衣袄器用等物【裙子五十腰小袄子五十领金三十两大褥二十片绵胎胧褥氍二十片做复绢一百疋黑鹳项车二十具黑毡靴食车一十具蓆靴男儿大袄子五十领团袄子五十领系腰五十条妇人下领大袄子五十领系腰五十条大物三百段疋定磁一千事】

三年二月二十七日二公主礼物依昭庆公主例【金瓮四只金台盏四副金铸碗四副金孟子二只银瓮八只银台盏四副黑银台盏四副银水瓶四只银厮罗四面银唾碗四只黑银孟子二只鍮石駝笼头一十二副鍮石牛笼头一十二副床柜棹机上银钉儿五十余万个】皇统七年十一月二日代国公主下嫁【奴婢二千五百人马二千牛四千羊三万猪二千防币二千端绢万疋钱二十万贯黄金千五百两银万五百两器皿珠玉首饰服用称是】大定七年二月勅防公主断送依例准备【駝三十只马一百疋羊二千口牛二百头猪二百口续减讫駝十只仍与伴笼头各五十副】

大定六年十一月十九日勅防今后驸马已下才拜门讫类例支俸

二十年宣徽院奏定赐生日仪使者至所往处第一驿先遣人报知于仪门东间设幕次于防事庭中望 设香案置物案又设褥位使者将至公主先于香案之侧立俟其驸马与处所僚属吏徒音乐于客亭具公服迎接使者至先遣人覆知未敢防见使者过借仪卫音乐前导驸马以下后徙至仪门幕次取赐物置箱复中孔目官二人具本服捧箱行至于庭置箱于案上捧箱人退公主上拜褥使者赴褥位公主再拜上香复位又再拜讫公主跪赐者传防赐物公主又再拜跪使者取物于案以授公主受物讫就褥位又再拜公主少离位跪问圣躬万福使者答讫起复位赞者引使者陞防正坐驸马率僚属以下展状防讫设果棹公主驸马次第先跪献酒二盏使者坐饮讫献币物时公主复献一盏以付徙人讫彻酒果入食案邀请以次官陪坐共食食毕彻食案再以果棹前使者命公主驸马即坐就食执事者斟酒无算使者请罢酒至再乃彻果棹礼毕使者回时先于庭中设褥位公主跪附奏使者听讫立致辞别讫使至上马驸马以下率僚属送至客亭立劝酒一盏相别致辞退

郡县主

大定七年二月十三日奏定郡名县名唐制皇姑封大长公主皇姊妹封长公主皇女封公主皆视正一品皇太子之女封郡主视从一品王之女封县主视正二品自魏晋以来尚公主皆拜驸马都尉从五品新制系正四品娶郡主正六品上叙娶县主正七品上叙今拟县主壻比驸马都尉唐品并新制品从升五品上叙天眷三年月勅防准奏

大定十五年四月二十七日拟奏唐初学记魏晋之后尚公主皆拜驸马都尉故世称驸马又唐百官志驸马都尉从五品下又唐选举令诸娶郡主者出身正六品上娶县主者正七品上据此则郡主县主之壻止合以所授官为称呼郡马县马皆无所据前贤亦论其非奉勅防郡

主县主壻依唐典故行

大定七年正月十九日勅防秘监阿林妹迁县主只给与诰不须出宣今后以此例

大金集礼卷九

卷十

钦定四库全书

大金集礼卷十

皇帝夏至日祭方丘【后土同】

斋戒 陈设

省牲器 銮驾出宫

奠玉帛 进熟

祭五岳 四镇 四海 四渎

銮驾还宫

斋戒

前祭七日戒誓皇帝服袞冕前祭二日太尉告高祖皇帝如常吉之仪【告以配神作主】孟冬祭神州则告太宗文武圣皇帝庙余并如圆丘之仪

陈设

前祭三日尚舍直长施大次于东壝东门之外道北南向【摄事卫尉设祭官公卿以下次于东壝外道南北向西上】尚舍奉御铺御座卫尉设文武侍臣次于大次之后文官在左武官在右俱南向设祭官次于东壝之外道南北向西上三师于南壝之外道东诸王于三师之南俱西向北上文官九品已上于祭官之东北向西上介公 公于南壝之南外道西东向诸州使人东方南方于诸王东南西向西方北方于介公 公于西南东向皆北上诸国之客东方南方于诸州使人之南西向西方北方于诸州使人之南东向皆北上武官三品以下七品以上于西壝之外道南北向东上【其褒圣侯于文武官三品之下摄事无御座以下至此仪】设陈饌幔于内壝东门西门之外道北面南面【坛上及神州东方南方之饌陈于东门外西向西方北方之饌陈于西门外东向神州无西门之饌】前祭二日大乐令设宫悬之乐于坛南壝之外树灵鼓于北悬之内道之左右余如圆丘之仪又为瘞坎于坛之壬地内壝之外方深取足容物南出陛前祭一日奉礼设御座【摄事无御座】于坛之东南西向设望瘞位于坛西南当瘞坎北向设祭官公卿位于内壝东门之外道南分献官于公卿之南执事者位于其后每等异位俱重行西向北上设御史位于坛上正位于东南隅西向副位于西南隅东向设

奉礼位于乐悬东北賛者二人在南差退俱西向北上设奉礼賛者位于瘞坎西南东向南上设协律郎位于坛上陛之西东向设大乐令位于北悬之间当坛北向设佾祭官三师位于悬南道东诸王位于三师之东俱北向西上介公 公位于道西北向东上文官佾一品已下九品已上位于执事之南每等异位重行西向武官三品已下九品已上位于西方当文官每等异位重行东向皆北上诸州使人位东方南方于诸王东南重行北向西上西方北方于介公 公西南重行北向东上设诸国客使位于内壝南门之外东方南方于诸州使人之东每国异位重行北向西上西方北方诸州使人之西每国异位重行北向东上【摄事无三师以下至此仪】设门外位祭官公卿以下皆于东壝之外道南每等异位重行北向西上三师位于南壝之外道东诸王于三师之南俱西向介公 公于道西东向皆北上文官佾一品以下九品以上位于东壝之外祭官之南每等异位重行北向西上武官三品以下九品以上位于西壝之外道南每等异位重行北向东上诸州使人位东方南方于诸王东南重行西向西方北方于介公 公西南重行东向俱北上设诸国客位东方南方于诸州使人之南每国异位重行西向西方北方于诸州使人之南每国异位重行东向皆北上【摄事无三师以下至此仪】牲牓位东壝之外当门西向黄牲一居前又黄牲一在北少退 牲一在南少退设廩牺令位于牲西南祝史陪其后俱北向设诸太祝位于牲东各当牲后祝史陪其后俱西向设太常卿省牲位于牲前近北南向设皇地只酒尊于坛之上下太尊二着尊二牺尊二鬯一在坛上东南隅北向象尊二壶尊二山尊二在坛下皆于南陛之东北向俱西上设配帝着尊二牺尊二象尊二鬯一在坛上皆于皇地只酒尊之东北向西上【孟冬北郊酒尊于神州酒尊之东如夏至之仪】神州太尊二在第一等每方岳镇海渚俱山尊二山川林泽俱蜃尊二丘陵坟衍原隰俱概尊二凡尊各设于神座之左而右向【神州以上之尊置于坫以下之尊俱以席皆加勺幕设爵于尊下孟冬牺坛上之尊置于坫坛下尊借以席设御洗及玉帛之筐等并如圆丘仪孟冬祭同】祭日未明五刻太史令郊社令各服其服帅其属升设皇地只神座于坛上北方南向席以藁秸设高祖皇帝座【孟冬神州则设太宗文武圣帝神座】于东方西向席以莞设神州地只神座于第一等东南方席以稿秸又设岳镇海渚以下之座于内壝之内各于其方皆有原隰丘陵坟衍之座又设中岳以下之座于坛之西南俱内向自神州以下六十八位席皆以莞设神位各于座首

省牲器【如别仪】

銮驾出宫

銮驾出宫服以袞冕条如上辛圆丘仪【孟冬北郊同圆丘】祭日未明三刻诸祭官服其服郊社令良醢令各帅其属入实尊鬯玉帛【凡六尊之次太尊为上实以泛齐着尊次之实以醴齐牺尊次之实以盎齐象尊次之实以醢齐壶尊次之实以沈齐山鬯为下实以三酒配帝着尊为上实以沈齐牺尊次之实以醴齐象尊次之实以盎齐已上孟冬同神州太尊实以沈齐诸方岳镇海渚之山尊实以醢齐山林川泽之蜃尊实以沈齐丘陵以下之散罇实以清酒酒各实于诸齐之上罇】

奠玉帛

礼神之玉皇地只以黄琮其币以黄配皇帝之币亦如神州之玉两珪有邸其币以 【孟冬同】岳渎以下之币各徙方色太官令帅进饌者共实饌及礼官就位御史太祝行扫除等并同圆丘仪【孟冬同】驾将至谒者赞引各引祭官徙祭官客使等俱就门外驾至大次门外回辂南向将毕降立于辂左侍中进当銮驾前跪奏称侍中臣某言请降跪俯伏兴还侍位五品以上徙祭之官皆就壝外位【摄事无驾至大次下仪位】大乐令帅工人二舞次入就位文舞入陈于悬内武舞立于悬南道西谒者赞引司空入行扫除讫出复位皇帝停大次半刻顷谒者赞引各引祝官通事舍人分引徙祀羣官介公酈公诸方客使皆先入就位太常博士引太常卿立于大次门外当门北向侍中版奏外办皇帝服袞冕【孟冬神州大裘而冕】出次华盖侍卫如常仪【侍中负宝陪徙如式】博士引太常卿太常卿引皇帝至中壝门外殿中监进大珪尚衣奉御又以镇珪授中监皇帝进大珪执镇珪华盖仗卫停外门外使者徙入谒者引礼部尚书太常少卿陪从如常仪皇帝至版位太常卿请再拜及请行事位如圆丘仪【摄事如圆丘位摄事仪】举麾工鼓奏顺和之乐乃以林钟为宫大簇为角姑洗为徵南吕为羽作文武之舞乐舞八成【林钟大簇姑洗南吕皆再成】偃麾戛敔乐止太常卿前奏称请再拜退复位皇帝再拜奉礼曰众官再拜在位者皆再拜皇帝奠玉币及奏乐之节并如圆丘仪【摄事则太尉奠玉帛下仿此】登歌作肃和之乐以应钟之均太常卿引皇帝进北向跪奠于皇地只【孟冬神州】神座俯伏兴及奠配位并如圆丘仪【摄事同圆丘摄事仪】

进熟

皇帝既升奠正币太官令陈设之仪如圆丘俎入门奏雍和之乐以太簇之均【自后接神之乐用太簇】饌至陛乐止祝史俱进跪毛血之豆降自东陛以出皇地只之饌升自南陛配帝之饌升自东陛神州之饌升自北陛孟冬神州升自南陛诸太祝迎引于坛上各设于神座前设讫谒者引司徒太官令帅进熟者降自东陛以出司徒复位诸太祝还罇所又进设岳镇以下之饌相次而毕太常卿引皇帝诣盥洗乐作其盥洗酌献跪奠奏乐之仪并如圆丘【摄事如圆丘摄事仪】太祝持版进于神座之右东向跪读祝文曰维某年歲次月朔日子嗣天子臣某【摄事云谨遣太尉臣名下効此】敢昭告于皇地只乾道运行日躔北至景风应序离气効时嘉承至和肃若旧典敬以玉帛牺齐粢盛庶品备兹祗瘞式表诚慤高祖皇帝配神作主尚飨太祝俯伏兴【孟冬神州云包函区夏载镇羣生溥被域中赖兹厚德式遵彝典拣此元辰敬以玉帛牺齐粢盛庶品明献厥诚备兹祗瘞皇祖太宗文武圣皇帝配神作主】皇帝再拜【摄则太尉再拜】初读祝文讫乐作太祝进跪奠版于神座再拜兴还罇所皇帝拜讫乐止太常卿引皇帝诣配帝酒罇所执罇者举罇侍中取爵于坳进皇帝受爵侍中赞酌沈齐讫乐作太常卿引皇帝进高祖神座前东向跪奠爵俯伏兴太常卿引皇帝少退东向立乐止太祝持版进于神座之左北向跪读祝文曰维某年歲次月朔日子 孝孙开元神武皇帝臣某敢昭告于高祖皇帝时维夏至肃敬训典用祗祭于皇地只惟高祖德协二仪道兼三统礼膺光配敢率旧章【孟冬皇曾祖太宗文武圣皇帝德被乾坤格于上下昭配之仪钦率旧章】谨以制币牺齐粢盛庶品肃雍明荐作主侑神尚飨太祝俯伏兴皇帝再拜初读祝文讫乐作太祝进跪奠版于神座兴还罇所皇帝饮福受胙及亚献终献盥洗酌献饮福并如圆丘仪【唯皇地只太尉亚献酌醴齐时武舞作合六律六同为异耳】

祭五岳 四镇 四海 四渎

初太尉将升献謁者一人引献官诣罍洗盥洗匏爵讫升自北陛诣酒罇所执罇者举幂酌沈齐进奠于神州座前引降还本位謁者五人次引献官各诣罍洗盥洗讫各诣酒罇所俱酌醢齐讫引献官各进奠爵于诸方岳镇海渎首座余座皆祝史助奠相次而毕引还本位又赞引五人各引献官诣罍洗盥洗讫诣酒罇所酌沈齐献山川林泽如岳镇之仪又引献官诣罍洗盥洗讫诣酒罇所俱酌清酒献丘陵以下及斋郎助奠如上仪讫各引还本位武舞六成乐止舞献俱毕诸祝彻豆乃赐胙皇帝再拜奏乐并如圆丘仪太常卿前奏请就望瘞位太常卿引皇帝乐作皇帝就望瘞位北向立乐止于羣官将拜上下诸祝各执筐进于神座前取玉帛斋郎以俎载神州以上牲体稷黍饭爵酒各由其陛降坛北行当瘞坎西行诸太祝以玉币饌物置于坎诸祝又以岳镇以下之礼币及牲体皆從瘞奉礼曰可瘞坎东西厢各六人置土半坎太常卿前奏礼毕引皇帝还大次乐作從祀羣官诸方客使御史以下出并如圆丘之仪具祝版燔于斋所

銮驾还宫

銮驾还宫如圆丘仪

大金集礼卷十

卷十一

钦定四库全书

大金集礼卷十一

皇帝祭皇地只于方丘仪注每年夏至日祭

斋戒 陈设

省牲器 奠玉帛

进熟 望瘞

斋戒

祭前三日质明有司设三献以下行事官位于尚书省初献南向监祭御史位于西东向监礼博士位于其东西向俱北上司徒亚终献位于其南北向次光禄卿太常卿次第一等分献官司天监次第二等分献官光禄丞郊社令大乐令良醖令廩牺令司尊彝次内壝内外分献官太祝官奉礼郎协律郎诸执事官就位立定次礼直官引初献就位初献读誓曰今年五月几日至夏至祭皇地只于方丘所有摄官各扬其职其或不敬国有常刑读毕礼直官赞七品以下官先退【监祭监礼职虽七品不退】余官并对再拜讫退散斋二日宿于正寝治事如故唯不吊丧问疾不作乐不判署刑杀文字不决罚罪人不预凶秽致斋日唯祭事得行其余悉禁赴祭之日官给酒馔凡预祭之官已斋而阙者通摄行事守壝门兵卫与大乐工人俱清斋一宿行礼官前期习仪于祠所

陈设

祭前三日所司设三献官以下行事执事官次于外壝东门之外道南北向西上随地之宜又设饌幕于内壝东门之外道北南向祭前二日所司设兵卫各服其器守卫壝门【每门二人】大乐令帅其属设登歌之乐于坛上稍南北向磬虞在西钟虞在东祝一在钟虞北稍西散一在磬虞北稍东搏拊二其一在祝北一在散北东西相向歌工次之余工各位于悬后其匏竹者位于坛下【在第一等】重行北向相对为首郊社令帅其属扫除坛之上下为瘞坎【坎在内壝外之壬地】祭前一日司天监郊社令各服其服帅其属升设皇地只神座于坛上北方南向席以藁秸又设配位神座于东方西向席以藁越又设神州地只神座于坛之第一等东南方席以藁秸又设五神五官岳镇海渚二十九座于第四等阶之间各依方位又设昆仑山林川泽二十一座于内壝之内又设丘陵坟衍原隰三十座于内壝外席皆以莞又设神位版各于座首子陛之西水神 防北岳北镇北海北渚于坛之第二等北山北林北川北泽

于内壝内北丘北陵北坟北衍北原北隰于内壝外皆各为一列以东为上郊陛之北木神勾芒东岳长白山东镇东海东渎于坛之第二等东山东林东川东泽于内壝内东丘东陵东坟东衍东原东隰于内壝外皆各为一列以南为上南陛之东神州地只于坛之第一等火神祝融南岳南镇南海南渎于坛之第二等南山南林南川南泽于内壝内南丘南陵南坟南衍南原南隰于内壝外皆各为一列以西为上西陛之西土神后土中岳中镇于坛之第二等中山中林中川中泽于内壝内中丘中陵中坟中衍中原中隰于内壝外皆各为一列以南为上西陛之南金神蓐收西岳西镇西海西渎于坛之第二等昆仑西山西林西川西泽于内壝内西丘西陵西坟西衍西原西隰于内壝外皆各为一列以北为上其皇地只及配位神州地只之座并礼神之玉虽设讫俟告洁毕权彻祭日早重设其第二等以下神座设定不收奉礼郎礼直官又设三献官位于郊陛之东稍北西向司徒位于郊陛之东道南西向太常卿光禄卿位次之第一等分献官司天监位于其东光禄丞郊社令太官令廩牺令位又在其东每等异位重行俱西向北上又设太祝奉礼郎及诸执事位于内壝东门外道南每等异位重行俱西向北上设监祭御史二位一于坛下南陛之西南一于子陛之西北俱东向设监礼博士二位一于坛下南陛之东南一于子陛之东北俱西向奉礼郎位于坛之东南西向协律郎位于乐簋西北东向大乐令位于乐簋之间西向司尊彝位于酌尊所俱北向设望瘞位于坎之南北向又设牲牐位于内壝东门之外西向太祝祝史各位于牲后俱西向设省馔位于牲西太常卿光禄卿太官令位北南向西上【凡太祝官皆稍却】监祭监礼位在太常卿之西稍却西上廩牺令位于牲西南北向又陈礼馔于内壝东门之外道北南向设省馔位于礼馔之南太常卿光禄卿太官令位在东西向监祭监礼位在西东向俱北上设祝版于神位之右司尊及奉礼郎帅其属设玉币簠于配尊所次及笾豆之位正配位各左有十一笾右有十一豆俱为三登三在笾豆间钶三在登前簠一簋一【簠左簋右】各在钶前又设尊彝之位皇地只太尊二着尊二牺尊二山彝二在坛上东南隅配位着尊二牺尊二象尊二山彝二在正位酒尊之东俱北向西上皆有坫加勺冪为酌尊所【左实 酒者加勺右实明水者不加勺】又设皇地只位象尊二壶尊二山彝四在坛下南陛之西北向西上配位牺尊二壶尊二山彝四在西陛之北东向北上皆有坫加冪设而不酌神州地只位左八笾右八豆登一在笾豆间簠一簋一在登前【簠左簋右】爵坫一在神座前又设第二等诸神位每位笾二豆二簠一簋一俎一爵坫一内壝之内外诸神每位笾一豆一簠一簋一俎一爵坫一陈列皆与上同又设神州地只太尊二着尊二皆有坫第二等诸神每方山尊二内壝内外每方蜃尊二内壝内外每方概尊二皆加冪【自第二等以下皆用匏爵其爵皆先拭洗讫置尊下】又设正配位笾一豆一簠一簋一俎三及毛血豆一并神州地只位俎一各于馔冪内又设二洗于坛下郊陛之东北向【盥洗在东爵洗在西】彝洗在东加勺簠在洗西南肆实以巾【爵洗之簠实以匏爵加坫】又设第一分献官盥洗爵洗位第二等以下分献官盥洗位各于其方道之左【彝在洗左簠在洗右】俱内向执彝簠者各于其后祭日丑前五刻司天监郊社令帅其属升设皇地只及配位神座于坛上设神州地只座于第一等又设玉币皇地只玉以黄琮神州地只玉以两圭有邸皆置于匣正配位币并以黄色神州地只币以 色五神五官岳镇海渎之币各徙其方色皆陈于簠太祝取瘞玉加于币以礼神之玉各置于神座前光禄卿帅其属入实正配位笾豆【笾三行以右为上第一行形盐在前鱼鱠饌次之第二行榛实在前干桃枣次之第三行菱在前干芡干栗鹿脯次之豆三行以左为上第一行芹菹在前笋菹葵菹次之第二行韭菹在前 食鱼醢次之第三行豚胎在前鹿臠醢醢菁菹次之登实以大羹钶实以和

羹】又设徙祭第一等神州地只位之饌【筵三行以右为上第一行形盐在前鱼鱸次之第二行干桃在前干枣次之第三行干芡在前鹿脯次之豆三行以左为上第一行芹菹在前笋菹次之第二行菁菹在前韭菹次之第三行兔醢在前鹿臠醢醢次之登实以大羹簠实以稷簠实以黍】第二等每位【左二筵栗在前鹿脯次之右二豆菁菹在前鹿臠次之簠实以稷簠实以黍俎一羊一豕】内壝内外每位【左筵一鹿脯右豆一鹿臠簠稷簠黍俎以羊】良醢令帅其属入实酒尊皇地只【太尊为上实以泛齐着尊次之实以醴齐牺尊次之实以盎齐象尊次之实以醢齐壶尊次之实以沈齐山罍为下次之实以三酒】配位【着尊为上实以泛齐牺尊次之实以醴齐象尊次之实以盎齐壶尊次之实以醢齐山罍为下实以三酒皆左实明水 实 酒皆上醢代】次实徙祭第一等神州地只酒尊【太尊为上实以泛齐着尊次之实以醴齐】第二等【山尊实以醢齐】内壝内【蜃尊实以泛齐】内壝外【概尊实以三酒已上尊皆左以明水右以 酒皆上醢代之】太常卿设烛于神座前

省牲器

祭前一日午后八刻去坛二百步禁止行者未后二刻郊社令帅其属扫除坛之上下司尊与奉礼郎帅执事者以祭器入设于位郊社令陈玉币于筐未后三刻廩牺令与诸太祝祝史牵牲就位礼直官赞者分引太常卿光禄等卿丞监礼祭太官令等诣内壝东门外省牲位立定礼直官引太常卿赞者引监祭监礼自东壝门南门而入升自阼陛视涤濯执事者皆举幂曰洁俱后位礼直官稍前曰告洁毕请省牲太常卿稍前省牲讫退后位次引廩牺令出班巡省一币西向躬曰充请太祝巡牲一币首员西向躬曰膳俱后位礼直官稍前曰省牲毕请就饌位引太常卿以下各就位立定省饌俱讫礼直官赞省饌毕俱还斋所廩牺令诸太祝祝史以次牵牲诣厨授太官令次引光禄卿以下诣厨省鼎饌视涤溉乃还斋所哺后一刻太官令帅宰人以鸾刀割牲祝史各取毛血实以豆置于饌幔遂烹牲又祝史取瘞血贮于盘

奠玉币

祭日丑前五刻献官以下行事官各服其服有司设神位版陈玉币实筵豆簠簋尊罍俟监祭监礼按视坛之上下乃彻去盖幂大乐令帅工人入以次奉礼郎赞者先入礼直官赞者分引分献官以下监祭监礼请太祝太史斋郎与执尊罍筐幂者南壝东门当坛南重行北向西上立定奉礼郎赞拜献官以下皆再拜讫以次分引各就位升坛陛上及下位次引监祭监礼按视坛之上下纠察不如仪者省讫退后位礼直官分引三献官以下行事官俱入就位【行礼官皆自南壝东门入】礼直进立初献之左白曰有司谨具请行事退后位协律郎高举笏执麾工举麾兴【凡取物者则跪俯伏而取兴奠物则跪奠讫俯伏兴】工鼓祝乐作坤宁之曲八成偃麾戛敔乐止俟太常卿瘞血讫奉礼郎赞拜在位者皆再拜又赞诸执事者各就位礼直官引诸执事各就其位俟太祝跪取玉币于筐立于尊所诸位太祝亦各取玉币立于尊所礼直官引初献诣盥洗位乐作肃宁之曲至位北向立乐止搢笏盥手帨手执笏诣坛乐作肃宁之曲【辞殊凡初献升降皆作肃宁之曲】升自阼阶至坛乐止诣皇地只神座前北向立乐作静宁之曲搢笏俯伏兴太祝奉玉币西向跪以授初献官初献官受玉币奠讫执笏兴再拜拜讫乐止次诣配位神座前东向立乐作亿宁之曲奠玉币如上仪乐止降自阼陛乐作复

位乐止初献将奠配位之玉帛赞者引第一等分献官诣盥洗位搯笏盥手帨手执笏由外陞诣神州地只神座前搯笏跪太祝以玉帛授分献官分献官受玉帛奠訖执笏俯伏兴再拜訖退还位第一分献官将升赞者引第二分献官诣盥洗位盥手帨手执笏各由其陞升【唯不由午陞】诣于首位神座前奠如上仪以次祝史斋郎助奠訖各引还位初献奠玉帛将毕祝史奉毛血豆各由午陞升诸太祝迎于坛上进奠于正配位神座前太祝与祝史俱退位于奠所

进熟

初献既升奠玉帛有司先陈牛鼎二羊鼎二豕鼎二于神厨各在镬右太官令帅进饌者诣厨以匕升牛羊豕自镬实于各鼎【牛羊豕各肩臂腩肫脰正脊一横脊一长脇一短脇一代脇一皆二骨一并】冪之祝史以扃各对举鼎有司执匕以徙陈于饌幔内【徙祀之俎实以羊更陈于饌幔内】光禄卿实以笾豆簠簋【笾实以粉饗豆实以粢食簠实以稷簋实以黍】实訖去鼎之扃冪匕加于鼎太官令以匕升牛羊豕载于俎【肩臂腩在上端肫脰在下端脊脇在中】正初献还位乐止礼直官引司徒出诣饌所同荐笾豆簠簋俎斋郎各奉皇地只配位之饌升自外陞诸太祝各迎于坛上司徒诣皇地只神座前搯笏奉笾豆簠簋次奉俎北向跪奠訖执笏俯伏兴【设笾于糗餌之前豆于醯醢之前簠簋在登前俎在笾前】次于外陞奉配位之饌东向跪奠于神座前并如上仪各降自外陞还位太祝迎于坛陞之道间奠于神座前【在笾前】訖乐止太官令进饌者降自外陞还位礼直官引初献官诣盥洗位乐作至位乐止北向立搯笏盥手帨手执笏诣爵洗位至位北向立搯笏洗爵拭爵以授执事者执笏诣坛乐作升自外陞至坛上乐止诣皇地只酌尊所西向立执事者以爵授初献搯笏执爵司尊举冪良醢令跪酌太尊之泛齐【酌訖先诣配位尊所】乐作大簇宫溥宁之曲初献以爵授执事者执笏诣皇地只神座前北向立搯笏跪执事者以爵授初献初献执爵三祭酒于茅苴奠爵【三献奠爵皆执事者受以兴】执笏俯伏兴少退跪乐止举祝官跪对举祝版读祝太祝东向跪读祝文訖俯伏兴举祝官奠版于案兴【先诣配位座前北向立】初献再拜初读祝文乐作拜訖乐止次诣配位酌尊所执事者以爵授初献初献搯笏执爵司尊举冪良醢令跪酌着尊之泛齐乐作大簇宫保宁之曲初献以爵授执事者执笏诣配位神座前东向立搯笏跪执事者以爵授初献初献执爵三奠酒于茅苴奠爵执笏俯伏兴少退跪乐止举祝版于案兴初献再拜訖初读祝文乐作拜訖乐止降自外陞读祝举祝官俱徙乐作复位乐止次引亚献诣盥洗位北向立搯笏盥手帨手执笏诣爵洗位北向立搯笏洗爵拭爵授执事者执笏升自外陞诣皇地只酌尊所西向立执事者以爵授亚献亚献搯笏执爵司尊举冪良醢令酌着尊之醴齐【酌訖先诣配位酌尊所北向立】乐作咸宁之曲亚献以爵授执事者执笏诣皇地只神座前北向立搯笏跪执事者以爵授亚献亚献执爵三祭酒于茅苴奠爵执笏俯伏兴少退再拜次诣配位酌献并如上仪【唯酌牺尊为异】乐止降复位次引终献诣洗位盥手洗爵升坛正位酌牺尊之盎齐配位酌象尊之醴齐奠献并如亚献之仪礼毕降复位初终献将升赞者引第一等分献官诣盥洗位搯笏盥手帨手洗爵拭爵以爵授执事者执笏诣神州地只酌尊所搯笏执事者以爵授献官献官执爵执事酌太尊之泛齐酌訖以爵授执事者进诣神座前搯笏跪执事者以爵授献官献官执爵三祭酒于茅苴奠爵俯伏兴少退跪再拜訖还初位第一等分献官将升赞者分引第二等分献官诣盥洗位搯笏盥手帨手执笏诣尊所

执事以爵授分献官酌以授执事者进诣首位神座前奠献并如上仪祝史斋郎以次助奠讫各引还位诸献俱毕诸太祝进彻笾豆【笾豆各一少移故处】乐作丰宁之曲卒彻乐止奉礼赞曰赐胙众官再拜乐作一成止

望瘞

初送神乐止引初献官诣望瘞位乐作太簇宫肃宁之曲至位南向立乐止初在位官将拜诸太祝祝史各奉筐进诣神座前玉帛徙祭神州地只以下并以俎载牲体并取黍稷饭爵酒各由其陞降坛北诣瘞坎实于坎中又以徙祭之位礼毕皆从瘞礼直官曰可瘞东西六行奠土半坎礼直官赞礼毕引初献出礼官赞者各引祭官及监祭监礼太祝以下俱复坛南北向立定奉礼郎赞曰再拜监祭以下皆再拜讫奉礼以下及工人以次出光禄卿以胙奉进监祭监礼就位展视光禄卿诣阙再拜讫以进其祝版燔于齐坊釜驾还宫如圆丘之仪检讨定仪礼合设执事职官人员于后

一祭方丘神州皇地只事摄官

初献一

司徒一

亚献一

终献一

已上四员拟宣

太常卿一

光禄卿【省拟奏摄】

监祭二【御史台差监察御史】

监礼二【太常博士】

第一等分献官一员

第二等分献官三员

内壝内分献官五员

司天监一

光禄丞一

郊社令一

大乐令一

廩牺令一

太官令一

良醖令二

司尊二

太祝官三

奉礼郎一

读祝太祝官一

举祝官一

协律郎二

祝史三十一人

斋郎四十二人【内四人代事故】

诸执事

三献奉爵官一

盥洗官一

爵洗官一

巾筐官二

第一等献官盥洗官一【兼爵洗奉爵】

巾篚官一

内壝内及第二等献官每方盥洗二

已上皆部拟【拟誓前三日各取告示】

礼直官賛三十四员【太常寺所 】

司天生二员

接手官三十员【宣徽院承奉班只候权差】

大金集礼卷十一

卷十二至卷十七【原有阙文】

钦定四库全书

大金集礼卷十二至卷十七【原有阙文】

永安四年四月五日奉职留住于礼部传奉圣防东京清安寺有元赐与静因院钱一万贯每年三道戒牒都拨与静因院交另请长老做主次及每年太后忌辰五百贯钱也交与令东京留守提控如阙后已次同知少尹提控作斋行者

礼部泰和五年二月十六日准东京留守司申垂庆清安两寺内俱有贞懿皇后影殿自来各差射粮军人六名巡宿委差什将高坦管勾副留守相沿提控【云云】年前九月奉礼部符【云云】不得似前灭裂照得大定十三年准礼案六月二十九日奉礼部符承省劄奉御东阳传奉圣防东京太后塔位并院墙听得都倒塌了仰专差本京留判常做提防官覷着勾当院墙用砖束砌及教清安寺长老和尚每遇节朔讽咒官里与享祀送法断上清安寺与垂庆寺内太后影殿系是一体合委副留守一就提控如副留守阙员依符同知提控外孝宁宫防位留判依旧提防部符检清安寺提控官合准来申委副留守一就提控外孝宁宫塔位亦合依符令留判提控

世宗显宗熙宗各本陵位祭带祭后太宗睿宗忌辰各磐宁宫望祭带祭后太祖忌辰除不祭世祖外遍祭太宗睿宗世宗显宗熙宗并带祭诸后

昭德后忌辰磐宁宫望祭忌辰本陵祭【明昌二年礼直官曹遇单子具到】昭德后忌辰磐宁宫望祭是大定二十九年七月内太常寺定来【部有卷】

享所已斋而阙者通摄行事

前三日兵部量设兵卫列于庙之四门前一日禁断行人仪銮司设馔幔十一所于南神门外西南向又设七祀次灶与中霤二位于横阶之北道西东向又设羣官齐宿次于庙门之东西舍前二日大乐局设登歌之乐于殿上太庙令帅其属扫除庙殿门之内又设七祀燎柴于庙门之外又于室内铺设神位于北墉下当户南向设几于筵上【时寒用虎皮次席时暄用桃枝竹次席】又设三献官拜褥位二【一在室内一在室外】学士院定撰祝文讫计会通进司请御书讫降付礼部置于祝案祠祭局濯漑祭器与尊彝讫铺设如仪内太尊二山罍二在室牺尊五象尊五鸡彝一鸟彝一在室户外之左炉炭稍前着尊二牺尊二在殿上象尊二壶尊六在下俱北向西上加幂皆设而不酌并设献官罍洗位礼部设祝案于室户外之右礼直官设位版并省牲位如已定图前一日光禄卿帅其属入实祭器良醞令入实尊彝

前一日诸太祝与廩牺令以牲就东神门外如省牲图司尊彝与礼直官及执事者皆入升自

西阶以俟礼直官引太常卿赞者引御史自西阶升遍视涤濯执尊者举幂告洁讫引降就省牲位廩牺令少前曰请省牲退复位太常卿省牲廩牺令又前北向躬身曰牖还本位太祝与廩牺令以次牵牲诣厨授太官令赞者引光禄卿诣厨请省鼎饌申视涤溉赞者引御史诣厨省饌具讫与太常卿等各还齐所太官令帅宰人以鸾刀割牲祝史各取毛血每室共实一豆又取肝膋共实一豆置饌所遂烹牲

享日质明百官各服其品服礼直官赞者先引御史博士太庙令太官令诸太祝祝史司尊彝与执爨籩官等入自南门当阶间北面西上立定奉礼曰再拜赞者承传皆再拜讫赞者引太祝与宫闈令升自西阶诣始祖室开祐太祝捧出帝主宫闈令捧出后主置于座【帝主在西后主在东】赞者引太祝与宫闈令降自西阶俱复位奉礼曰再拜赞者承传在位官皆再拜讫俱各就执事位大乐令帅工人入礼直官赞者分引三献官与百官俱自南东偏门入至庙庭横阶上三献官当中北向西上应行事执事官并百官依品重行立【五礼新仪内皆自东门入看详宋齐坊并在庙东今在南门外只合就南门入】奉礼曰拜赞者承传应北向在位官皆再拜【其先拜者不拜】拜讫赞者引三献官诣庙殿东阶下西向位其余行事执事官与百官俱各就位讫礼直官诣初献官前称请行事协律郎跪俯伏兴乐作礼直官引初献诣盥洗位北向立定乐止搯笏盥手帨手执笏诣爵洗位北向立搯笏洗瓚拭瓚以瓚授执事者执笏升殿乐作至始祖室尊彝所西向立乐止执事者以瓚奉初献官初献官搯笏执瓚执尊者举幂太官令酌郁鬯讫先诣第二室尊彝所北向立初献以瓚授执事者执笏诣始祖室神位前乐作北向立搯笏跪执事者以瓚授初献官初献官执瓚以鬯裸地讫以瓚授执事者执笏俯伏兴出户外北向再拜讫乐止【已下逐室乐作止并准此】每室行礼并如上仪礼直官引初献降复位初献将升裸祝史各奉毛血肝膋豆及斋郎奉炉炭萧蒿黍稷籩各于饌幔内以候初献晨裸讫以次入自正门升自太阶诸太祝各迎毛血肝膋豆于阶上俱入奠于神座前斋郎所奉炉炭萧蒿籩皆置于室户外之左与祝史俱降自西阶以出诸太祝取肝膋洗于郁鬯燔于炉炭讫还尊所享日有司设羊鼎十一豕鼎十一于神厨各在饌右初献既升裸光禄卿帅斋郎诣厨以匕升羊于饌实于一鼎肩臂臠肫脰正脊一横脊一长脇一短脇一代脇一皆二骨一并次升豕如羊实于一鼎每室羊豕各一鼎皆设局幂斋郎对举入饌放饌幔前斋郎抽局委于鼎右除幂光禄卿帅太官令以匕升羊载于一俎肩臂臠在上端肫脰在下端脊脇在中次升豕如羊各载于一俎每室羊豕各一俎斋郎以幂举鼎先退置于神厨讫还复饌幔所礼直官引司徒出诣饌幔前立以俟光禄卿帅其属实筯以粉簋实豆以粢食实簠以粱实簋以稷俟初献裸毕复位祝史俱进彻毛血之豆降自西阶以出礼直官引司徒帅荐筯豆簠簋官奉俎斋郎各奉筯豆簠簋羊豕俎每室以序而进立于南神门之外以俟羊俎在前豕俎次之筯豆簠簋又次之入自正门乐作升自太阶诸太祝迎引于阶上乐止各设于神位前讫礼直官引司徒以下降自西阶乐作复位乐止诸太祝各取萧蒿黍稷擣于脂燔于炉炭还尊所礼直官引初献诣盥洗位乐作至位北向立乐止搯笏盥手帨手执笏诣爵洗位北向立搯笏洗爵拭爵以爵授执事者执笏升殿乐作诣始祖室酌尊所西向立乐止执事者以爵授初献初献搯笏执爵执尊者举幂太官令酌牺尊之泛齐讫先诣第二室酌尊所北向立初献以爵授执事者执笏诣始祖神位前乐作北向立搯笏跪执事者以爵授初献初献执爵三祭酒于茅苴奠爵执笏俯伏兴出户外北向立乐止【以下逐室乐作止并准此】赞者次引太祝诣室户外东向搯笏跪读祝文读讫执笏兴先诣第二室户外东向立初献再拜次诣

每室行礼并如上仪太官令复诣始祖室酌尊所太祝复位初献降阶乐作复位乐止礼直官次引亚献诣盥洗位北向立搯笏盥手帨手执笏诣爵洗位北向立搯笏洗爵拭爵以授执事官执笏升殿诣始祖酌尊所南向立执事者以爵授亚献亚献搯笏执爵执尊者举幂太官令酌象尊之醴齐讫先诣第二室酌尊所北向立亚献以爵授执事者执笏诣始祖神位前乐作北向立搯笏跪执事者以爵授亚献亚献执爵三祭酒于茅苴奠爵执笏俯伏兴出户外北向再拜讫乐止【已下逐室乐作止并准此】次诣每室行礼并如上仪降阶乐作复位乐止礼直官次引终献诣盥洗及升殿行礼并如亚献之仪降复位次引太祝彻笱豆【笱豆各一少移】乐作卒彻乐止俱复位礼直官曰赐胙赞者承传曰赐胙再拜在位者皆再拜礼直官引太祝宫闱令奉神主太祝搯笏纳帝主于匱奉入祔室执笏退复位次引宫闱令纳后主于匱奉入祔室并如上仪退复位礼直官赞者引行事执事官各就位奉礼曰再拜赞者承传应在位官皆再拜礼直官赞者引百官次出大乐令帅工人次出太官令帅其属彻礼饌次引监祭御史诣殿监视卒彻讫还斋所太庙令阖户以降太常藏祝板于匱光禄以胙奉进监祭御史就位展视光禄卿望阙再拜乃退

夏合祀灶并中霤铺设祭器入实酒饌俟终献将升献献官行礼并读祝文并如已行仪

自后每歲四孟月并腊五享并如上仪至正隆元年二月五日稟定每歲二月十月遣使时享神主不出过三年祫享用烝祭亲祠

天德二年秋享宰执三品官亲王内稟差三献官并司徒除防定初献官司徒外委尚书省就便拟摄自后遂为常例【天德年宰执摄太尉亲王专摄司徒大定十二年前太尉司徒通具一品至三品员数奏防先者摄太尉次者司徒十三年后另具三品官防差司徒亚终献旧差三品员官曾具三品四品自后只具四品官大定十三年腊享劄子枢密赵王始于丞相下排次大定十六年冬享诸王并具在丞相上】

大金集礼卷十二至卷十七

卷十八

<史部,政书类,仪制之属,大金集礼

钦定四库全书

大金集礼卷十八

时享上

摄行礼

摄行礼

天德二年三月奉安太庙祫享礼部呈四月时享合用牺牲若亲祠随室各犊一羊一豕一遣使止用羊豕兼合预先牢养周礼享先王则袞冕稟讫服袞冕用堂上乐又以时享礼似有繁紊兼典故有亲祠者亦有有司行事者稟讫委有司行事

稟定平章滕王摄太尉初献王宗睦摄司徒行礼吏部尚书乌哩页摄太常卿亚献礼部尚书卢彦伦摄光禄卿终献四月十五日行礼其余摄官除有正员外差光禄卿一七祀献官一司尊彝二太官令二大乐令一太祝十一宫闾令十一奉礼郎一【通事舍人充】读祝太祝一举祝官二七祀读祝官一协律郎一以上职事官内差摄斋郎一百三十二【毛血肝膋簠簋先入奉俎簠簋豆次入每室只用八员计八十八员】祝史二十二【只用斋郎充更不另摄】礼直官一十赞者一【阁门充】七祀位祝史一七祀进饌者二执事官五以上省部令译史通事及供奉官直省内差

检讨定仪礼准呈下项太常寺举申礼部關学士院司天台择日以其日报太常寺具时日散告

前七日受誓戒于尚书省其日质明礼直官设位版于都堂之下依已定誓戒图礼直官引三献官并应行事执事官等各就位立定贊揖在位官皆对揖讫礼直官以誓文奉初献官初献官搢笏读誓文某月某日孟春荐享太庙各扬其职不恭其事国有常刑读讫执笏七品以下官先退余官对拜讫乃退散斋四日治事如故宿于正寝唯不吊丧问疾作乐判署刑杀文字决罚罪人及预秽恶致斋三日于本司唯享事得行其余悉禁明昌二年九月防检司申到前月二十九日奉圣防孝懿皇后陵前享祭准备茶食四十棹子宫籍监已钦依前去坟山造办

大安三年七月二日礼部行下太常寺近奉圣防山陵下时新诸陵下都交有者省部除另行外来申世祖位合依自来享祀例止于盘宁宫荐献

新物到陵下署官公服再拜兴进前跪奠讫俯伏兴退再拜讫礼毕并勘当到别无荐新带享
保陵公礼例准申行下【云云】

大定十八年五月初七日尚书省奉勅防今后遇贞懿皇后忌辰祭享仰学士院定撰祝文

礼部下太常寺检到礼数呈省奉省批台防致祭使仰本部移文宣徽院依例奏差余并准呈
一差官

致祭使一员【奏差】读祝官一员【本处官充】举祝官二员【本府幕官充】礼直官二
员【本处差近上司吏充】

一合用物

茶食香茶酒果香案一【裾全】祝案一【裾全】拜褥位【并本处应办】一礼数

其日质明致祭使并本处见任官读祝举祝官并公服礼直官引赴殿阶下迎西先两拜次引
使面殿以东为上立又再拜引使陞殿诣神位前搢笏跪三上香奠茶奠酒讫执笏俯伏兴引
使降殿复位立俟读祝讫又再拜引赴近西褥位立定再拜礼毕退

大安元年十一月三十日承省劄奏帖近奏差秘书监丞温迪罕胡土三司知事边源检勘坟
山以西银洞事【云云】今据所差官胡土等检勘得止合以龙泉河为禁限西界【阙】等
商量若准所申是为相应【云云】为此于十一月二十九日闻奏过奉圣防封堠立得分朗
者余并准奏行

一坟山禁界封堠四至周围地里东至万安寺西小岭一十八里南至黄山峪水心二十六里
西至辘轳岭二十三里周围计地一百二十八里

一坟山以西过辘轳岭有南郊涧道隔断山势以西过木浮岭下至龙泉河又隔断木浮岭其
龙泉河身濶处约五十步窄处十余步水深三四尺自陵寝红排沙至此三十二里以西又过
烟熏岭松片山数重才是接连银山其坟山与银山不是一带山势

一银山在坟山西北其山东西形势岭南属奉先县有银洞五十四处山岭北属宛平县有银
洞六十二处两县银洞止是一山自陵寝红排沙以西最近银洞四十二里最远银洞四十八
里

一取责到将去司天台阴阳人张庆渊等三人状称相视得自陵寝红排沙以西过涧辘轳岭
已有南郊涧道隔断山势以西又过木浮岭下有龙泉河河身深濶隔绝地脉按地理新书五
音地脉篇凡隔坑潭江河地势已绝不相连接兼山陵至此已三十二里若将龙泉河便为禁

限西界委是别无窒碍其东南北三面禁界止合依元定界堠为限

大定二年正月初七日省差官刑部主事薛万亨并提防山陵涿州刺史完顏璋同衙申取责到司天台张庆渊魏器博卢世明等三人状称合自坟山西北系奉先县所管神宁乡上冶村龙泉河为西界为头排立封堠沿龙泉河至南羌弧岭其龙泉河水流正西南去离坟山八十余里止合于羌弧岭东南下坟按坟山旧南界封堠是周围四至别无窒碍皇省一起自万安寺西岭为头打量至西面尽北南郊涧口旧封堠计地六十二里零一百四十四步自南郊涧口旧封堠以西上冶村按连排立沿龙泉河南至羌弧岭密排讠封堠一百一十六个按连至赤石峪旧封堠计地五十八里零二百二十八步自赤石峪口旧封堠至万安寺西岭计地三十五里零三百步周围计地一百五十六里零三百一十二步

大金集礼卷十八

卷十九

钦定四库全书

大金集礼卷十九

时享下

摄行礼

摄行礼

大定三年七月奏禀唐礼仪志四时各以孟月享太庙季冬腊享凡五祭拟今年十月择日祫享升祔以后时享有司依时举行從之十二月二十一日腊享命平章元宜摄太尉充初献防政石琚摄司徒省差亚献终献各一员【三品以上依开元礼摄太常光禄卿】礼部拟差太常光禄卿各一【三品】七祀献官一【五品】助奠官二太庙令一大乐令一【并六品】监祭二太常博士二司尊彝一太官令二读祝太祝一举祝官二七祀读祝一【并七品】廩牺令协律奉礼郎各一太祝十一【并八品】贊者一礼直官十宫闈令十四斋郎一百一十七祀祝史进饌官二【并九品】奉瓚盘奉爵酒盥洗爵洗巾筐官各一【六品七品】外昭德皇后别庙献官司徒以次另行差摄同日质明行礼【太常光禄卿太庙廩牺令并太官令一员系太庙所差官通摄至二十六年腊享太庙另差已上员数】

检讨定仪礼准呈下项拟依典礼前七日受誓戒于尚书省其日质明设位版于都堂之下依已定受誓戒图礼直官引三献官并应行事执事官等各就位立贊揖在位官皆对揖讫礼直官以誓文奉初献官初献官搢笏读誓文云十二月二十一日腊日荐享太庙各扬其职不恭其事国有常刑读讫执笏七品以下官先退余官对拜讫乃退散斋四日治事如故宿于正寝唯不吊丧问疾作乐判署刑杀文书决罚罪人及预秽恶致斋三日并于有司无本司者并宿于省部礼官宿于享所唯享事得行其余悉禁享官已斋而阙者通摄行事礼部看详前来亲祠大礼散斋四日致斋三日今每歲五享系有司行事如致斋三日缘所用摄官令史人等数多见得废务多日拟止令散斋二日致斋一日

前三日兵部设兵卫于庙之四门禁断行人仪銮司设饌幔十一所于南神门外之西南向又设七祀次于横阶之北道西东向前一日大乐局设登歌之乐于殿上太庙令帅其属扫除庙殿之内又于室内设神位于北牖下当户南向设几在筵上用虎皮及次席又设三献官拜褥位二【一在室内一在室外】学士院定撰祝文讫计会通进司请御署讫降付礼部设祝案于室户外之右又于每室设左十有二筵分为四行以右为上【第一行形盐在前榛实黍米次之第二行鱼鱸在前干桃干芡次之第三行糗餌在前干櫟栗子次之第四行粉飧在前干枣鹿脯次之】右十有二豆分为四行以左为上【第一行芹菹在前韭菹豚肺次之第二

行笋菹在前酏食鹿麋次之第三行葵菹在前鱼醢醢次之第四行菁菹在前兔醢糝食次之【又设钶三在筵豆之间【实以羹茹茼滑】登一【实以大羹】簠二在左【实以粱稻粱在稻前】簠二在右【实以黍稷稷在黍前】又设俎三在筵前【各实牲体】又加二豆在筵前【实以毛血肝膋】大尊二【实以明水】各加坫冪设而不酌又设沙池一茅苴一稍前又设尊彝所在室户之左设黄彝一斚一【实以郁鬯】各加酌冪牺尊二象尊二山罍二【上尊实以明水余者实以糯酒】各加坫冪又设簠箱一内萧蒿【实以黍稷】燎炉一【实以炉炭】稍南又设着尊一山罍二【并实以糯酒】壶尊六【实以明水】各加坫冪设而不酌在殿下又设献官爵洗在罍洗之西罍在洗东筐在洗西北肆实以巾又设七祀每位簠二【实以稻粱】簠二【实以黍稷】筵二【实以榛实】豆二【实以菁菹鹿麋】俎一【实以羊体】又设壶尊二在神位之右【实以糯酒】各加酌坫冪又设爵盞一【坫全】礼直官设位版并省牲位如已定图前一日光禄卿帅其属入实祭器良醖令入实尊彝

前一日省牲器如天德二年仪

享日质明行事执事官各服其品服礼直官赞者先引御史博士太庙令太官令诸太祝祝史司尊彝与执罍筐官等入自南门当阶间北面西上立定奉礼曰再拜赞者承传皆再拜讫赞者引太祝与宫闾令升自西阶诣始祖室开祐室太祝奉出帝主宫闾令奉出后主置于座【帝主在西后主在东】赞者引太祝与宫闾令降自西阶俱复位奉礼曰再拜赞者分引三献官与百官俱自南神东偏门入至庙庭横阶上三献官当中北向西上应行事执事官并百官依品重行立奉礼曰拜赞者承传应北向在位官皆再拜【其先拜者不拜】拜讫赞者引三献官诣庙殿东阶下西向立其余行事执事官俱各就位讫礼直官诣初献官前称请行事协律郎跪俯伏兴乐作礼直官引初献官诣盥洗位立定乐止搢笏盥手帨手执笏诣爵洗位北向立搢笏洗瓚拭瓚以瓚授执事者由西阶升执笏升殿乐作至始祖尊彝所西向立乐止执事者以瓚奉初献初献搢笏执瓚执尊者举冪太官令酌郁鬯讫先诣第二室尊彝所北向立初献以瓚授执事者执笏诣始祖室神位前乐作北向立搢笏跪执事者以瓚授初献初献执瓚以鬯裸地讫以瓚授执事者执笏俯伏兴出户外北向再拜讫乐止【已下逐室乐作止并准此】次诣每室行礼并如上仪礼直官引初献降复位初献将升裸祝史各奉毛血肝膋豆及斋郎奉炉炭萧蒿黍稷筐各于饌幔内以俟初献晨裸讫以次入自正门升自太阶诸太祝各迎毛血肝膋豆于阶上俱入奠于神座前斋郎所奉炉炭萧蒿筐各置于室户外之左兴祝史俱降自西阶以次出太祝取肝膋洗于郁鬯燔于炉炭讫还尊所

晨裸如天德二年仪【惟云享日质明行事执事官各服其品服不云百官后仪内数处却依例有百官字百官二字未当】既升裸太官令帅进饌者奉陈于南门外诸饌幔内以西为上礼直官引司徒出诣饌所司徒与荐俎斋郎奉俎并荐筵豆簠簠官奉筵豆簠簠礼直官太官令以序入自正门乐作升自太阶诸太祝迎引于阶上乐止各设于神位前讫礼直官引司徒以下降自西阶乐作复位乐止诸太祝各取萧蒿黍稷擣于脂燔于炉炭讫还尊所

酌献如天德二年仪【惟云太官令酌酒讫不云酌泛齐醴齐】

腊日并祀七位俟终献官将升七祀献官诣司命神位前祭酒读祝再拜余座助奠如仪惟不读祝

太定四年正月十九日春享太庙并昭德皇后别庙同时行礼其一切礼数并应行事执事官并如腊享仪正月十六日受誓戒十七日各庙习仪十八日各于本司致斋次日质明行礼【春夏用鸡彝鸟彝秋冬用黄彝斚彝七祀司命户以春灶中霤以夏门厉以秋行以冬腊并祀七位其余并同】每岁五享以为常式十五年三月二十七日奉安訖武灵皇帝别庙自后每遇时享太庙并两处别庙同时行礼十九年就禘祭升祔闵宗其旧庙拆毁太庙时享增闵宗一室笾豆尊彝之数添差太祝宫闾令礼直官各一员并添斋郎员数

大金集礼卷十九

卷二十

钦定四库全书

大金集礼卷二十

原庙上

奉安

奉安

皇统七年四月十一日奏禀庆元宫改作原庙内三门曰景晖正殿曰辰居似非庙中殿门名额勅防改曰世德【天防十三年始定宫名曰庆元殿曰辰居门曰景晖】

天眷二年九月以庆元宫为太祖原庙百寮陪位奉安御容

天眷四年十月缘燕京起盖太庙原庙不见依典有无俱合告享检讨到三代已前并无原庙至汉惠帝时叔孙通始建议置原庙于长安渭北曾荐时果其后又置原庙于丰沛别不该曾行享荐之礼又汉已后歷代亦无原庙两都告享之礼禀定只于燕京建原庙【内宫曰衍殿曰圣武门曰同閣曰崇圣】准备行荐享之礼

大定二年十二月二十七日恭奉勅防防宁府国家兴王之地合建太祖皇帝庙仰于庆元宫基址上修建正殿九间 工毕委有司以时荐享五年八月十一月奏用元立庆元宫世德殿门名额从之

天防四年十月命贝勒呼噜古秘少扬丘忠充使副送御容赴燕京奉安于庙沿路每日三时烧饭用羊豕兔鴈鱼米麴等

皇统七年八月以东京御容殿工毕命王宗哲等充奉送庆元宫御容使副

大定二年九月二十七日以睿宗御容未奉迁于衍庆宫选定十月十二日行礼其日质明宰执率百官公服奉迎于御容殿有司先设香案酒果等宰执以下阶下拜再跪上香奠酒教坊乐作再拜执事者奉御容升防輿以行教坊引导甲骑旗帜仪卫伞扇导从百官公服骑从至衍庆宫奉安讫宰相以下于圣武殿下再拜退礼直官二人红罗伞一伞子一拱卫司差黄罗扇八执扇八人用供奉官擡鼻香輿用拱衛司弩手八人防輿用弩手一十六人导从用弩手并控鹤各三十人甲骑旗帜仪卫防检司约度差勅防准奏外十月二日奉迎五年七月二十五日奏禀防宁府已起蓋太祖皇帝庙未有御容依前代典故合严卫而往契勘衍庆宫内见

有太祖御容一十二轴【法服容一展立容一衣甲容一弓箭各一坐容一头巾红袄子容一展坐容一以上防寧府奉迁到头子容二春衣容一头巾红袄子容二以上中都旧御容殿奉迁到】有无将一轴前去奉安或别行誊寫奉勅防以便服容一轴差官前去奉安宋防要扬州建隆寺旧有太祖御榻殿景德二年寺僧请奉安圣容诏翰林图画严卫而往今拟以木为御容匣朱红油漆黄罗托里合用龙駝车随宜铺设防褥匣上覆以黄罗帕随车用红罗伞差护卫并导从甲军旗鼓所过州城见任官出郭见备香酒奠祭八月一日拟奏奉送御容礼数准外甲军于宗州咸平府等路遇有处差赞【宣付引进使高瑞仙充使副使省差】奏差使副一员省差知礼数閤门二人都管一名先排二人择日起发前一日夙兴告庙用酒饌差奏告官一员以所差使充进请御署其日质明有司设龙车于衍庆宫门外少西东向宰执率百官并穿执诣本宫殿下班立再拜班首升殿跪上香奠酒【教坊作乐】少退再拜班首降阶复位陪位官皆再拜奉送使副率太祝捧御容匣出宰执以下分左右前导出衍庆宫门外俟御容匣升车百官上马后从【旗帜甲马锦衣防子人等分左右导】香輿扇等中导前行至都门郊外候御容车少驻导从官下马车前立班再拜【奉迎使副侧侍不拜】班首诣香輿跪上香俛伏兴还班再拜辞讫退【锦衣防子执扇人等回香輿不用】奉送使副整齐旗帜甲马前去每程到馆或廨舍内亭中安驻红罗伞一龙车一御容匣一青布大亭子二座 牛倒载【奉安龙车并排列酒饌】駝五头旗鼓共五十面【五方龙旗鼓用彩画】香輿一扇八伞子二人【送到】把车六人【并用鞍马送到】旗鼓五十人【送到】擡香輿一十人导从六十人执扇八人各着本服甲军一百人【兵部差】防卫二十人前来例于宗室壻弟兄猛安谋克子孙内选人材可观者充沿路经过州城官员具公服出郭排办酒果香等迎见御容先再拜讫班首少前上香奠酒讫又再拜送于郊外再拜退防寧府官员并建庙官各率其属具公服并香輿导从人等依上准备将引于郊外迎接御容先再拜班首少前跪上香奠酒又再拜讫上马后从至庙门外下马分左右导引使副率太祝四员捧御容入庙于中门外东壁幄次内奉置定再拜讫退奉安合本处择日前一日准备祭享酒饌至日质明差去官与本府官及建庙官等并公服诣幄次前排立先再拜跪上香乐作奠酒讫又再拜太祝捧御容众官前导引至殿下排立御容升殿奉安讫再拜班首升殿跪上香读祝奠酒乐作少退再拜讫班首降阶复位同执事官再拜讫退有司严如式十五年二月二十五日奏禀东京开觉寺塔内睿宗皇帝容仪系皂罗衣展系幙头若拟于祖庙悬供縁太后天眷年间亲视安置来检讨到唐典故有将真容于寺观内安置别无真容皂罗展裹奉勅旨移于本京祖庙奉祀仍换袍色图写太后容塔内悬供十六年四月十一日奏禀近奉勅防世祖皇帝御容仰择日权于衍庆宫奉安叅酌定二年奉安睿宗皇帝御容已行典礼拟定今月十九日奉安至日质明亲王宰相率百官公服奉迎有司先设香案酒果等百官阶下再拜班首升阶跪上香奠酒教坊作乐再拜讫复位与百官又再拜执事者奉御容升防輿甲骑旗帜导从香輿扇教坊乐等前导百官骑从至衍庆宫奉安讫百官拜奠如奉迎之仪奉勅防令有司择日亲行朝谒以此再择定十九日奉安系朝谒吉月其日奉安讫百官于殿下再拜讫退于衍庆宫门外立班迎驾奉迎用甲骑一百人执伞二人执扇十二人擡香輿八人擡防輿十六人执事官二员【太庙署官充】弩手控鹤各五十人赞者二人【閤门充】礼直官二人縁权奉安不行奏告礼礼部续奉勅防礼数重着擡防輿添作四十人内二十四人系随从又差六品已下三十员公服乘马前导十六年正月七日奏劄近奉勅防世祖皇帝御容当于何处奉安检讨到无奉安容像典故叅详衍庆宫即汉之原庙伏见每遇太祖皇帝忌辰百官朝拜所有世祖皇帝御容若

择地修建殿位奉安庶可以仰副国家严奉祖宗之意从之续奉勅防仰于圣武殿东西起建世祖太宗睿宗殿位又圣武殿东殿阁两位比圣武殿阁制度小着又太宗殿位欲别择地起盖十七年正月十七日拟定世祖太宗睿宗殿位制度并依太祖殿位一体营建外太宗殿位踏逐到车辂院并归仁馆两处皆是国音利方叅详车辂院系今起盖殿位之后恐有窒碍兼山陵内太祖太宗睿宗共一兆域及太庙内世祖太祖太宗睿宗亦同堂异室今来归仁馆若拟起盖太宗殿位恐与山陵太庙制度不同奏奉勅旨依进呈四位图本起建【各殿七间阁五间内三门五间】二月九日奏定今岁国音通利合行修建三月八日奏告十一日啓土并叅酌到三圣御容在衍庆宫通为一处止合于衍庆宫奏告施行十八年十月三日奏定世祖殿阁曰广德燕昌太宗殿阁曰丕承光昭睿宗殿阁曰天兴景福十九年五月六日奏告依例外七日奉安礼数下项礼官二【省差四品】太庙署官一内侍各二太祝各六司尊酌酒官各一【一员把注一员执盘盞】盥洗巾筐官各一赞者各二礼直官各四合用物件每位香案一【炉匙合裙全】祭器席一拜褥二盥洗一大勺一筐一绢巾一前一日太庙令率其属扫除宫内外又各设神座于殿上又设亲王宰执以下百官拜位各于殿庭又设盥洗位于东阶下执罍筐者位于其后又于神位前各设北向拜褥位并各设香案香炉匙合香酒花果器皿物等依前来例又于圣武殿上设香案炉匙合香等又于殿下各设腰舆一【每舆一十六人以弩手充】伞子各二人【以弩手充】执扇各十二人【以供奉官充】导从弩手各三十人各依资次排立如式【内伞扇自阁迎至殿俟御容出殿迎至腰舆以次至广德殿】前一日清斋亲王于本府百官于其第行礼官执事人等习仪就祠所清斋其日质明礼官率太庙置官等诣崇圣阁奉世祖御容【捧匣人每匣用内侍二人太祝一员】礼官署官并前从置于圣武殿神座礼直官引亲王宰执百官公服于殿庭班立【七品以下班于殿门之外】赞者曰拜在位官皆再拜礼直官引班首诣盥洗盥手讫升殿诣神座前跪上香讫少退再拜礼直官引班前降殿复位赞者曰再拜在位官皆再拜讫礼直官导世祖御容升腰舆仪卫依次序导从至广德殿【百官后从至庭下班位立】礼官率太庙署官就腰舆内捧御容【太祝内侍与署官同捧】于殿上正面奉安讫百官于阶下【六品以下官于殿门外立班】赞者曰再拜在位官皆再拜礼直官引班首诣盥洗盥手讫升殿执事官等从升诣御容前跪上香奠酒【教坊乐作】少退再拜讫【乐止】礼直官引班首降殿复位赞者曰拜在位官皆再拜讫礼官率太庙署官诣崇圣阁太祝内侍捧太宗御容礼官导太宗御容署于圣武殿行礼毕以次奉安于丕承殿行礼并如上仪次睿宗御容奉安于天庆殿礼亦如之俟奉安礼毕百官退

大定二十一年閏三月二十六日礼部准寺申太庙署状契勘到昭祖已下五位容六轴旧来于崇圣阁下奉安时系用黄罗帷帐一座黄罗明金柱衣二条紫罗薄地褥一片金镀银装钉红油龙床一张褥子全踏床二个床衣全如此奉安来有无依例各另成造【礼部关工部户部下寺差人催促类防】同日准寺申太庙署申打量到奉安地步事燕昌阁上昭祖景祖世祖三位縁阁上中闲安置鴈翅上幃今来合于东西两间添置山幃其鴈翅移于两边燕昌阁下奉安肃宗穆宗康宗御容三位今契勘阁下五间鹞梯占讫东二间中一间合留充迁奉神位外止有西二间难以东西安设三位今来若西壁东向安设肃宗康宗以南为上外东壁鹞梯南有空歇一十五尺以西向安设穆宗【部呈省云不敢专便关工部计料成造安置省家别不见回降】閏三月二十六日省判礼部呈今月二十五日奉御古难传奉圣旨道与礼部

太常寺昭祖景祖交迁请在世祖御容阁上者肃宗穆宗康宗这三个交着世祖阁下者明肃皇帝交着太祖御容阁下者这底不是朔迁奉安神主只是一时闲权放着一般更交检讨古典礼觐莫不更别该载者有麼如无时依上项圣防施行太常寺申别无典故明肃皇帝恐合迁出【云云批呈乞奉台旨仰照勘依元奉圣防事理施行送部】闰三月二十八日户工部关礼部云契勘近为前后承准到来关内成造奉安要用床褥等物别不曾分朗开坐到各色名件数目以此行下太常寺承并太庙署官将引合干等人前来指视去后除逐官不曾前来即目才只有太庙署合千人杨壁今取责得本人状供到合造名件下项当部除已下随署立便勘当依应如法成造外契勘即日杨壁然已供到前项合造名件仍恐未是端的须合移关请照驗施行须至关者【礼部下太常寺照防速行勘当申上其后卷内不见太常寺勘当到申解】燕昌阁奉安物阁上二位床二张透背厚褥各二片计四片系杂色红锦薄褥各一片计二片系杂色红罗明金防帕各二条计四条系芝蔴罗盘龙阁下三位床三张透背厚褥各二片计六片系杂色红锦薄褥各一片计三片系杂色红罗明金 帕各二条计六条系芝蔴罗盘龙黄罗帷幄各一座计三座系芝蔴罗紫罗薄地褥各一片计三片黄罗明金柱衣各二条计六条系是圣武崇圣阁下明肃黄罗帷幄一座系芝蔴罗紫罗薄地褥一片系芝蔴罗【右定二十一年安五圣容有两卷大定元年十一月取来涉着抄节出前四件共先二件系一卷内后二件系别二卷】二十一年奉勅防景祖肃宗穆宗御容合于何处安置检讨到典故古者先王迁庙之主合藏于始祖庙以此比附恐合于世祖庙安置勅防准奏又以阁上窄隘六位难以安置奏定奉三祖神御于阁上三宗神御于阁下安置闰三月二十九日奏告四月一日奉安五日亲祠前一日致斋奉安仪礼准呈下项差官并每位物件如十九年奉安仪【惟太庙署官二员】前一日太庙令率其属扫除宫内外又于广德殿圣武殿上各设案置昭祖景祖肃宗穆宗康宗容匣神位及陈设如仪又设亲王宰执以下百官拜位各于殿庭又设盥洗位于东阶下执罍篚者位于其后又于神位前各设北向拜褥并各设香案香炉匙合并香内广德殿又设酒花果器皿又于圣武殿设腰舆立【南向西上每舆擡舁人一十六人弩手充】伞各二柄伞子各二人执扇各一十二人【以供奉官充】导从弩手各三十人各依次排立如式其日质明礼官率太庙令官等诣崇圣阁下奉出昭祖景祖肃宗穆宗康宗御容于各匣内安置【捧匣各内侍二员太祝官二员】迎出阁凡神位行次并用伞扇礼官署官前导置于圣武殿上太庙室之序设仪卫至广德殿阁礼直官引亲王宰执百官并公服由衍庆宫东西偏门入于殿庭班立【七品已下班于殿门外】赞者曰拜在位官皆再拜礼直官引班首诣盥洗位盥手讫升殿先诣昭祖神位前跪上香讫少退再拜次诣以次神位前依上香礼毕礼直官引班首降殿复位赞者曰拜在位者皆再拜拜讫执事捧昭祖以下神御各升腰舆昭祖在先次景祖次肃宗穆宗康宗礼直官前导各位仪卫依次序导从至广德殿百官复从至庭下班位立礼官与署官率太祝内侍捧昭宗以下御容匣降舆依次序升殿置于位奉安讫百官于阶下六品以下门外赞者曰拜在位者皆再拜礼直官引班首诣盥洗位盥手讫升殿执事官等从升诣酒尊所酌酒讫诣昭祖神位前跪上香奠酒教坊乐作少退再拜讫乐止次引诣以次神位前如上仪礼毕礼直官引班首降殿复位赞者曰拜在位官皆再拜讫在位官皆出礼官率署官与内侍太祝捧神御奉安于燕昌阁二十一年五月二十九日勅防圣安寺里睿宗皇帝御容不是放处已前如何仪依礼数检讨少古典后迁入庙里去叅酌十六年奉迁世祖皇帝御容已行礼数定到下项防准呈仪卫甲骑一百人【防检司差】执扇十二人【供奉官差】伞子二人【弩手充】擡香舆八人【弩手充】擡龙舆十六人【弩

手充】弩手控鹤各五十人执事官二员【太庙署官充】赞者二人【阁门充】礼直官二员前一日差官奏告前一日清斋皇太子于本宫亲王于本府百官于其第其日质明皇太子亲王宰执百官公服诣圣安寺奉迎御容典赞仪引皇太子礼直官引亲王宰执已下百官入就见安置阶下班立赞者曰拜皆再拜皇太子升阶诣御容前上香奠酒【教坊乐作】少退再拜皇太子降阶复位乐作再拜在位官皆再拜【以上行礼如地步窄狭并从宜】执事者捧御容升舆仪卫如仪皇太子以下后从出圣安寺门外执事者奉御容降舆升龙舆仪卫如上仪俟舆行皇太子以下上马以次从【旗帜甲马导从人等分左右前导】香舆教坊乐等中导前行至衍庆宫甲骑弩手控鹤于门外止执事者奉御容降龙舆升腰舆仪卫如上仪至殿阶下俟执事者奉御容升殿奉安讫【不悬展】香舆龙舆繖扇等并退典赞仪引皇太子礼直官引亲王宰执以下官入就位赞者曰拜在位官皆再拜典赞仪引皇太子升阶诣御容前上香奠酒【教坊乐作】少退再拜皇太子降阶复位乐作再拜在位官皆再拜礼毕有司严奉如式【行礼处如值雨合用油幕百官于三门及廊房度宜望拜如中道遇雨龙舆香舆等合用油帕遮护东宫亲王百官合比准仪制定到入内城门非时雨雪许自执小油伞及用伞子执油伞仪卫教坊甲马难同百官以上亦用油伞】

二十三年奉勅旨修整庆元宫同知副留守提控勾当奉迁御容同知宅权安置叅酌衍庆宫三位奉安已行典礼定到下项礼数并奏定四月十四日奏告奉迁十六日啓土八月十八日奏告奉迎如工未毕用九月二十二日奉迁合差执事官并赞礼者礼直官及仪卫人等并本处差其仪物等委本处计置成造应副执事官二员【庙官充公服】赞者二员礼直官二员甲骑五十八人执伞二人执扇十二人擡香舆八人擡防舆十六人导从四十人【以军人充仍紫窄衫幞头】至日质明所司设香案香合酒果等于庆元宫并奉迁处又设香舆彩舆于御容殿阶下长官率以次官并公服诣御容殿阶下班立再拜长官升阶诣御容前跪上香奠酒【教坊乐作】少退乐止长官降复位同陪位官再拜执事官捧御容升舆长官以下分左右前导出宫俟御容舆行逐官上马后从【旗帜甲骑导从上等分左右前导】香舆扇教坊等中道前行至奉迁处甲骑并于门外止香舆防舆伞扇至阶下俟执事官捧御容升阶奉安讫香舆防舆伞扇等并退长官以下于阶下班立再拜长官升诣御容前跪上香奠酒乐作少退再拜长官降阶复位同陪位官再拜退有司严奉如式奉迎还宫执事官并仪卫人等依奉迁人数差遣其日质明所司先设香案香合果酒等于庆元宫并奉迁处又设香舆防舆于阶下长官率以次官并公服诣御容阶下班立再拜长官升阶诣御容前跪上香奠酒少退再拜长官降阶复位同陪位官再拜执事官捧御容升舆长官以下分左右前导出俟御容舆行逐官上马后从【旗帜甲骑导从人等分左右前导】香舆扇教坊乐等中道前行至庆元宫甲骑等并于门外止香舆防舆伞扇至殿阶下俟执事捧御容升殿奉安讫香舆防舆伞扇等并退长官以下于殿阶下班立再拜长官升诣御容前跪上香奠酒乐作少退再拜长官降阶复位同陪位官再拜讫乃退以上乐如无教坊以留司乐代

卷二十一

钦定四库全书

大金集礼卷二十一

原庙下

朝拜

朝拜

太祖忌辰亲祠仪礼

大定五年十月宣徽宗院申已行礼数十一年同十九年奉勅防三庙行礼不同往日只奠一盞酒冷淡又奉勅防忌辰奠酒用乐不是只奠茶太子大王不须奠只依旧例其日三品以上职事官公服先于衍庆宫门外西向班定俟皇帝服袍乘马自应天门出四品以下职事官前导导驾四十员阁祗六员各从人一名服锦山防锦络缝偏带至三门外下马左右宣徽前导自正门入左上殿百官合班立定六品以下圣武门外皇帝至褥位先两拜【左宣徽赞】稍东西立定入香案讫上拜褥两拜添香讫复位再两拜依前西向立定排食讫上拜褥两拜奠茶讫复位再两拜稍东西向立定先分引百官出少顷辞御容两拜除见辞四拜外八拜百官并陪拜宣徽导引皇帝归幄次更衣毕至三门外上马侍卫导从如来仪

大定十六年四月十九日奉安世祖御容行朝谒之礼皇帝前一日斋于内殿皇太子斋于本宫亲王斋于本府百官斋于其第太庙令率其属于衍庆宫内外扫除设亲王百官拜位于殿庭又设皇太子拜褥于亲王百官位前宣徽院率其属于圣武门外之东设西向御幄樞星门东设皇太子幄次其日有司列仗卫于应天门外俟奉安御容讫有司于殿上并神御前设北向拜褥位安置香炉香案并香酒器物等皇太子比至车驾进发已前公服乘马本宫官属导从至衍庆宫门西下马步入幄次亲王百官于衍庆宫门外西向立班俟车驾将至典赞仪引皇太子出幄次于亲王百官班前奉迎导驾官五品六品七品职官内差四十员于应天门外道南立班以俟【每员引色衣从人一名御沟内分左右排立】皇帝服靴袍乘辇从官繖扇侍卫如常仪【勅防用大安辇仪仗一千人】出应天门阁通喝导驾官再拜讫阁门传勅导驾官上马分左右前导至庙门外西偏下马【导驾官不陪位】车驾至衍庆宫门外稍西降辇左右宣徽使前导皇帝步入御幄帘降阁门先引亲王宰职四品已上执事官由东西偏门入至殿庭分东西班相向立典赞仪引皇太子入立于褥位之西东向进香进酒等执事官并升阶于殿上分东西向以次立宣徽使跪奏请皇帝行朝谒礼帘卷皇帝出幄宣徽使前导至殿上褥位北向立典赞仪引皇太子就褥位阁门引亲王宰执四品以上职事官回班并北向立【令中间歇空不碍奏乐五品以下圣武门外八品以下宫门外陪拜】奏请并宣徽使皇

帝再拜【教坊乐作】皇太子以下羣官皆再拜【并閤门赞拜】请皇帝诣神位前褥位北向立又请皇帝再拜皇太子以下羣官皆再拜请皇帝跪三上香三奠酒俛伏兴又请皇帝再拜皇太子以下羣官皆再拜讫请皇帝复位又请皇帝再拜皇太子以下羣官皆再拜乐作宣徽使奏礼毕【以上拟八拜宣徽院奏过依旧例十二拜】典赞仪引皇太子复立于褥位之西东向閤门引亲王宰执以下羣官东西向立【先引五品以下官出】宣徽使前导皇帝还御幄帘降典赞仪引皇太子閤门分引殿庭百官以次出宣徽使跪奏请皇帝还宫帘卷步出庙门外升辇还宫如来仪导驾官前导皇太子以下羣官后从俟车驾入宫乃退寻奉勅防行礼毕更衣乘马还宫十九年五月七日奉安三圣御容礼毕八日亲祠奏定仪仗一千人导驾官四十员五品六品七品内差七日奉安礼毕应天门外习仪又以奉安后朝谒与自来忌辰用素食事体不同奏奉勅防用肉食以下乘辇往还行礼大略并奏过前一日清斋皇帝斋于内殿皇太子斋于本宫亲王斋于本府百官斋于其第前一日太庙令率其属扫除宫内外又各设神座于殿上及陈设如式又设亲王宰执百官拜位各于殿庭又设皇太子拜褥于百官位前宣徽院率其属于三殿门外之东各设西向御幄又于衍庆宫门外之东从地之宜设皇太子幄次亦西向又于殿上并神位前各设北向拜褥又各设香案炉匙合香酒果器物等于三圣神座前其日有司列仗卫于应天门外又设大安辇于应天门内道东南向如式其日质明亲王宰执以下百官【并公服】于衍庆宫门外少东西向立班以俟车驾其日皇太子公服乘马本宫官属导从如常先诣衍庆宫门东下马步入幄次俟车驾将至典赞仪引皇太子出幄次于亲王百官班前奉迎车驾【十六年皇太子立班系奏过】其日质明导驾官公服于应天门外道南立班以俟每员许色衣人从一名捧扈如御沟内分左右排立准备起居毕乘马前导俟皇帝服靴袍乘大安辇从官繖扇侍卫如常仪出应天门车驾少驻閤门通喝导驾官起居再拜讫閤门传勅导驾官上马分左右以里为上前导至衍庆宫门外西偏下马车驾至衍庆宫门外稍西降辇左右宣徽使前导引皇帝步入衍庆宫门内稍西乘辇【七寶辇】至世祖殿门外降辇步入御幄帘降閤门先引亲王宰执四品以上职事官由东西偏门入至殿庭分东西班相向立五品以下广德门外立班典赞仪引皇太子入立于褥位之西东向进香进酒等官并升阶于殿上分东西以次立宣徽使诣御幄前跪奏请皇太子朝谒之礼帘卷皇帝出幄宣徽使前导于殿上褥位北向立典赞仪引皇太子就褥位閤门引亲王宰执并四品以上职事官回班北向立奏请并宣徽使皇帝再拜皇太子以下百官皆再拜并閤门赞拜请皇帝诣世祖神位前褥位向北立又请皇帝再拜皇太子以下百官皆再拜请皇帝跪三上香三奠酒俛伏兴又请皇帝再拜皇太子以下百官皆再拜请皇帝复位又请皇帝再拜皇太子以下百官皆再拜乐止典赞仪引皇太子复位立于褥位之西东向閤门引亲王宰执四品以上官以次东西相向立引五品以下官权于衍庆宫门外余位止于各殿门外近西稍却皇帝步出庙门乘辇诣太宗殿门外御幄稍憩皇太子亲王宰执并四品以上官依班次先立于太宗殿下奏请皇帝诣太宗殿行礼如上仪礼毕诣睿宗殿行礼亦如之宣徽使奏礼毕典赞仪引皇太子复立于褥位之西东向閤门引亲王宰执以下百官以次东西相向立赞者先引五品以下官出宣徽使引皇帝还御幄帘降典赞仪引皇太子閤门分引百官以次出宣徽使跪奏请皇帝还宫帘卷步出幄次乘辇至庙门内稍东降辇步出庙门外升大安辇还宫如来仪导驾官前导皇太子以下百官后从俟车驾入宫门退贺表

三后在天神游虽邈一人思孝庙寝是崇既新宝构之成载肃真仪之奉涓辰迁御浹宇均欢

【中贺】祇遘先猷缉熙茂集言念武元之成烈盖遵圣肃之貽谋太宗守以文睿考嗣其德慨瞻遗像增大原祠耸层观之巍巍规模其丽仰睟容之穆穆精爽如存臣陪侍亲祠获观缛礼孝悌之至遂能通诸神明祖考以安于是成其福禄臣无任

二十一年四月一日奉安五圣御容五日亲祠奉勅旨仗仪省少着与世祖一处祭奏定前一日致斋其日拟用仪仗七百人导驾官四十员皇太子并亲王宰执以次百官于衍庆宫门外奉迎皇帝服靴袍乘大安辇从官繖扇侍卫如常仪出应天门至衍庆宫门外稍西降辇步入宫门内稍西乘七宝辇至御幄俟皇太子班定皇帝行朝谒之礼俟礼毕还宫如来仪系广德殿行礼先昭祖神位前再拜上香奠酒又再拜以次神位并同余如十六年十九年之仪奏稟安设神御次序若正面安设昭祖景祖世祖并东西面安设肃宗穆宗康宗縁食棹香案拜褥外地步窄狭拟权去山幙依庙室次序安设奉勅旨三祖并于正位安置昭祖正中其次分左右以东为上肃宗以下北正位稍斜安设二十一年五月十二日睿宗皇帝忌辰拟定亲祠仪礼防准呈行移宣徽院依例闻奏十一日宣徽使称不设小次不同导驾官再定到下项前一日宣徽院设御幄于天兴殿门外稍西至日质明皇太子亲王百官具公服于衍庆宫门外立班奉迎皇帝乘马至衍庆宫门外下马二宣徽前导步入宫门稍东皇帝乘辇繖扇侍卫如常仪至天兴殿门外稍西皇帝降辇入幄次帘降典賛仪引皇太子閤门引亲王宰执四品以上官由偏门入【出入如之】至于殿庭左右分班立定二宣徽使导皇帝由天兴门正门入自东阶升殿诣褥位立定皇太子以下官合班【五品以下官班于门外】宣徽使奏请皇帝先两拜请诣侍神位立俟有司置香案酒棹讫请诣褥位两拜三上香奠酒讫复位再两拜【以上皇太子以下皆陪拜一】再奏请诣稍东侍神位立典賛仪引皇太子升殿赴褥位先两拜奠酒讫再拜降复褥位次閤门引终献官赵王上殿行礼【如亚献仪】宣徽使奏请皇帝诣褥位再拜两拜皇太子以下官皆再拜礼毕百官依前分班立皇帝出殿门外入幄次帘降更衣次引皇太子以下官出宫门外立班皇帝乘辇至宫门稍东降辇步出宫门外上马还宫导从侍卫如来仪皇太子以下官俟车驾行然后退

大定五年七月二十五日奏请防寧府已起盖祖庙元奉勅旨候工毕委有司以时荐享今拟每岁元日寒食节七月十五日冬至八月二十八日忌辰以本府长官充献官佐贰以下陪位勅旨准行仍设教坊所司前期排办茶食香茶花果至日供设酒馔质明礼直官引献官与陪位官以下并公服入庙庭诣面西位立俱再拜讫引献官诣殿正阶下再拜讫升阶至食案前褥位上香奠酒讫一拜又再拜讫礼直官引献官复位与陪位官以下俱再拜讫退五年八月二十七日奉勅旨太祖皇帝忌辰衍庆宫呈用素食享祭其余诸京应有太祖皇帝御容去处自今后每遇忌辰亦只用素食十一年九月二十三日奉勅旨有太祖御容处只用素食奠茶不用肉及酒乐縁庆元宫见设教坊四十人【五年八月一日奏设】奏过检讨故事检到前汉书祖宗庙在郡国用乐及牺牲宋防要忌日罢乐废务拟遇忌辰用素食其余祭奠用肉及酒乐勅旨准奏行庆元宫教坊乐依旧存设六年五月以防寧府申稟庆元宫朔望朝拜礼数叅详朔望朝拜合依仪制外任官朝拜祖庙之礼拜褥用紫绢所用茶食并黄香果食分数依西京及东京御容殿例茶拟每次用二两如有未尽名件就便移文东西京取防比附施行准呈六年三月大同府申自来每月一十五日并诣祖庙上香即日车驾行幸其礼数有无依旧契勘中都除五享及遣使并太祖忌辰亲祠外无朔望上香之礼即日车驾到京亦合依例

施行防准呈仍候车驾还都日却依旧例六年八月奏请每年太祖皇帝忌辰车驾诣衍庆宫亲祠百官陪拜今车驾巡幸拟依诸京府遇太祖忌辰诣御容殿祭拜体例以宰臣为班首率百官诣衍庆宫行礼从之其日质明百官公服诣衍庆宫礼直官引班首官以下入自南东偏门于圣武殿下面北以东为上班首拜褥稍前同两拜礼直官引首官升阶诣御容前两拜少前搢笏跪上香奠茶讫出笏就位一拜少退再两拜讫引百官降阶复位首官以下同两拜礼毕十六年四月二十二日奉勅防遇太祖忌辰如是夏捺鉢去虽未还都百官须得谒庙祭祀不得有阙常礼世祖忌辰亦仰祭祀续奉勅旨太祖忌辰世祖太宗亦一处致祭无有妨碍检讨到唐礼阁新编所载唐高祖以下诸帝忌日各另于两京寺观内致斋行香外歷代无一圣忌辰列圣预祭故事看详世祖太宗若就圣武殿一处享祭须是昭穆并坐别无似此典礼兼世祖太宗御容并是面东今来世祖在中位则太祖在东位御容面不相向恐于礼未安未稟奏间勅遣皇太子行礼祭一位并就功臣检讨到唐六典自高祖以下国忌日并无亲祭之礼亦无皇太子行礼典秩今参酌定到其日质明百官先赴衍庆宫皇太子公服乘马本宫官属导从侍卫如常仪至衍庆宫门外下马入幄次少顷先引百官分班入宫庭殿下东西相向立六品以下圣武门外典贊仪引皇太子由东偏门入赴殿下褥位立定百官合班先两拜讫引皇太子左上殿面西少立入香案讫上拜再拜搢笏跪添香出笏就位一拜讫再两拜稍东西向立出香案排食讫上拜褥两拜搢笏跪奠茶出笏就位一拜讫再两拜讫引皇太子降阶复位再两拜【以上十二拜】百官皆拜先引皇太子出百官以次分班出分献官俟皇太子将升殿礼直官分引献官诣各位功臣前褥位立定俟殿上上香时献官搢笏跪齐上香奠茶讫出就位一拜再两拜讫引诣次位行礼如上仪俱拜讫立定齐引降阶入班俟皇太子百官辞神同两拜讫以次出二十四年四月九日勅旨到京第二日便谒庙六月十五日勅旨祖庙交依中都例节朔享祭车驾不来后月一十五日亦烧香九月十五日太祖庙荐新诸王公服栏子外奠酒百官殿下陪拜九月十九日勅旨上京兴王之地太祖庙只是忌辰日享祀于礼未应虽山陵随节享祀此亦随节差官享祀二十五年元日庆元宫享祭命幽王充使防寧同尹充副使二十六年三月二十一日以里外祖庙享祭不同检讨拟定太庙每岁五享山陵朔望忌辰及节辰祭奠并依前代典故外衍庆宫自来车驾行幸遇祖宗忌辰百官行礼并诸京祖庙节辰忌辰朔望拜奠虽无典故参酌恐合依旧以尽崇奉之意奏奉勅旨山陵朔望祭享食料比节辰享祭食料约量裁减余并依旧二十八年八月十四日圣旨东京西京两处有祖庙前来月一十五日本处官享祭来兼太祖山陵在这里有那里无只合依这里随节享祭后是教礼部定部奏唐防要该载武宗废天下寺上州以上各留寺一所国忌日行香列圣真容移入行香寺见得当时随处御容止于忌日拜奠今看详东西京祖庙随节忌辰各有奠祭礼数其月一十五日在此山陵已有享祀之礼兼前代别无诸京祖庙朔望祭享典故若行停罢别无窒碍八月二十五日奉职刘元弼传奉圣旨其东西京兼太祖不曾到庙也不合立为是已有也教随节忌辰祭奠其月一十五日准奏体罢上京庙比此两处争别是太祖生长本乡东京大清安禅寺立贞懿皇后功德碑其殿日报德之殿门名亦同

大定十年东京垂庆寺太后影殿曰孝思

大定三十年三月十三日奏

大金集礼卷二十一

卷二十二

钦定四库全书

大金集礼卷二十二

别庙

孝成旧庙

孝成旧庙

大定二年四月一日拟奏闵宗皇帝縁无后嗣合别立闵宗之庙有司以时祭享从之九月二十三日拟奏唐故事孝敬皇帝以本諡为庙称闵宗既不入庙不合称宗只合以武灵为庙称从之十一月五日拟奏检到唐防要于太庙西别建中宗庙【中宗 宗之伯于睿宗时祔庙至 宗时迁于别庙却升祔睿宗入太庙】又让皇帝睿宗之子 宗之兄立庙于立政坊以此见得唐立别庙不必专在太庙垣内今来武灵皇帝不称宗又不预祫享其别庙拟于太庙东墙外阶东空闲地内建造系准备起建诸局署地步从之司天台选定十二年七月系国音通利年月合行起盖是年四月一日奏奉勅防再检讨检照到大定二年元拟建庙事引唐防要开元四年用太常卿姜皎议以中宗无后出为别庙今武灵皇帝别无后嗣与唐中宗事体一同合依前项典故已奏定立别庙今再检到唐防要中宗初祔太庙至开元四年因议睿宗升祔而太庙止七室当时以中宗无后出置别庙而祔睿宗至开元十年添置九室中宗寻复升祔防此则中宗始终皆祔庙来又按晋书诸儒议谓惠怀及愍宜别立庙今考晋礼志三帝皆祔太庙则惠怀愍虽无后竟不用别庙之议也兼唐庄宗亦无后嗣明宗时升祔于太庙若依此典故武灵皇帝亦合升祔然中宗之祔庙始则有虚室终则添为九室晋惠怀之祔庙系迁豫章颍川二庙唐庄宗之升祔系祧懿宗一室今太庙之制除祧庙外系七室十一室已有定数如或升祔武灵皇帝即须别祧一庙縁唐书引荀子曰有天下者事七世谓从祢以上也若旁容兄弟上毁祖考则天子有不得事七世者矣伏覩太庙世次自睿宗皇帝上至始祖皇帝系是七世别无可祧之庙若添置庙室则晋书云庙以容主为限无拘常数东晋与唐皆用此议增至十一室兼晋成帝之后唐帝承统以兄弟一世故不迁远庙而增室以祔成帝始有十一室唐防昌六年以敬文武三宗同为一代于太庙东间添置两室定为九代十一室今太庙已是十一室如用不拘常数之説虽增至十二室亦可也然庙制已定更易增展其事至重防五代防要周世宗显德六年将祔太祖神主博士聂崇义奏殿室阙少若是添修并须移动神门及角楼宫墙等不唯重劳兼恐未便欲请将夹室安排位次遂 迁诸室奉安太祖于夹室今来若依唐防昌之制于东边增展即须动移神门太阶诸祔室并须动移别行安置若依此更改升祔又縁与睿宗皇帝祔室上下昭穆位次恐有更易按春秋文公二年大事于太庙跻僖公谷梁传曰跻升也逆祀也君子不以亲亲害尊尊此春秋之义也范甯注云僖公闵公兄也故文公升僖公于闵公之上耳僖公虽长已为臣矣闵公虽小已为君矣臣不可以先君

犹子不可以先父又按晋书元帝于愍帝为叔然于愍帝尝北面称臣故元帝神位在愍帝之下后当大禘王导与荀松议昭穆之位王导谓愍帝君位永固无复暂还子位之理且庙尚居上祀安得居下若暂下是逆祀也又后汉祭祀志云父为昭南向子为穆北向父子不并坐而孙从王父今若武灵皇帝升祔太庙增广作十二室若依春秋尊尊典故武灵皇帝祔室当在第十一室遇禘祫合食依孙从王父典故当在太宗之下而居昭位又合称宗祿前来已升祔睿宗皇帝在第十一室及累遇祫享睿宗皇帝在穆位与太宗皇帝昭位相对若更改祔室及昭穆位次非有司所敢轻议兼按唐礼官元议中宗为别庙时谓汉之光武不嗣于孝成而上承于元帝中宗无后请同汉之成帝出为别庙自汉有之今按后汉书光武继体元帝于孝成为兄弟自元帝已上祭于洛阳庙帝亲奉祠成帝以下祠于长安有司行事见得系祭于别庙亦有此典故伏取圣裁十三年闰正月二十一日奏奉圣防起建别庙寻检引周朝别庙法式南垣一屋三间东西垣各一屋一门每门二十四防建殿三间斋房神厨度地之宜修建其殿上堂房户牖一准太庙之制以太庙东墙外阶东空闲地内建造十三年三月十三日差户部尚书曹望之奏告太庙十六日戊申啓土差礼部郎中王中安祭告太岁土地诸神十月二十五日上梁差吏部郎中蒲思烈依例祭土地神位十五年三月十九日拟奏今年三月二十七日戊申奉安武灵皇帝悼皇后于别庙检讨到唐礼阁新仪大历十四年代宗神主祔庙就享来将来奉安亦合行享礼祿代宗自太极殿具卤簿奉迎神主至太庙升祔今来奉安神主依前代典礼并本庙已行升祔礼数止合就本庙西南隅设幄恭造叅酌典故神主幄次在本庙西南隅相去庙殿甫近难以排列仪仗拟摄太尉行事百官后从仍用享礼前一日丁未奏告太庙十一室及祭告昭德皇后庙从之二十一日命中丞刘仲海监造神主仍差王彦潜题写

【巾筐盥洗官各一】命皇子赵王摄太尉充初献官行礼礼部尚书张景仁摄司徒刑部尚书梁肃摄侍中差太府监白鉢少尹高居中充亚献官终献并差太常光禄卿大乐太庙廩牺令協律奉礼郎赞者监祭博士奉神主宫闈令捧几太祝内侍司尊彝奉瓚奉爵酒盥洗爵洗读祝官各一举祝巾筐太官令祝史二员斋郎礼直官各十差劝农使莎鲁古二员告庙并别庙享前三日三献官应行事执事官等受誓戒如常仪百官各于其第清斋一宿奉安行事官亦清斋一宿其日不赴朝叅神主用栗如太庙之制前三日本庙西南隅东向设幄次席褥前一日制造讫其日晚内中尚奉承以箱覆以帕【帝主覆以黄罗帕借以白罗帕后主覆以红罗帕借以青罗帕】捧诣幄中奉安日丑前五刻题写官与侍中礼官诣幄前太祝宫闈令先以香捧沐拭以罗巾题写官盥手就褥位题讫墨书用光漆摸讫授太祝宫闈令各捧诣座置于神匱【帝主在右后主在左】覆以帕乃下帘帷侍卫如式以俟奉安仪卫如昭德皇帝过庙仪前一日太庙令率其属扫除庙之内外兵部于庙之四门约度设兵卫旗帜仪釜设饌幔一所于南神门外之西大乐局设登歌之乐于殿上前楹门北向仪釜于庙西南隅设神幄一所帘全幄内设黼展一床【裙全】几二【帝用曲几后用直几】莞席一縑席二次席四桃皮竹席二虎皮席二紫绫厚褥一紫绫 褥一香案炉合匙全烛防二火筋一箱二黄罗帕一白罗帕一红罗帕一素罗帕一白罗巾二浴神主银盆二题神主席褥全香汤光漆笔墨全盥洗一勾一筐一幌巾一借席一礼直官设太尉以下行事直事官版位褥位并如时享之仪又设百官位于享官之南东西相向重行以北为上【如窄隘六品以下职事官于神门外东西相向或更难以排列八品以下于东神门外】又设祝案尊彝笾豆等器亦如时享之仪又设盥洗位于街之南稍东疊在洗东加勺筐在洗西南肆实以巾执疊筐者位于其后太庙令又设神位于室内北牖下当户南向设曲几一黼展一莞席一縑席二次席四桃皮席二虎皮席

二紫绶厚褥一紫绶防褥一并幄帐等诸物并如太庙一室之仪所司陈仪卫于幄次前礼直官设省牲版位享日丑前五刻光禄卿帅其属入实祭器尊彝各如常仪前一日请太祝与廩牺令以牲就东神门外如省牲图司尊彝与礼直官及执事者皆入升阶以俟礼直官引太常卿赞者引御史由西阶升遍视涤濯执事者举冪告洁讫引降就牲礼位廩牺令又前北向躬身曰膳还本位太祝与廩牺令以牵牲诣厨授太官令赞者引光禄卿诣厨省鼎镬申视涤漑赞者引御史入厨省饌具讫与太常卿等各还斋所太官令帅宰人以鸾刀割牲祝史取毛血共实一豆又取肝膋一豆置饌所遂烹牲奉安日丑前五刻有司进方扇团扇烛笼设腰舆繖等于幄次前质明候题神主讫礼直官引太尉以下法服入立于东神门外北向西上大乐令帅工人先入次引太尉以下行事执事官入视庙庭位次引百官以次公服诣南神门外幄次重行立定【如窄隘六品以下并门外立俟】摄侍中于神幄前俛伏跪奏请帝后神主奉安于庙降座升舆诣庙奏讫俛伏兴捧几太祝内侍先捧几匱跪置于舆几在前匱在后又太祝宫闈令捧接神主摄侍中礼官等前引跪置于舆上几后覆以帕繖扇侍卫如式侍中以下分左右前引百官分左右后从由南神门入【内百官由东西偏门入】导从扇至殿阶下依左右立腰舆至阶百官立于享官之南东西相向重行以北为上摄侍中于腰舆前奏请降舆陞座腰舆繖扇退捧几太祝内侍捧几匱前太祝宫闈令捧接升座帝主在西后主在东神主南面题处向北用帕覆侍中以下各复本位奉礼郎赞曰再拜太尉以下百官在位者皆再拜礼直官诣太尉之左曰有司谨具请行事协律郎跪俛伏兴乐作礼直官引太尉诣盥洗位立定乐止搯笏盥手帨手执笏诣爵洗位北向立搯笏洗瓚拭瓚以授执事者执笏升殿乐作至酒尊所西南立乐止执事者以爵瓚奉初献初献搯笏执瓚执事者举冪太官令酌鬱鬯讫初献以瓚授执事者执笏诣神位前北向立搯笏跪执事者以瓚奉初献初献执瓚以鬯裸地讫设沙池授执事者搯笏俛伏兴出户外北向再拜讫初献降阶乐作复位乐止初献将升裸祝史奉毛血肝膋豆斋郎奉炉炭萧蒿黍稷筐各于饌幔内以俟初献晨裸讫以次入自正门升阶太祝迎毛血肝膋豆于阶上入奠于神座前斋郎所奉炉炭萧蒿黍稷筐各置于室户外之左与史祝俱降阶以出太祝取肝膋洗于郁鬯燔于炉炭讫还尊所既升裸太官令帅进饌者奉陈于南神门外饌幔内礼直官引司徒出诣饌所司徒与荐俎斋郎奉俎并荐筵豆簠簋官奉筵豆簠簋礼直官太官令以序入自正门乐作升阶太祝迎引于阶上乐作设于神位前讫礼直官引司徒以下降阶乐止太祝取萧蒿黍稷擣于脂燔于炉炭还尊所礼直官引初献诣盥洗位乐作至位北向立乐止搯笏盥手帨手执笏诣爵洗位北向立搯笏洗爵拭爵以爵授执事者执笏升殿乐作诣酌尊所西向立乐止执事者以爵授初献初献搯笏执爵执事者举冪太官令酌酒讫初献以爵授执事者执笏诣神位前乐作北向立搯笏跪执事者以爵授初献初献执爵三祭酒于茅苴奠爵执笏俛伏兴出户立乐止赞者次引太祝诣室户外北向举祝官跪举祝版太祝搯笏跪读祝文读讫置祝于案俛伏兴举祝官皆却立北向位赞者曰再拜初献就两拜降阶乐作复位乐止举祝读祝官后从复本位礼直官次引亚终献诣盥洗位及升殿行礼如上仪【出户外北向再拜止降阶乐作无读祝一節】降阶复位次引太祝彻筵豆【筵豆各少移】乐作卒彻乐止俱复位礼直官赐胙赞者承传曰赐胙再拜在位者皆再拜摄侍中太庙令太祝宫闈令纳神主于室复本位礼直官赞者引行事执事官各就位奉礼赞曰再拜赞者承传在位者皆再拜赞者曰礼毕引享官自东门出礼直官引百官自南神门出大乐令帅工人以次出太官令帅其属彻礼饌次引监祭御史诣殿监视卒彻讫还斋所太庙令阖户以降太祝藏祝版于匱光禄卿以胙奉进【监祭御史展视光禄卿望阙再拜

乞奉进】

大定十五年四月十七日夏享太庙同时行礼命判宗英王爽摄太尉充初献官兵部尚书让摄司徒差大理卿天锡摄太常卿充亚献大兴少尹高居中摄光禄卿充终献并差太常光禄卿大乐太庙令司尊彝太常博士监祭读祝官一太官令二奉赞奉爵酒官一举祝官二太祝奉礼协律郎一斋郎十廩牺令疊爵洗官一巾筐官二宫闾令一礼直官七赞者一其斋戒陈设省牲晨裸馈食酌献并如太庙仪系用一室笾豆尊彝之数自是岁常五享

大定十七年十月十四日祫享太庙缘武灵皇帝已建别庙检讨到唐孝敬皇帝庙时享用庙舞宫悬乐登歌让皇帝庙该至禘祫月一祭只用登歌其礼制损益不同及俱不系曾经在位兼武灵皇帝庙庭与太庙地步不同难以容设宫悬乐舞并乐器亦是阙少看详恐合依上项让皇帝祫享典故乐用登歌所有牲牢樽俎同太庙一室行礼及契勘得自来祫享遇亲祠每室一犊摄官行礼共用三犊今添牛数奏奉勅旨太庙别庙共用三犊武灵皇帝庙乐用登歌差官奏告并准奏命判宗英王爽充摄太尉祫享初献官左丞石琚充亚献右丞安礼充终献枢副宗尹摄司徒行礼差户部尚书张仲愈劝农使蕲勒库摄太常光禄卿御史中丞邈充奏告官于十月六日告本庙并差太常光禄卿【三品】大乐太庙令司尊彝【六品】太博监御读祝太祝官一太官令二奉爵酒官一【七品】举祝官二太祝一祝史二奉礼协律郎一斋郎十六廩牺令疊洗爵洗官一巾筐官【八品】宫闾令一礼直官八赞者一【九品时享自太常以下部拟差祫享太常光禄省差】除享前七日太尉初献读誓文享官散斋四日致斋三日陈设省牲晨裸馈食酌献并如时享之仪

大定十九年四月二十日升祔太庙依唐中宗还祔太庙故事其旧庙拆毁

大金集礼卷二十二

卷二十三

<史部,政书类,仪制之属,大金集礼

钦定四库全书

大金集礼卷二十三

御名 圣节

御名

天防十四年六月齐国申乞降下御名音切及同音字号下礼部检讨问具申覆施行【天防十三年十一月已依亡辽干统二年体式定撰帖草令沿边州城牒报高丽齐夏国】

皇统三年学士院看详高丽贺表内犯太庙讳同音縁元初不经开牒至有犯讳今来只合全録庙讳御名及同音字号分朗开牒施行尚书省商量拟与宋国一就开坐牒报勅防准奏

大定元年十二月十六日御前批送下御名庙讳钦慈皇后贞懿皇后讳并万春节二年闰二月十一日奏定御名庙讳并钦慈贞懿皇后 避字様合遍下随处外御名庙讳报谕外方【四月九日三国牒草不该闵宗讳以议立别庙故】

大定九年正月二十三日检讨到唐防要该古不讳嫌名若禹与雨是也后世广避故讳同音别无回避相类字典故今御名同音已经颁降回避外有不系同音相类字盖是讹误犯止合省谕各从正音余救切二十八字系正字同音合回避尤救切十六字不系同音不合回避勅旨准奏

大定十四年三月四日礼部尚书张景仁进入下项更名典故五日宰臣奉勅旨检拟字様十一日奏定【于容切】字命学士撰诏十七日颁下仍遣官分告天地宗庙社稷五岳【具奏告门】汉宣帝初名病已元康二年夏五月诏曰闻古天子之名难知而易讳也今百姓多上书触讳以犯罪者朕甚怜之其更讳询诸触讳在令前者赦之唐武宗初名 防昌六年三月制曰汉宣帝御厯十年乃从美称朕逮追大汉之事改名为炎仍令所司择日分命宰臣告天地宗庙其旧名中外奏章不得更有回避五代后唐明宗初名嗣源天成二年正月制改名为亶宣讫百僚称贺兼差官告郊庙社稷五代汉高祖本名智远干祐元年正月勅曰君父之名贵于易避臣子之敬难以斥尊苟触类以妨言必迂文而害理爰从改革庶叶典章今改名昀宋国史太宗初名光义太平兴国二年春二月诏曰制名之训典经攸载矧乃膺期纂极长世御邦思稽古以酌中贵难知而易避朕改名炅除已改州县职官及人名外旧名二字不须回避制曰天子之名贵难知而易避人君之德当寛御以简临以其字有于协音是使语涉于触

讳若因循而不改则过误以谁无朕甚愍焉期无犯者今更名仍令所司择日告天地宗庙社稷五岳其旧名更不须回避布告中外咸使闻知四月二十七日拟奏官制国号大国内有一字犯御名送学士院检定到史记周武王之子虞封于唐其地在今太原若以代合避国名似为允当从之五月又以武清民姓犯御名太常寺检讨到旧五代史晋帝纪天福七年敕应宫殿州县名及官名府号人姓名有与高祖讳同音者悉改之今前人本姓于平声去声韵内各行收入疑混不明字画正犯御名亦合回避学士院检照到唐广韵去声【犯御名】字注云姓风俗通云文王子【犯御名】伯之后又春秋左氏传僖公二十四年富辰曰管蔡邴霍鲁卫毛聃郤【犯御名】曹滕毕原酆郇文之昭也注云十六国皆文王之子释文云【犯御名】于用反又何承天姓苑平声姬字注云周姓也今以众説参考【犯御名】氏其先盖出【犯御名】伯之后周文王之子封于【犯御名】后世因以为姓周本姓姬拟从其本姓改曰姬二十二日准呈

圣节

太宗皇帝十月十五日天清节受百官及外国使朝贺【夏使自防二年高丽使自防四年齐使自防八年】闵宗皇帝七月七日生辰天防十三年六月二十一日诏以每岁正月十七日为万寿节受诸国朝贺【以七月七日景宣皇帝忌辰又以暑雨泥潦使驿艰阻故用正月而羣臣宗戚献寿赐宴则于生辰之明日】

天防十四年【阙】月以随处申禀万寿节未审于正生辰或正月十七日开设道场斋筵奏奉勅旨七月七日是生辰縁系景宣皇帝忌辰以此改正月十七日为万寿节宜于其日资集【天清节崇寿寺道场三昼夜万寿节七月七日依例】

大定元年十二月二十六日御前批割三月一日为万春节

大定四年正月勅旨随处供纳正旦生辰礼物今后并行免进礼部拟自大定五年为头免纳只拜表称贺防批降已起发在路之物并合免纳进表事准呈【随京府州军并运司每年合供正旦生辰礼物绫罗共二千三十段内正旦生辰绫各四百九十四段罗各五百四十一段】大定二年二月十一日礼部拟呈依准前来旧例五品以上文武职事官依下项等第供进银香合 准行三师三公五十两亲王宰臣使相四十两执政官三十两二品二十五两三品二十两四品十五两五品十两具位臣姓名今谨进献万春节祝圣寿仪物如后香一银合【重四十两红罗复全】右谨随状上进以闻谨进年月日具位臣姓名上进

大定十六年三月万春节职事官进到银香合奉勅旨四品以下官并免三品以上官依例交纳

大定十三年闰正月十三日奏请自来万春节止断屠宰一日切恐未为允当检讨到宋防要承天节禁屠七日乾元节禁屠三日今据万春节三月一日为头禁断屠宰三日从之随朝官贺仪【具朝防门上】仪制诸外路京府州军县分等处每遇圣节筵防如有赐宴天使者官

职从高叙非赐宴者并以职为叙若寄居无职事官并以前职为叙如无前职以散官为叙品从虽高亦在见任官长之下又京府并运司每遇万春节筵防留守府尹与运使客礼东西相见并坐又随朝官差出外路勾当如遇万春节筵防并不合赴又诸官司每遇圣节赐宴并服公裳至席起簪花者仍戴至所居

大金集礼卷二十三

卷二十四

钦定四库全书

大金集礼卷二十四

赦诏

御楼宣赦 随朝拜赦诏

外路迎拜赦诏 随朝迎拜历日诏

外路迎拜历日诏

御楼宣赦

大定七年正月十一日上尊册礼毕十四日御应天门颁赦仪前期宣徽院帅其属陈设应天门之内又设更衣御幄于大安殿门外稍东南向阁门使设捧制书箱案于御座之左少府监准备树鸡竿于楼下之左【竿上置大盘盘中置金鸡鸡口衔绛幡幡上金书大赦天下四字其幡俯而衔之盘四面近边安大铁环四只盘底四面近边悬龕红绳四条以俟四伎人攀缘】又设捧制书乘鹤仙人一以红绳贯之置于御前栏干上【绳用轆轳引】又设承鹤画台于楼下当中【台以弩手四人对举】大乐署设宫悬于楼下又设鼓一于宫悬之左稍北东向兵部立黄麾仗于门外刑部御史台大兴府以囚徒集于左仗外御史台阁门司设文武百官位于楼下东西相向又设典仪位于门下稍东西向宣徽院设承受制书案于画台之前又设皇太子侍立褥位于门下稍东西向又设皇太子致贺褥位于百官班前又设协律郎位于楼上前楹稍东西向尚书省委所司设宣制书位于百官班之北稍东西向司天台设鸡唱生于东阙楼之上尚衣局准备皇帝常服【如常日视朝所服之服】尚辇设辇于更衣御幄之前躬谢礼毕皇帝乘金辂入应天门至幄次前侍中俛伏跪奏请降辂入幄俛伏兴【凡奏请准此】皇帝降辂入幄帘降少顷侍中奏中严又少顷俟典赞仪引皇太子就门下侍立位通事舍人引羣官就门下分班相向立侍中奏外办皇帝服常服以出【如常日视朝所服之服】尚辇进辇侍中奏请升辇繖扇侍衛如常仪由左翔龙门踏道升应天门至御座东侍中奏请降辇升座宫悬乐作所司索扇【扇十五柄】扇合皇帝临轩即御座楼下鸣鞭帘卷扇开【执御繖者张于轩前以障日】乐止东上阁门使捧制书置于箱阁门舍人二员从以俟引绳降乘鹤仙人通事舍人引文武羣官合班北向立宫悬乐作立定乐止【应分班合班并乐作立定即乐止】典仪曰再拜在位官皆再拜拜訖分班相向立侍中诣御座前承旨退稍前南向宣曰奉勅树金鸡退复位金鸡初立大乐署击鼓树訖鼓止竿木伎人四人悬绳上竿取鸡所啣绛幡展示訖三呼万岁通事舍人引文武羣官合班北向立楼上乘鹤仙人捧制书循绳而下至画防阁使奉承置于案阁门舍人四员举案又二员对捧制书阁使引至班前西

向称有制典仪曰拜在位官皆再拜讫以制书授尚书省长官稍前搢笏跪受讫以付右司官右司官搢笏跪受讫长官出笏俛伏兴退复位右司官捧制书诣宣制位都事对捧右司官宣读至咸赦除之所司帅狱吏引罪人诣班北向躬称脱枷讫三呼万岁以罪人过右司官宣制讫西向以制书授刑部官跪受讫以制书加于笏上退以付其属归本班典仪曰拜在位官皆再拜舞蹈又再拜典赞仪引皇太子至班前褥位立定典仪曰拜皇太子以下羣官皆再拜典仪引皇太子稍前俛伏跪致词【云云】俛伏兴典仪曰再拜皇太子以下羣官皆再拜搢笏舞蹈又再拜侍中于御座前承旨退临轩宣曰有制典仪曰再拜皇太子以下羣臣皆再拜侍中宣答【云云】宣讫归侍位典仪曰再拜皇太子以下羣官皆再拜搢笏舞蹈又再拜讫典赞仪引皇太子至门下褥位通事舍人引羣官分班相向立侍中诣御座前俛伏跪奏礼毕俛伏兴退复位所司索扇宫悬乐作扇合帘降皇帝降座乐止楼下鸣鞭皇帝乘辇还内繖扇侍卫如常仪侍中奏解严通事舍人承勅羣臣各还次将士各还本所

大定十一年冬至南郊礼毕御应天门宣赦仪前期殿中监帅尚舍设御幄于大安门外之东南向设御阁于应天门上近后设张设门之内外设御座于前楹当中南向又设捧赦书仪物于御座之东稍南少府监设鸡竿于楼前大乐令设宫悬于横阶之南鼓一在悬西稍北东向诸军仪仗陈列如式期日御史防刑部大兴府以囚徒集于仪仗后东上阁门设文武百官位于楼下少顷皇帝便服自御幄前乘輿升应天门导驾官仪卫前导【导驾官俟皇帝升即还班退】升应天门至御阁东降輿归阁帘降翰林学士进呈赦书讫以授东上阁门使捧置于箱付阁门舍人二员以俟降乘鹤仙人【仪釜司准脩悬朱丝绳木鹤】阁门以赦书安设东上阁门使设制案于楼下【用黄罗案褥案衣】立于案侧百官于楼前分班立定侍中升诣御座之东西向立通事舍人引侍中跪奏中严少顷又奏外办【并俛伏跪俛伏兴】帘卷大乐令撞黄钟之钟右五钟皆应昌宁之乐作扇合皇帝服常服朝服出阁临轩即御座楼下鸣鞭扇开乐止侍衛如常仪礼直官通事舍人分引皇太子三公亲王宰执以下横行北向立【如常朝仪】典仪曰再拜赞者承传在位者皆再拜分班东西相向通事舍人一员诣楼前北向立侍中于御座前承旨退稍前西向宣曰奉勅立金鸡退复位楼下舍人东向宣曰奉勅立金鸡宣付所司【少府监】退复位金鸡初立大乐署击鼓树讫鼓声止竿木伎人四人縁索争上取鸡口所啣绛幡【幡长七尺卷之】捧赦书循绳而下至地以画防承鹤门下侍郎一员搢笏就捧赦书北向跪奏制书请付外施行【制书权付礼直官】执笏俛伏兴躬身北向次引侍中诣御座前承旨退西向宣曰制可退复位礼直官引首相与门下侍郎北向并跪门下侍郎搢笏捧赦书授首相首相受讫【权付礼直官】执笏俛伏兴捧归位以授右司郎中跪受讫捧置于制案礼直官通事舍人引百官合班北向立右司郎中诣宣制位【省令史二人捧制书】立东上阁门使立于位东北宣曰有制典仪曰再拜赞者承传在位官皆再拜左司郎中宣制至咸赦除之司狱一员诣班北向躬称脱枷讫三呼万岁以罪人过右司郎中捧制书付刑部尚书刑部尚书受讫执笏以勅书加于笏上以授所司还位典仪曰再拜赞者承传在位官皆再拜通事舍人引班首稍前俛伏跪致词【云云】讫复位典仪曰再拜赞者承传在位官皆再拜搢笏舞蹈又再拜东上阁门使诣楼前北向承防退于班首前西向称有制典仪曰再拜在位官皆再拜东上阁门使宣答【云云】讫复位典仪曰再拜在位官皆再拜舞蹈又再拜讫分东西班序通事舍人引侍中诣御座前跪奏礼毕扇合大乐令撞 宾之钟左五钟皆应昌宁之乐作帘降皇帝降座还御阁乐止楼下鸣鞭百官退立乘輿还宫导驾

官繖扇侍卫警蹕如常仪至致斋殿侍中俛伏跪奏请解严俛伏兴通事舍人承旨宣曰奉勅放仗羣臣各还次将士各还其所皇统元年十月行册礼十二日大赦取得金鸡合支赐分例具到亡辽大册体例恩赏下项奉勅防除古笼勾当不与外并奏准支绵袄子一领银束带一条绢一十疋银一十两钱一百贯喂金鸡粟一百石外与乞燕京六州二十四县散乐筋防杆杖古笼勾当【大定十一年金鸡七两户部无支赐例工部卷该依金价赎换】

随朝拜赦诏【已上四件并大定仪制】

宣赦日于应天门外设香案及设香舆于案前又预设棹子自皇太子宰臣以下序班定阁门官于箱内捧赦书出门置于案阁门官案东立南向称有勅赞皇太子少前上香乞复位皇太子宰臣百僚又再拜阁门官取赦书授尚书省都事都事跪受及尚书省令史二人齐捧同陞于棹子读在位官皆跪听读乞赦书置于案都事复位皇太子宰臣百寮以下再拜搢笏舞蹈执笏俛伏兴再拜拱卫直以下三称万岁乞退【其降诸书礼亦准此惟不称万岁】

外路迎拜赦诏

尚书省差官送赦书到京府节镇先遣人报长官即率僚属吏从人等备旗帜音乐防舆香舆乞五里以来迎接见送赦书官即于道侧下马所差官亦下马取赦书置于防舆中长官诣香舆前上香乞所差官在香舆后长官以下皆上马后从鸣钲鼓作乐前导至公防从正门入所差官下马执事者先设案并望阙褥位于庭中香舆置于案之前又设所差官褥位在案之侧又设棹子在案之东南所差官取赦书置于案防舆退所差官称有勅赞长官以下皆再拜长官少前上香乞退复位又再拜所差官取赦书授都目【都目跪受】及孔目官二员【如阙则司吏内上三人】齐捧赦书同陞棹子上读在位官皆跪听读乞赦书置于案都目等复位长官以下再拜舞蹈俛伏兴再拜公吏及从人以下三称万岁长官以下与所差官相揖乞于防前劝酒馔【如京府节镇差公吏送赦书于支郡属县并同其相揖劝酒馔及下礼数不用】如京府节镇有旧例币物之礼来献所差官以付从人所差官行长官率僚属公吏音乐送至城门外客亭长官以下与差官相揖劝酒一卮长官以下俱别差官上马乃退【尚书省差官送诏书仪礼仿此惟币物不用】诸京府并运司如遇降赦诏合行同共迎接本京府官员礼毕即就用元迎接伎乐旗帜导引前去本司依例祇受天德二年正月稟定随衙门与送赦使臣钱数以公用钱充館待同送宣仪行省元帅府五百贯畱守总管招讨统军司三百贯府详稳统都运节度使二百贯转运防御羣牧一百贯眷下去处不得率敛馈遗并例外受者科违制

随朝拜历日诏

诏下日于尚书省【元帅府宗正府等即于本府尚书省于都堂前】设香案宰执依次序班定阁门官于箱内捧诏书出置于案阁门官于案东立南向称有勅赞宰执以下再拜班首少前上香乞复位宰执以下再拜阁门官取诏书授尚书省都事都事跪受置于案都事复位宰执以下再拜搢笏舞蹈执笏俛伏兴再拜乞乃退

外路迎拜历日诏

尚书省差官送诏书到京府等处先遣人报长官率僚属吏从人备旗帜音乐防舆香舆诣五里以来迎接望见送诏书官即于道侧下马所差官亦下马取诏书置舆中长官诣香舆前上香讫所差官上马在防舆后长官以下皆上马后从鸣钲鼓作乐前导至公防从正门入所差官下马执事者先设案并望阙褥位于庭中香舆置于案之前又设所差官褥位于案之侧所差官取诏书置于案防舆退所差官称有勅赞长官以下皆再拜长官少前上香讫复位又再拜所差官取诏书授都目都目跪受以诏书置于案都目复位长官以下再拜舞蹈俛伏兴再拜讫退与所差官相揖毕于防前劝酒饌讫所差官行长官率僚属送至城门客亭长官以下与所差官下马相揖劝酒一卮相别所差官上马乃退

大金集礼卷二十四

卷二十五

钦定四库全书

大金集礼卷二十五

宣命

宣麻 赐勅命

送宣赐生日

宣麻

大定四年十一月检讨宣麻典故防酌定到下项【封皇太子妃元议宣麻后止给诰】学士院撰到制书用白诏纸依写诏字大小録一本不用寶进呈讫次日分付閣門司设制案于东上閣門之外俟朝退驾还内以制书置于案上御史台催百官班分左右入每品重行立于塼道之外【左班西向右班东向】皆以北为上閣門使引制案当殿【在殿阶下稍近南】案前北向立搢笏跪閣門使捧制授宰臣俛伏兴执笏捧制归位搢笏转授宣读通事舍人执笏捧制揖讫由东塼道赴宣制位【在常朝百官拜褥之北制案之南】西向揖讫北向立左右班百官皆转身北面立贊者称有制在位官皆再拜舍人搢笏宣读读讫在位官皆再拜搢笏舞蹈又再拜舍人执笏捧制搢笏授宰臣授讫制付有司百官以次分班出

赐勅命

天眷二年八月学士院定撰到文武官给告式防准行下项诸后妃公主一品及二品执政官三品诸京留守元帅监军都监殿前都防检统牧统军招讨节度使并制授告庭【内藩镇非防要及带知字者并勅除】余并勅授给告【四品以上用辞】勅授者五品以上内外文武官除职迁官六品七品省台寺监东宫学士院客省引进四方館閣門副使司天监少太医使副除职九品以上有劳特迁官草泽遗逸上封事特命官并给告诸除官五品以上出宣六品以下出勅牒外其应给告者吏部限三日报学士院命词制授限五日勅授限三日纳尚书省制勅授官者并用吏部告印大定见行官制亲王公主王妃郡县主王夫人及一品官爵并制授余并勅授又五品以上迁官除职及因子孙封赠授官者六品七品省台寺监【谓尚书省部御史台太常大理寺秘书国子太少府都水监其所辖司局非东宫学士院国史记注谏院宣徽院客省引进四方館东向上閣副除职并给告仍并命词】

大定二年七月五日奏定妃嫔以下告身并用有司印十一月十五日勅防内职四品以上给宣告五品以上只给告十一年八月三日勅防今后宫中妃嫔止以诰授不用宣二十三年三

月七日勅防一品官职及宫中公主妃用玉寶九日稟奏緣内职公主王妃等并系诰授用吏部告印奉勅防妃嫔以上及宫主王妃并给宣诰其诰仍旧以下止给告授宣勅见行仪式六品以下官于仁政殿门外公服北向立俟閣門將勅出搢笏跪接勅置于怀出笏两拜退五品以上受宣官俟奏事毕引至丹墀閣門以箱复擎宣命至闻勅先两拜又拜跪搢笏捧接宣命置于怀出笏就拜又两拜讫退至丹墀之东开视讫閣門引升副阶靠南奏谢致词讫两拜降自西副阶【六品七品受勅合奏谢者并一班】二品栏子一品栏子内如上仪【降至东副阶视讫升谢】

送宣賜生日

仪制受宣命官如系见任京府节镇州军或别司长貳官即使者预于前一程为宿顿当日遣人报受宣官以次质明率属官吏从备旗帜音乐防輿香輿【貳官并别司长貳并移文置司所在京府州镇取索排办音乐防輿香輿】詣五里以来迎接望见使者即于道侧下马使者约百步间亦下马取宣置防輿中受宣官詣香輿前上香讫退遣人覆知使者为未受宣命未敢参见使者上马皆行使者在宣命防輿后受宣官次行属官皆上马后从鸣钲鼓作乐前导至所居【如闲居官即使者入馆遣人往报受宣官受宣官令人传语取覆给宣之日先于本宅随力排办仍报所在京府州郡差借知礼数人并合用案褥等物其京府州郡须得应副随本官往所馆导引至所居处自来无音乐旗帜者更不排办】皆从正门入使者下马执事者先设宣命案并望阙褥位于庭中【侍宣褥位在宣案之侧】香輿置于宣案之前使者取宣于防輿奉置案上【案上仍设衣褥】防輿退使者就传宣褥位立受宣官就望阙褥位立贊再拜上香又再拜讫使者称有勅賜卿宣命受宣官又再拜跪使者取宣于案以授受宣官受宣官受讫又一拜起稍退恭阅宣命讫就褥位再五拜舞蹈毕受宣官近使者前望阙跪问圣躬万福使者躬答曰圣躬万福受宣官起贊者引使者陞防正坐受宣官展状参见问候使者坐受以次佐貳属官展状参见亦如上仪礼毕即设菓棹受宣官躬揖搢笏酌酒一卮跪劝使者乐作使者坐饮讫复酌一卮坐劝受宣官跪饮乐阕再揖讫以次佐貳跪劝酒至三行受宣官执笏命执事人持币物【其币物之数依大定重修制款】搢笏奉献使者以付从人讫彻菓棹入食案受宣官邀请以次官陪坐供食食毕彻食案再以菓棹前使者命受宣官坐即坐就食执事者斟酒无筭使者请罢酒至再乃彻菓棹牵使者马在阶上马受宣官与余官音乐皆送至馆【如至夜添设烛笼】留连馆待不过三日使者欲行受宣官率僚属公吏音乐旗帜送至客亭无客亭者设幕次不过三里使者下马正坐受宣官率僚属以下前揖使者毕搢笏酌酒一卮奉劝使者坐受讫酬酢如初见之仪礼毕受宣官展辞状率以下官俱揖别使者亦坐受候使者上马乃退其在阙下受賜宣命生日礼物者已受命先报知受賜官以甚时至宅其受賜官得报即穿执恭待于门外候使者至其参见劝酬之礼并如上仪惟不用旗帜音乐等引导礼毕止攀送于门外旧例有谢表者只于门首攀送处跪授使者若賜饮食药饵花菓之类其受賜官跪受望阙再拜

天德二年正月尚书省啓请古者王人传命于诸侯诸侯跪闻聽王命而跪非跪于使人也周王遣使賜齐桓公昨曰伯舅耄老无下拜桓公曰天威不违顔咫尺小白敢不下拜登受为天子所賜下拜非拜使者也歷考載籍皆无人臣正坐受拜之礼按开元故事遣使宣勞賜防使

者将至刺史出城迎于一里外相去九十步刺史路左下马使者亦下马相进使者命刺史上马乃俱行马其至所居若未宣制书则使者南面立于制书案侧称有制刺史以下皆北面再拜宣制毕又再拜皆为拜制书非拜人也及设防就席则使者席在东西向刺史及应升阶者升就席属官在庭中则文东武西以上下班序防之则刺史坐席在西东向可知宋时所在州府有传宣官到应受命者郊迎大率如开元礼惟所居庭中设制书案香案望阙褥位传宣褥位受宣官望阙拜传宣官侧立传诏授既毕相揖升阶全用客礼辽时迎待天使之仪天使正坐受拜受酒略不起避颇似御筵进酒非人臣所可当况古者大臣进见天子御坐为起在兴为下彼辽制乃令小臣坐受大臣拜非古者别嫌疑定尊卑比肩事主尊无二上之义兼检寻古制君有赐于臣如饮食药饵菓食之属止令上臣持往则不为专使故谓之廩人继粟庖人继肉见于孟子惟赐胙乃有专使者是为祭祀重礼均福之意以此参酌古今拟定其仪防准行今上项仪制称有更异

天德二年正月拟禀送宣及赐物事例古者谓之私觐亦曰私面所与不过衣带大者或以币马唐时中使所邀索过多史臣书之极为 事辽时不常所与富者倍多以求媚悦清廉守道者不能备办多取怨怒其小官不量力殫费倾产终不能给防计所授岁俸不及所用十之一二宋时押赐以十分之一与所押赐官其押赐者冬衣袄之类只委本路奏事廉访使者赍赐不受事例又古者诸侯方有遣王人锡命之礼书于春秋最为重事今若循旧例小官皆特遣使送宣恐使命太轻非所以重国体今拟定到内外官合专使赍送宣命品从并赐物使命事例如后外据其余品从更不专送只因走马人附至都管衙门就便鉴付专使送内外任官宣命事例【并谓职事官内谓自外除入者】任正一品一千贯【宗室封一字王者皆同】从一品八百贯正二品七百贯从二品六百贯正三品五百贯从三品四百贯正四品二百贯从四品并上中下刺史知军一百贯宣赐生日并赐物等专使不得受所赐十分之二以上专使拟自防卫小底以上取防差以上送宣命赦书赐物等专使所定合与礼物若例外受者并科违制【虽自愿与者亦准上科罪】

大定二年四月七日奏改定送宣礼物正一品一千贯【宗室封一字王者亦同】从一品九百贯正二品八百贯从二品七百贯正三品六百贯从三品五百贯正四品四百贯从四品并诸刺史知军三百贯正五品二百贯二十六年【阙】月二十一日以言事者乞罢送宣礼物奏减定从五品一百贯正五品及诸千户二百贯刺史并从四品正四品三百贯从三品四百贯正三品五百贯从二品正二品六百贯从一品正一品七百贯赐皇太子亲王公主生日仪【具各门】

卷二十六

钦定四库全书

大金集礼卷二十六

【原阙】

大金集礼卷二十六

卷二十七

钦定四库全书

大金集礼卷二十七

仪仗上

行仗 立仗【阙】

行仗

天眷三年九月幸燕仪卫用法驾【总数稍异具行幸门】摄官【六百九十九人】将军大
将军四十三人折冲果毅一百二十六校尉五十六郎将三十四帅兵官二百四十六统军六
都头六千牛一旅帅二部辖指挥使二押纛二押衙四四色官四押旗二引驾官四进马四押
仗通直二押仗大将二碧栏一十六长史二鼓吹令二鼓吹丞二典事五太史令一太史正一
司丞一府牧一刻漏生四县令一御史大夫一僚佐一十进辂职掌二夹辂将军二陪辂将军
二教马官二四省局官八导驾官四十八抱驾头官一执扇篋一尚辇奉御二殿中少监二供
奉职官二令史四书令史四押使二殿中侍御史二十四人一万四千五十六人诸班直队二
千九百四十五人钧容直三百六人【人员六长行三百】执旗一百三十六人引驾六十二
人【人员二长行六十】驾头天武官一十二人执从物茶酒班一十一人御龙直仗剑六人
天武把行门八人殿前班击鞭一十人御龙直四十人【人员二长行三十八】骨朵直一百
三十四人部押二人殿前班行门三十五人捧日马队七百人奉宸步队七百人天武骨朵大
剑三百一十人【人员一十长行三百】东第四班三十一人【人员一长行三十】扇篋天
武二十人捧日队从领人员一十七人簇辇茶酒班三十一人【人员一长行三十】钧容直
三十一人【人员一长行三十】招箭班三十三人【人员三长行三十】天武约栏三百一
十人【人员一十长行三百】车辂下驾士六百三十八人玉辂下一百四十人【控踏路马
四驾士一百二十八挟辂八】金辂下六十四人【控踏路马四驾士六十】象辂下驾士四
十人革辂下驾士四十人木辂下驾士四十人耕根车四十人辂车一十八人革车二共五十
人指南车三十人记里车三十人鸾旗车一十八人皮轩车一十八人黄钺车一十五人豹尾
车一十五人属车八共八十人辇舆下六百八十五人小舆一擡士长行二十四人逍遥一共
三十五人【十将节级九长行二十六】平辇下四十二人【十将节级九人员七长行二十
六】腰舆共一十九人【人员一十将虞候二长行一十六】大辇下三百七十一人【掌辇
人员四十将一十二长行三百五十五分五番】芳亭辇一擡士长行六十人御马三十二匹
下共一百三十四人【控马天武官六十四人挟马骑御马直长行六十四人骑御马直人员
三天武节级三人】押马六人象二十三人擎执舁士共八千七百七十一人擎执人共八千
四百三十三人舁士三百三十八人鼓吹局乐工九百九十四人【数不足随京府差】马六
千余匹御马二十二匹御鞍辔全添差从马四匹玉辂青马八匹内二匹踏道金辂赤马八匹

内二匹踏道象辂白马六匹革辂图上该駟马六匹木辂黑马六匹耕根车青马六匹依验随辂颜色各差从马二匹辂车二匹革马八匹指南车马四匹记里车四匹鸾旗车四匹皮轩车四匹黄钺车二匹豹尾车二匹并赤马依验从随车各添从马一匹诞马一十匹添从马二匹掇官马七百八匹仪仗内擎执马三千九百七十六匹甲马一千二百六十九匹

天德五年迁都燕京仪卫用黄麾仗增为一万三百四十八人马三千九百六十九匹【元检讨具行幸门】共合用人马等分为八节人一万三百四十八人导驾官四十二员掇官五百六十七人仪仗司一十一人驾头击鞭内侍一十一人鼓吹乐工一千四百一十人辅龙直乐三十一人擎执人八千二百七十六人一千六百五十八人带甲执擎【八百二十九人坐马八百二十九人步行系玉辂左右并辅龙直等合用人数】六千六百一十八人执擎马三千九百六十九匹御马一十六匹玉辂青马八匹金辂赤马八匹辂车赤马四匹革车赤马八匹指南车赤马四匹记里车赤马四匹鸾旗车赤马四匹黄钺车赤马二匹豹尾车赤马二匹导驾官四十二匹掇官五百六十六匹擎执乐工等马三千三百一匹【带甲执擎马八百二十九匹乐工一千四百零一匹擎执一千六十二匹】第一节人七百八十人【内掇官二十六人】马三百九十九匹【内掇仗司一匹】中道五百四十二人象下二十二人并服花脚幞头青锦络缝绯防衫金镀银双鹿束带【节级二人铜锣一七宝钩二银钩一防石钩一鐵钩一小旗儿十五】第一引七十二人清导一武弁冠绯云鹤袍袴革带黑漆杖子幟弩一赤平巾帨绯辟邪袍革带赤袴马诞马二控四人平巾帨绯宝花袍革带纓轡凉屐二副辂车一驾士一十八人赤马二纓轡凉屐马面包尾武弁绯雉大袖袴勒帛县令一员朝服坐车紫方伞一黄抹额宝花衫革带大口辂袴朱团扇一曲盖一并并并抹额宝花衫革带袴僚佐四员并朝服马控马八人锦防络缝紫宽衫大佩银带青衣二青平巾素衫袴革带青竹竿子车辐捧二赤平巾并白泽袍革带赤袴告止幡二首六人并抹额宝花衫革带袴传教幡一首三人信幡一首三人并抹额宝花衫革带大口袴小防一十六人并抹额宝花衫革带袴子第二引二百六十四人清道二武弁并云鹤袍革带袴黑杖子幟弩一赤平巾并辟邪袍革带赤袴马诞马四匹控八人平巾并宝相花衫革带袴纓轡凉屐四副防鼓一金钲一平巾并鸾衫抹带袴膝蛇马大鼓六人黄雷花袍袴抹额抹带马节幢一麾一夹稍二人角四仪刀一十并平巾并宝花袍革带大口袴革车一驾士二十五人武弁獬豸大袖勒帛袴赤马四匹纓轡凉屐马面包尾府牧一员朝服坐革车僚佐四员并朝服马控马八人锦防络缝紫宽衫大佩银腰带铙鼓一箫二箏二笛一笙篥一并并并抹额宝花袍银褐抹带褐马大横吹一并并巨纹袍袴抹额抹带马青衣四青平巾青素衫袴革带青竹竿子袋全辐捧四赤平巾并白泽袍赤袴革带紫方伞一黄抹额宝花衫革带大口袴朱团扇四曲盖一并并并抹额衫革带袴告止幡二首六人并抹额宝花衫革带袴信幡传教幡共四首一十二人并抹额衫革带袴小防四十人并抹额宝花衫革带大口袴银褐刀盾三十六人并抹额宝花衫革带袴弓矢三十六人并锦防青宝花袍革带袴稍三十六人并锦防紫宝花袍革带袴朱雀旗队三十四人并骑折冲都尉三人并平巾帨紫辟邪袍革带大口袴锦膝蛇横刀弓矢马爆稍二人并平巾帨并宝花衫革带袴马朱雀旗一口五人并抹额宝花衫革带大口袴横刀引夹人加弓矢马弩六人并弓矢六人稍一十二人并并并抹额宝花衫横刀革带袴龙旗队七十一人并马大将军一员朝服马引旗四人并抹额宝花衫革带大口袴执弓矢旗一十二口计六十人五色衫抹额革带袴横刀引夹人加弓矢风伯一雨师一雷公一电母一北斗一金木水火土五左右掇提旗二副竿二锦防黄宝花衫革带袴

护旗四人黄抹额宝花衫革带袴弓矢太仆寺车三具每具车各赤马四匹驾士共七十八人并武弁冠绀纁大袖银褐带袴随车前各有一名执黑杖子【指南车三十人孔雀大防记里车三十人獬豸大袖鸾旗车一十八人瑞鹰大防】外仗二百三十八人白泽旗二口每口五人并绿具装冠人马甲锦臂勾横刀内引夹人加弓矢马金吾牙门旗第一门共一十八人并马监门校尉六人长脚幞头绀抹额绀师子襴衫革带横刀弓矢乌皮靴马牙门旗四口每口三人计一十二人服青宝相花抹额衫革带大口袴横刀内引夹人加弓矢马前部马队第一第二第三共二百一十人并马队第一七十人折冲果毅都尉二人锦防绀辟邪袍革带袴弓矢马角宿斗宿亢宿牛宿旗四口每口五人并五色宝相花衫抹额革带横刀引夹人加弓矢弩六弓矢一十四并锦防青宝相花袍革带袴马稍二十八人并锦防绀宝相花袍革带袴第二队七十人折冲果毅都尉二人锦防绀宝白泽袍袴革带横刀弓矢马氏宿女宿房宿虚宿旗四口每口五人并五色宝相花衫抹额革带横刀引夹人加弓矢弩六弓矢一十四并锦防青宝相花袍革带袴马稍二十八并锦防绀宝相花袍革带袴第三队七十人折冲果毅都尉二人锦防绀白泽袍袴革带横刀弓矢马心宿危宿尾宿室宿旗四口每口五人并五色宝相花衫抹额革带横刀引夹人加弓矢弩六弓矢一十四并锦防青宝相花袍革带袴马稍二十八并锦防绀宝相花袍革带袴马第二节人一千一百七人【内摄官七十七人】马一千二十八匹【内仪仗司一匹】中道五百六十九人并马金吾引驾骑二十人并马折冲都尉二人平巾幘绀辟邪袍革带袴横刀弓矢马弩六弓矢六稍六并平巾幘绀宝相花襴衫革带袴马前部鼓吹五百四十七人自鼓吹令至大横吹并马鼓吹令二人长脚幞头绿公服皂角带丝鞭乌皮靴府史四人长脚幞头绿宽衫皂角带黄绢半臂乌皮靴部辖指挥使一名平巾幘紫宝相花袍革带锦膝蛇主帅四十八人分五项平巾幘绀鸾衫革带袴执仪刀防鼓金钲二十四人并平巾幘绀鸾衫银褐抹带锦膝蛇大鼓长鸣二百四十步并黄云花袍袴抹额抹带铙鼓一十二人并绀苣纹袍袴抹额抹带歌色二十四拱辰二十四箫二十四笛二十四并平巾幘绀鸾衫银褐抹带大口袴大横吹一百二十人绀苣纹袍袴抹褐抹带外仗五百四十人前部马队第四至第十队并马第四队六十人折冲都尉二人锦防绀飞麟袍革带袴横刀弓矢箕宿旗一壁宿旗一计一十人五色衫抹额革带横刀引夹人加弓矢弩六弓矢一十四并锦防青宝相花袍革带袴稍二十八并锦防绀宝相花袍革带袴子第五队六十人折冲都尉二人锦防绀飞纁麟袍革带大口袴横刀弓矢奎宿旗一井宿旗一计一十人五色衫抹额革带横刀引夹加弓矢弩六弓矢一十四并锦防青宝相花袍袴革带稍二十八并锦防绀宝相花袍革带袴第六队六十人折冲都尉二人锦防绀瑞鹰袍袴革带横刀弓矢娄宿旗一鬼宿旗一计一十人五色宝相花衫抹额革带横刀引夹加弓矢弩六弓矢一十四并锦防青宝相花袍袴革带稍二十八并锦帽绀宝相花袍袴革带第七队六十人折冲都尉二人锦防绀瑞鹰袍袴革带横刀弓矢胃宿旗一柳宿旗一计一十人五色宝相花衫抹额革带横刀引夹加弓矢弩六弓矢一十四并锦防青宝相花袍袴革带稍二十八并锦防绀宝相花袍袴革带第八队六十人折冲都尉二人锦防绀瑞鹰袍袴革带横刀弓矢昂宿旗一星宿旗一计一十人五色衫抹额革带横刀引夹加弓矢弩六弓矢一十四并锦防青宝相花袍袴革带稍二十八并锦防绀宝相花袍袴革带第九队六十人折冲都尉二人锦防绀赤豹袍袴革带横刀弓矢毕宿旗一张宿旗一计一十人五色衫抹额革带横刀弩六弓矢一十四计二十人锦防青宝相花袍袴革带马稍二十八人并锦防绀宝相花袍袴革带马第十队七十人折冲都尉二人锦防绀瑞鹰袍袴革带横刀弓矢并马觜宿旗一口翼宿旗一口参宿一口轸宿一口计二十人

五色衫抹额革带横刀弓矢弩六弓矢一十四并锦防青宝相花袍袴革带马稍二十八并锦防绯宝相花袍大口袴步甲队第一第二队共一百一十人领军卫将军二人平巾幘紫白泽袍袴革带锦膝蛇横刀弓矢马爆稍四人平巾幘绯宝相花衫革带大口袴马折冲都尉四人平巾幘紫白泽袍大口袴革带锦膝蛇横刀弓矢马鹞鸡旗二 旗二计二十人五色衫抹额革带横刀引夹弓矢马皮朱牟甲身被膊锦臂勾行滕鞋鞢勒甲皮条全【朱牟甲弓矢四十朱牟甲刀盾四十】第三节人九百九十七人【内摄官五十二人】马六百一十六匹【内仪仗司一匹】中道五百一名前部鼓吹节鼓为头共四百九十六人并马节鼓二人笛二十四人箫二十四人箏篥二十四人笛色二十四人祧皮箏篥二十四人共一百二十二人黑平巾幘绯对鸾衫银褐勒帛大口袴马主帅二十六人分四项并黑平巾幘绯对鸾衫革带大口袴执仪刀马防鼓一十二金钲十二共二十四人黑平巾幘绯綉对鸾衫银褐勒帛大口袴锦膝蛇马小鼓一百二十人中鸣一百二十人【五色角衣全】共二百四十人黄云花袍袴抹额抹带马羽葆鼓一十二人青苕纹袍袴抹额抹带马【下有阙文】

歌色二十四人拱辰管二十四人箫色二十四人共七十二人黑平巾幘绯綉对鸾衫银褐勒帛大口袴马侍御史二员朝服马黄麾幡一首三人并武弁冠绯宝相花衫银褐勒帛大口袴执马 人步外仗一百二十五人步甲队第三至第十队共四百一十六人第三队五十二人折冲果毅都尉二人平巾幘紫瑞鹰袍袴膝蛇革带横刀弓矢马玉马旗二口计一十人五色衫抹额革带横刀引夹加弓矢马青巾牟甲弓矢四十人头牟甲身披膊锦臂勾行滕鞋袜勒甲皮条全第四队五十二人折冲果毅都尉二人平巾幘紫瑞鹰袍袴膝蛇革带横刀弓矢马三角兽旗二口计一十人五色衫抹额革带横刀引夹加弓矢马青牟甲刀盾四十人头牟甲身披膊锦臂勾行滕鞋袜勒甲皮条全第五队五十二人折冲果毅都尉二人黑平巾幘紫白泽袍袴革带膝蛇横刀弓矢马黄鹿旗二口计一十人五色衫抹额革带横刀引夹加弓矢马黑牟甲弓矢四十人头牟甲身披膊臂勾行滕鞋袜勒甲皮条全第六队五十二人折冲果毅都尉二人黑平巾幘紫白泽袍袴锦膝蛇革带横刀弓矢马飞麟旗二口计一十人五色宝相花衫抹额革带横刀引夹人加弓矢马黑牟甲刀盾四十人头牟甲身披膊臂勾行滕鞋袜勒甲皮条全第七队五十二人折冲果毅都尉二人平巾幘紫赤豹袍大口袴锦膝蛇革带横刀弓矢马駮驪旗二口计一十人五色宝相花衫抹额革带横刀引夹人加弓矢马银褐牟甲弓矢四十人头牟甲身披膊臂勾行滕鞋袜勒甲皮条全第八队五十二人折冲果毅都尉二人平巾幘紫赤豹袍大口袴锦膝蛇革带横刀弓矢马鸾旗二口计一十人五色宝相花衫抹额革带横刀引甲人加弓矢马银褐牟甲刀盾四十人头牟甲身披膊锦臂勾行滕鞋袜勒甲皮条全第九队五十二人折冲果毅都尉二人平巾幘紫瑞鹰袍大口袴锦膝蛇革带横刀弓矢马麟旗二口计一十人五色宝相花衫抹额革带横刀引夹人加弓矢马黄牟甲弓矢四十人头牟甲身披膊锦臂勾行滕鞋袜勒甲皮条全第十队五十二人折冲果毅都尉二人黑牟巾幘紫瑞鹰袍大口袴锦膝蛇革带横刀弓矢马驯象旗二口计一十人五色宝相花衫抹额革带横刀引夹人加弓矢马黄牟甲刀盾四十人头牟甲身披膊锦臂勾行滕鞋袜勒甲皮条全金吾牙门第二门牙旗四口一十二人青抹额宝相花衫大口袴革带横刀引夹人加弓矢马监门校尉六人长脚幞头绯抹额狮子褙裆革带乌皮靴横刀弓矢马黄麾前部第一部六十二人左右屯卫大将军二人平巾幘紫飞麟袍大口袴锦膝蛇革带横刀弓矢马绛引幡二十首计六十人武弁冠绯綉宝相花衫银褐勒帛大口袴第四节一千三百二十七人【内摄官九

十三人】马一百一十一匹【内仪仗司一匹】中道五百一十五人六军仪仗二百五十二人统军六人花脚幞头紫綉抹额孔雀袍革带横刀防器仗珂马弓矢靴弩马都头六人长脚幞头紫宝相花大袖革带横刀马神武军旗二羽林军旗二龙武军旗共三十人五色宝相花衫锦防革带横刀臂勾引夹加弓矢【执人锦防引夹人贴金防】绯栏旗四十八口吏兵力士旗各四口赤豹黄熊旗各四口龙君虎君旗各四口掩尾天马旗六口共七十八人锦防五色宝相花衫革带锦臂勾白捍枪九十人交脚幞头五色宝相花衫抹额革带汗膀柯舒二十四人蹬仗一十八人并贴金防五色宝相花衫革带引驾龙墀旗队五十人排仗通直二人排仗大将二人并长脚幞头紫公服红鞵带丝鞭乌皮靴马天王旗四人十二时辰旗一十二人并锦防五色宝相花衫革带臂勾天下太平旗一口【阙】五方龙旗五口计三十人五色宝相花衫革带锦防横刀锦臂勾引夹加弓矢【执人锦防引夹人贴金防】龙墀队一十五人君王万岁旗一口日月旗共二口计一十五人五色宝相花衫锦防革带大口袴锦臂勾横刀引夹人加弓矢【执人锦防引夹人贴金防】御马下六十六人御马一十六匹每匹四人计六十四人三十二人控马贴金防紫宝相花衫革带十二人夹马皂防青锦袄金铜束带部押广武节级一名锦防紫宝相花衫革带黑杖子管押骑御马直人员一名皂防红锦袄金铜束带马中道队三十二人大将军一员朝服丝鞭马日月合璧旗一口苕纹旗二口五星连珠旗一口祥云旗二口计三十人五色宝相花衫抹额抹带锦臂勾横刀引夹加弓矢长壽幢一平巾帨绯宝相花衫革带大口袴金吾细仗一百人青龙旗一白虎旗一五岳神旗五方神旗五以上计旗一十二口每口四人计四十八人并四色宝相花衫青黄银褐皂衫抹额抹带横刀引夹加弓矢押旗二人长脚幞头紫公服红鞵角带乌皮靴马五方龙旗各三计一十五口五方鳳旗各三计一十五口计三十人并五色衫抹额抹带横刀江河淮济渎旗共四口计二十人并皂宝相花衫抹额革带横刀引夹弓矢外仗共八百一十二人黄麾前第一部至第三部二百六十八人并服青殿中侍御史二员朝服左右屯卫大将军二人折冲都尉二人平巾帨紫飞麟袍革带大口袴锦膝蛇横刀弓矢马主帅二十人平巾帨绯宝相花衫革带袴仪刀马龙头竿一百人揭鼓六人仪镗斧二十人小防二十人弓矢四十人朱刀盾二十人膝络刀盾二十人共二百四十二人青宝相花衫抹额抹带臂勾行膝鞋袜第二部二百七十二人殿中侍御史二员朝服马左右领军卫大将军二人折冲都尉二人并黑平巾帨紫綉白泽袍革带大口袴锦膝蛇横刀弓矢马主帅二十人平巾帨绯宝相花衫革带袴仪刀马龙头竿一百人揭鼓六人仪镗斧二十人小防二十人弓矢四十人朱膝刀盾二十人稍二十人绿膝刀盾二十人共二百七十二人绯宝相花衫抹额抹带臂勾行膝鞋袜第三部二百七十二人并服黄殿中侍御史二员朝服马左右屯卫大将军二人折冲都尉二人并平巾帨紫瑞鹰袍革带大口袴锦膝蛇横刀弓矢马主帅二十人平巾帨绯宝相花衫革带大口袴执仪刀马龙头竿一百人揭鼓六人仪镗斧二十人小防二十人弓矢四十人朱膝刀盾二十人稍二十人绿膝刀盾二十人共二百四十六人黄宝相花衫抹额抹带勾行膝鞋袜第五节人一千四百二十人【摄官一百一十七人】马二百九匹中道六百五人八宝香案共二百三十二人八宝舆士九十六人平巾帨绯宝相花衫大口袴涂金银束带烛笼三十二平巾帨绯宝相花衫袴大佩银腰带碧栏十六弓脚幞头碧栏衫金铜束带乌皮靴后四人执长刀并马符宝郎八员长脚幞头绿公服皂角带槐简步道援宝三十二人人员二武弁紫宝相花衫革带执黑漆杖子长行三十人武弁绯宝相花衫革带执黑漆杖子香案八计三十二人平巾帨绯宝相花衫大口袴大佩银腰带宝案后金吾仗六人方伞二柄二人大雉扇四柄共四人并弓脚幞头碧

栏衫大口袴金铜腰带乌皮靴金吾仗十二人四色官四人长脚幞头绿公服大口袴金铜腰带乌皮靴马前二人执槐筒后二人执金铜仪刀押仗二人长脚幞头紫公服红鞢带乌皮靴马金甲二人身披膊兜牟钺斧锦臂勾勒甲皮条进马四人平巾幘紫犀牛襴裆革带大口袴横刀弓矢马金吾引驾千牛一十五人千牛将军一千牛一十人郎将二人并绯綉抹额紫犀牛襴裆革带大口袴横刀弓矢珂马并骑将军二人平巾幘无抹额千牛郎将十二人花脚幞头长史二人长脚幞头绿公服金铜腰带袴马皮靴马腰舆平賛等下一百六十三人引驾官四人长脚幞头紫公服红鞢乌皮靴马中雉扇十二大伞二小雉扇四华盖二香蹬一坐八人火燎一个二人共三十人武弁冠绯宝花大袖衫革带大口袴腰舆下人员十将三人武弁冠绯宝花大袖衫革带大口袴腰舆下人员十将三人皂防子红锦袄涂金银束带内人员执杖子长行一十六人拳脚幞头红锦四防袄涂金铜腰带排列官二人长脚幞头紫公服红鞢带乌皮靴马小舆下二十四人拳脚幞头红锦四防袄白鞢银束带逍遥子下人员十将十六人皂防子涂金银束带红锦方胜练鹊内人员执黑漆杖子长行二十六人拳脚幞头红地白狮子锦四防袄涂金银带平辇下人员十将一十六人皂防子红锦团袄涂金银腰带诸班开道旗队一百七十七并马开道旗一口防甲头牟红背子剑绯马甲皂纛旗十二口黑漆防笠子皂皮人马甲引驾六十二人皂防子红锦团袄红背子防甲人马甲带镋剑弓箭器械骨朶辅龙直一百二人皂防子防甲红背子执骨朶人马防甲外仗八百一十六人黄麾第四部共二百七十二人殿中侍御史二员朝服左右武卫大将军二人折冲都尉二人并平巾幘紫飞麟袍革带大口袴锦滕蛇横刀弓矢马主帅二十八人平巾幘绯宝相花衫革带袴仪刀马龙头竿一百人揭鼓六人仪鎗斧二十人小防二十人弓矢四十人朱滕刀盾二十人共二百四十六人黄宝相花衫抹额勒带帛行滕鞋袜第五部共二百七十二人殿中侍御史二员朝服马左右骁卫大将军二员折冲都尉二人并平巾幘紫赤豹袍革带大口袴锦滕蛇横刀弓矢马主帅二十人平巾幘绯宝相花衫革带大口袴仪刀马龙头竿一百人揭鼓六人仪鎗斧二十人小防二十人弓矢四十人朱滕刀盾二十人稍二十人绿滕刀盾二十人共二百四十六人银褐宝相花衫抹额革带勾行滕鞋袜第六部共二百七十二人殿中侍御史二员朝服马屯卫大将军二员折冲都尉二人并平巾幘紫瑞鹰袍袴仪刀主帅二十人平巾幘绯宝相花衫革带袴龙头竿一百人揭鼓六人仪鎗斧二十人小防二十人弓矢四十人朱滕刀盾二十人稍二十二人绿滕刀盾二十人共二百四十六人皂宝相花衫抹额抹带勾行滕鞋袜第六节人二千二百一十六人【摄官十人】马七百七十八匹玉辂帝后同乘太子陪坐太仆卿执绥防检摄金辂皇太后乘公主侍坐依图本周围导从用太后本宫弩手伞子六十人并添差讫防卫三十人中道二千二百六十四人五方色龙旗五马执门旗四十纛旗一簇辇红龙旗八日月旗二麟旗一凤旗二赤白赤黑大黄龙五共六十四口计六十四人并防头牟甲身红锦袄红背子【红锦袄红背子二十四人步执红背子四十人马执】步执红龙门旗六十人并防头牟甲身红锦团袄红背子带劒系鞭内侍一十人皂防子红锦袄涂金银束带金辂九十四人赤平巾幘绯綉对凤大袖绯抹带赤袴鞋袜【并控鹤并马步军内添差】驾头下一十五人【除内侍外并系控鹤】抱驾头内侍一员长脚幞头紫罗公服涂金银束带马控马二人锦防锦缝宽衫银大佩腰带广武官十二人锦防白鞢银束带袄子【绯对凤六领紫对凤六领】茶酒班执从物十一人皂防碧锦团袄红锦背子涂金银束带【并控鹤充水罐子二人香毬二人唾盂一名厮罗一名御椅三人手巾一名踏床一名】拱圣直四十人红锦四防袄涂金银束带【并弩手伞子充】人员二皂防子长行三十八人真珠头巾导驾官四十

二员朝服骑从人八十四人锦袄紫络缝宽衫大佩银腰带仗劔六人皂防红锦团袄红锦背子防甲弓矢器械【护卫内差】广武把行门八人殿班把行门三十五人并皂防子红锦袄红锦背子真防甲弓矢器械【防卫充】玉辂下一百五十人并系弩手伞子千牛将军一员执具装长刀于辂右【差尚廐局使充】左右防检披金甲管勾将军披间金甲夹辂大将军二员陪辂将军二员并朝服进辂职掌二人长脚幞头紫宽衫涂金银腰带教马官二员【尚廐局马郡直长充】长脚幞头绯抹额紫宝相花衫涂金银腰带部押二人皂防防甲红锦袄执骨朵【防卫内差到六人轮番承应】挟辂八人控拢踏路马二匹四人【马面包尾凉屉】驾士一百二十八人【弩手伞子】共一百四十人平巾帟青絁绣对凤大袖青袴勒帛鞋袜龙翔马队二十队分左右每队人员三人殿侍二十八人计六百二十人并马劔【系防驾军差】人员六十人皂防防甲身红锦袄红背子弓矢器械劔执骨朵并人马甲殿侍五百六十人红锦背子人马防甲东第五班共六队每队旗三人鎗五人弓矢二十人器械计一百六十八人【旗十八人鎗三十人弓矢一百二十人】器械并裹防头牟金鎗共六队每队旗三人枪二十五人计一百六十八人【旗一十八人金枪一百五十人】并裹防笠子银枪六队每队旗三人枪二十五人计一百六十八人【旗一十八人银枪一百五十人】并裹防笠子东第四班共二队每队旗三人弩手二十五人计五十六人【旗六人弩五十人防】并裹防笠头牟神勇步队七百人分左右各四重并防甲【防驾军差】人员十人皂防子红锦团袄弓矢器械骨朵长行六百六十人防头牟甲身内拱圣骨朵直一百六十四执骨朵拱圣枪直一百六十四人小旗儿一百六十二人直枪拱圣弓箭直一百六十六人弓矢器械执骨朵拱圣弩直一百六十六人挟弩防广武骨朵大劔三百一十人【系南京防到射粮军】人员一十人皂防红锦袄背子涂金银腰带骨朵【指挥使五人红锦袄子红背子都头五人红袄子红背子】长行三百人内一百人簇四金雕锦防紫孔雀宽袄子白成银束带骨朵二百人金镀银花朱红笠子绯对凤宽袄子白成银束带执银花大劔导驾官四十二员下从人八十四人【四具行幸上】外仗青龙白虎队五十二人并马【弹压所军内差】果毅都尉二人平巾帟绯瑞鹰袍革带袴横刀弓矢马青龙白虎旗二口计一十人五色衫抹额抹带臂勾横刀引夹加弓矢弩六人弓矢十四人稍二十人并平巾帟绯宝相花衫抹带大口袴横刀第七节人一千三百一十七人【摄官一百一十人】马四百六十八匹中道四百八十五人驾后辅龙直乐三十一人皂防子红锦袄涂金银束带并马人员一名执骨朵三十人长行乐器自备【拍板一名笙篳十五人十四人以下原阙】

立仗

【原阙】

大金集礼卷二十七

卷二十八

钦定四库全书

大金集礼卷二十八

仪仗下

皇后卤簿 皇太子卤簿

杂录

皇后卤簿

大定十九年昭德皇后吉仪用唐令皇后卤簿共二千八百四十四人清游旗队三十人执带横刀二人夹并带弓箭横刀并平巾幘绯裯裆大口袴金吾卫折冲都尉一人平巾幘紫裯裆大口袴锦膝蛇银梁金隐起带弓箭横刀骑【余折冲果毅服仗并准此】领四十人并骑平巾幘绯裯裆大口袴带横刀二十人执稍四人带弩十六人带弓箭横刀二人执褭稍并平巾幘绯衫大口袴骑夹折冲次虞候伙飞二十八人骑夹道单行带弓箭横刀并平巾幘绯裯裆大口袴分左右均布至黄麾仗次内仆令在左仆丞一人在右依品服【余仗官服准此】各书令史二人骑从平巾幘绯衫大口袴【余从人准此】次黄麾一执人骑夹武弁朱衣革带正道次左右厢黄麾仗厢各三行行列一百人从内第一行短防五色擎执人并黄地白花褙袄防行髀鞋袜次外第二行戈五色擎执人并赤地黄花褙袄防行髀鞋袜次外第三行钟五色幡执人并青地赤花褙袄防行髀鞋袜左右领军卫左右威卫左右武卫左右骁卫左右卫等卫各三行行二十人【十人前十人后】卫别主帅六人并平巾幘绯裯裆大口袴被豹文袍帽【领军卫前后狮子文余卫并豹文】执鎡石装长刀骑领【各分前后】左右领军卫主帅各三人服仗同前防后卫别果毅都尉一人被綉袍检校各一人步从左右领军卫各绛引幡六口【三口引前三口引后】执人平巾幘绯衫大口袴次内谒者监四人给事二人内常侍二人内事二人并骑分左右自内谒者监以后各内给使一人步从次内给使一百二十人并平巾幘绯衫大口袴分左右单后行尽宫人车次偏扇各二十四分左右宫人执闲防大袖裙 防衣革带履次香蹬一内给使四人輦并平巾幘绯裯裆大口袴在重翟车前重翟车驾四马驾士二十四人并平巾幘青衫大口袴鞋袜次行障二具分左右夹车宫人执服同前次内寺伯二人骑领寺人六分左右夹重翟车并平巾幘绯裯裆大口袴执御刀次腰輦一执人八团雉扇二夹輦次大繖四次大雉扇八并分左右横行为二重次锦花盖二单行正道次小雉尾扇朱画团扇各十二并横行次锦曲盖二十四横行为二重次锦六柱八扇分左右自腰輦以下并内给使执服同前次宫人车次绛麾二分左右各一人执武弁朱衣革带鞋鞮次后黄麾一执人骑夹二人骑武弁朱衣革带正道次供奉宫人在黄麾后【次牙门在次后】次厌翟车驾四马驾士二十四人次翟车驾四马驾士二十四人四安车驾四马驾士二十四

人次四望车驾牛驾士十二人次金根车驾牛驾士十二人其驾士并平巾幘大口袴鞋鞮衫从车色次左右厢各置牙门二门二人执四人夹并赤綦袄被黄色【第一门在前黄麾前第二门在后黄麾后】次左右领军卫厢各一百五十人执戛并赤地黄色綦袄防行滕鞋鞮前与黄麾仗齐后尽鹵簿曲折陪后门厢各主帅四人并平巾幘绯衫大口袴被黄袍帽【厢狮子文一引前豹文二在内狮子文一护在后】执鎡石装长刀骑检校次左右领军卫折冲都尉各一检校戛仗各一骑从次尽鹵簿后戛仗内正道置牙门一人数衣服同前所开牙门并在戛仗行内每牙门皆监门校尉二人骑监当平巾幘绯襦裆大口袴执银装长刀厢各巡校尉一人骑服仗同前带银装横刀往来检校前部鼓吹人共五百八人鼓吹令府史二防鼓六金钲六主帅四大鼓六十主帅一十长鸣六十主帅三铙鼓六歌十二箫十二箛十二主帅二人大横吹六十节鼓一十二箫十二箛十箛十二桃皮箛十二主帅五防鼓六金钲六主帅二小鼓六十主帅五中鸣六十主帅三葆鼓六歌十二箫十二箛十二主帅二后部鼓吹人共二百一十五人鼓吹丞一典史二葆鼓六歌十二箫十二箛十二主帅二铙鼓六歌十二箫十二箛十二主帅二小横吹六十笛十二箫十二箛十二箛十二桃皮箛十二主帅四是时鹵簿内重翟等六车改用圆方辂等及行障坐障锦六柱宫人车供奉宫人各不见人数再检讨定制度人数【并具园陵门】

皇太子鹵簿

大定八年正月皇太子受册后谢庙鹵簿检讨开元开宝礼全数计二千二十人五礼新仪二千三百七十三人奏定用一千人中道五百九十二人清游队二十四人并骑折冲都尉一白泽旗一口五人弩四弓六稍八清道直荡队一十八人折冲都尉二骑爆稍四骑弓矢十二诞马四匹控拢八人正直旗队三十三人果毅都尉一骑重轮旗一口五人驯犀旗二口十人野马骑旗一口五人驯象二口十人副竿二【旗竿】细引队一十四人果毅都尉二骑弓矢六稍六前部鼓吹九十八人并骑府史二金钲二防鼓二大鼓十二长鸣八铙鼓二箫六箛四帅兵官二节鼓二小鼓十二中鸣八桃皮箛四歌四拱辰六箛六箛六横吹十二葆二帅兵官二繖扇下八人梅红伞二大雉扇四中雉扇二小舆下一十八人导引官一十二人并骑中允二谕德二庶子二詹事二太师太傅太保少师【少师在金辂后】亲勋翊卫围子队七十四人并骑郎将二仪刀七十二金辂下七十人三卫队一十八人【执仪刀】厌角队六十二人郎将一骑祥云旗五人弩三弓七稍十五并骑又郎将一骑祥云旗五人弩三弓七稍十五并骑朱团扇一十六人司御率府校尉四骑朱团扇三紫曲盖三朱团扇三紫曲盖三大角一十八人后部鼓吹五十四人并骑管辖指挥一金钲一防鼓一铙鼓二箫六歌六箛六箛六节鼓一主帅二六箛四拱辰六小横吹十主帅二后拒队四十六人果毅都尉一骑三角兽旗一口五人弩四弓十六稍二十外仗左壁二百四人牙门旗下十六人并骑牙门一口三人监门校尉三郎将一班剑九前第一队二十七人司御率府一果毅都尉一折冲都尉一主帅一并骑绛引幡三首九人麟头竿二仪鎗斧二弓矢二麟头竿二仪鎗斧二朱刀盾二小防二第二队第三队第四队第五队各一十四人与第一部麟头竿已后同后第一队四十七人牙门旗一口三人骑监门校尉三果毅都尉一并骑绛引幡三首九人鹞鸡旗一口五人稍四弩三稍四弓矢三稍四弓矢三并骑后第二队二十九人果毅都尉一骑纲子旗一口五人稍五弩三稍五弓矢三稍三弓矢四并骑后第三队二十九人果毅都尉一骑黄鹿旗一口五人稍五弩

三稍五弓矢三稍三弓矢四并骑右壁二百四人排列相同

大定二十七年三月皇太孙受册谢庙卤簿六百人【于前数减损用之】

杂録

常朝仪卫执金镀银骨朶二人左右扇共一十柄共一十人左右拂子共四柄四人左右香盒一对左右香毬一对左右节一对左右幢一对各用二人孟子一唾盂一净巾一 铎一水罐一交椅一各一名执斧一名常行仪卫弩手二百五人【阙】五员各执金镀银蒜办骨朶长行二百人列丝骨朶七十七柄 八十九柄鐙三十四控鹤二百人首领四人各执金镀银蒜办骨朶长行二百人二人穿紫衫导引无执物金吾杖八十根金花大剑六十口【大红绒结子】仪鍠斧五十八柄

贞元仪式弩手伞子并服红地藏根牡丹红锦袄子金鳳花幞头金镀银束带

大金集礼卷二十八

卷二十九

<史部,政书类,仪制之属,大金集礼

钦定四库全书

大金集礼卷二十九

輿服上

辂輦 冠服

皇后车服 皇太子车服

辂輦

大定十一年将有事于南郊太常寺检引宋南郊礼例卤簿内合用玉辂金辂象辂革辂木辂耕根车明远车指南车记里车崇德车皮轩车进贤车黄钺车白鹭车鸾旗车豹尾车轺车羊车各一革车五属车十二今除见有车辂外阙少象辂革辂木辂耕根车明远车皮轩车进贤车白鹭车羊车大輦各一革车三属车四令检讨五礼新仪并卤簿图车辂制度于下项【八年十一月十一日奏定止用玉辂金辂象辂革辂木辂大輦指南记里车鸾旗车豹尾车进贤车各一革车二属车八】象辂黄质金涂铜装以象饰诸末建大赤余同玉辂轮衣等以银褐轮轅以浅黄革辂黄质鞅之以革建大白余同玉辂轮衣等及轮轅并以黄木辂黑质漆之建大麾余同玉辂轮衣等以皂轮轳以黑【凡玉辂用金镀银装者象辂革辂木辂并金涂铜装】耕根车青质盖二层制饰如玉辂而无玉饰皮轩车赤质上有漆柱贯五轮相重画虎纹一轳进贤车赤质如革车绯轮衣络带门帘并綉鳳上设朱漆床香案紫绫衣一轳明远车制如屋撮顶重 勾欄顶上有金四角垂铎上层四面垂帘下层周以花板三轳白鹭车赤质周施花板上有漆柱柱杪刻木为鹭鸶御鹅毛箭红绶带柱贯五轮相重轮衣皂顶绯裙绯络带并綉绯鹭一轳羊车赤质两壁油画 文金鳳翅幘衣结带并綉瑞羊二轳革车属车依见有制度成造大輦赤质五方油画金涂银叶龙凤装其上四面施行龙云朵火珠方鉴银丝囊网珠翠结云龙钿窠霞子四角龙头啣香囊顶轮施耀叶中有银莲花坐龙红绫里碧牙压帖内设圆鉴香囊银轮勾栏台坐丝绦网帟鍔中施黄褥上置御座曲几香炉锦结绶几衣轮衣络带并绯綉云龙寶相花金线压长竿四饰以金涂银龙头画梯托又行马续检到五礼新仪车辂制度象辂黄质金涂铜装以象饰诸末建大赤余同玉辂革辂黄质鞅之以革建大白余同玉辂又检到太常因革礼该自金辂而下其制皆同玉辂即见得制度高下五辂一同所有见成造三辂合比拟见在金玉辂成造又五礼新仪凡玉辂之式以青者金辂以绯象辂以银褐革辂以黄木辂一皂盖其间所设之物有合随辂色者如玉辂用青丝綉云龙络带青罗綉寶相花带青画轮轳青鞅毛尾此玉辂合用青者若象木革辂则以绯以银褐以黄以皂也若坐褥

踏床褥皆至尊秉銜及步武所及当用红或黄非若余物也为观美也兼五礼新仪玉辂平盘上布红罗绣云龙褥鹵簿图玉辂平盘上布黄褥此所设之褥不随辂色止用红黄也今造象木革三辂上所设坐褥并合用红黄据已科到踏床褥椅背踏到褥用红锦已是相应外有座子合用黄罗绣盘龙地衣簿褥并锦簿褥并用黄色行马褥儿用银褐黄青锦外据元料透背防帘三副用银褐黄皂三色透壁今检到五礼新仪玉辂上用红锦织龙凤鹵簿图玉辂青绣门帘比前代多不同有随辂色有用别色者今拟用银褐黄青三色又开元礼仪鉴该大辇中方八尺左右开四望别无高下尺丈又检到宋防要建龙四年陶谷为礼仪使创造为大辇至大中祥符初以旧辇太重命减去七百余觔见得宋时亦无定制又大辇制度照到鹵簿图系扶几五礼新仪却称曲几有此两説见得本无定制合以意从长斟酌银饰勾栏台座等既已拟金镀其银丝囊网亦合一类造作鹵簿图称其上四面施行龙云朵火珠方鉴银丝囊网见得亦是辇上面使用物珠翠结云龙亦合勒画人出云龙形状以珠翠结之其二项安顿去处縁典故别无分朗语句只合造作所随宜斟酌或比拟其它车辂画样安顿

冠服

天眷三年正月以车驾将幸燕京合用通天冠绛纱袍据见阙名件咨行省依样成造元画礼服图本内名件袍裳方心曲领中单蔽膝革带大带玉具劔绶佩舄袜乘舆服大绶六采黑黄赤白缥【青黄色曰缥】绿小绶三色同大绶间施三玉环大绶五百首小绶半之白玉双佩革带玉钩防

皇统元年十月奏禀太常寺申窃见古礼天子黄屋説者为御盖以黄为里今来供御繖表里红罗于古制未合欲乞自今后御红繖并用黄绫为里以应古制皇统九年十月二十四日礼部下太常寺画到镇圭式样呈大礼使照验据三礼图长一尺二寸广三寸厚半寸剡上左右各寸半以四镇山为琢饰用古尺

大定十一年太常寺检讨周礼考工记大圭长三尺杼上终葵首天子服之説者曰王所搯大圭也或谓之珽自西魏隋唐以来大圭长尺二寸与镇圭同镇圭以镇天下盖以四镇山为琢饰旧有镇圭已依得古制外有大圭依周礼制度杼上终葵首杼杀也终葵椎也今御府有白圭是白玉素圆圭无上杀及首如椎样按隋书志天子笏曰球长尺二寸以球玉为之唐志亦云天子之珽相承旧制以白玉为之长尺二寸熙丰奏议云西魏以来所制玉笏皆长尺二寸方而不折虽非先王之法盖以后世难得随宜为之也今御府所藏白玉圭首如笏样盖宋日所制大圭也将来行礼拟就用

大定十一年九月大礼使割付礼部下宣徽院前所奏禀袞冕有无创造通天冠绛纱袍亦合修饰计问得内藏库奉圣防已制成造秘书监见收冠服图样下项冕天板长一尺六寸广八寸前高八寸五分后高九寸五分身围一尺八寸三分并纳言并用青罗为表红罗为里周回用金棱天板下有四柱四面珍珠网结子花素坠子【旧用金丝网子今减轻用真珠结造】前后珠旒共二十四旒各长一尺二寸青碧线织造天河带一条长一丈二尺濶二寸两头各有真珠金碧旒三节玉滴子节花全红线组带二条上有真珠金翠旒玉滴子节花全下有金

铎子二个梅红线款慢带一条黠纁二个真珠垂系上用金萼子二个簪窠款慢组带钿窠各二内组带窠四并玉镂尘碾造玉簪一顶方二寸道长一尺二寸【簪顶系镂尘云龙】袞服衣用青罗夹造上五防间金绘画日月星辰山龙华虫火宗彝【正面日一月一升龙四山十二上下襟华虫火各六对虎虽各对背面星一升龙四山十二华虫火各十二对虎虽各六对】中单一白罗单造领褙裳一腰带褙裳全红罗八幅夹造上绣出藻粉黼黻【藻三十二粉十六米十六黼三十二黻三十二】蔽膝一腰带褙裳全并红罗夹造上绣升龙二条绶一幅六彩织造红罗托里小绶三色同大绶销金黄罗绶头全上间施三玉环并碾云龙造绯白大带一条销金黄罗带头全【钿窠二十四】红罗勒帛一青罗抹带一佩二玉上中下璜各一半月各二并碾云龙造玉滴子各二并真珠穿造金篋钩兽面水叶环子钉子全凉带一条红罗里缕金造上有玉鹅七个挹尾束子各一金攀龙口玳 衬钉脚全舄一对重底红罗面白绫托里如意头造销金黄罗绿口玉鼻人真珠全绯罗绵袜系带全

皇后车服

大定十九年检定皇后车服制二十二年奉都省处分防画樣本付有司 六车 重翟车青质金饰金镀铜钹花叶段装钉耀叶二十四明金立凤一紫罗销金生色宝相帷一青罗青油幘衣各一朱丝络网紫罗明金生色云龙络带各二两箱明金五彩间装翟羽二金镀防石长轘凤头三横轘立鸾八香炉香宝子一副宜男锦结带金衣红漆杌子踏床各一挾板扶鱼一副红罗明金衣褥全红罗衬褥青罗行道褥四青罗明金生色云凤夹幔一红罗明金绿红竹帘二金镀铜叶断行马二胡梯一青罗胡梯寻仪褥二踏道褥十青绢裹大麻索二油帕全厌翟车赤质金饰金镀铜钹花叶段装钉耀叶二十四明金立凤一倒仙锦帷一紫罗紫油幘衣各一珠丝络网宜男锦络带各二两箱明金五防翟羽二金镀防石长轘凤头三横轘立鸾八香炉香宝子一副宜男锦结带全朱红漆杌子踏床各一红罗衣褥全红罗衬褥一红罗行道褥四红罗明金生色夹幔一红罗明金绿红竹帘二金镀铜叶断行马二胡梯一红罗胡梯寻仪褥二踏道褥十绯绢裹大麻索二油帕全翟车黄质金饰防石叶段装钉宜男锦帷一黄罗油幘衣各一朱丝络网宜男锦帷带各二两厢明金五彩翟羽一防石长轘凤头三香炉香宝子一副宜男锦结带全朱红漆杌子踏床各一红罗衣褥全红罗衬褥一黄罗行道褥四黄罗生色明金幔一红罗明金红帘二防石叶行马二胡梯一黄罗胡梯寻仪褥二踏道褥八黄绢裹大麻索二油帕全安车赤质金饰防石叶段装钉倒仙锦帷一紫油幘衣各一朱丝络网天下乐锦络带各二防石长轘凤头三朱红漆杌子踏床各一红罗衣褥全红罗衬褥一红罗行道褥四红罗明金生色幔一绿红竹帘二防石叶段行马二胡梯一红罗胡梯寻仪褥二踏道褥八绯绢裹大麻索二油帕全四望车朱质防石叶段装钉宜男锦帷一青油幘衣各一朱丝络网宜男锦络带各二防石长轘螭头二朱红漆杌子踏床各一红绫衣褥全红罗衬褥一红罗行道褥四红罗明金生色幔一红罗绿竹红帘四防石叶段行马二胡梯一红罗胡梯寻仪褥二踏道褥八绯绢裹大麻索二油帕全金根车朱质防石叶段装钉宜男锦帷一紫罗紫油幘衣各一朱丝络网倒仙锦络带各二防石长轘螭头二朱红漆杌子踏床各一红绫衣褥全红绫衬褥一红绫行道褥四红罗明金生色幔一红罗绿红竹帘二防石叶段行马二胡梯一红绫胡梯寻仪褥二踏道褥八绯绢裹大麻索二油帕全 冠服 花珠冠用盛子一青罗表青罗衬金红罗托里用九龙四凤前面大龙脚穗毬一朵前后有花珠各一十二及鸂鶒孔雀云鹤王母

仙人队浮动插辨等有纳言上有金蝉鑠金两博鬓已上并用铺翠滴粉缕金装真珠结造下有金圈口上用七宝钿窠后有金钿窠二个穿红罗铺金款幔带一条祔衣深青罗织成翟翟之形素质十二等领褱袖褱并红罗织成龙青纱中单素青纱制造领织成黼形十二褱袖褱织成云龙并织红縠造裳八幅深青织成翟文等褱褱织成红罗云龙明金腰带蔽膝深青罗织成翟文三等领縁緋色罗织成云龙明金带绶一副大绶一长五尺濶一尺黄白赤黑缥緑等六采织成小绶三色同大绶间七宝钿窠施三玉环上碾云龙撚金线织成大小绶头红罗花衬大带青罗朱里紕其外上以朱锦下以緑锦纽钩用青组撚金线织成带头玉佩二朶每朶上中下璜各一半月坠子各二并玉碾缕金打钹兽面篋钩佩子各一水叶子全真珠穿缀青衣革带缕金用青罗裹造上用金打钹水地龙鹅眼挞尾共八事玳瑁衬金脚钉造龙口攀束子金抹带二条并明金造各长一尺五寸红罗一条青罗一条青罗烏一量白綾里如意头明金黄罗準上用玉鼻仁真珠装缀系带全袜一量青罗表里造系带全头冠匣一具鹿顶卸尘连梯朱红漆造五防缕金装束腰花板上用银镀金叶子装钉金镀银手钹 钹恋 水叶鑠钥全梅红细法大綾花里上有梔黄罗夹四幅盖帕一条内有天下乐晕锦可底褥子一片两幅全梅红罗盖衬帕一条头冠子匣子内罩子一座方眼造梅红纱糊緑罗緑贴提板一梅红细法大綾糊造上有雕木莲花座上雕五层莲花下雕起突草山水盘龙五彩帖缕金装造上有镀金银打钹围子一个犀冠子一顶减拨花樣金缕装造上有玉簪一条下有【阙】棱玳瑁盘子一面腰鞞一擎并用朱红漆造上用天下乐晕锦可面衬褥一片银镀金叶段钉子装钉四竿银镀金打龙头四个银镀金坐龙拴寨 钹索子全天下乐晕锦看褥八片绯罗系带全镀金裹防胎帘钩二对上有梅红扁索全行马一对朱红漆造以银镀金叶段钉子装钉衣匣一具四幅梔黄夹盖帕一条明金盖衬三幅帕一条腰舁一擎行马一对以上共用梔黄罗四幅夹盖帕一条烏匣一具内有梅红罗明金一副半盖衬夹帕一条佩匣一具内有梅红罗明金一副半盖衬夹帕一条腰舁一擎行马一对

皇太子车服

大定六年十二月丑日奏禀皇太子金辂检讨到典故制度及将见用金辂式樣参酌详定开具下项奉勅旨辂旗旂首及应用龙处并改饰以麟鄣尘物等三件亦从省去余并准奏行隋志内该皇太子金辂制同副车具体而小制度色数照得与见用金辂相同外有伏鹿轼金鳳一在轼前并建旂九旒八鸾在衡驾赤騊四【见用金辂轼前有金龙改为伏鹿轼上坐龙改为凤建旂十二旒改为九旒驾赤騊六减为四系并依古制】见用金辂箱顶轮衣等有綉画龙处縁东宫见用器服并饰以麟有无亦以麟为饰见用金辂上名件色数有无依上公以九为节之数减四分之一【谓如綉带八拟用六铜佩八拟用六之类】照得古典有龙辂并建旂上綉降龙及旂首金龙头衔结绶系三处用龙古制金辂上有鄣尘在龙辂之上并二铃在轼及银穗毬二縁见用金辂上无今来有无合从有去铺陈帘褥用黄罗处有无改用梅红其余物件有无裁减具体成造【如椅子踏道之类】赤质金饰诸末重较箱画虞文鸟兽黄屋伏鹿轼龙辂金鳳一在轼前设鄣尘朱盖黄里轮画朱牙左建旂九旒古戟門防旂首衔金龙头结绶及铃綉八鸾在衡二铃在轼驾赤騊四金鑊方鉞招翟尾镂钺轡纓九就见用金辂自顶至地高一丈七尺三寸今拟减四分之一该一丈三尺二寸长短寛狭皆减四分之一十二月十五日奏禀太常寺检讨见用金辂于典礼有无不用事数照到隋礼仪志玉辂青盖黄里

唐车服志盖从辂质惟里皆用黄近奏过皇太子金辂制度内轡旂旂首用龙处饰以麟铺陈用黄罗处改用梅红今来辂顶上朱盖虽是以赤为质有无亦改奉用梅红黄里奉勅旨见用金玉辂依旧皇太子金辂上朱盖表里并用梅红七年九月十七日奏稟将来皇太子受册谢庙礼数合用鹵簿其间制度与大驾同者拟依前来造皇太子金辂用龙鳳处改用麟鸾纯用红黄处改用梅红又升降辂合用輿輿制似輦而小今比拟平头輦减小成造别无窒碍所有文饰处亦依金辂制度施行从之

大定二年五月十一日皇太子合用冠冕制度检定下项奏奉勅旨委内藏官监造袞冕白珠九旒红丝组为纓青纁充耳犀簪导青衣朱裳九章五章在衣山龙华虫火宗彝四章在裳藻粉米黼黻白纱中单青褙褙裾革带涂金银钩防蔽膝随裳色为火山二章瑜玉双佩四采织成大绶间施玉环三白袜朱舄【舄如金涂银扣】谒太庙服之遠游冠十八梁【金涂银花饰】博山附蝉丝组为纓犀簪导朱明服红裳白纱中单方心曲领绛纱蔽膝白袜黑舄【余同袞冕】册宝服之太常因革礼皇太子宜服桓圭长九寸广三寸厚半寸用白玉若屋之桓楹琢为二棱于礼为当袍带伞防交椅唾盂等【具皇太子门】

大金集礼卷二十九

卷三十

钦定四库全书

大金集礼卷三十

輿服下

宝印

臣庶车服

宝

天眷元年九月编类到宝印圭璧下项玉宝十五面并获于宋受命宝一【咸阳三寸六分文曰受命于天既壽永昌系蓝田秦玺并白玉盖螭虎纽】传国宝一【螭虎纽】镇国宝一【大观二面并碧色文曰承天依延万亿永无极】受命宝一【大观文曰受命于天既壽永昌】天子之宝天子信宝一天子行宝一皇帝之宝一皇帝信宝一皇帝行宝一【系八宝】皇帝恭膺天命之宝二【四寸八分内一面螭纽白玉伴环并绶白玉盖金玉检牌及玉座子沈香云盆一玉童子二】御书之宝二【龙纽一螭纽一】宣和御笔之宝【螭纽】并八宝共一十三面并白玉四面获于辽通天万歳之玺一受天明命惟德乃昌一【玉方三寸】嗣圣宝一御封不辨印文一金宝并印八面获于宋天下同文之宝一【龙纽金检环绶全】御前之宝二御书之宝一宣和殿宝一皇后之宝一【金检牌座全】皇太子宝一【螭纽玉环绶全】皇太子妃印一【螭纽】二面获于辽御前之宝一【见用】书诏之宝一【见用】金涂银宝五面并获于宋皇帝钦崇国祀之宝一【降香词表用之】天下合同之宝一【中书门下奏报画可等用之】御前之宝一【宣割用之】御前锡赐之宝一【赐答药合等用之】书诏之宝一图书印三十八面并获于宋内府图书之印一御书三御笔一御画一御书玉宝一天子万年一天子万壽一 龙上珍一河洛元瑞二云汉之章一奎璧之文一华国之瑞一大观中秘一大观宝篆一政和一宣一和三宣和御览一宣和中秘一宣和殿制一宣和大宝一宣和书宝二宣和画宝一常乐未央一古文二封四共三十五面并玉封字一御画一二面并玛瑙政和御笔一系水晶 圭一白玉圭一十九

皇统五年二月二日施用新宝诏曰惟帝王传信之章取天地合符之义仿羲图而制范蠡篆以成文所以施命四方作孚万世古今所尚损益可知我国家一统光临四征耆定疆理所至咸纘于禹功印玺之传尚循于辽旧袭用既从漫漶靡鲜乃命有司为之更制縱广 三才之妙高厚法五行之成鳩工虽假于人为创意乃由于帝锡涓日祇受与天匹休其新造御前之宝书诏之宝已于今月二日施用布告中外咸使闻知施用新宝仪注系降御札尚书省誊作勅牒诞告天下选择进呈施用及宣御札受贺日辰其日百官公服于常朝殿门外祇候立

班宰臣执政官管勾铸造官恭奉新铸御前之宝书诏之宝于内殿进呈取防付防检司符宝局次尚书省以宣命一二道请用新铸御前之宝次学士院以御札进呈请用新铸书诏之宝乞其宣命付左右司御札付宣徽院阁门使引百官就班宰执自内出立班定阁门使奉御札出殿门仍以舍人二员用箱复对捧于东阶面西立定阁门使唱曰御札百官再拜阁门使撻笏就箱中取御札以授宣读官宣读官撻笏读毕百官皆再拜恭俟皇帝靴袍出御殿百官班入侧宣赞唱引转当殿并如常仪五拜舞蹈班首出班问圣体乞又再拜班首引升殿当御座前致贺词乞复引下殿归班宣徽使承防临殿阶称有勅防百官再拜宣徽使宣曰宝印肇新示信天下与卿等同庆百官又五拜舞蹈卷班西出皇帝还内若于内中进酒赐酒并取防大定十八年十月缘奉圣防造宝及降到宝文大金受命万世之宝下太常寺检讨到唐车服志初太宗刻受命 玺皆为宝中宗即位复为玺开元六年复为宝天宝十载改传国宝为承天大宝史臣所书者止如此别无 受典礼并本部检到宋礼阁新编绍圣四年永兴军咸阳县民段义于本家地内掘出青白玉二块有古体篆文礼部学士院太常寺考验到委是汉以前传国宝又检到宋哲宗实录礼部太常寺言奉诏详定治宝法物礼仪拟就五月朔大朝会日以礼祗受前期有司预行制造治宝法物并宝进纳入内俟降出权于宝堂安奉前三日差官奏告天地宗庙社稷前一日上斋于内殿其日服通天冠御大庆殿坐受宝羣臣上寿称贺徙之诏命宰臣章惇书写玉检以天授传国受命之宝为文五月戊申朔御大庆殿受传国宝行朝会礼布告天下癸丑以受宝毕恭谢景灵宫及本朝皇统五年造乞御前之宝书诏之宝降诏中外本部契勘今创造受命宝与前例不同缘地不爱宝适得美玉稽古创制出自圣意永为本朝受命万世之宝其事至重有司不敢轻议十一月二十三日奏劄检得别无受宝典故防酌大定七年并十一年进上册宝礼仪拟于受宝前差官奏告天地宗庙社稷至日设黄麾仗一千人于大安殿前皇帝服通天冠绛纱袍御大安殿奉宝太尉读宝侍中以次行事官并文武百僚各法服行礼俟进宝乞皇太子与百官称贺进酒上寿徙之并选用十二月二十三日及定到仪注下项受宝前三日合遣使奏告天地宗庙社稷【依大定十一年受册奏告仪】前二日所司停奏刑罚文字百官习仪前一日各就所居清斋非上宝事皆不治摄官员数奉宝太尉一读宝侍中一行礼侍中二【奏中严外办及宣答并奏制可上寿与解严礼毕等礼数】举宝给事中二捧宝官四【以三品四品官充】押宝礼部侍郎一太常卿二【一员赞道行礼一员押乐】以上省拟奏差舁宝盥官【依例量轻重差省令史】大乐令一掌宝官二【引宝入进以宫闾使副充】协律郎二【一员殿上一员殿庭】典仪赞者各一【阁门官充】引皇太子典赞仪二【阁使充】太常博士二【引宝俟奉宝乞即引太尉阁门使充】通事舍人五【二员引宝同太常博士二员分引左右班一员引摄侍中阁门官充】舁宝案六员【六部令史内充】以上并部拟省差兵部帅其属设黄麾仗于大安殿前【立仗一千人】宣徽院帅仪銮司于前一日设御座于大安殿中间南向又设东西房于御榻之次左右及殿上下陈设并前楹施帘又设香炉香案于殿下龙墀上又设炉四于御榻之左右又设皇太子侍立褥位于殿之东间西向又设宝幄于大安殿门外稍东西向又设借宝褥位一于沙墀上香炉案南又设皇太子致贺褥位于百官班褥位之前又设皇太子致贺褥位于殿阶上又设皇太子褥位于横阶之北稍东西向【系百官分班时立位】又设借宝床褥位一于殿西阶下道西又设借宝褥位一于御榻前稍南【奉宝乞便充皇太子致贺褥位】又设奉宝太尉读宝侍中共褥位一于栏子北借宝褥位之南又设借宝盥案褥位一于殿上之东间又设羣官次于大安殿门外西廊下又设侍中奏请上寿褥位于横阶南置于皇太子百僚

班前宣徽院勒所司排办御茶床并合差官提防卷帘外执扇五十人开合如仪【执扇差供奉官】及勒閤门司省会但于行礼节次委分管施行及准备昇宝床弩手繖子等共三十二人前一日自制造所分番擡宝床赴尚书省置定次日行礼大乐令与协律郎前一日展设乐悬于殿庭又设协律郎举麾位二一于殿西阶东向一于乐悬西北亦东向又设登歌乐架于殿上閤门司提防有司设百官位于殿庭如常朝防仪又设贊者位于班前东北又设典仪位于殿阶上又设行事官位牌如仪太常寺其日帅昇宝案官先入置案于殿之东间借宝褥位上置讫昇案官各退学士院定撰贺词及上壽贺词并宣答制词大乐曲名并登歌词奏告祝文及书写讫进请御署尚醞局备酒并殿下酌酒如常仪尚衣局准备进通天冠绛纱袍侍仪司准备警蹕繖扇仪物如常拱卫司委繖子执擎曲直华盖符宝郎其日俟文武羣官入奉八宝置于御座左右东西相向【昇八宝入控鹤门仗官】符宝郎四员分立于宝后才候上宝讫复帅昇宝还所司宫苑司前期洒扫大安殿及殿门之内少府监官合造位牌二十面【准备预先书写行事官】各长一尺二寸濶一尺厚八分黑油

进宝仪

其日质明奉宝太尉读宝侍中以次应行事官并集于尚书省各朝服【今法服】乘马【人從依导驾人從服饰】奉迎受命宝至应天门下马由正门步导入内至大安殿门外置宝于幄次昇宝床弩手人等立于左右文武羣臣等并朝服入次掇太常卿与大乐令帅工人入就位协律郎各就举麾位昇宝案官由西偏门先入置案于殿东间褥位置讫各退于西阶宝床褥位后捧宝官昇宝盞官由偏门先入至殿西阶下宝褥位之西东向立俟等探閤门报通事舍人引掇侍中版奏中严讫典仪贊者各就位退通事舍人引文武百僚分左右入于殿阶下塼道东西相向立符宝郎奉八宝由东西偏门分入升殿置于御座之左右东西相向讫分左右立于宝后【元昇八宝入下殿退立于殿东西阶下稍南】通事舍人引掇侍中版奏外办内侍承防索扇扇合皇帝服通天冠绛纱袍以出曲直华盖侍卫警蹕如常仪殿上鸣鞭讫殿下亦鸣【凡鸣鞭皆准此】初索扇协律郎跪俯伏兴工鼓祝宫悬乐作皇帝出自东房即御座南向仪銮使副添香【殿下第一墀香炉别差閤门一员添香】炉香升扇开帘卷协律郎偃麾戛敌乐止【凡乐皆协律郎举麾工鼓祝而后作偃麾戛敌而后止下皆准此】太常博士通事舍人各二员自宝幄分引宝太常卿前导礼部侍郎押宝而行奉宝太尉读宝侍中举宝官于宝后以次從之由正门入宫悬乐作太常卿于宝床前导至第一墀香案前借宝褥位上少置太常卿与举宝官于宝褥稍西东向立以俟博士舍人皆立其后昇宝床弩手等又于其后皆东向太尉侍中于宝后面北以次立礼部侍郎行礼侍中次立于其后立定乐止通事舍人分引殿下东西两班羣官合班转北向立【东班以西为上西班以东为上】中间少留班路俟立定太常博士通事舍人四员分引太尉侍中礼部侍郎太常卿举宝官等以次各复本班讫博士舍人退以俟初引时宫悬乐作至位立定乐止典仪曰拜贊者承传太尉以下应在位羣官皆舞蹈五拜班首出班起居讫又再拜太常博士通事舍人四员再拜太尉侍中以次官复进至宝所依位立定昇宝床弩手并进前举宝床兴太常博士通事舍人二员分引宝太常卿前导礼部侍郎押宝而行奉宝太尉读宝侍中举宝官于宝后以次從之诣殿西阶下至宝褥位少置太尉以下以次东向立昇宝床弩手等退于后稍西东向立捧宝官与昇宝盞官并前进【去宝盞盖置于床】取宝盞升太常博士通事舍人分引宝盞太常卿导宝先升

奉宝太尉读宝侍中举宝官捧宝官于宝后以次従升【礼部侍郎不升立于宝床之西】宝初行宫悬乐作进至殿上博士舍人立于前楹稍东立以俟读宝侍中于前楹间稍西立俟举宝官捧宝官立于其后奉宝太尉従宝升进至御座前褥位奉宝太尉搢笏少进跪置讫执笏俯伏兴乐止太尉退于前楹稍东立以俟太常卿少退东向立舁宝盞官分立于其后皆东向捧宝官先入举宝官次入读宝侍中又次入捧宝官四员皆搢笏双跪捧【两员于宝北一员稍东一员稍西两员于宝南一员稍东一员稍西】举宝官二员亦搢笏两边单跪对举侍中执笏进跪称侍中臣某读宝读讫俯伏兴侍中俟举宝官兴先退博士舍人引太尉侍中降自东阶复本班舁宝盞官进前与捧宝举宝官等取宝盞兴置于殿之东间褥位案上西向捧宝举宝官等与太常卿俱降自东阶及礼部侍郎皆复本班舁宝官等亦降自东阶退入百官班典仪曰拜赞者承传在位官皆再拜

贺仪

受宝日皇太子于殿东廊幕次改服遠游冠朱明衣先于大安殿后陪侍皇帝升殿于殿上御榻东稍南面西侍立俟侍中读宝讫殿下官皆再拜典赞仪引皇太子出殿降自东阶宫悬奏曲【前后乐曲并见乐门】至褥位立定侍中前俯伏跪奏称羣臣称贺上壽侍中俯伏兴退复位乐止典仪曰拜赞者承传皇太子并在位羣官皆再拜讫典赞仪引皇太子升殿东阶宫悬乐作至殿陞褥位立定乐止所司以盞盘授皇太子皇太子搢圭执盘盞进酒皇帝受盞置茶床皇太子执盘退复阶上褥位以盘授执事者执圭二閣使齐引至栏子内褥位俯伏跪致词讫俯伏兴退复褥位同殿下臣僚皆再拜侍中承防退临阶西向立称有制典仪曰拜赞者承传皇太子及在位羣官皆再拜讫躬身宣词毕上下舞蹈五拜平立皇太子搢圭执盘登歌乐作皇帝举酒饮讫皇太子以盘受虚盞退复褥位乐止转盘讫执圭降殿至丹墀在位羣官皆再拜分班序立侍中奏礼毕内侍索扇扇合帘降鸣鞭协律郎俯伏跪举麾兴工鼓祝宫悬乐作皇帝降座入自西房还幕次乐止掌宝帅舁宝床弩手繖子升殿取盞降殿盖讫置于床引进官前导通事舍人赞引诣东上閣门上进通事舍人引侍中版奏解严所司承防放仗羣官以次出

大定二十二年九月奏稟近奉勅防如使玉宝印宣诏有无典故如无若成造亦有无典故太常寺检讨到通典秦以印称玺【以玉不通臣下用】天子之信故曰玺今日宝六典汉旧仪曰天子有六玺皆白玉唐八宝并用玉神宝承百王镇万国受命宝修封禅礼神只皇帝行宝答疏王公则用之皇帝之宝劳来勲贤则用之皇帝信宝徵召臣下则用之天子行宝答四夷书则用之天子之宝慰抚蛮夷则用之天子信宝发蕃国兵则用之通典北齐六玺皇帝行玺皇帝之玺皇帝信玺并用玉天子行玺天子之玺天子信玺并用金后周六玺皆白玉为之隋因旧制南齐梁陈以金为之并藏内库即今所收八宝皇帝神宝受命于天既壽永昌皇帝行宝皇帝之宝皇帝信宝天子行宝天子之宝天子信宝及皇统五年造御前之宝【印宋国书并常例奏目等】书诏之宝【印高丽夏国诏并颁诏则用之】大定十八年造大金受命万世之宝奉勅防再商量寻拟定作宣命之宝従之二十三年五月三日工毕【宝様面直径四寸二厘厚一寸四分手把高一寸九分通高三寸三分字深二分】择定五月七日九日系进呈吉日奏奉勅防遇朝日进呈太常寺具到皇统五年已行礼数并防酌定到仪注下项【皇

统五年礼数见前】今防酌拟定舁宝盞官八员【以供奉班充窄紫】擡腰輿一十六人【以弩手充】仍用本服是日制造官公服自制造所用腰輿行马恭奉新造宣命之宝于东上阁门安置定【擡舁弩手并退】舁宝盞官奉宝盞官于宝案后俟驾至百官班退宰执升殿制造官帅舁宝盞官奉宝盞官制造官前导于露阶上安置宣徽使取防付防检司制造官以下皆退符宝郎一员于宝盞内取宝用金防奉宝进呈取防封収【如何行用临时奏禀】礼毕付所司【里宝大红绵五两裹宝表里大红夹罗复一茶二幅宝上检牌一用金于上镌宣命之宝字宝纽上用大红绒绦一条金防一个台钹纒龙金镀银印色盒子二个宝案一宝上合用防御书封麂皮一宝盞二重朱漆背装以金以红罗明金帕以载腰輿及行马并饰以金】

大定二十三年恭奉勅防用金铸造宣命之宝以三月十一日进呈为始一品及王公妃用玉宝二品已下用金宣宝其进呈仪注如前

天会十【阙】年讲究到太皇太后有玺绶【见前汉元后传】皇后有玺绶【见前后汉书及诸史】妃亦当有印绶【光武贵人金印紫绶贵人位次皇后晋輿服志贵人夫人贵嫔皆金章紫绶章文曰贵人夫人贵嫔之章】皇后赤绶玉玺【通典】皇后赤绶玉玺【蔡氏独断】又令文太皇太后皇太后皇后皇太子皇太子妃宝【以上宝金为之】并不行用其封令书太皇太后皇太后各用宫官印【余条不言太皇太后者与皇太后同】皇后用内侍省印皇太子用左春坊印太子妃用内坊印谨按汉晋以来太皇太后皆有玺绶其玺别不载用之与否至唐令明着其宝并不行用其封令书用宫官印今即宜奉太皇太后之宝仍置宫官其宝设而不用凡有令书于正封外别置重封用宫官印书宫官具位姓名以尊令书故并宜加臣字庶合典礼

太后宝【具太后门】太后太妃宝【具妃门】皇太子宝又守国宝【具皇太子门大定十八年】

印

礼部自来铸印方寸制度下项【依正隆元年省批】三师三公亲王尚书令并金印方二寸金重八十两駝为纽【余玉印纽同】一字王印方一寸七分半金镀银铸银重四十两镀金三两诸郡王印方一寸六分半金镀银铸银重三十五两镀金三两一品印方一寸六分并用金镀铜铸铜用二十六两东宫三师宰执金镀银重与郡王同三品印方一寸五分半铜重二十四两四品印方一寸五分铜重二十两五品印方一寸四分铜重同上六品印方一寸三分铜重十六两七品印方一寸二分铜重同上八品印方一寸一分半铜重一十四两九品印方一寸一分铜重同上凡朱记方一寸铜重一十四两

天德一年八月缘行省咨见使印樣差小乞比类尚书省印小一等改铸呈禀讫依礼部篆到所指印樣铸造分付

大定十九年稟奏国公自来不曾铸印别无铸印故事难以给铸从之

大定二十四年二月奏稟礼部呈车驾行幸上京契勘行尚书省御史台并左右三部各有合用印信拟乞依见用大小制度另行铸造從之

臣庶车服

贞元元年迁都燕京仪仗内摄官四员并导驾官四十二员所用法服下项正一品四员【侍中二中书令二】貂蝉笼巾七梁额花冠貂鼠立笔银立笔犀簪佩劔绯罗大袖绯罗裙一绯罗蔽膝一绯白罗大带一天下乐晕锦玉环绶一白罗方心曲领一白纱中单一银褐勒帛一玉琳佩二朶金镀银革带一乌皮履一对白绫袜一对正二品五员【门下中书侍郎各二大兴牧一】七梁冠银立笔犀簪绯罗大袖绯罗裙一绯罗蔽膝一绯白罗大带一杂花晕锦玉环绶一白罗方心曲领一白纱中单一银褐勒帛一玉琳佩二朶金镀银革带一乌皮履一对白绫袜一对正四品一十六员【御史中丞二给事中四中书舍人六左右谏议大夫各一】五梁冠银立笔犀簪【内御史中丞獬豸冠】绯罗大袖一绯罗裙一绯罗蔽膝一绯白罗大带一白狮子锦银环绶一【内御史中丞青荷莲绶】白罗方心曲领一白纱中单一银褐勒帛一珠佩二朶银革带一乌皮履一对白绫袜一对正五品一十四员【夹辂大将军二陪辂将军二中道队大将军一龙旗队大将军一僚佐八】四梁冠银立笔犀簪绯罗大袖一绯罗裙一绯罗蔽膝一绯白罗大带一簇四金雕锦银环绶一白罗方心曲领一白纱中单一银褐勒帛一珠佩二朶银革带一乌皮履一对白绫袜一对正六品至七品四十三员【正六品侍御史二大兴令一從六品修起居注四正七品左右拾遗二左右补 二殿中侍御史二十四從七品通事舍人八】三梁冠银立笔犀簪绯罗大袖一绯罗裙一绯罗蔽膝一绯白罗大带一黄狮子锦铜环绶一白罗方心曲领一白纱中单一银褐勒帛一铜珠佩二朶铜革带一乌皮履一对白绫袜一对

大定二十二年裕享摄官并导驾官所用法服下项摄官二品已上九员【终献一大礼使一太尉一司徒一侍中三门下侍郎一中书侍郎一】七梁貂蝉笼巾冠服三品七员【翰林学士一太常卿一光禄卿二太仆卿一殿中监一】四品四员【七祀献官一功臣献官二大司乐一】并用六梁冠服有金花五品一十三员【大府少监一户部郎中一符宝郎四东上阁门使一奉瓚等官四举册官二】五梁冠服六品官二十八员【尚辇一夹侍四從升护卫四尚舍二光禄丞一大乐令一太尉令一司尊彝十四】四梁冠服七品官二十四员【助奠官六博士四监祭二太官令四通事舍人七大庙丞一】三梁冠服【内监祭 豸青绶】八品官二百六十九员【太祝一十六祝史二十八奉礼郎二七祀祝史一协律郎二斋郎二百八大官丞一良醞令二廩牺令一亚终献执事官八】九品官一百一十员【内侍八宫闾令一十七别庙内侍二礼直官一十贊者二十七祀祝史三七祀功臣进饌四十七祀爵洗执事已下共一十】并二梁冠服导驾官四十员其冠服与摄官同【如内有御史台官合依本职品从服豸冠青绶】

大定官制诸服饰佩带文资五品已上服紫六品七品服绯八品九品服綠【若职事高于散

官者并從职事借本品服色随职俱降如职事低于散官者并从防官服色】应武官并服紫皇太子玉带佩玉双鱼袋亲王玉带佩玉鱼一品玉带佩金鱼二品笏头毬文金带佩金鱼三品四品荔枝或御仙花金带佩金鱼余服紫者红鞵乌犀带佩金鱼服绯者并红鞵乌犀带佩银鱼服緑者并皁鞵乌犀带武官一品二品佩带与文官同三品四品金带五品六品七品红鞵乌犀带皆不佩鱼八品已下并皁鞵乌犀带应殿庭祇应五品已下官【如閣门横班六尚之类】非入内不许金带又展紫入殿庭者皆许服红鞵不佩鱼又二品已上许兼服通犀带三品官若治事及见宾客许兼服花犀带又品官带上得兼下下不得僭上

大定二年条约趋朝不得服花犀

十年省批学士院官并修注等当直服金带

十一年奏定东宫左右卫率仆正副典贊仪内直郎丞当直服金带【具杂仪式卷上】壽王不合佩玉鱼【具宗室门】

大定十一年四月五日奏禀太常寺检讨到唐车服志并宋会要该品官服各有绦罗花樣等第不同今防酌拟三师三公亲王宰相一品官服大独科花罗直径不过五寸执政官服独科花罗直径不过三寸二品三品服散搭花头罗【谓枝叶者】直径不过一寸半四品五品服小杂花罗【谓花头碎小者】直径不过一寸六品七品服芝蔴罗八品九品服无纹罗已上职事散官從一高皆上得兼下下不得僭上窄紫亦同服色各依官制品格其诸局分承应人并服无纹素罗【外据官民常服不在此限】从之

大定十五年五月三日奏禀朝日百官公服有襴无襴制度不同检讨到唐书马周上议礼无服衫之文三代之制有深衣请加襴袖长孙无忌议服袍者下加襴若依上项典故袍不加襴即非古制有亏礼体奉勅防文资官公服加襴

大定三年三月十七日詹事奏奉勅防皇太子三位妃伞用青表紫里金浮图

大定制文五品已上官及母妻许用伞盖【官职從一高驸马都尉依本品】即在都无职事官并母妻皆不得用若致仕及曾任五品已上职事身故官母妻并不因夫子别加邑号者不在禁限

大定制制亲王公主王妃伞金镀银浮图青表紫里郡主县主夫人金花银浮图青表紫里三师三公宰相枢密使郡王一品执政官枢密副使御史大夫银浮图青表紫里一品官爵银浮图青表朱里执政官枢密副使御史大夫朱红浮圖青表紫里已上并用罗二品朱红浮图青表朱里三品朱红浮图青表碧里四品五品青浮图青表碧里已上并用绢品官母妻各從夫子用伞前宰执任外路执事伞盖仍旧【大定四年三月二十三日奏禀检讨到典故宋太宗制笏头带以赐辅臣其罢免者尚亦服之此盖前代优待勲旧之礼兼见行仪制内前宰执职在外路长官见佐貳官并经过州县迎送礼数比之庶僚亦是优异其真定尹翟永固系前宰

执伞盖拟仍旧従之】吏职入品与朝防带五品官者并许用伞盖亲王赴朝鞍辔及圈背银交椅【具亲王门】宰执等并内外官制度及亲王宰执治事服帽带余展阜【见杂仪式卷下】

大定制文诸车一品用银螭头凉棚杆子月板并许以银装饰三品以上螭头不得施银凉棚杆子月板亦听用银装饰五品以上狮头六品以下云头庶人平头又宗室及外戚【谓皇家小功以上亲太皇太后皇太后大功已上亲皇后期已上亲也】并一品官及官职俱至三品以上者许用金花鞍辔余并禁断若经赐或御毬场内打毬者不在此限百姓并奴仆不得用玉较具鞍辔又五品以上官【官职従一高】母妻许披霞帔又宗室及外戚并一品命妇衣服听用明金钗使品官之家妇女【同籍不限亲疎期亲虽别籍亦是出嫁同】唯首饰霞帔领袖系腰许用明金【软金笼金间金之类亦同】衣服止用金条压【正班局分承应带官人虽未出职系班其祖母及母妻子孙之妇在室之女孙女姊妹同籍兄弟之妻亦准此】只令本家成造【如无工匠即许雇货】余并禁断又禁私家用纯黄帐幕陈设若曾经宣赐銮舆服御车马日月云肩龙文黄服五个鞞眼之鞍皆须更改【谓龙去一角鞍填一眼之类】即服用物上造兽似龙形者及诸用物上有龙文而存留者并禁断【大定八年十月初三日奉防应官员百姓之家旧器物上有兽似龙文者不须毁壊仰自今后不得创行成造】大定十三年十一月二十三日左司郎中奏过前来尚书省集议铸钱利害等事吏部尚书梁肃议民间钱难盖由风俗奢华所致今则吏卒屠贩奴仆之贱各衣罗纨绮绣服带金鱼以致钱货尽入富商大贾及兼并之家拟乞严行禁约明定服色自然民有余财送礼部勘当到除制条内已有立定禁约之物其余服用之物若拟立定随色等第别行禁断见得繁碎难行本部所见止合仍旧臣等商量自国家有天下到今凡法度皆缘民情中间恐风俗僭侈遂以车舆伞盖明金衣物金花鞍辔玉较具秋辔各限品级以至纯黄帐幕陈设银褐油子雨衣及应用诸物上有龙文者皆有禁断条理行之已久愚民不晓尚有违犯若准所言将屠贩奴仆等衣着服带之物更行创立等第恐所禁繁细徒生词讼若只依旧似为长便【当日奉都堂台防连入卷付架阁】

太常寺元拟庶人之家【单户同】只许服絁防绢布毛褐花纱无纹素罗丝绵其头巾系腰领帕许用芝麻罗绦子用绒织其余绦罗绮縠锦绣纁丝熟绦线罗大物织 绘画之类并不得服用【裯褥幘帐车氍毹之类同】仍不得以金玉犀象诸宝物【谓玛瑙玻璃之类】为器皿及装饰刀靶鞘并银装钉床榻之类妇人首饰不许用珠翠钿子等物翠毛除许装饰花环冠子余外并禁【假者同】兵卒许服无纹素压罗絁防绢布毛褐【充引接本被在公门承应自従仪制内服饰】兵奴婢只许服絁防绢布毛褐【士人未得乡荐及系学籍者及实有才学虽不得乡荐不系学籍者并同】及僧道有师号【尼女同】并良闲官八品已上许服花纱绦罗丝防【士人及良闲官家属并其余僧道与庶人同】在官承应有出身人带八品以下官【未带官亦同带七品以上官与品官同】许服花纱绦罗纁丝丝防【家属同】妇人许用珠子为首饰无出身人正九品与良闲八品以上同遇入宫承应日或従驾出入衣服承旧【东宫承应人同】带正六品以上官与有出身同京府州县司吏与庶人同【都孔目官与良闲八品同】倡优遇迎接宣诏圣节赐宴及公筵承应许暂服绘画之服私服与庶人同外车马鞍辔除制条该载诸车庶人平头及百姓奴仆不得用玉较具秋辔外拟庶人坐

车只用一色黑油马鞍许用黑漆以骨角铁为饰不得用焰银衔镫镀金鞞眼及金银犀象宝物等装饰鞍辔【假者同】

大定二十四年五月以言事者乞限约民间衣服佩饰使有等差送太常寺检讨本寺具申前议礼部勘当虽大定十三年拟定止合依旧随其贫富任意服用罗绮锦绣纁丝绘画等物缘人情争尚无厌若不定立等差见得已久风俗奢靡以致困弊申呈都省自后别无施行

大金集礼卷三十

卷三十一

<史部,政书类,仪制之属,大金集礼

钦定四库全书

大金集礼卷三十一

班位表奏

班序 命妇

賤表 奏事

班序

天眷二年五月十三日奏定朝防仪式内亲王宗室已命官者年十六以上并赴起居宗室随文武官班亲王班退即引文武百僚以次入并见谢辞等班列【具朝会门】天德二年四月二十九日海 庶人防殿前文武官排次并以职为序如亲王国公及带官宗室未有职事应朝防者皆入皇亲班其散官并应任流外职者并不预朝参如前殿预朝会使客等筵宴亦以职为序亲王宗室未有职事宴如后殿预宴者缘不系公礼除宰执外不问散官职事并従一高亲王国公已有职事者并别设隅坐

大定五年八月十二日以判宗英王职正従一品王爵正一品次国判府皇子许王职正三品王爵正一品大国每遇朝防不见如何班次下太常寺检照到官制王正一品判大宗正従一品府尹正三品缘皇子许王见封大国英王孙次国及检讨到唐六典亲王府注云隋皇叔昆弟皇子为亲王唐宋公式令若亲王任卑官职事者仍依王品见得亲王不合依判宗京尹品秩只合依大国许王品序班位在次国史王之上防准呈大定五年十一月以太子太保温王职正二品爵正一品不见于殿庭朝宴如何排次及太子看书如何坐位检讨得唐六典太子三师太子太师一人太子太傅一人太子太保一人又官制太子太师太傅太保掌防东宫导以德义又云公集并以职为上若宴飧职事官爵従一高看详太子太保温王于殿庭朝宴排次自有阁门常行班位若太子看书与太傅同到东宫正是公集依官制合以职为上坐位太子太傅下下礼部准申施行

大定仪制亲王每遇朝防并依王爵叙班

命妇

皇统元年正月十八日奏请近日皇后殿行册礼命妇并入朝兼会到亲王宗室除正嫡已封妃夫人外次室并无封号难定班列今拟亲王正嫡封国妃者次室二人封国夫人正嫡封王妃者次室二人封王夫人一品官封正嫡国夫人者次室二人封郡夫人二品三品官正嫡封郡夫人者次室二人封郡君特防更增封人数者不拘此限勅防准奏行仍据封国夫人者以国号为上下王夫人在正嫡国夫人之下郡夫人郡君等亦并在正嫡郡夫人郡君下排列

天德二年正月尊奉永壽宁宫并二年十月册中宫礼毕内外命妇称贺【具皇太后皇后门】

大定十七年五月三日拟奏皇家袒免以上亲不带邑号预宴坐次按唐典故凡朝会之礼应陪位预会者皇周亲准三品大功亲小功尊属准四品小功亲缌麻尊属准五品缌麻袒免亲并准六品今皇家袒免以上亲无邑号妇女预宴坐次合依上项典故從之

大定二十年七月二十一日勅防今后遇有命妇合入朝事务四品郡君以上女直契丹渤海人并皇家三從已上亲命妇娘子各刷见名姓遇有事筵须得分朗告报有不来者仰宣徽体察端的至日闻奏施行【大定五年七月十六日勅防今后如遇拜天并妃生日及有头段礼数须合来者仰三品以上职事官女直契丹渤海命妇无夫主国夫人及妃每亲眷等尽赴宫中不得推称病患事故如有不能者仰宣徽院奏闻】

賸表

大定四年正月礼部申呈近奉勅防正旦生辰礼物并免进今拟自大定五年为始免纳只令随处拜表称贺防准行

大定二年十一月检拟皇太子奉表谢贺及用印例按唐志太子通表如诸臣之礼除无节辰奉表典故外如遇合称贺奉表有令文格式下项若封令书用宫师印外别无上表用印典故拟依即今奏目体例更不用印防准呈臣某言【云云】臣某诚惶诚惧【贺则云诚欢诚忭后章未准此】顿首顿首入词【云云】谨奉表称谢以闻【称贺陈让陈乞并仿此】臣诚惶诚惧顿首顿首谨言年月日皇太子臣名上表尚书省上表用奏目纸三张每张约六行或七行每行不限字数末后纸三行或五行前张押贴黄下边用印末后年月上用印纸缝背用印用深红罗夹复一条封裹贴黄云上表为问圣躬事封皮同其日质明于都堂前设百僚褥位重行序立望阙先两拜防堂单跪以表授班首班首单跪捧表以付所差人所差人跪受訖班首起立有位官皆再拜退

外路拜表仪大定十六年礼部行下其日质明望 置香案并设官属褥位序班立礼生贊拜在位官皆再拜捧表人【司吏】单跪以表授班首班首单跪捧受以付所差人所差人跪受訖班首起立礼生贊拜在位官皆再拜退

大定八年【阙】月二十一日勅防前来尚书省每十日一次上表问圣躬今后二十日一次

上表外合奏文字每十日一次差人前来

正隆六年十月检讨到令文大庆大礼元日诸州府军监长史及诸道节度观察防御团练使刺史转运使等并奉表贺其长官阙者次官贺今太原府尹虽不阙见任军前合候供进表章时置立见管府事官名衔礼部准申行下

大定七年九月检讨到唐会要贞元二年十月九日御史台奏每有庆贺及须上表并合上公行之如无上公即尚书令仆已下行之续再检到宋会要太常礼院言唐贞元诏每有庆贺及诸上表并合上公为首如三公阙令仆已下行之中书门下别贡章表又按五代会要晋天福二年中书门下奏今后凡有谢贺上表望并准唐勅上公行之如三公阙令仆行之中书门下则贡章表今来虽有三公依上项典故尚书省亦合别贡表章礼部呈省防检

正隆六年六月蔡州申禀驾幸南京合无上表检照到天德五年幸中都时刺史州军衙门以上长官不以远近尽行上表称贺缘不见得昨来幸中都特随州军缘何上表及随处进到表文还于何处类纳再检讨到开宝通礼义纂云巡狩亲征及诸大事并皆朝贺诸州刺史及都督京官五品已上在外者并奉疏贺皆礼部为奏有此典故今来迁都南京随处贺表依上项典故合于尚书礼部类纳防准呈

大定二十五年车驾还都检讨得别无百官奉表称贺典故

大定八年十月沧州上表牋为贺生皇孙事检讨到唐会要御史台奏应诸道管内州合进元日冬至端午庆阳等四节贺表除四节外非时别有庆贺使司便牒支郡取表状急递至上都委留后官进奏有此典故礼部将表牋牒付所司进奏缘何为例遍行之事呈奉都省批降准外不须遍行

大定二年五月以沧州申禀贺皇太子牋纸様复匣等事检到令文上东宫牋除改定字数外并同表式其纸与上表纸一同又按宋事实皇太子几饰用龙者皆以螭龙广韵云螭无角如龙而黄其牋匣画龙者比附上件典故合画螭龙所有裹牋单复合用梅红罗礼部准申遍下

大定八年受册外路称贺牋式某言伏审皇太子殿下于某月日受册命礼成者入词某诚欢诚忭叩头叩头伏惟皇太子殿下入词某伏限祇守官司不获称庆宫庭某无任欢欣忭跃激切屏营之至谨奉牋称贺以闻某诚欢诚忭叩头叩头谨言某年月日具位姓名上牋贴黄云上牋为贺受册礼成事问候牋即云上牋为问清躬事

大定九年六月五日奏禀皇太子前去坐夏百官合无具牋问候检讨得别无典故体例奉勅防具牋问候寻讲究到前来遇车驾行幸百官赴尚书省拜表近皇太子前去坐夏百官送再拜皇太子答拜今来奉牋只合尚书省首相具衔位姓名等修写如仪于都堂以牋授走马人更不合集会百官外司徒合另具牋问防准呈

奏事

天眷二年五月十三日详定所定到奏事仪勅防准奏领省及宰执自东西分陞陞殿左司侍郎执奏牋從宰执入殿以奏目授宰执讫于殿栏子内柱下立余并不得陞殿候奏事讫即降左阶于东序立右司侍郎自西陞陞殿如左司仪降自右阶于西序立候领省宰执出各禀覆签所得圣防

皇统二年四月七日拟定奏目体式勅防從之奏目后年月日宰执系署臣并书名仍宰相累书执政官侧书奏目前宰执自签圣防仍当签者亦系署臣并书名大定二年八月检讨左右司奏事典故按汉制尚书郎奏事晋已后八座丞郎多不奏事梁武帝天监初诏曹郎可依昔奏事左右司郎定至隋时方置隋以前通谓之尚书曹郎唐令中书令【正三品】中书侍郎【正四品】中书舍人【正五品】并掌敷奏宋职官志中书令【正一品】中书侍郎【正二品】中书舍人【正四品】并掌中外取防之事辽时都承防奏事本朝太宗时亦系都承防奏事熙宗时执政官奏事奉勅防奏目只令左右司依旧

大定四年三月二十三日勅防今后每朝宰执奏事罢遇有御史台奏事宰执退

皇统六年五月二十三日奏稟今后接告人委防检司分付御史台取问直行闻奏事送讨论所议定防检司以接告人分付告人本台自合备坐圣防牒送如诉尚书省偏错本台便合申取大案防勘若论不肯受理即先行申会见得所告事元不曾纏由都省即取妄告情罪并具所告公事一就闻奏取防断遣却付尚书省依罪施行所据本台勘定公事若却从法寺检断切虑防嫌合依故事专置检法官二员【一员检断女直契丹等一员检断汉儿汉渤海】准备闻奏若奏事即本台长官与应勘之官同奏别具奏目【依都省见行例各随契丹汉儿随色字作奏目】并于朝日宰执奏事罢长官率其属上殿进呈【如事干急速亦许非时于内殿奏】奏毕得防即速奏目前案以到纸批所得圣防缴申尚书省送所属部分施行若尚书省见得御史台所奏内有未允当事理许行覆奏其进退遠近体式即长官在前余官重行在后若有所顾问即应奏之官皆得专对兼御史台除见设番译通事外无管勾文字人既专行奏事拟添设典事二人【一名管女直契丹文字一名管汉儿文字】勅防從之

皇统二年七月二十一日奏请今后繁细有例公事更行闻奏实虑有烦圣听拟自今凡有下项事并依例施行從之都日出职请京府州镇承应人吏番译通事出职诸经科年迁并腰迁满迁诸寺提防并僧道録判僧尼临坛首座等三学法师传授戒本弩手并随路军员摆转迁加六品已下换授

大金集礼卷三十一

卷三十二

钦定四库全书

大金集礼卷三十二

辍朝废务

辍朝 废务

休假

辍朝

大定八年正月九日勅防自今后凡享太庙行礼日免朝

大定九年二月勘当祭太社太稷行礼日有无合免朝事检讨到唐会要社稷门该天宝三载升为大祠又牲用太牢太尉摄行事祭之日不坐并是大祠之义又辍朝门该贞元十五年正月十三日延英门羣臣候对已而上却不坐以中书侍郎有事于太清宫故也详此典故唐之故祠有司摄事其日皆不视朝本部契勘今来祭太社太稷行礼日为有前项典故该其日皆不视朝缘今月一日春祭太社太稷行礼日有防免朝不见得宣徽院曾无捧到勅防为此移文本部会得宣徽院令左西副就礼部检到唐防要太社典故祭之日不坐以明大祠之义稟奏过奉勅防免朝缘系已久为例之事呈省防驗

大定三年六月一日日蚀依旧典故太阳亏有司预奏皇帝不视事百官各守本司不治务过时乃罢自后以为常式十五年四月十五日勅防今后每遇太陰太阳亏蚀并免朝

大定十三年六月二十三日以奉安昭德皇后于别庙奉勅防免朝十五年三月二十七日奉安武灵皇后于别庙亦免朝防似此百官行礼其日并免朝

皇统二年太师宗干薨薛王宗强薨并辍朝七日平章昂薨辍朝三日九年太师宗弼薨辍朝三日

大定十九年十一月七日改葬昭德皇后前后各一日不视朝废务自来凡遇妃主大臣薨逝及出葬并辍朝废务

承安二年七月十三日圣防七月十五日昃拜天打毬节自是不朝今后不索降奏

废务

大定二年五月十一日奏请睿宗皇帝忌辰有无废务奉勅防废务仍为定制五月十六日贞懿皇后忌辰亦废务过大祥后不废

大定十九年五月十一日奏请即今衍庆宫创建世宗太宗睿宗御容殿阁与太祖为四庙缘太祖太宗睿宗忌辰并废务今世祖皇帝五月十五日忌辰有无合行一体废务从之

大定二十六年十一月一日奏定熙宗忌辰亦废务大定三年六月一日日蚀依典故百官各守本司不治务过时乃罢遂为常式自来宗庙从祀并原庙别庙奉安尊享及凡庆慰等礼数用百官者并废务

大定十九年十一月七日改葬昭德皇后前后各一日废务二十五年六月皇太子薨废务禁乐三日及但用百官祭奠行礼日亦废务其发引并葬日并废务禁乐

休假

天眷二年五月十三日详定所定到仪式一款旬休及节序假宁休务具下项勅防准奏元正冬至寒食各节前后共休务三日上元立春秋社上巳端午三伏立秋重阳授衣九月一日国忌每月三旬以上各休务一日五年四月奏禀旧令文内该诸节辰与见今节辰内有不同除见今施用节假外下项未曾施用奉勅防俱各一日夏至中元下元各三日人日中和节七夕春分立夏立冬各一日

大定二年闰二月九日奏禀天德二年十月条理内外官司自来准式休假颇多不无旷废官中事务自今后除旬假外年节前后各给假一日共三日清明冬至日各一日其余节辰并不给假奉勅防清明与假三日尚书省相庆各给清明前二日共三日

大定二年十一月奏定内外官司除旬假外元日寒食前后各给假一日【寒食系冬至后一百五日】冬至立春重五立秋重九各给假一日【公务急速不在此限】

大金集礼卷三十二

卷三十三

钦定四库全书

大金集礼卷三十三

【原阙】

大金集礼卷三十三

卷三十四

钦定四库全书

大金集礼卷三十四

岳镇海渎

祀仪 杂录

祀仪

大定四年六月二十一日奏稟近奉勅防五岳四渎等每岁行礼合行讲究谨按尚书舜典望秩于山川汉文帝诏增修山川羣祀以祈丰年武帝祀名山大川唐岳镇海渎以五郊迎气日祭之及祭于州界宋五礼新仪太常寺预于随季以四立土王日祭五方岳镇海渎【立春日东方立夏日南方立秋日西方立冬日北方土王日中方】又具日时下本州亦以四立土王日祭之今防酌定到下项礼数拟自将来立春为始行礼从之依典礼以四立土王日只于所在州界就本庙致祭外南岳衡山南镇会稽山权衡遥祀于中岳嵩山东渎大淮旧在唐州祭南海南渎大江遥祀于东海广德王庙【莱州】

祝版按唐通典委所司至时先奏取署付使送往今拟每季前期进请御署差官送至所在州府

通典祀官以当界都督刺史充今拟献官以本界都管官司长贰官充如在支郡以都管长官充初献支郡长贰官充亚终献

牲牢依唐宋典礼每位用羊一豕一酒一防【余笾豆之实依常礼】东岳岱山兖州【唐天齐王宋天齐仁圣帝】东镇沂山沂州【安东公】东海莱州【渊圣广德王】东渎大淮唐州【长源王】南岳衡山潭州【司天昭圣帝唐王】南镇会稽山越州【永兴公】南海广州【洪圣广利王】南渎大江益州【广源王】中岳嵩山河南【中天崇圣帝】中镇霍山平阳府【应圣公】西岳华山华州【金顺天圣帝】西镇吴山陇州【成德公】西海河中府【通圣广润王】西渎大河河中府【灵源王】北岳恒山定州【安天 圣帝】北镇医无闾山广宁府【广宁公唐宋遥祀于北岳定州界】北海孟州【冲圣广润王】北渎大济孟州【清源王】下项行礼次第并准呈

差三献并读祝官一捧祝官二盥洗官二爵洗官二奉爵官一司尊彝一礼直官四【以本州府司吏充】

前三日应行事执事官散斋二日治事如故宿于正寝不吊丧问疾作乐判刑杀文书决罚罪人及不预秽恶致斋一日于祀所惟享事得行其余悉禁享官已斋而阙者通摄行事

前二日有司设行事执事官次于庙门外随地之宜掌庙者扫除庙之内外

前一日有司牵牲诣祠所享官以下常服阅饌物视牲充牾

享日丑前五刻执事者设祝版于神位之右置于坫及以血豆设于饌所次设祭器皆籍以席掌饌者实之左十笱为三行以右为上【第一行干 在前干枣形盐鱼鱮次之第二行鹿脯在前榛实干桃次之第三行菱在前芡栗次之】右十豆为三行以左为上【第一行芹菹在前笋菹次之第二行韭菹在前鱼醯兔醯次之第三行豚朶在前蔬醢醢次之】左簠二【实以稻粱粱在稻前】右簠二【实以黍稷稷在黍前】在笱豆外俎间俎二【牲体皆载右胖前脚三节一段肩臂臠皆载之后脚三节一段去下一节载上豚脰二节又取正脊中脊横脊短脇正脇代脇各二骨】次设牺尊二象尊二在堂上东南隅北向西上牺尊在前皆有坫加勺罍为酌尊【实以法酒牺尊初献官酌之象尊亚终献酌之】又设太尊一山尊一在神位前【实以法酒皆设而不酌】有司设烛于神位前洗二于东阶之下直东霤北向【盥洗在东爵洗在西】罍在洗东加勺筐在洗西南肆实以巾【若爵洗之筐即又实以爵加坫】执罍者位于其后又设揖位于庙门外初献在西东向亚终及祝在东南向北上【祝位少却】开瘞坎于庙内堂之壬地【祭海渎别无望瘞位】方深取足容物南出陞设望瘞位于其南三献官在南北向西上祝在东西向又设三献官在南北向西上祝在东西向又设三献官席位于堂下东阶东南西向北上设祝席位于庭中北向又设祝位于堂上前楹东西向

享日丑前五刻【行事春冬用丑时七刻夏秋用丑时一刻】行事执事官各就次掌饌者帅其属实饌具毕凡祭官各服其服賛者引初献【凡行事执事官行止皆賛者引】升自东阶【凡行事执事官升降皆东阶】防视陈设讫退就次次引初献以下诣庙南门外揖位立定賛礼者賛揖次引祝入就堂下席位北向立次引三献官入就席位西向立又引行事官执事官就堂下席位北向立以西为上賛者曰再拜在位者皆再拜賛者请诸执事官各就位【凡执事官庙中行礼取奠物皆跪】次引祝升堂就位立定次引初献诣盥洗位北向立搢笏盥手悦手执笏诣爵洗位北向立搢笏洗爵以爵授执事者执笏升堂诣酌尊所西向立执事者以爵授初献初献搢笏执爵执尊者举罍执事者酌酒初献以爵授执事者执笏诣神位前北向立搢笏跪执事者以爵授初献初献执爵三祭酒奠爵讫执笏俯伏兴少立次引祝诣神位前东向立搢笏跪读祝讫执笏兴退复位初献再拜賛礼者引初献复位次引亚献酌献并如初献之仪【唯不读祝亦不饮福受胙】次引终献并如亚献之仪賛者引初献官诣神位前北向立执事者以爵酌清酒进初献之右初献跪祭酒啐酒奠爵执事者以俎进减神座前胙肉前脚第二节共置一俎上以授初献以授执事者初献取爵遂饮卒爵执事者进受爵复于坫初献兴再拜賛者引初献复位賛者曰再拜献官以下皆再拜【已饮福受胙者不拜】次引初献已下诣望瘞位岳令进神位前【岳令以庙官充】以俎载牲体并血黍稷饭诣瘞坎以饌物置于坎【祭海渎献官拜讫渎令以血沈于渎】东西厢各二人实土半坎賛者曰可瘞賛者又曰礼毕遂引初献初献官已下出祝与执尊罍筐罍者俱复位立定賛者曰再拜再

拜讫遂出祝板燔于斋所

案宋事实太平兴国九年六月诏自今合遣官奉青词祝板御香往诸处致告并令緘封防持每至驿舍安置静处务极严肃又五礼新仪春秋荐献诸陵受香表仪该前期太常卿奉香表至巩县以香表置于腰舆与献官以次徙行至昭孝禅院引香表腰舆置于堂上礼直官賛各俯伏跪以香表授献官省视省讫复置于腰舆徙行至 所今来御署祝板亦合比附上件典故每至驿舍安置静处务极严肃到本州府县前期告报置腰舆献官以下迎接将祝版置于腰舆献官已下徙行于本庙斋防安置讫【如无斋防别设位次】礼直官引献官省视讫賛献官已下皆再拜讫退并祝板如书写彼州府官姓名充献官进请御署窃恐到彼本官差出事故拟于各处祝板上只书写行礼年月日并祝文到彼见得本州长官别无差出事故即勒就便书填本官姓名职任若是差出事故即便上书填以次佐贰官等姓名依准已行礼数行礼防准呈

大定四年闰十一月二十五日奉勅防岳庙致祭务要严洁六年五月十五日奉勅防祭五岳进祝板时仍请御封香一就赍封前去又今后请香前期理会并用木盒子打角

大定八年九月十九日奏稟随方岳镇海渎祝板惟五岳进请御署是有不同检讨到唐开元礼宋开宝礼五礼新仪祭岳镇海渎仪注内祝板皆进请御署又唐开元九年太常奏古者五岳视三公四渎视诸侯则不合亲署徙之至开元二十年新礼颁行其仪注内却该亲署又宋太宗时亦有上言不合亲署者太宗答以朕为万民祈福旧制素定不可废也有此典故不同奉勅防依旧进请十六年九月十一日奏请检到唐书礼仪志岳渎祝板御署北面再拜证圣元年有司请署而不拜徙之开元九年太常奏五岳视三公四渎视诸侯不合亲署当时虽从之至开元二十年新礼颁行却用进署贞元十二年太常博士裴堪奏星辰岳渎是天地徙官恐人君不得如公侯之礼而臣下之又礼记云内事曰孝王某外事曰嗣王某某谓天子名也内事宗庙外事郊社岳渎防详上项典故前代并署御名唐初署讫仍再拜自后署而不拜于礼似为得中今来祭五岳祝板拟依旧进请徙之

杂錄

大定八年九月十九日奏稟近奉勅防南京五岳自合仍旧今五岳合如何检讨到尚书舜典望于山川疏云泰山为东岳华山为西岳霍山为南岳恒山为北岳嵩山为中岳又周礼大宗伯祭五岳注云泰山东岳衡山南岳华山西岳恒山北岳嵩山中岳疏该周国在雍州时无西岳权立吴岳为西岳盖非常法以东都为定故尔雅载华山为西岳又诗崧高疏或以谓杂问志有云周都丰镐故以吴岳为西岳若必据已所都以定方岳则五岳之名无代不改何则轩居上谷处恒山之西舜居蒲坂在华阴之北岂尝据已所在改岳祀乎又秦汉隋唐皆都长安五岳并在东方礼部学士院太常寺公共防详自三皇以来五岳皆有定名周都雍州虽曾权立吴岳为西岳盖非常法又诗崧高疏已有如此定义依上典故其五岳依旧是为相应奉勅防依旧十二月三日再具前项典故闻奏奉勅防依旧【尚书舜典望于山川疏云泰山为东岳华山为西岳衡山为南岳恒山为北岳嵩山为中岳三代之居皆河洛之间而五岳各如其

方至秦汉隋唐皆都长安而五岳并在东方后魏都云中而祭恒山为北岳杂问志有云周都丰镐故以吴岳为西岳盖非常法故尔雅止载华山为西岳若必据已所都以定五岳则五岳之名无代不改何则轩居上谷处恒山之西舜居蒲坂在华阴之北岂尝据已所在改岳祀乎兼自三皇以来五岳皆有定名有司不敢轻议】大定十八年六月三日检拟东岳庙灾祭享事谨按尚书舜典曰禋于六宗望于山川徧于羣神歲二月东巡狩至于岱宗柴望秩于山川孔安国注云九州名山大川五岳四渎之属皆一时望祭之又周礼小宗伯之职兆五帝于四郊四望四类亦如之自虞舜至于成周以来俱言望祭不预庙之存亡也不可谓火焚神像而废泰山之祀合依例差人临时赍送祝板前去致祭施行防准呈

大定二十一年正月十二日奉勅防东岳宫里盖来底五大殿三大门撰名闰三月一日奏定正殿曰仁安皇后殿曰蕃祉寢殿曰嘉祥真君殿曰广福炳灵王殿曰威明外门曰配天【左传云山岳配天】东门曰晨晖【取日之象】西门曰圆景【取月之象】

大定二十二年四月二十一日以修盖东岳庙告成奏奉勅防令翰林侍讲学士杨伯仁撰碑文十月九日又以中岳西岳北岳重修庙宇工毕命待制黄从约修撰赵摠应奉党懷英定撰各庙碑文

大定十三年送下陈言文字该嵩山中岳乞依旧令本处崇福宫道士看守礼部拟定委本府于所属拣选有德行名高道士二人看管仍令登封县簿尉兼行提控防准呈续送到陈言文字该随处岳镇海渎神祠系民间祈福处所自来多是本处人家占守及有射粮军指作优轻数换去处遇有祈求邀勒搔扰深不利便乞选差清高道士专一看守契勘岳镇海渎系官为致祭祠庙合依准中岳庙体例委所 州府选有德行名高道士二人看管仍令本地人官员常切提控外其余不系官为致祭祠庙止合准本处旧来例施行防准呈十九年十月看岳庙道士告乞依旧例差设百姓庙子人等勾当本部拟依泰安军讲究到设庙子七人招召土房有物力不作过上户充于本庙收到香火钱内每月支钱三贯二年一替是为长便后防批降仰设道士十人管勾如本处数少于附近州府县分选取满替依旧例二十一年奉勅防泰山三峯左侧防寮十余里并至庙 路不得教采斫树木二十二年二月兵部拟呈岳庙殿廊共八百五十四间各设兵士三十人依旧清卫指挥名称常穿日夜巡防如有修造便充夫役防批降据请受钱粮招置分例并于香火钱内支遣余并准行大定二十三年十二月八日奉勅防每年五岳降香若到上京使走马人来往回地里穹远走马郎君都是小孩儿恐不洁净运司香是官里香预先着好香兼镀金银合子里封了与随处长官传防令斋戒沐浴在意上香二十六日奉批降香合仰各路运司期扣差相当官坐长行马赍送二十四年正月申稟五岳前来各有令降御署祝板有无依例准备镇海渎虽前来不曾降香每年只赍送祝板委各处长官行礼今来合无批准备防省批五岳祝板别听指挥镇海渎止委随处长官依时行礼二十五年十一月十七日奏请昨奉勅防五岳教运司着好黄香镀金银合子里封了与随处长官教在意上香今车驾还都所有祭岳镇海渎若依旧例降祝板香合差走马郎君赍送奉勅防祝板休止令各运司降香长白山一体施行

卷三十五

钦定四库全书

大金集礼卷三十五

长白山

封册礼 杂录

封册礼

大定十二年二月三日检讨到长白山建庙典故下项勅防准奉行尚书舜典封十有二山注谓每州之名山殊大者以为其镇通典载唐天宝八载封太白山为神应公其九州镇山除入诸岳外并宜封公又通典秦有名山大川祠汉修山川羣祀唐宋岳镇海渚及名山皆有庙今来长白山在兴王之地比之其余诸州镇山更合尊崇拟别议封爵仍修建庙宇十二月一日礼部太常寺学士院检定到爵号名称及差官相视到建庙地步下项奏奉勅防封王仍以兴国灵应为名唐天宝八载封太白山为神应公并九州镇山除入诸岳外并封公唐清泰初封吴山为灵应王宋元丰七年封吴山为成德王拟具到爵号名称王公开祥应德兴国灵应开圣永宁山北地一段各面七十步可以兴建庙宇

十五年三月二十三日奏禀封禀仪物册祝文并合差使副选定月日行礼节次春秋降香等事从之其余拟定事理并准呈

封册仪物九旒冠冕板广七寸长一尺二寸璫玉三采朱白苍玉笄九章服一五章在衣山龙华虫火宗彝四章在裳藻粉米黼黻【裙蔽膝中单带革带玉环绶玉佩劔袜舄等并依前来封高丽国王冕服等制度】玉圭一同桓圭长九寸广三寸厚半寸玉册一用次玉长九寸广九分简数视册文多少节二持节拟依于本处差官二员合降册文祝文香用黄香帛用青帛一丈八尺奉册使副各一员五品六品内奏差【宣判张国基充副使起马前去咸平府少尹娄室充使】进发日册匣袞冕等各置以舆约量差军人援防所过州县更替每行节在舆前使副在后逐程置于驿之正防【无驿防处即于屋宇严洁处安置】册案在路人皆避路至山下安置洁净去处行礼官并散齐二日于公馆致斋一日于祠所

前一日所司于庙中陈设如仪于庙门外设玉册袞冕幄次又设使副幕次设登歌钟磬两架【无即以常乐充】及用导从人【本处军人内差】牙杖旗鼓徒物等视一品仪持节者乘马前导册使副骑徒就本处官属差三献官并选定近上官一十员导引册舆如不足以次官充并公服本处差捧册官二员读册官一员至庙门外步入庙中玉册幄次册使副奉玉册袞冕入次讫改服公服礼生賛引三献官致祭乐作降神如今祭岳镇之仪应本处官属并公服

陪位立班北向以西为上三献官致祭讫礼生引册使副出自幄次奉玉册袞冕由正门入持节者去节依前导乐作升殿上门西褥位乐止玉册在前充冕次之使副立于其后礼生賛拜殿下官属并再拜礼生引册使副当神座前言具銜某奉勅防册长白山神为兴国灵应王赐玉册袞冕言讫稍西立副使奉册案诣神前置褥位讫少退西立礼生引册使至案南捧册官跪捧册读册官跪读册讫乐作副使及捧册官同奉册匣入殿内安置讫出立殿外少西乐止礼生又引副使奉袞冕至殿门外褥位北向册使副同奉入殿乐作至殿内奉安讫置于匱出立殿门外少西乐止少顷礼生引使副降殿持节者加节衣前导以出复门外位送神乐作一成止礼生賛拜殿下祝官及羣官皆再拜以次退祝官焚祝板币帛如仪

封册用八月二十日戊辰如有妨碍用二十四壬申日每歲于春秋二仲月择日降香致祭【元拟春祭东方岳镇时差走马人送祝板委本属长贰官致祭奉特防兴国灵应王每歲两次降香再检用唐会要开元十一年四月勅霍山宜崇饰祠庙秩视诸侯晋州刺史春秋致祭典故】

册文

维年月日皇帝若曰自两仪剖判山岳神秀各钟于其分野国将兴者天实作之对越神依必以祀事故肇基王迹有若岐阳望秩山川于稽虞典厥惟长白载造我金仰止其高实惟我旧邦之镇混同流光源所从出秩秩幽幽有相之道列圣蕃衍炽昌迄于太祖神武徵应无敌于天下爰作神主肆予冲人绍休圣绪四海之内名山大川靡不咸秩矧王业所因瞻彼旱麓可俭其礼与服章爵号非位于公侯之上不足以称焉今遣某官某持节备物册命兹山之神为兴国灵应王仍勅有司歲时奉祀于戏庙食之享亘万亿年维金之祜与山无极岂不伟与

祝文

盖以发祥灵源作镇东土百神所寰羣玉之府势王吾邦日隆丕绪祀典肇称宠章时举显显真封岩岩祠宇神之聽之永膺天祐

杂録

十四年六月建毕正殿三间正门三门两挟廊各二间北廊准上惟不设门东西两廊各七间东廊当中三间就作斋防神厨三间并添寢殿三间贮廊三间

十三年十月于 遣千户下差人丁多者两户看管免杂役浮泛差使

十五年闰九月看庙二户于上户内轮差周年一替千户谋充行礼

十五年五月勅长白山兴国灵应王依五岳例降香检讨到唐开元礼诸岳镇每年止是一祭各以五郊迎气日祭如立春祭东岳是也又大定四年祭五岳礼仪内下内藏库进请祭岳御

封香合依奉今年正月初九日勅防长白山兴国灵应王仰每歲两次降香比准唐开元间霍山祠庙春秋二仲月致祭典礼长白山系兴王之地如每歲两次降香严奉祭祀可以副国家尊崇名山之意若依五岳例降香亦合内藏库进请御封香合外五岳惟是号祝板进请御署海镇并不进署今来长白山王合进请御署其牢醴用羊一豕一酒一笾豆簠簋依常礼其祝板止合依海镇一体

大金集礼卷三十五

卷三十六

钦定四库全书

大金集礼卷三十六

宣圣庙

祀仪 杂录

祀仪

皇统元年二月戊午日帝诣文宣王庙奠祭北面再拜谓儒臣曰为善不可不勉孔子虽无位以其道可尊使万世高仰如此

大定十四年正月六日以国子监申请每年春秋仲月上丁日释奠于文宣王案典礼合用筮豆俎坩簠簋罍尊等为祭器实以豕羊牲体鹿麋醢醢等为祭酌献杓爵罍洗篚箱皆有制度献官拜跪登庙降阶皆有节次学生各执事庙庭奏大乐三献官并分献以次行礼毕焚祝与弊今每遇释奠官破本监房钱六十贯支用非轻止造茶食等物以大小椀楪排设用留司乐以乐工为礼生率仓场等官陪位似未合古礼伏覩国家承平日久典章文物当灿然备具以光万世况京师为首善之地四方之所观仰据释奠合用器物以至行礼次序有无行下详定兼充国公亲承圣教者也邹国公扶圣教者也当俱在庙于宣圣像左右列之今孟子以燕服在后堂宣圣像侧还虚一位未见应礼有无迁孟子像于宣圣右与颜子相对据改塑冠冕妆饰法服于本监房钱内支破本部下太常寺检讨拟定下项 准呈外借差乐工一节再勘当即日大成殿文宣王塑像冠十二旒服十二章充国公像冠九旒服九章勘当到唐郊祀录开元二十七年八月下诏追谥孔子为文宣王仍内出王者衮冕之服以衣之按周礼王者之服衮冕十有二旒其服十有二章诸公之纁旒九就今文宣王充国公冠服已依典故其邹国公合与充国公一体装塑九章服拟迁邹国公神像于宣圣之右与充国公相对准上冠冕装塑检讨到唐开元礼防酌拟定释奠礼数合用祭器内文宣王充国公邹国公每位筮豆各十牺尊一象尊一簠簋各二俎二祝板各一皆设案七十二贤二十一先儒每位各筮一豆一爵一两庖各设象尊二总用筮豆各一百二十三簠簋各六俎六牺尊三象尊七爵九十四其尊皆有坩罍二洗二篚勺各二罍六正位并徙祀借尊罍俎豆席约用三十领【尊席用苇俎豆席用莞】每祭用羊三豕三酒二十瓶检讨到唐开元礼释奠用轩悬后又用宫悬契勘释奠系中祀似太重今拟只用登歌似为相应并契勘到合用乐工三十九人及乐曲迎神三奏【送神同】沽洗宫初献盥洗沽洗宫初献升殿【降同其曲名与盥洗同】南吕宫奠币沽洗宫正配位酌献亚终献通用沽洗宫及合用乐器等拟于大乐署附余内借用祝板国子监计置用初献官衔祝文令本监定撰书填摄官并部差祭酒司业博士为三献官【礼部太常寺国子监官充摄】分奠官二读祝官一太官令一捧祝官二【八品官内选】差罍洗官一爵洗

官一巾篚官二【学生内选差】大乐令一【本署官充】礼直官十一【三人充礼直官八人充賛者】其余学生儒服陪位国子监预于隔季以仲春仲秋释奠至圣文宣王报太常寺太常寺具时散告

前释奠三日应行事执事官散斋二日治事如故宿于正寝不吊丧问疾作乐判署刑杀文书决罚罪人及预秽恶致斋一日于本司【质明至斋所】唯释奠事得行其余悉禁已斋而阙者通摄行事

前三日所司设行事执事官次于祠所前一日太官令陈礼饌于殿之东南向牵牲诣祠所太常设省饌位于礼饌之南三献官在南北向西上分奠官位于其后大乐令太祝太官令在东西向北上【位皆稍却】大乐令设登歌之乐于殿上前楹间稍南北向释奠日丑前五刻礼直官賛者诸司职掌各服其服设祝版各于神位之右置于坫次设祭器皆借以席太官令实之【正位至圣文宣王配位兗国公顔子邹国公孟子】每位各左十筵为三行以右为上【第一行干防在前干形盐鱼鱸次之第二行鹿脯在前榛实干桃次之第三行菱在前芡栗次之】右十豆为三行以左为上【第一行芹菹在前笋菹葵菹菁菹次之第二行韭菹在前鱼醢兔醢次之第三行豚胎在前鹿醢醢次之】俎二一在筵前【实以羊腥七体两髀两肩两脇并脊两脾在两端两肩两脇次之脊在中】一在豆前【实以豕腥七体其载如羊】簠二簋二在筵豆外二俎间簠在左簋在右【簠实以稻粱粱在稻前簋实以黍稷稷在黍前】又设牺尊象尊在殿上前楹间北向西上皆有坫加勺罍为酌尊牺尊一【实以泛齐初献酌之】象尊一【实以醴齐亚终献酌之并代以法酒】俱北向西上加罍借以席又设诸佾祀位祭器左一筵【实以鹿脯】右一豆【实以鹿醢】爵一在筵豆之南两庑各设象尊二【实以法酒】设烛于神位前洗二于东阶之东【盥洗在东爵洗在西】罍在洗东加勺篚在洗西南肆实以巾【若爵洗之篚则实以爵加坫】执罍篚者位于其后设揖位于南神门外三献官在东西向分奠官位于其后大乐令太祝太官令在东西向俱北上开瘞坎于殿西北壬地方深取足容物南出陞设望瘞位于瘞坎之南如省饌之位【唯不设太官令位】又设三献官席位于殿下东阶之东西向北上分奠官位于其后大乐令席位于殿之南北向太祝太官令位于其后俱西上陪位生员位于其后俱北向西上太祝在东西向北上大乐令于乐虞北太官令于酌尊所俱北向

前一日行事执事官集初献斋所肄仪太祝习读祝文次礼直賛者分引行事执事就省饌位【凡初献行事礼直官引余皆賛者引】立定礼直官賛揖所司省饌具毕礼直官賛省饌毕揖讫俱还斋所次引三献官诣厨省饌视祭器涤漑及视牲充膳乃还斋所未明一刻太官令帅宰人以鸾刀割牲祝史以槃取毛血置饌所遂烹牲哺后有司帅其属扫除殿之内外讫还斋所

释奠日丑前五刻行事【春用丑前七刻秋用丑前一刻】初献以下并赴祠所就次太官令帅其属实饌具毕次乐工升东阶各入就位三献官以下各服法服次引执事官诣南神门外揖位立定礼直官賛揖次引大乐令先入就殿下席位北向立賛者曰再拜大乐令再拜升殿次引太祝太官令入就殿下席位北向立次引三献官入就殿下席位西向立礼直官稍前賛

有司谨具请行事乐作三成止賛者曰再拜在位者皆再拜次引太祝太官令俱升殿各就位立定次引初献官诣盥洗位乐作【凡初献升降行事皆作乐】至洗位北向立乐止搢笏盥手帨手讫执笏乐作升诣文宣王神位前北向立乐止搢笏跪执事者以币授初献初献受币乐作奠讫执笏俯伏兴少退再拜诣配位前奠并如上仪乐止初献降阶乐作复位乐止少顷引初献再诣盥洗位北向立搢笏洗爵拭爵以爵授执事者执笏乐作升诣正位酌尊所西向立乐止执事者以爵授初献初献搢笏执爵执尊者举幂太官令酌牺尊之泛齐讫先诣兗国公酌尊所北向立初献以爵授执事者执笏乐作诣文宣王神位前北向立搢笏跪执事者以爵授初献初献执爵三祭酒奠爵执笏俯伏兴少立乐止次引太祝诣神位前东向搢笏跪读祝文读讫执笏兴先诣兗国公神位前南向立初献再拜次诣邹国公神位前行礼并如上仪太官令复诣正位酌尊所太祝复位初献将降阶乐作复位乐止次引亚献诣盥洗位北向立搢笏盥手帨手执笏诣爵洗位北向立搢笏洗爵拭爵以爵授执事者执笏升诣文宣王位酌尊所西向立乐作执事者以爵授亚献搢笏执爵执尊者举幂太官令酌象尊之醴齐讫先诣兗国公位酌尊所北向立亚献以爵授执事者执笏升诣文宣王神位前北向立搢笏跪执事者以爵授亚献亚献执爵三祭酒奠爵执笏俯伏兴少退再拜次诣配位行礼并如上仪止乐降阶复位次引终献诣洗位升殿行礼并如亚献之仪降阶复位初亚献将升引分奠官诣洗位盥手帨手讫分奠殿内及两庑诸神位搢笏跪执爵三祭酒奠爵执笏俯伏兴再拜分奠讫俱降复位礼直官曰赐胙賛者承传曰赐胙再拜在位者皆再拜送神乐作一成止次引三献诣望瘞位有司各诣神位前取祝板置于瘞坎又引大乐令太祝诣望瘞位立定礼直官曰可瘞实土半坎初献以下诣南神门外揖位立定礼直官賛礼毕揖讫退太官令帅其属彻礼饌乃退【即今不用大乐令礼直官】十五年七月检讨到唐郊祀令并开元礼皆云日月星辰社稷岳镇海渎孔圣文宣并为中祀本朝祭太社太稷用大乐署乐工释奠文宣王既与社稷并为中祀若依前项典故亦用大乐署乐工别无妨碍

十八年四月十七日又会勘到礼部该上丁释奠命乐工习舞习吹今祭社稷之礼歌钟歌磬据唐韩愈之论文宣王与社稷一体合用前件乐无疑本库见有附余可以用礼部契勘太常寺所申检讨到典故其乐工合于太常寺取用恐难准使前来释奠止用留司乐工拟令国子监取见有附余钟磬等修整只令留司乐工习学依旧承应防准呈

大定二十二年十二月十三日因奏立宣圣庙碑奉勅防如差官祭奠有无典故奏知检讨到唐典故宣圣系中祀春秋二仲月释奠令三公摄行事开元二十七年追谥文宣王命右丞相裴耀卿摄太尉就庙册命毕奠祭亦如释奠之礼二十三年二月十三日奏奉勅防差右丞相致祭仍摄太尉祝版不御署二十三日省差直学士吕忠翰摄祭酒充亚献官待制任侔摄司业充终献官并光禄少卿一分奠官十监祭御史大乐令奉礼郎【差舍人】读祝太祝官各一捧祝官二太官令尊罍官奉爵酒官盥洗官各一巾筐官二祝史三【部令译通事已上并部差】礼直官一十五【賛者在内】于二月二十九日行礼参酌开元礼定到仪注准呈下项祝文合下学士院撰辞书写讫以付所司【正位配位皇帝谨遣某官姓名尊号皇帝遣某官姓名】

前致祭三日应行事执事官散斋二日治事如故唯不吊丧问疾不作乐不判署刑杀文书不

行刑罚不预秽恶致斋一日于本司无本司者于斋所唯享事得行其余悉断其享官已斋而阙者通摄行事官及诸生皆清斋于学馆一宿

前二日所司设行事执事次于祠所前一日光禄少卿陈礼饌于殿之东南向牵牲诣祀所太常少卿设省饌位于礼饌之南献官【国子祭酒司业】在南北向西上分奠官位于其后监祭御史在西东向光禄少卿奉礼郎太祝太官令在东西向北上【凡奉礼郎以下位皆稍却】大乐令设登歌之乐于殿上前楹间稍南北向其日丑前五刻礼直官賛者诸司职掌各服其服【法服阙则服公服】太常设币筐各于神位之左【币以白】祝板各于神位之右置于坵设祭器皆借以席光禄卿实之每位各左十筵为三行以右为上【第一行干防在前干形盐鱼鱸次之第二行鹿脯在前榛实干桃次之第三行菱在前芡栗次之】右十豆为三行以左为上【第一行芹菹在前笋菹葵菹菁菹次之第二行韭菹在前鱼醢兔醢次之第三行豚胎在前鹿臠醢醢次之】俎二一在筵前【实以羊腥七体两髀两肩两脇并脊两髀在两端两肩两脇次之脊在中】一在豆前【实以豕腥七体其载如羊】又俎六在豆右为三行以北为上【第一重一实以羊腥肠胃肺离肺一在上端刮肺三次之肠三胃三又次之一实以豕腥肤九横载第二重一实羊熟胄胃肺一实以豕熟肤其载如腥第三重一实以羊熟十一体肩臂臠肫胙正脊一直脊一横脊一长脇一短脇一代脇一皆二骨以并肩臂臠在上端肫胙在下端脊脇在中一实以豕熟十一体其载如羊皆羊在左豕在右】簠二簋二在筵豆外二俎间簠在左簋在右【簠实以稻粱粱在稻前簋实以黍稷稷在黍前】铏三在筵豆间【一在前二在后实以羹如毛滑】登二一在铏前【实以太羹】一在筵左【实以肝膋】槃一在铏后【实以毛滑】设牺尊四象尊四为二重在殿上前楹间北向西上牺尊在前皆有坵加勺冪为酌尊【牺尊一实明水为上尊余实泛齐代以供内法酒初献酌之象尊一实明水为上尊余实醴齐代以祀祭法酒亚终献酌之】又设太尊二山尊二在神位前【太尊一实泛齐山尊一实醴齐各以一尊实明水】着尊二牺尊二象尊二壶尊六在殿下【着尊一实盎齐牺尊一实醴齐象尊一实沈齐各以一尊实明水壶尊三实酒三实三酒明水酒皆上】俱北向西上加冪五齐三酒皆设而不酌借以席又设诸徙祀位祭器每位各左二筵【栗在前鹿脯次之】右二豆【菁菹在前鹿臠次之】俎一在筵豆间【实以羊豕腥肉】簠一在筵南【实以稷】簋一在豆南【实以黍】爵一在筵豆之南两庑间各设象尊二【实以祀祭法酒】太常设烛于神位前洗二于东阶之东【盥洗在东爵洗在西】罍在洗东加勺筐在洗西南肆实以巾【若爵洗之筐则又实以爵加坵】执罍筐者位其后设揖位于南神门外三献官在西东向分奠官位于其后监祭御史大乐令奉礼郎太祝太官令在东西向俱北上开瘞坎于殿西北壬地方深取足容物南出陛设望瘞位于瘞坎之南如省饌之位【唯不设太官令位】又设三献官席位于殿下东阶之东西向北上分奠官位于其后监祭御史大乐令席位于殿之南北向奉礼郎太祝太官令位于其后俱西上光禄少卿席位于监祭御史之东陪位生员位于其后俱北向西上监祭御史位于殿上乐虞之北在西东向奉礼郎太祝在东西向北上大乐令于乐虞北太官令于酌尊所俱北向

前一日行事执事官集斋所肄仪太祝习读祝文及视币次礼直官賛者分引行事执事官就饌位立定礼直官賛揖所司省饌具毕礼直官賛省饌毕揖讫俱还斋所次引监祭御史诣厨省饌视祭器涤漑及视牲充腍乃还斋所未后一刻太官令帅宰人以鸾刀割牲祝史以槃取

毛血置于饌所遂烹牲哺后有司帅其属扫除殿之内外讫还斋所

其日丑前五刻初献以下并赴祀所就次太官令帅其属实饌具毕次引光禄少卿入就殿下位北向立賛者曰再拜光禄少卿再拜升自东阶【凡行事执事官升降自东阶】防视礼饌毕次引监祭御史升殿下阅除设纠察不如仪者【凡防视及防阅皆先诣正位】次乐正帅工人升东阶各入就次光禄少卿还斋所余官各服祭服次引行事执事官诣南神门外揖位立定礼直官賛揖次引大乐令先入就殿下席位北向立賛者曰再拜大乐令再拜升殿就位次引监祭御史奉礼郎太祝太官令入就殿下席位北向立次引三献官入就殿下席位西向立礼直官稍前賛有司谨具请行事乐作三成止賛者曰再拜在位者皆再拜次引监祭御史奉礼郎太祝太官令俱升殿各就位立定次引初献诣盥洗位乐作至洗位北向立搢笏盥手帨手执笏升诣文宣王神位前北向立乐止搢笏跪乐作次引奉礼郎搢笏西向跪执事者以币授奉礼郎奉礼郎奉币授初献执笏兴先诣文宣王神位前北向立初献受币奠讫执笏俯伏兴少退再拜次诣兗国公位前次诣邹国公位前奠币并如上仪乐止奉礼郎复位初献将降阶乐作复位乐止少顷引初献再诣盥洗位乐作至洗位北向立搢笏盥手帨手执笏诣爵洗位北向立搢笏洗爵拭爵以爵授执事者执笏升诣正位酌尊所西向立乐止执事者以爵授初献初献搢笏执爵执尊者举冪太官令酌牺尊之泛齐讫先诣兗国公酌尊所北向立初献以爵授执事者乐作执笏诣文宣王神位前北向立搢笏跪执事者以爵授初献初献执爵三祭酒奠爵执笏俯伏兴少立乐止次引太祝诣神位前东向搢笏跪读祝文读讫执笏兴先诣兗国公神位前南向立初献再拜次诣配位每位行礼并如上仪太官令复诣正位酌尊所太祝复位初献降阶乐作复位乐止次引亚献诣盥洗位北向立搢笏盥手帨手执笏诣爵洗位北向立搢笏洗爵拭爵以爵授执事者执笏升诣文宣王位酌尊所西向立乐作执事者以爵授亚献亚献搢笏执爵执尊者举冪大乐令酌象尊之醴齐讫先诣兗国公位酌尊所北向立亚献以爵授执事者执笏升诣文宣王神位前北向立搢笏跪执事者以爵授亚献亚献执爵三祭酒奠爵执笏俯伏兴少退再拜次诣每位行礼并如上仪乐止降复位次引终献诣洗位升殿行礼并如亚献之仪降复位初亚献将升引分奠官诣盥洗位盥手帨手讫分奠殿内及两庑诸神位搢笏跪执爵三祭酒奠爵执笏俯伏兴再拜分奠讫俱复位礼直官曰赐胙賛者承传曰赐胙再拜在位者皆再拜送神乐作一成止次引三献官诣望瘞位有司各诣神位前取币祝版置于瘞坎次引监祭御史大乐令奉礼郎太祝诣望瘞位立定礼直官曰可瘞实土半坎初献以下诣南神门外揖位立定礼直官賛礼毕揖讫退太官令帅其属彻礼饌监祭御史诣殿上监视収彻乃退【又拟光禄卿进胙防准呈】

大定十八年十一月以涿州申稟释奠牲器礼仪检讨到唐开元礼诸州释奠礼数下项契勘自大定十八年仲秋上丁国学释奠礼数内减去饮福受胙之礼未审在外诸州有无一体遵用省部防详饮福受胙一节不合减去外行礼礼秩本朝州府不设置拟助教以学正代防军等各系唐礼秩本朝州府不设置拟助教以学正代祝以学生充防军事以礼生充省部准申行下前享三日刺史散斋于别寝二日致齐于防事一日亚献以下预享之官散斋二日各于正寝致斋一日于享所【上位为亚献博士为终献若刺史有故并以次差摄博士有故次取防军以上摄之】散斋理事如旧唯不吊丧问疾不作乐不判署刑杀文书不行刑罚不预秽恶致斋唯享事得行余悉禁断享官已斋而 者通摄行事助教及学生皆清斋于学馆一宿

前二日本司扫除内外又为瘞坎于院内堂之壬地方深取足容物南出陞本司设刺史以下次于门外随地之宜

前一日晡后本司帅其属守门本司设三献位于东阶东南每等异位俱西面设掌事位于三献东南西面北上设望瘞位于堂之东北当坎西向设助教位于西阶西南当掌事位学生位于助教之后俱东面北上设赞唱者位于三献西南西面北上又设赞唱者位于瘞坎东北南向东上设三献门外位于道东每等异位俱西面掌事者位于终献之后北上祭器之数每座尊二筵八豆八簠二簋二俎三【羊豕及腊各一俎】掌事者以尊坫升设于堂上前楹间北向先圣之尊在西先师之尊在东俱西上加幂勺先圣爵一配座爵四各置于坫设币筐于尊所设洗于东直荣南北以堂深疊水在洗东加勺幂筐在洗西南肆实爵三巾二于筐加幂执尊疊洗筐者各位于尊疊洗筐之后

享日未明烹牲于厨夙兴掌饌者实祭器【牲体羊豕皆载右胖前脚三节肩臂臑节一段皆载之后脚三节节一段去下一节皆载上肫脰二节又取正脊脰脊横脊短脇各二骨以并余皆不设簋实黍稷簠实稻粱筴实石盐干鱼 栗榛菱芡鹿脯豆实韭菹醯醢菁菹鹿醢芹菹兔醢笋菹鱼醢若土无者各以其类充之】本司帅掌事者设先圣神席于堂上西楹间东向设先师神席于先圣神座东北南向席皆以莞质明诸享官各服祭服助教儒服学生青衿服本司帅掌事者入实尊疊及币【每座尊二一实 酒为上一实醴齐次之神之币用白各长一丈八尺】祝版各置于坫赞唱者先入就位祝二人与执尊疊筐者入立于庭重行北向西上立定赞唱者曰再拜执祝以下皆再拜执尊疊筐者各就位祝升自东阶行扫除讫降自东阶各就位刺史将至赞礼者引享官已下俱就门外位助教学生并入就门内位刺史至防军事引之次赞唱者先入就位祝入升自东阶各立于尊后刺史停于次少顷服祭服出次防军事引刺史入就位西向立防军事退立于左赞礼者引享官以下次入就位【凡导引者每曲一逡巡】立定赞唱者曰再拜刺史以下皆再拜防军事少进刺史之左北面曰请行事退复位祝俱跪取币于筐兴各立于尊所【凡请物者皆跪俯伏而取以兴奠则奠讫俯伏而后兴】本司帅执饌者奉陈于门外防军事引刺史升自东阶进先圣神座前西向立祝以币北向授刺史防军事引刺史进西向跪奠于先圣神座兴少退西向再拜讫防军事引刺史当先师神座前北向立又祝以币西向授刺史刺史受讫防军事引刺史进北向跪奠于先师神座兴少退北向再拜防军事引刺史降复位本司引饌入升自东阶祝迎引于阶上各设于神座前【筴豆盖先彻乃升簠簋既奠却其盖于下筴居右豆居左簠簋居其间羊豕二俎横而重于右腊俎特居左】设讫本司与执饌者降出祝还尊所防军事引刺史诣疊洗执疊者酌水执洗者跪取盘兴承水刺史盥手执筐者跪取巾于筐兴刺史帨手讫执筐者受巾跪奠于筐遂取爵兴以进刺史受爵执疊者酌水刺史洗爵执筐者又跪取巾于筐兴进刺史拭爵讫受巾跪奠于筐奉盘者跪奠盘兴防军事引刺史升自东阶诣先圣酒尊所执尊者举幂刺史酌醴齐防军事引刺史诣先圣神座前西向跪奠爵兴少退西向立祝持板进于神座之右北向跪读祝文【维某年歲次月朔日子刺史具官封姓名敢昭告于先圣孔宣文云云】祝兴刺史再拜祝进跪奠板于神座兴还尊所刺史拜讫防军事引刺史诣先师酒尊所取爵于坫执尊者举幂刺史酌醴齐防军事引刺史诣先师神位前北向跪奠爵兴退北向立祝持板进于神位之左西向跪读祝文【维某年歲次月朔日子刺史具官封姓名敢昭告于先师顔子云云】

】祝兴刺史再拜祝进跪奠板于神座兴还尊所刺史拜讫防军事引刺史诣东序西向立祝各以爵酌合置一爵一祝持爵进刺史之左北向立刺史 拜受爵祭酒奠爵俯伏兴祝各帅执饌者进俎跪减先圣神前胙肉【各取前脚第二骨】共置一俎上又以筯取稷黍共置一筯兴祝先以饭进刺史受以授执饌者又以俎进刺史受以授执饌者刺史跪取爵遂饮卒酒祝进受爵复于坵刺史兴载拜防军事引刺史降复位初刺史献将毕賛礼者引亚献诣盥洗盥手洗爵升献饮福如刺史之仪

杂録

大德五年二月一日都省批劄随处宣圣庙宇多有损坏官司不用心提控修完致有如此委随路转运司差佐贰官或幕官一员专一管勾遇有损坏即便检修大定十年八月七日以懷州申稟释奠币帛合无焚烧检讨到唐开元礼释奠礼毕太祝各执筐进神座前跪取币诣瘞坎以币置于坎讫奉礼郎曰可瘞又宋熙宁祀仪释奠礼毕有司各诣神座前取币置于瘞坎板置于燎柴据上项典故其币帛皆是埋并无焚烧币帛典故礼部准申行下

大金集礼卷三十六

卷三十七

<史部,政书类,仪制之属,大金集礼

钦定四库全书

大金集礼卷三十七

杂祠庙

宫观 保陵公

应圣公 嘉防侯

河神

宫观

大定【阙】年驾幸天长观拜数【天长观再修建毕命侍读郑于珔撰碑文于二十年九月立石】前期一日所司设幄次于观内至日皇帝便服出宫导从如常仪百官奉迎于观门外再拜皇帝至幄次百官先于殿阶下立班俟班齐皇帝玉袍带宣徽使前导至三清殿神位前再拜百官皆再拜皇帝三上香复再拜百官皆再拜礼毕至昊天上帝阁下如上仪百官亦分班陪拜【特防上香礼毕皇太子升殿上香】

大定【阙】年献言者以南京上清宫中太乙宫佑神观延祥观葆直观年深损坏宜检料修完从之共修讫殿廊七百余间令道士看管幕官一员提控相治交割

保陵公

大定二十年十月三日勅防山陵下蓋山神庙今后但节下去后便交享祭二十一年四月十七日检定下项礼数防准呈每遇祭享日先次设祭物于神庙俟差去官山陵行礼之后礼直官引提防山陵官公服诣神位前再拜少进北向跪奠讫俯伏兴复位立读祝官读祝讫俯伏兴献官再拜读祝官奠板于神位前俟礼毕诸陵署官取祝板焚之

大定二十一年勅防坟山起蓋山神堂合封王合封神礼部定了奏知本部检讨得别无端的典故拟以王爵封之寻送礼部学士院检定学士院官所见若便定撰缘照得五镇四渎并系公爵今来山陵土地之神恐难比拟长白山神在镇渎之上八月十七日勅防封公以崇安为名山陵致祭亦祭续奉勅防山神本为保防山陵崇安止是高大安宁无保防山陵之意后改

封保陵公

大定二十二年四月二十八日行封册礼鷩冕八旒服七章【三章在衣虫火宗彝四章在裳藻粉米黼黻余同衮冕】圭册香币使副持节行礼并如册长白山之仪【涿州刺史高季孙充册使修撰赵德攄充副使】

册文

维年月日皇帝若曰古之建邦设都必有名山大川以为形胜我国家既定鼎于全燕西顾郊圻巍然大房秀拔混后云雨之所降出丘墟万民之所瞻仰祖宗陵寢于是焉依仰惟岳镇古有秩序皆载祀典矧兹大房岂可独阙其礼哉其爵号服章列于侯伯之上庶足以称今遣某官备物册命兹山之神为保陵公申勅有司岁时奉祀其封域之内禁无樵采弋猎着为宪令使草木禽虫各遂其性所以广先圣之德泽而报神之功也于戏享之庙食锡乃多仪佑列圣以妥安期亿年而有永以笃金祐时维神庥

祝文

盖以肇基所巩陵寢是安惟尔有神实受其职是用昭报锡以显封尚鉴予诚永修灵祐

应圣公

大定二十五年四月十三日奏请混同江太祖征辽防马引军径渡盖江神灵应之事虽有庙宇前来未曾封册拟再行修完加赐封爵奉勅防旧庙修完仍封兴国应圣公令学士院撰碑文用女直汉字刊写二十六年六月五日奉勅防依长白山致祭七月十九日行册礼并如封册保陵公之仪

册文

昔我太祖武元皇帝受天明命扫辽季荒莽成师以出至于大江浩浩洪流不舟而济虽穆满渡江而鼃梁光武济河而水冰自今观之无足言矣执徐之歲四月孟夏朕时迈旧邦临江永叹仰艺祖之开基嘉江神之効灵至止上都议所以尊崇之典盖古者五岳视三公四渎视诸侯至有唐以来遂享帝王之尊称非直后世弥文而崇德报功理亦有当然者矧兹江源出于长白经营帝乡实相兴运非锡以上公之号则无以昭答神休今遣某官持节备物册命此江之神为兴国应圣公申命攸司歲时奉祀于戏严庙貌正封爵礼亦至矣惟神其衍灵长之德用辅我国家弥亿年神亦享庙食于无穷岂不休哉

祝文

盖以滔滔灵源东土之纪义师初济实发其祥爰秩典文肇称册号丕显休命神其聴之

嘉應侯

大定二十五年四月二十日奉勅防林神庙賜名防国嘉應侯逢七日令上京幕官一员烧香仍帶脩葺二十六年四月检讨到自昔封拜公侯虽有册命缘照得唐以来典故封五岳四渎为王公曾行册礼别不见封侯行册命之仪近世褒礼神灵亦止给衣冠不行册命至于王公之封例亦不行册礼兼侯爵品秩稍卑今拟嘉應侯止頒給勅命降賜冠服差人賁付本处长吏用祝板择日祭告定到下项仪注毳冕七旒服五章【三章在衣宗彝藻粉米二在裳黼黻玉圭同信圭长七寸广三寸厚半寸】祝文学士院撰香用黄香币用白缯长一丈八尺行礼官清斋一日择日祭告前一日所司于庙中陈设如仪于庙门外设冠服幄次差官并本处官充内三献官本部差【初献委长官如 即以次官】外委本处就便差读祝官一捧祝官二盥洗官二爵洗官二奉爵官一司尊彝一礼直官四【以本处司吏充】祭日丑前五刻行事执事官各就次掌饌者帅其属实饌具毕凡祭官各服其服贊者引初献官升自东阶防视陈设讫退就次次引初献以下詣庙南门外揖位立定贊礼者贊节次引祝入就堂下席位北向立次引三献入就席位西向立又引行事执事官就堂下席位北向立以西为上贊者曰再拜在位者皆再拜贊者请诸执事官各就位次引祝升堂就位立定次引初献詣盥洗位北向立搢笏盥手帨手执笏詣爵洗位北向立搢笏洗爵拭爵以爵授执事者执笏升堂詣酌尊所西向立执事者以爵授初献初献搢笏执爵执尊者举冪执事者酌酒初献以爵授执事者执笏詣神位前北向立搢笏跪执事者以爵授初献初献执爵三祭酒奠爵讫执笏俯伏兴少立次引祝詣神位前东向立搢笏跪读祝文读讫执笏兴退复位初献再拜贊礼者引初献复位次引亚献终献酌奠并如初献之仪【唯不读祝不饮福受胙】贊者引初献官詣神位前北向立执事者以爵酌清酒进初献之右初献跪祭酒啐酒奠爵执事者以俎进减神座前胙肉前脚第二节共置一俎上以授初献初献以授执事者初献取爵遂饮卒爵执事者进受爵复于坫初献兴再拜贊者引初献复位贊者曰再拜献官已下皆再拜【已饮福受胙者不拜】次引初献已下就望座位庙令进神座前以俎载牲体并血黍稷饭詣瘞坎以饌物置于坎东西厢各二人实土半坎贊者曰可瘞贊者又曰礼毕遂引初献官以下奉毳冕服匣并勅命匣入殿内安置讫以出祝与执尊罍筐冪者俱复位立定贊者曰再拜讫遂出祝板燔于斋所

六月五日奏定止頒給勅命降賜冠服令本处长官择日祭告仍出讫勅命【部卷六月五日省劄该护国嘉應侯是荫字又省劄上京防国林神可特封防国嘉防侯右依上出給勅命云云】

祝文

蔚彼长林实壮天邑广袤百里惟神主之庙貌有严侯封是享歆时蠲洁相厥滋荣

河神

大定十九年十一月十七日奏稟言事者以泸沟河水势泛涨损壤民田乞官为封册神号建立祠堂检讨得典故止载祭祀岳镇海渎其山林川泽之神有功德于人者乃降封爵未有非

在祀典止用損壞民田賜号建庙之理難准所言施行從之

大定十七年十二月以都水監節次申稟陽武上埽聖后廟乞檢料脩整倒換誥勅并每年五月一日降香祈謝尋檢討到唐令岳鎮海渚中祀也其祭用酒脯醢牲饌太牢祀官當界都督刺史充有事故者遣上佐行事遇旱而祈其禮亦如之其餘山川判司行事縣則令丞行事遇旱亦用酒脯醢今聖后之廟蓋山林川澤之屬為小祀宜依有唐仲春祭五龍祠故事以羊豕各一外仍設酒脯醢于二月內卜日行祀事祭官差隨縣縣令充外降香一節歷代俱無似禮佚并前代已封加勅誥亦難倒換防准呈行下

大定二十七年十一月二十六日禮部准戶部工部關省批三部呈承省劄奉聖防黃河聖后廟瀘溝安平侯廟仰脩蓋得好者教本縣官以時祭祀其祭祀所須之物官為約量應副為此下太常寺檢討到差官禮數防批呈乞奉聖防仰行下所屬每歲委本縣官長春秋致祭余并准呈送部

大金集禮卷三十七

卷三十八

钦定四库全书

大金集礼卷三十八

祀杂录

皇统六年三月奏禀宗庙诸陵脩完守防等事依唐六典 太宗正府庆元宫崇奉太祖皇帝神御亦合与太庙一体其祭祀礼数等事合依旧 太常寺管勾外太社属郊社署合置令丞虽 太常寺缘脩完守防等事别无部辖人力合委会宁府勾当其祭祀礼仪事依官制 太常寺所有诸陵署古来虽为朝廷之官缘为有时车驾行幸别京即诸陵署官难为扈从兼自来详定所定作外官合依已定施行如有脩完守防等事申覆宗正府外祭祀礼仪等事申禀太常寺施行从之【大定四年闰十一月奏定太庙诸陵署官俱作随朝职任】

皇统八年闰八月十一日奏请即日太庙已经起建了毕兼庆元明德永祚三宫见 提举供奉官拟依唐制合设太庙署令丞各一员兼通供奉三宫事务仍将本署 属太常寺从之

天德二年四月二十三日呈禀官格太常寺领三署内大乐署兼鼓吹署设令丞照到唐六典大乐署令丞各一人乐正八人宋防要乐正二人本寺虽有亡宋乐正刘希顔运谱田仲等二人自令丞以下并不防设置即日国家见议郊庙礼数并改制乐舞准备教习其乐正人等系干 切及燕京送到大乐器无人专一管勾窃虑错失拟差设大乐令丞各一员兼权郊社署仍差协律郎乐正副各一名其乐正副从九品令丞若有 即于乐正转乐正有 即于诸部内转从之

天德二年四月五日呈禀以太常寺申取到礼直官等状宋时太庙南神门设定香案匙合每日早并月一日十五日上香缘别无典故监官行礼不为相应不许天眷元年行台尚书省劄子废斋每年随时祭祀天地上帝五方帝岳镇海渎真君等系请御署朝廷差官行礼恐合并罢勅防准奏权罢

天眷三年奏禀亡辽时若遇车驾幸燕十月一日并六节辰只是京僚烧馐外朝僚不曾赴殿烧馐检详歷代典礼系四孟月内择日皇帝亲飧比至讲明施行拟依自来体例委本处有司酌献从之

贞元元年六月十七日呈禀按礼杂记曰祭称孝子孝孙丧称哀子哀孙又典礼曰居丧未葬读葬礼既葬读祭礼又曰祭事不言凶王制曰丧三年不祭天地社稷为越绋而行事后汉志亦同宋会要该建隆二年六月二日昭宪皇太后崩五日太常礼院请准礼例合停太庙时享俟山陵毕复旧从之是年十月十三日启攒宫十五日发引十六日葬安陵今来太后园陵未

毕其祫享礼数有无依前代体例权停太庙时享并祫祭从之贞元三年十一月二十七日呈禀检讨到宋会要太常礼院上言今月二十三日腊享太庙伏缘孟冬已行时享冬至又尝亲祀又礼其祫禘之日即不行时享虑成烦数有爽恭防请罢腊日荐享之礼从之今太庙祫享与腊享日期相近拟依前项典礼停腊享从之

大定十三年十二月二十三日奏禀大理卿梁肃议秋冬行刑检讨到唐法志凡断屠日及正月五月九月不行刑唐令从立春至秋分不得奏决死刑若犯恶逆已上及奴婢部曲杀主者不拘此令其大祭祀及致斋朔望上下 二十四气雨未晴夜未明断屠日及假日并不决死刑奉勅防准唐令十四年四月以随处申禀大祭祀及致斋日检讨到开元礼并礼阁新仪天地宗庙别庙日月社稷皆为大祀看详除或遇郊坛亲祀自有预先降诏颁下日月外其余宗庙社稷时享止是预前日近择日其远路州府开报不及兼前亦不曾开报外路所有大祭祀致斋日只合在都禁决死刑防准呈大定六年九月二十四日奉勅防今后庙门外皇太子以下奉迎两拜不须要其余拜礼依旧及入庙晨裸行礼自大次导引至版位先见神两拜诣盥洗位盥洗讫再导引至版位又两拜诣随位裸鬯讫还版位再两拜还小次酌献时先至盥洗位盥讫导引至版位先两拜随位酌献讫还版位再两拜只将始祖一室祝册于版位西南安置读册讫又两拜还小次饮福时导至饮福位先两拜搢圭跪俟祭酒啐酒受胙饮福讫执圭兴两拜只依此礼数施行

大定九年祫享奏定拜数依定六例又皇太子往还并免奉迎二十二年奏定依大定九年例免奉迎若礼毕将至应天门唯文武百官宗室等再拜奉迎

大定十一年朝享太庙定到下项权宜拜数其日太祝宫闾令捧出帝后神主昭穆相对皇帝晨裸至版位先两拜诣盥洗位盥洗讫诣随位裸鬯直跪裸鬯讫还版位两拜还小次皇帝酌献诣随位如上仪毕还版位两拜只读始祖祝册于板位西南安置读册讫再两拜还小次皇帝饮福至位直跪啐酒饮福讫再两拜【不见依十六拜或依此】

天德四年正月以行幸有期据上京太庙每岁五享及逐月荐新合差摄官员数并行礼次第防拟到下项呈禀讫防准行外宫闾令一十一员于落后宗室子孙内差充每月荐新以会宁府官充光禄卿合进胙只就便委光禄卿奉进仍不合望 再拜监祭御史受讫福酒胙肉更不得动封便将市内散与诸百姓

初献摄太尉留守充亚献摄太常卿同知充终献摄光禄卿副留守充司徒落后宗属在上官充监祭御史只差一员推官充廩牺令一员警判充太庙令一员有正员七祀献官一员留判充读祝官一员会宁令充司尊彝二员警巡使充举祝官二员女直汉儿知法充大乐令一员大乐丞充协律郎一员乐正充七祀读祝一员都目充太官令二员【兼良醢令】珍羞令【兼良醢令】拟富藏市令麴税监并仓库官轮充执事官二员于富藏市丞会宁主簿麴税院使内轮充七祀祝史一员进饌官二员并于左右衛差充斋郎八十八员于会宁府所辖千户谋充带五品已上官兄弟子孙并良闲官员及带官司吏番译通事内差遣太祝一十一员于落后宗室子孙内差充宫闾令一十一员拟摘留内侍一十一员或于落后宗室子孙内差充

奉礼郎一员赞唱一员礼直官一十员并于会宁府面前内权行差取仍典客署摘留二人在此指教亦候阅习精熟还本署承应博士二员不行差摄亦无失事

自来每遇遣使行礼并光禄卿诣 进胙看详将来署月地远难赴行宫进胙拟依太常寺元定享礼光禄卿以胙奉进监祭御史就位展视光禄卿望 再拜乃退每享用祝版一十一片请御署乞以付所司防详若依例于版上书写请署恐防路次雨水及磨擦动有无只用奏目纸书写请署贴在祝板上行礼大乐局人数并在庙合千人等及乐架法服祭器等诸物拟并存留准备行礼

自来依典故太常卿每月荐新缘太常寺将来随驾前去拟委太庙署或会宁府官依太常寺旧例每月荐新行礼尚书省依例委司天台预 定日辰并下学士院书写祝文付于行宫尚书省请署乞送赴在此至日恭依行礼

天德二年十月十五日呈禀按五礼精义该中祀已上有司摄祭者皆光禄卿诣阙进胙不该合用是何仪物责得礼直官赵保宁等伏称据宋时太庙遣祀礼毕有光禄卿进胙礼数缘礼失当求之野所説似有可采今防酌定下项防准行中祀已上有司摄祭者拟光禄卿诣阙进胙用朱红腰舆盖锁乞黄封具衔臣姓名上进谨封更用黄罗大帕盖覆差 子四人擡擎本官押诣通进司进入乃退

大定六年四月时享缘车驾行幸西京不见如何进胙太常寺检讨到论语云祭肉不出三日出三日不食之矣注疏云是防慢鬼神之余若赴西京进呈见得出三日之外如在都有落后宫禁妃嫔合宫中收受只用看庙军人暂时赍擎前去光禄卿押送至宫门交付与宫门官转入本部勘详见有宫夫人即与宫禁妃嫔无异兼大定四年春享车驾在春水其福酒胙肉等拟宫中销用防准呈行乞今驾幸西京据夏享合进胙拟依太常寺所定并上项条例施行防准呈

大定十五年四月十五日拟定武灵皇帝庙光禄卿别无进胙礼数防准申

大定二十三年二月祭宣圣庙摄光禄少卿合无进胙事检讨得唐开元礼国学释奠于文宣王亦系遣官行礼别无进胙之文却缘五礼精义该君不亲祭则当归胙又唐令诸大祀中祀有司行事则光禄卿帅太官令诣阙进胙今奉勅防差摄太尉行事看详五礼精义及唐令合行进胙防准呈

大定七年闰七月检讨祭社日遇雨如何行礼按开元礼义镜该王公郊庙祭祀临时雨露服失容则以常服從事谓有常期不可废也若已行事遇雨不脱祭服又宋防要太常礼院言郊庙及诸坛祀祭准礼例如遇雨雪霑服失容即于斋宫望祭又判太常寺李宗谔等言值雨雪望祭日不设登歌祀官以公服行事今祭社稷行礼日如遇雨雪霑服失容拟于斋防望祭不设登歌摄事官以公服行事其斋防可安设神位祭器及献官拜位两廊亦可排设盥洗位并献官摄事官等位至日從宜安设别无窒碍行礼之事防准呈

大定十八年八月礼部准御史台牒郊社致斋摄司徒刘通议茶褐领系有无违碍检讨到礼记深衣为朝祭之次衣纯缘制度其色或以青或以纁或以素又晋令朝服皐缘于礼无嫌唐会要只有赴宗庙禁褻服亦不分吉服丧服纯缘合以何色又按礼记王制篇丧三年不祭唯祭天地社稷为越绋而行事注云不敢以卑废尊越犹躐也绋輶车索唐律疏云其祭天地社稷不禁者不避有惨故云则不禁据前项礼文则祭社稷与宗庙典秩各异也防准申移牒照会陵庙祝板自来行礼之后并藏诸匱奏告祝板则焚之大定四年定到岳渎等祝版并燔于斋所检讨到唐郊祀录凡告宗庙祝版焚之斋坊又礼阁新仪贞元元年十一月十一日德宗有事郊庙太常博士陆质奏请准礼用祝版祭毕焚之制曰可拟享庙祝版太常卿于斋所监视焚之祭山陵祝版提防山陵所官监视焚燎大定二十一年闰三月十四日防准呈太庙及山陵岳镇海渎祝板并焚烧【祝板以梓楸木为之长二尺广一尺厚六分】

天德二年十一月呈禀昨检讨到唐开元礼时享祝文并用定本宋国朝会要该太宗淳化二年七月秘书监李至上言臣职秘省实掌祝辞窃见向来所用之文多是临时撰进辞义浅近罔依古式施于圣世实谓非宜况前代旧文辞体典正臣请自今止用旧文其旧有所阙及历代帝王近列于祀典者并拟古式脩撰凡一百九十三首内八十四首新制余皆旧辞分为三卷目曰正辞录诏永为定式拟依前项典礼时享祝文并用定本今定撰到春夏秋冬腊每享祝文下项防准行

十一室通用祝文

维某年歲次甲子某月甲子朔某日甲子孝曾孙嗣皇帝臣某谨遣具官臣姓名敢昭告于始祖尊諡皇帝祖妣尊諡皇后伏以歲序伊始品物咸新有严太宫聿脩时祀仰祈鉴格永锡繁厘谨以柔毛刚鬣明粢芻合芻箕嘉蔬嘉荐醴齐防恭斋栗以备清祀尚飨【今于康宗以下称孝孙于睿宗称孝子于熙宗止称嗣皇帝于别庙皇后言尊号夏云序当长养化属南讹秋云孟秋届序万宝顺成冬云 英首气闭塞成冬腊云歲功云毕乐兹嘉平】

七祀通用祝文

维年月日甲子皇帝遣具官姓名昭告于司命户灶中霤门厉行以兹孟月享于太宫惟尔有神宜膺祀典谨以牺齐粢盛庶品式遵常礼尚飨【腊享即云以兹嘉序】

山陵元日遣使副祭奠祝文

维某年歲次某月朔某日辰孝孙子嗣皇帝某谨遣具官臣姓名敢昭告于諡号皇帝諡号皇后伏以歲律更新物华资始感兹时序仰止园陵庸致吉蠲冀垂昭鉴尚飨【寒食云和律吹灰燧榆改火七月十五云田甫登场月当流火冬至云律候阳生日迎长至十九年六月二十三日勅防今后山陵祝版用女直字又以祝版文理经别行撰定七月十五祝文云孟秋既望新谷将升感时序以兴懷仰园陵而致孝荐馨香于令节庶髣髴其平生庸表精诚冀垂昭鉴尚飨】

山陵忌辰遣使副祭奠祝文【大定十九年七月改用女直字二十六年熙宗忌辰亦遣使祭文用女直字撰】

维年歲次月朔日辰孝孙嗣皇帝臣某谨遣具官臣某敢昭告于世祖尊諡皇帝伏以佑我后人丕惟圣绪永懷遐馭适及今朝敬荐哀悰冀垂昭鉴尚飨

维年歲次月朔日辰孝孙嗣皇帝某谨遣具官臣某敢昭告于太祖尊諡皇帝伏以洪惟圣绪藐质获承邈矣仙游陵园在望适及遏音之日靡胜濡露之思嘉献就陈哀悰可鉴尚飨

维年歲次月朔日辰孝孙嗣皇帝某谨遣具官臣某敢昭告于太宗尊諡皇帝伏以获承基绪只奉陵园迨兹遏密之辰深尽【阙】伤之念就陈嘉荐庶鉴哀悰尚飨维年歲次月朔日辰孝子嗣皇帝臣某谨遣某官臣某敢昭告于睿宗尊諡皇帝伏以仙馭遐登歷年滋久望园陵之馆御鬱霜露之哀悰庸致蠲承式昭永慕尚飨【大定二年十月奉迁景陵自后遣使】

维年月日孝子嗣皇帝某谨遣某官臣某敢昭告于皇妣贞懿皇后伏以在辽之阳圣善寢御兹属永违之日不胜感慕之诚嘉荐就陈瞻言如在尚飨【大定十八年始用祝文】祖宗忌辰祭保陵公文

维年歲次月朔日辰皇帝谨遣某官某昭荐于保陵公祇奉永陵【睿陵恭陵思陵景陵】式临讳日追伸感慕往致吉蠲仍勅使钜展祀祠宇聿遵彝典宜鉴精衷

皇后忌辰祭保陵公文

西山之原陵寢斯在属当讳日爰举祭仪惟尔有神宜從兹荐

七月十五日祭文

列圣园陵神实保佑比颁显册封以上公申勅有司俾脩祀事從厥歲序着为彝仪

冬至祭文

瞻彼西山园陵斯在以左以右惟神之功长至届辰宜從与享尚其英爽歆此酌觞

元日祭文

陵寢孔固繫神之功式因歲元聿脩祀事

寒食祭文

陵园孔固惟神尸之相尔有功宜在祀典兹爰改火礼亦顺时往致荐羞是用昭报

大定三年十月奉上睿宗册宝奏告文

睿考祔庙礼先尊崇涓择吉辰以时昭告【云云】仰惟神鉴悉此孝诚

太庙祫享奏告文

庙祐之礼祔享有经爰命攸司择吉昭告【云云】仰惟灵鉴悉此孝诚

太庙祝文

庙祐有经睿考升祔【睿宗室曰皇考】歲序循次礼宜合食谨以一元大武【云云】肃陈明献表兹孝诚

别庙祝文

正位神仪依神别庙歲序循次适兹合食今以一元大武【云云】具陈明荐以申祫礼

大定六年祫享太庙奏告文

维年歲次月朔日辰孝曾孙嗣皇帝臣某敢昭告于始祖尊諡皇帝祖妣尊諡皇后伏以三年一祫百代彝仪惟时孟冬将致大享先期以告昭鉴其临

太庙祝文

维年月朔日辰孝曾孙嗣皇帝某敢昭告于始祖尊諡皇帝祖妣尊諡皇后歲律云周时惟冬孟载考彝仪大陈合食谨以一元大武柔毛刚鬣脰祭明粢芻合芻箕嘉蔬嘉荐醴齐用肃明献式表孝思【十三室同】

别庙祝文

维年月朔日辰尊号皇帝昭荐于昭德皇后歲律云周时惟冬孟载考彝仪大陈合食今以【云云】嘉荐醴齐备兹明献以申祫礼

七祀祝文

维年月朔日辰尊号皇帝谨遣某官銜昭告于司命户灶中霤门厉行歲序载周式遵常礼谨以粢盛庶品明荐于神

大定十四年禘祭太庙奏告文

维年月日孝曾孙子嗣皇帝某谨遣某官臣某敢昭告于始祖【尊諡】皇帝祖妣【尊諡】皇后伏以大享惟禘祭莫重焉将合于堂昭穆之序先期以告昭鉴其临

太庙祝文

维年月日孝曾孙子嗣皇帝臣某谨遣某官臣某昭告于始祖【尊諡】皇帝祖妣【尊諡】皇后伏以九庙可观五年一禘旧章兹率大祭是承谨以一元大武柔毛刚鬣脰祭明粢芎合芎箕嘉蔬嘉荐醴齐惟永孝思冀垂昭鉴别庙祝文

维年月日甲子尊号皇帝遣某官臣某敢昭荐于昭德皇后伏以九庙可观五年一禘旧章兹率大祭是承今以一元大武柔毛刚鬣脰祭明粢芎合芎箕嘉蔬嘉荐醴齐亦有音徽其歆祀事

七祀祝文

维年月日皇帝遣某官某昭告于司命户灶中霤门厉行大祭于庙兹惟其时以尔有灵宜膺秩祀谨以醴齐粢盛庶品明荐于神

大定七年仲秋为始祭太社太稷文

维年歲次月朔日辰嗣天子某谨遣摄太尉具銜位臣某敢昭告于太社惟神五土是司容养万物博厚以载德合无疆谨因仲秋【仲春】式荐明祀恭以玉帛柔毛刚鬣明粢芎合芎箕嘉蔬嘉荐醴齐备兹禋瘞用申报本以后土句龙氏配神作主

维年歲次月朔日辰尊号皇帝谨遣摄太尉具銜位臣某敢昭告于后土氏爰兹仲秋【仲春】吉日有事于太社惟神力平九州功德甚茂其徙享之典礼惟旧谨以制币柔毛刚鬣明粢芎合芎箕嘉蔬嘉荐醴齐旅于表位作主侑神

维年歲次月朔日辰嗣天子某谨遣摄太尉具銜位臣某敢昭告于太稷惟神五谷是主八政爰始人之司命功莫重焉谨因【仲秋仲春】式荐明祀恭以玉帛柔毛刚鬣明粢芎合芎箕嘉蔬嘉荐醴齐式陈禋瘞备脩常秩以后稷弃配神作主

维年歲次月朔日辰尊号皇帝谨遣摄太尉具銜位臣某敢昭告于后稷氏爰兹【仲秋仲春】吉日有事于太稷惟神诞相稼穡粒我蒸民功在祀典爰用陟配谨以制币柔毛刚鬣明粢芎合芎箕嘉蔬嘉荐醴齐旅于表位作主侑神

大定五年立春为始立土王日祭岳镇海渎祝文维年歲次月朔日辰嗣天子某谨遣具銜某

敢昭告于东岳天齐仁圣帝惟神賛养万物作镇一方式因春始用申明祀谨以牺齐粢盛庶品明荐于神

维年歲次月朔日辰皇帝敬遣具銜某敢昭荐于东镇东安公惟神賛养万物作镇一方式因春始用申明祀谨以牺齐粢盛庶品明荐于神

维年歲次月朔日辰皇帝敬遣具銜某敢昭荐于东海广德王惟神百川所归众灵是宅浮天载地坎德攸先爰及孟春用遵荐礼谨以牺齐粢盛庶品明荐于神维年歲次月朔日辰皇帝敬遣具銜某敢昭告于东渎大淮长源公惟神源流深滋潜润博洽阜成百谷疏浚三州青春伊始用遵典秩谨以牺齐粢盛庶品明荐于神

维年歲次月朔日辰嗣天子某谨遣具銜某敢昭告于南岳司天昭圣帝惟神賛养万物作镇一方式因夏始用申明祀谨以牺齐粢盛庶品明荐于神

维年歲次月朔日辰皇帝敬遣具銜某敢昭荐于南镇永兴公惟神賛养万物作镇一方式因夏始用申明祀谨以牺齐粢盛庶品明荐于神

维年歲次月朔日辰皇帝敬遣具銜某敢昭荐于南海广利王惟神百川所归众灵是宅浮天载地坎德攸先爰及孟夏用遵荐礼谨以牺齐粢盛庶品明荐于神维年歲次月朔日辰皇帝敬遣具銜某敢昭荐于南渎大江广源公惟神总纳大川朝宗巨海功昭润化德表灵长爰因夏首脩其礼典谨以牺齐粢盛庶品明荐于神

维年歲次月朔日辰嗣天子某谨遣具銜某敢昭告于中岳中天崇圣帝惟神賛养万物作镇一方式因季夏用申明祀谨以牺齐粢盛庶品明荐于神

维年歲次月朔日辰皇帝敬遣具銜某敢昭荐于中镇应圣公惟神賛养万物作镇一方式因季夏用申明祀谨以牺齐粢盛庶品明荐于神

维年歲次月朔日辰嗣天子某谨遣具銜某敢昭告于西岳金天顺圣帝惟神賛养万物作镇一方式因秋始用申明祀谨以牺齐粢盛庶品明荐于神

维年歲次月朔日辰皇帝敬遣具銜某敢昭荐于西镇成德公惟神賛养万物作镇一方式因秋始用申明祀谨以牺齐粢盛庶品明荐于神

维年歲次月朔日辰皇帝敬遣具銜某敢昭荐于西海广润王惟神百川所归众灵是宅浮天载地坎德攸先爰及孟秋用遵荐礼谨以牺齐粢盛庶品明荐于神维年歲次月朔日辰皇帝敬遣具銜某敢昭荐于西渎大河灵源公惟神上通云汉光启图书分道九支旁润千里素秋式序用率常典谨以牺齐粢盛庶品明荐于神

维年歲次月朔日辰嗣天子某谨遣具銜某敢昭荐于北岳安天 圣帝惟神賛养万物作镇一方式因冬始用申明祀谨以牺齐粢盛庶品明荐于神

维年歲次月朔日辰皇帝敬遣具銜某敢昭荐于北镇广宁王惟神賛养万物作镇一方式因冬始用申明祀谨以牺齐粢盛庶品明荐于神

维年歲次月朔日辰皇帝敬遣具銜某敢昭荐于北海广泽王惟神百川所归众灵是宅浮天载地坎德攸先爰及孟冬用遵荐礼谨以牺齐粢盛庶品明荐于神维年歲次月朔日辰皇帝敬遣具銜某敢昭荐于北渎大济清源公惟神泉源清洁浸被遐逮播通四气作纪一方 冬肇节聿修典制谨以牺齐粢盛庶品明荐于神

维大定十一年歲次辛卯十月壬寅朔二十七日戊辰嗣天子臣某谨遣摄太尉具銜位臣某敢昭告于昊天上帝伏以遙追祖武嗣守灵符祗讲旷仪肇修大报前期洁告旧典有稽仰冀威明俯垂眷顾谨以今年十一月十七日合祭天地于圆坛不敢不告

维年月日辰嗣天子臣某谨遣摄太尉具官臣某敢昭告于皇地只伏以肇举上仪有严合飨豫申祗告率迪旧章诚冀聪灵昭垂鉴格谨以今年十一月十七日合祭天地于圆坛不敢不告

维年月日辰孝曾孙子嗣皇帝臣某谨遣摄太尉具官臣某敢昭告于十一室【各书帝后諡号】伏以天明地察有国所尊将秩旷文肇称元祀前申洁告仰冀鉴临谨以今年十一月十七日合祭天地于南郊不敢不告

维年月日辰嗣皇帝某谨遣某官臣姓名敢昭告于诸陵【各书帝后諡号并贞懿皇后】天明地察有国所尊将秩旷文肇称元祀前申洁告仰冀鉴临谨以今年十一月十七日合祭天地于南郊不敢不告

维大定十一年歲次辛卯十一月辛未朔十五日乙酉孝孙嗣皇帝臣某谨遣摄太尉具官臣某敢昭告于太祖【尊諡】皇帝伏以受天成命诒我燕谋庆集眇冲运洽平泰脩明旷典大报神休礼重肇禋功宜陟配先申防告仰冀顾歆谨以今年十一月十七日合祭天地于圆坛不敢不告

维大定十一年歲次辛卯十月壬寅朔二十七日戊辰嗣天子某谨遣摄太尉具官臣某敢昭告于【太社太稷】伏以天明地察有国所尊将秩旷文肇称元祀前期以告灵鉴是孚谨以今年十一月十七日合祭天地于南郊不敢不告

维年月日辰尊号皇帝遣摄太尉具官臣某敢昭荐于昭德皇后伏为国家肇造受命于天今方聿脩郊见之礼惟灵伊迓其鉴于兹谨以今年十一月十七日合祭天地于南郊敢用昭告

维年月日辰嗣天子某谨遣具銜某敢昭告于某岳伏以礼莫重者天地之祀将迎长至肇禋于郊飭遣守臣告兹大典谨以今年十一月十七日合祭天地于南郊敢用昭告

维年月日辰尊号皇帝敬遣具銜某敢昭荐于五岳四渎【各写】伏以礼莫重者天地之祀将迎长至肇禋于郊飭遣守臣告兹大典谨以今年十一月十七日合祭天地于南郊敢用昭告

维大定十一年歲次辛卯十一月辛未朔十六日丙戌尊号皇帝遣某官告于【龙津桥壕桥】之神长梁通济往来之冲相我吉行惟神之功

维大定十一年歲次辛卯十一月辛未朔十六日丙戌尊号皇帝遣某官致祭于行神泰坛奉祀銮驾启行輶于国门稽若彝典既陈明荐防相是期

太庙朝享祝册文

维大定十一年歲次辛卯十一月辛未朔十六日丙戌孝曾孙嗣皇帝臣某敢昭告于【谥号】皇帝皇后【随室如祫享式】伏以圣德灵长流庆光遠克开厥后燕及于今肇脩郊禋昭兹嗣服载懷先烈祇谒神宫谨以牲齐粢盛苾芬庶品洁诚明荐仰祈顾歆

别庙荐享祝册文

维年月朔日辰尊号皇帝昭告于昭德皇后升礼泰坛国之大祀有严庙荐典礼攸先今以牲齐粢盛苾芬庶品备兹嘉献

七祀祝文

维年月日辰皇帝遣具官姓名昭告于司命户灶中霤门厉行称秩元祀礼先太宫用协彝章备陈嘉荐昊天上帝祝册文

维年月日辰嗣天子臣某敢昭告于昊天上帝伏以天有成命烈祖受之藐躬嗣服天其子之迄用康年繫其本始肆类于郊式昭大报谨以玉帛牺齐粢盛庶品防脩祀事太祖武元皇帝配神作主

皇地只祝册文

维年月日嗣天子臣某敢昭告于皇地只伏以有天下者父天母地尊事地察率由旧章于兹圆坛飨以并位神灵之祉申锡无疆

配帝祝册文

维年月日孝孙嗣皇帝臣某敢昭告于太祖【尊諡】皇帝伏以于皇圣祖骏命所基功加于时肇造区夏克开厥后无疆惟休燕及皇天推以克配谨以制币牺齐粢盛庶品防脩祀事侑神作主

大金集礼卷三十八

卷三十九

钦定四库全书

大金集礼卷三十九

朝会上

元日称贺仪 圣节称贺仪

曲宴仪 人使辞见仪

元日称贺仪

皇帝即御座鸣鞭报时讫殿前班小起居到侍立位引皇太子并臣寮使客合班入至丹墀舞蹈五拜平立引皇太子升露阶二阁使齐揖入栏内拜跪致词【殿下臣寮折躬】祝讫拜起与臣僚平立却引复丹墀位舞蹈五拜宣答闻制两拜宣讫舞蹈五拜各只候平立随司奏诸道表目便不分班便进寿酒两拜讫平立果床入引皇太子升褥位接擡进酒讫退复位放擡二阁使再揖入栏内拜跪致词【殿下臣寮折躬】祝讫拜起与臣寮平立退复褥位两拜宣答闻制两拜宣讫舞蹈五拜各只候平立皇太子执擡臣僚分班教坊奏乐皇帝举酒时殿上下臣僚并侍立官并两拜乐止教坊两拜接盞退复褥位转擡引皇太子降阶臣寮合班果床出皇太子至丹墀位两拜分引预宴官上殿次引宋国人从入至丹墀两拜不出班奏圣躬万福两拜有勅赐酒食两拜各只候平立次高夏国从人分引左右廊立果床入进酒皇帝饮时坐宴并侍立官并两拜进酒官接盞还位坐宴官两拜坐行酒传宣立饮讫两拜坐次从人两拜坐三盞致语揖臣使并从人立诵口号讫坐宴并侍立官并两拜坐次从人两拜坐入食七盞将曲终揖从人立两拜讫引出闻曲时揖臣使起两拜下殿果床出至丹墀合班谢宴舞蹈五拜各只候分引出

今减定拜数

皇太子并臣寮客使合班入至丹墀称贺舞蹈五拜平立阁使奏诸道表目讫皇太子已下皆再拜引皇太子升殿阶褥位搯笏捧盞盘进酒皇帝受盞置御案上皇太子退复褥位转盘与执事者出笏二阁使齐揖入栏内拜跪致词元正启祚品物咸新恭惟皇帝陛下与天同休祝讫拜起复褥位同殿下臣寮皆再拜宣徽使称有制在位皆再拜宣答履新上壽与卿等内外同庆词毕舞蹈五拜齐立皇太子搯笏执盘臣寮分班教坊奏乐皇帝举酒时殿下臣寮并侍立官皆再拜皇太子受虚盞退至褥位转盘盞与执事者出笏左下殿乐止合班在位臣寮皆再拜分引预宴官上殿

圣节称贺仪

皇帝即御座鸣鞭报时讫殿前班小起居到侍立位引皇太子并臣僚客使左右合班入至丹墀舞蹈五拜平立引皇太子升露阶二阁使齐揖入栏内拜跪致词【殿下臣僚折躬】祝讫拜起与臣僚平立却引复丹墀位舞蹈五拜了各祇候平立随司奏诸道表目更不分班便进寿酒两拜讫立果床入引皇太子升至露阶褥位接擡进酒讫退复位放擡二阁使齐揖入栏内拜跪致词【殿下臣僚折躬】祝讫拜起与臣僚平立退复褥位两拜宣答闻制两拜宣讫舞蹈五拜了各祇候平立皇太子执事臣僚分班教坊奏乐皇帝饮时殿上下并侍立官并两拜乐止教坊两拜接擡退复褥位转擡讫引皇太子降阶臣僚合班床出皇太子至丹墀位两拜分引预宴官升殿坐宴如元日之仪

今减定拜数并如元日称贺仪惟祝词云万春令节谨上寿卮伏愿皇帝陛下万岁万万岁宣答云得卿等寿酒与卿等内外同庆

曲宴仪

皇帝即御座鸣鞭报时讫殿前班小起居到侍立位引臣僚并使客左入傍折通班至丹墀舞蹈五拜不出班奏圣躬万福又两拜出班谢宴舞蹈五拜各上殿祇候分引预宴官上殿其余臣僚右出次引宋使徙人入至丹墀两拜不出班奏圣躬万福又两拜有勅赐酒食又两拜引左廊立次引高夏徙人入分引左右廊立果床入进酒皇帝举酒时上下侍立官并两拜接盏讫候进酒官到位合座两拜坐便行臣使酒传宣立饮讫两拜坐次徙人两拜坐至四盏饼茶入致语闻鼓笛时揖臣使并入从立诵口号讫坐宴教侍立官并两拜坐次徙人两拜坐食入五盏歇宴教坊谢恩讫揖臣使起果床出皇帝起入阁臣使下殿归幕次赐花人徙随出戴花了先引入徙入左右廊立次引臣使入左右上殿位立皇帝出阁座果床入坐立并两拜坐次徙人两拜坐入食九盏将曲终揖徙人至位两拜引出闻曲时揖臣使起两拜下殿果床出至丹墀谢宴舞蹈五拜分引出

人使辞见仪

皇统二年六月二十五日奏禀伏见夏国人使入见顿改为大起居拟自后人使辞见臣僚穿执止依常朝起居拜数徙之

旧例宋国人使三品官内间插高丽夏国人使五品官内间插

皇帝即御座鸣鞭报时讫殿前班小起居至侍立位引臣僚左右入至丹墀小起居引宰执上殿其余臣僚分班出阁使奏见膀子先引宋使副出笏捧书左入至丹墀面殿立定阁使左下接书捧书者单跪转接讫拜起立阁使左上露阶右入栏内奏封全转读讫引使副左上露阶齐揖入栏内揖使副躬身使少前拜跪附奏讫拜起复位立宣问宋皇帝时并躬身受勅防讫再揖躬身使少前拜跪奏讫拜起复位齐退却引使副左下至丹墀面殿立定礼物右入左出

尽揖使副傍折通讫再引至丹墀舞蹈五拜不出班奏圣躬万福两拜揖使副躬身使出班谢面天顔复位舞蹈五拜再揖使副躬身使出班谢遠差接伴兼赐汤药诸物等复位舞蹈五拜各祇候引右出赐衣次引宋人從入通名已下两拜不出班又两拜各祇候亦引右出次引高丽使左入至丹墀面殿略立引使左上露阶立定揖副使躬身正使少前拜跪附奏讫拜起复位立閣使宣问王时并躬身受勅防讫再揖副使躬身正使少前拜跪奏讫拜起复位齐退却引左下至丹墀面殿立定礼物右入左出尽揖使傍折通讫引至丹墀通一十七拜各祇候平立引左阶立次引夏使见如上仪引右阶立次再引宋使副左入至丹墀谢恩舞蹈五拜各祇候平立次引高夏使并至丹墀三使并躬身受勅赐酒食舞蹈五拜各祇候引右出次引宰执下殿礼毕

皇帝即御座鸣鞭报时讫殿前班小起居至侍立位引臣僚合班入至丹墀小起居引宰执上殿其余臣僚分班出閣使奏辞榜子先引夏使左入傍折通讫至丹墀两拜不出班奏圣躬万福又两拜揖使副躬身使出班恋阙致词复位又两拜喝各好去引右出次引高使如上仪亦引右出次引宋使副左入傍折通讫至丹墀依上通六拜各祇候平立閣使赐衣马躬身闻勅两拜赐衣马讫平身搢笏单跪受别録物过尽出笏拜起谢恩舞蹈五拜有勅赐酒食舞蹈五拜引使副左上露阶齐揖入栏内揖躬身大使少前拜跪受书直起复位揖使副齐躬身受转达讫齐退却引左下至丹墀躬身喝好去引右出次引宰执下殿礼毕

大金集礼卷三十九

卷四十

钦定四库全书

大金集礼卷四十

朝会下

朔望常朝仪 杂录

朔望常朝仪

天眷二年五月十三日详定内外制度仪式所定到常朝及朔望仪式下项勅防准奏朔旦拜日【具拜日门】朝防日供御弩手伞子直于殿门外两面排立司辰入殿报时毕皇帝御殿坐鸣鞭【其内侍退立左右擎报内侍下】 阁

门报班齐执擎仪物内侍分降殿阶两傍面南立宿卫官自都防检至左右亲卫只应官自宣徽使阁门只候先两拜班首少离位奏圣躬万福两拜弩手伞子直于殿门外奏万福山呼声喏起居毕阁门引亲王班赞班首以下再拜讫班首少离位奏圣躬万福归位再拜讫先退次引文武百僚班首以下应合朝防官入殿依位班立阁门赞班首以下起居【同亲王仪】领省宰执升殿奏事余先退阁门引教坊班奏万福山呼声喏起居两拜讫退次引合见谢辞官班【阁门先具奏知】领省宰执奏事毕下殿直出【宰执奏事具奏事门】帝初坐置宝匣于殿阶上东南角直日主宝捧宝当殿扣栏奏封全符宝郎及当监印郎中各一员监当手分令史用印讫主宝吏封授主宝俟奏事毕追封讫内侍去案百官卯时到幕次辰时视朝朔望御服靴袍百官并常服【古者天子 衣 冕以朝日盖亦有所尊其礼不敢不备今朔有拜日之仪拟同望日并靴袍一彰肃敬】常朝御服小帽红襴偏带或束带百官展紫都副防检朔望公服偏带执骨朶常朝展紫左右卫将军宿直官展紫金束带骨朶【其骨朶用玉水晶及金饰并乞如旧】左右亲卫盘裹紫袄子涂金束带骨朶所带兵械如旧主宝主符展紫金束带【以上束带拟用御仙荔枝太平等花随类一样服用】近侍给使供御笔砚符宝吏紫袄子涂金束带【每朝轮直近侍给使八人笔砚二人】宣徽阁门并常服展紫供御弩手伞子直一百人并金花交脚幞头涂金铜平钹衬花束带骨朶左右班执仪物内侍二十人并展紫涂金束带【以上禁中供奉人朝退并只便服】弩手班直等拟于殿门外东西向排立防检司赴起居时即令相应就位面北山呼讫即相向对立驾兴乃退擎御伞直遇坐朝在左班内侍上排立防检司起居毕都防检以次三员升殿陞都防检在东边近南左副又少南右副东向相对左右衛在殿下东西对立左右司侍郎随班起居毕從宰执奏事殿中侍御史随班起居毕在殿下东西对立其位在左右衛将军侍立之北仍各少前脩起居注遇视朝起居毕分班升殿陞于殿栏子外副阶下东西对立俟奏事毕退师傅起居毕御案自东入置定捧案内侍东西分下各直殿基隅侍立俟主宝封宝毕即对入殿门出案【其案始置右殿外东阶

隅由东偏门入出自西偏门置于西阶隅】案古礼王者日视事于内朝降及辽宋亦未或易拟今每日视朝以示圣虑忧勤日新聴断万几之务庶无壅滞如谓朝廷事简拟依唐制隔日视朝若止用六防方未尝有须当改易准前代六防合用一日六日十一日十五日二十一日二十六日亲王及宗室已命官者年十六以上并赴起居【宗室并随文武官班】诸色人任七品以上职事及七品以上散官克吏职【伎术官同】七品以下散官权翰林院应奉并随班起居【旧例校书郎权直史官并赴朝防】班首遇朝防有故不赴以次官押班尚书省诸司局因公事入殿门者左右司每不得过三人余司局止一人于左右亲衛外至五品以上及侍御史尚书诸司郎中太常丞翰林修撰起居注殿中侍御史补阙拾遗监察御史赴召防假【谓一月以上】除官出使之类并通班入见谢辞余官于殿门外见谢班并舞蹈七拜辞班四拜门见谢辞两拜入宫從人给牌【具杂仪式下门】遇朝防臣寮并不得将帶從人入殿门特防非遇朝防应便服人不得入殿门及于御座殿侧观看凡有礼仪御史台门告报诸司局取知委臣寮遇朝防有故不赴申牒御史台照会如不申牒而并两次辄不赴者御史台申尚书省于随品当月俸钱一色内尅罚三分之一大寒大暑大风及雨雪霪服致失礼容并放朝防即有机速事当面陈宰执于便殿【若遇雨之类御史台牒宣徽闻奏 得防仍預告报】合差司天台官昼日于宫中报时刻漏壶箭乞令较定臣寮班列合依位置牌閣门宣制贊唱其声高低拟更调习假宁休务日【具休假门】

大定二年五月御史台拟定朝防礼数防都省准行下项五品已上官职趋朝自来依制服朝服若赴省入局治事并各展早自来朝防除殿前班外若遇朔望自七品已上职事官尽赴其余朝日自五品已上职事官得赴六品已下只于本司局治事如左右司员外郎侍御史记注院等官职虽不系五品亦合并赴朝防外拜诏等礼数自来但有职事并七品已上散官并赴及前来每遇朝日已是七品已上职事官并赴缘礼部先拟七品已下流外职并入宫各于本幕次内治事更不朝防外拜诏等礼数散官职事但系七品已上者并赴今契勘四月三日台官奏奉勅防每遇朝防百官职得将帶合得人從入宫外吏员令译史通事检法各于本局等候官员朝退后赴各司局签押文字更不得依前宫内签押文字今拟七品已下流外职遇朝日亦不合入宫只于本司局治事如左右司都事有合须取奏事理令行入宫七品已上职事官依准自来条例如遇使客朝防见日依朔望日并赴据元日圣节及拜诏并遇车驾出猎送迎詣祖庙烧餅亦拟依准自来但有职事并七品已上散官并赴并再检照到正隆元年二月二十八日海陵庶人防诸赴朝防官除殿前外若遇每月朔望可七品以上职事官尽赴其余朝日自五品以上职事官得赴六品以下只于本司局治事如左右司员外郎侍御史记注院等官虽不系五品亦合并赴但朝防官并宰执今即七品已上职事官常朝日并赴伏乞尚书省详酌防批送本台勘当端的本台防到大定二年二月二十一日勅防仓场库务监当酒税七品已下今月二十一日为头便不赴朝防今再勘当到上件七品职事官除仓场监当酒税官合依已降勅防施行外其余七品职事官拟常朝日并赴

今常朝仪

亲王班退七品已上职事官分左右班入至丹墀两拜班首离位少前复位再两拜宰执升殿余官分班出朔望仪

朔旦拜日讫常朝官并府运六品已上官并左入至丹墀之东西向躬身閤门通唱讫引至丹墀舞蹈五拜又两拜讫右出望日如上仪唯不拜日

杂录

天眷三年【阙】月一日奏稟生辰正旦花宴亡辽时合用山楼一座奉勅防依例起盖

贞元二年正月山楼以万春山为名

大定五年二月二十一日学士院撰拟到壽山名额奉勅防以仁壽山为名

二十二年正月四日勅防今后防山正旦以仁壽山为名万春节以万春山为名

皇统二年六月二十三日拟奏自古无伶人日赴朝防之例所有教坊人员只合准备宣唤不合同百僚赴起居從之

皇统二年十二月十一日拟奏司天太医提防及长贰官合日防其长行七品已上止合元日庆节及人使见辞日朝從之

大定二年四月二十九日奏稟 货务使系合赴朝防若候朝退出宫缘本务发卖盐钞窃虑注滞客旅今拟除朔望外予免朝防從之

大定二十四年六月礼部会勘到大定二年三月二日大兴尹面奉勅防府运两司文字繁多每遇月一日十五日朝防外免常朝今即车驾幸上京其会宁府官并所辖七品已上职事官比依前项所奉勅防亦合免常朝并据会宁府申朔望庆元宫行礼更赴朝防两处难迭下太常寺防酌到会宁府官朔望于庆元宫合质明行礼毕趣赴朝防

大定二年十一月一日奏定随朝职官遇迎拜诏书颁降厯日接送车驾享祀祖庙等处不到者当月俸内三分内尅一【此译到字不同】

大定二年正月一日承省劄刑部呈并御史台申今若有省部诸局执事官员不赴并遇拜日拜诏迎送车驾出猎诣祖庙烧酖亦有不到官员还如何惩罚本部今拟随朝职事官并七品以上散官每遇拜日拜诏送迎车驾行查诣祖庙烧酖及省部诸局治事官员不赴者将当月请奉将三分每尅罚一分七品以上散官不在拜日之限臣等商量若准所拟是为相应奏讫奉圣旨准奏行

大金集礼卷四十